





79 Sib 220



STILLMAN DRAKE

RB160, 221

LIBRARY  
of the  
UNIVERSITY  
of  
TORONTO



M  
19-

29  
92  
Galileo 230  
253-4

DE  
ATOMIS



M  
- 21




WILLIAM T. KE

UNIVERSITY  
of  
TORONTO



DE  
ATOMIS





Digitized by the Internet Archive  
in 2024 with funding from  
University of Toronto

<https://archive.org/details/iochrysostomimag00magn>



IO: CHRYSOSTOMI  
MAGNENI

Burgundi, Philosophi, Medici, & in ce-  
leberrima Ticinensi Vniuersitate  
Regij Medicinæ Professoris

DEMOCRITVS REVIVISCENS  
S I V E

DE ATOMIS

Ad Excellentissimum SENATVM Mediolanensem.

*Addita est Democriti vita cum Indicibus necessarijs.*



P A P I Æ, Apud Io: Andream Magrium. Ann. M. DC. XLVI.

---

SUPERIORVM PERMISSV.



*Opus philosophicum Doct. Medici Io: Chrysostomi Magneni Ticinensis Professoris, cui  
titulus est Democritus Reviviscens, ego infra scriptus attentè perlegi, & cum nihil  
contineat, quod legibus aduersetur, quinimo singulari doctrina, subtilitate, ac eru-  
ditione sit refertum, idèd dignum censeo, ut Typis expressum in publicam prodeat vri-  
tatem, si ità videbitur Reuerendissimo Patri Inquisitori &c.*

*Ego Io: Baptista Belcredus Doctor Collegiatus Regius  
Interpres Primarius in Gymnasio Ticinensi, & San-  
ctissimæ Inquisitionis Librorum Censor &c.*

**Imprimatur**  
**Vicarius Sancti Officij Papiæ.**

**Comes Maioragus pro Excellentissimo Senatu.**



EXCELLENTISSIMI  
SENATVS  
MEDIOLANENSIS

ÆQVISSIMO PRÆSIDI

D. OCTAVIANO PICENARDO  
I. C. CREMONENSI

ILLVSTRISSIMIS CONSVLTISSIMISQVE

SENATORIBVS

D. ALOYSIO BELCREDIO I. C. Ticinensi.

D. IO: BAPTISTÆ BONETTO I. C. Cremonensi.

D. PETRO PETRACINO I. C. Laudensi.

D. IO: ARIAS MALDONATO I. C. Hispano.

D. OTHONI CAIMO I. C. Mediolanensi.

D. ANDREÆ ALIFERO I. C. Mediolanensi.

D. MATTHÆO BIMIO I. C. Mediolanensi.

D. IO: BAPTISTÆ CANTONO I. C. Alexandrino.

D. ALFONSO DELRIO NORIEGA I. C. Hispano.

D. FABIO FRANCISCO DVGNANO I. C. Mediol.

D. GVIDO BONO CAVALCHINO I. C. Ticinensi.

D. CAROLO PATELLANO I. C. Mediolanensi.

D. AVGVSTINO NAVARRO BVRENÆ I. C. Hisp.

*Jo: Chrysostomus Magnenus immortalē gloriam P.*





## PATRES AMPLISSIMI.



**C**ONSECRO vestro nomini philosophiæ meæ primitias, quæ vobis prius destinatæ sunt quam natæ : ijs singulares vniuscuiusque vestrum adoraturus eram virtutes, at nunc insigne mihi à vestra munificentia collatum agniturus beneficium; quo scilicet me in emeritorum subsellia euexistis, dum Regium nominauistis Professore, & honorario meritis meis maiori auxistis. Sentio satis tanto plus à me expectari quo gradus maior est in quo me esse voluistis; neque verò fauistis vt ignauia otioque torperem, sed quam ab vnoquoque vestrum grauissimam accepi adhortationem dum adiuui singulorum domos, beneficentissimas in me manus venerabundè delibaturus; *viderem vt spei de me conceptæ responderent facta, expleremque omnium expectationem*, hæc inquam admonitio ita insedit menti vt vires animosque dederit ad referendos Elyfios, rediuuium vobis stituro Democritum, cuius sapientissima doctrinam dudum interpretem sibi exposcebat vel apologiam. Reuerà cum amicorum suasionibus adductus fui vt ab physica quadam tractatione typos lacefferem, diu animo fui inter varias designationes fluctuante; Dum itaque anceps animi consilium meum excutio, id quod Seuerinus ille Boetius ordinis

Sena-



Senatorij, triumphantifq; togæ sapientissimum ferculum,  
 sibi in carcere detento contrigisse finxit cum philosophia ipsa  
 colloqui, id enim verò mihi in musæo pene accidit, veterum  
 iuniorumq; Sapientias audire disceptantes: illa quidem ob-  
 soletis vestibus, obscuro vultu, vixq; humani quidquam ob-  
 lutum, & squallorem retinente; hæc autem loquacior, com-  
 ptula & fastu pene tyranico superba; at ubi antiquior Se-  
 niorq; sapientia plurimà aquà serenum sibi nariumq; vul-  
 tum sorditie abiectà restituit, tunc enim maiestatis visà mi-  
 hi est pene adorandæ, vnumq; pro se adduxit argumentum  
 quod scilicet propior origini, æternæ scilicet veritati, ab ea  
 minus aliquanto quam iunior sophia aberraret: atomorumq;  
 opinionem veluti grande palmariumq; mentium humana-  
 rum opus produxit in medium, reliquitq; me in hac atomo-  
 rum cogitatione defixum. Ea sanè digna visà est quæ ab  
 ipsius antiquioris Sapientiæ ore prodiret, appositumq; vobis  
 munusculum duxi, tum quod id opus à nullo hætenus fue-  
 rit pertractatum (Sennertus si quidem qui vno capite de  
 illis agit atomos nequaquam, sed minima physica dari pro-  
 bavit) tum etiam quod subtilissimæ indagationis, in præ-  
 struendis principijs, & ad stabiliendam doctrinam, elicien-  
 dasq; consequentias, plurimum haberet. *Res ardua est ve-*  
*tustis novitatem dare; novis auctoritatem, obsoletis nitorem, ob-*  
*scuris lucem, fastiditis gratiam, dubijs fidem, omnibus verò na-*  
*turam, & naturæ sua omnia: itaque etiam non assecutis voluisse*  
*pulchrum est.* Non explebo vnquam vel assequar exquisitis-  
 sima Democriti sensa, sed sicuti pueri olim repandis vlnis  
 Rhodij Colossi digitos metiebantur; ità vastas huius inge-  
 niorum Pitænicis cogitationes veluti pumilo nisu ambiri à  
 me perspicietis; Democritum itaq; luci nostræ restituere  
 placuit, & tanto philosopho ad celeberrimum tot philosophis

seculum esse admissionalis, vitam illi concessi posthumam, mixtasque minutissimis cineribus eius corporis atomos ab antiquorum ruderibus, rogisque eruere sum conatus: imperfectum sanè spirat, lucisque huius usuram ab vestra protectionis aura sibi exposcit, cæteroqui si fauore destituatur vestro comburetur iterum, fatoque illi subiacebit acerbissimo, quod exsuscitatum impijs artibus ab Erichone cadauer de quo eloquentissimus Poeta Lucanus

*Vadit defunctus ad ignes:*  
Absit hoc omen: fouebitis enim virum legislatorem, Senatus abderitani præsidem, diuinæque si Herculem consecramus, nobilitatis; amplectentur Hippocratis amicum Medici, scientiæque vniuersalis virum docti omnes apud quos id fortè promouero, ut illorum aliquis excultionis ingenij id perficiat, cui principium dedi. Vos interea, PATRES CONSCRIPTI, conatibus meis fauete, & dum alij cælos integros, fori contentiones, medelarumque volumina vestris aris appendent, aromum etiam inter ea donaria adesse patiamini. *Valete.*

*Ticini Regij prid. Kal. Maij*  
*Anno M. DC. XLVI.*



# S Y L L A B V S

## Disputationum, & Propositionum de Atomis.

### PROLEGOMENA.

<b>D</b> emocriti vita pag.	1	Synopsis doctrinae Democriti pro	
Libri à Democrito scri-		atomis	21
pti pag.	8	Distributio eiusdem doctrinae per	
Testimonia de sapientia, & do-		capita.	26
ctrina Democriti.	15	Præfatio ad Lectorem	28
Inuenta Democriti	20		

### DEMOCRITVS REVIVISCENS SIVE DE ATOMIS.

Fundamentum totius Operis eius  
distributio, & methodus 31

#### DISPUTATIO I.

An detur materia prima diuersa  
ab elementis. 33

Definitiones 33

Principia 34

Postulata 35

Caput I. Elementa esse mate-  
riam primam. 35

Propositio I. Quatuor sunt ma-  
teriæ primæ proprietates ab ip-  
sâ insparabiles: prima ut sit  
primum vniuscuiusq; corporis  
subiectum secunda ut in om-  
nibus corporibus naturalibus

eadem reperiatur inesse, ter-  
tia ut sit ingenerabilis, & in-  
corruptibilis, quarta ut in  
ipsâ corpora omnia per dissolu-  
tionē ultimā resoluantur. 36

Propositio II. Elementa sunt  
primum vniuscuiusq; corporis  
subiectum, in omnibus corpo-  
ribus naturalibus eadem re-  
periuntur inesse, sunt ingene-  
rabilia, & incorruptibilia,  
quodlibet corpus in ipsa per  
dissolutionem ultimam reso-  
luitur. 37

Propositio III. Elementa sunt  
materia prima. 48

Pro-

# SYLLABVS.

*Propositio IV. Materia prima quam Aristoteles proponit ex Aegyptiorum mente, omnino inutilis est, tum physico, tum medico.* 49

*Caput II. De natura, numero, & proprietatibus elementorum, iuxta Democriti placita.* 49

*Propositio V. Quatuor sunt Neotericorum de Elementis opiniones praeipuae.* 50

*Propositio VI. Elementa iuxta Democriti placita definita.* 52

*Propositio VII. Elementum non componitur ex materia, & forma.* 54

*Propositio VIII. In quouis elemento tria sunt primario considerata, primò moles substantialis corporea: secundò qualitas prima; tertio appetentia mixtionis. Secundario autem elementa contemplanda sunt ut partes uniuersi, & ut mobilia localiter.* 56

*Propositio IX. Nō est satis probatum à philosophis dari quatuor elementa.* 59

*Propositio X. Aer non est elementum.* 65

*Propositio XI. Dantur tria tantum Elementa, Terra, Aqua, Ignis.* 70

*Propositio XII. Definitiones primarum qualitatum ab Aristotele traditae, sunt impropriae, quare alias afferre tentauimus.* 72

*Caput III. Satisfit obiectionibus contra superiorem Democriti doctrinam.* 76

*Obiectiones contra incorruptibilitatem, & numerum Elementorum.* 77

*Obiectiones contra ternarium elementorum numerum* 83

*Propositio XIII. Aer caret grauitate, & leuitate.* 86

*Obiectio contra aeris indifferen-  
tiam* 91

---

## DISPUTATIO II.

*De cōpositione rerū ex atomis* 94

*Definitiones.* 95

*Principia.* 96

*Posulata.* 98

*Caput I. Sententiae celebres de*



# SYLLABVS.

compositione continui	98	da ratione vacui, tertia ratio-	
Propositio XIV. Continuum nõ		ne mixti.	116
constat ex punctis mathema-		Propositio XXII. Datur sym-	
ticis.	98	pathia inter atomos.	118
Propositio XV. Continuum nõ		Propositio XXXIII. De ato-	
cõponitur ex partibus, et pun-		morum paruitate aliquid conie-	
ctis mathematicis simul.	100	cturà asequi.	122
Propositio XVI. Continuum non		Propositio XXIV. Atomis ae-	
cõstat ex simplici entitate ante		ris insitum est, & proprium cũ	
diuisione indistincta.	101	alijs vniri nunquam.	125
Propositio XVII. Continuum		Propositio XXV. Quomodo se	
non constat partibus syncate-		habeant atomi igneæ, aqueæ,	
gorematicè infinitis.	102	& terreæ ad unionem deter-	
Propositio XVIII. Numerus		minare.	126
partium continui non est sicuti		Propositio XXVI. Atomis sua	
numeri finiti possibiles.	102	inest figura.	129
Caput II. Quod omnia ex ato-		Examen doctrinæ Platonice de	
mis consent.	104	elementorum figuris.	130
Propositio XIX. Continuum cõ-		Propositio XXVII. Atomis	
ponitur ex atomis, siue corpu-		igneis figurã assignare ex De-	
sculis finitis numero, ad aqua-		mocrito.	138
tè inter se distinctis, certæ &		Propositio XXVIII. Atomo-	
determinate areæ.	104	rum terrearum figurã ex De-	
Propositio XX. Atomis defini-		mocrito determinare.	143
tionem dare.	113	Propositio XXIX. Atomorũ	
Caput III. De atomorũ pro-		aquearum figuram determi-	
prietatibus.	116	nare.	149
Propositio XXI. Omnibus ato-		Propositio XXX. De atomo-	
mis conuenit triplex mobilitas		rum aerearum figura iuxta	
prima ratione vniuersi, secun-		Democritũ pronuntiare.	153

# SYLLABVS

Propositio XXXI. Motus atomorum ad figuram potest explicari analogice. 155

Caput IV. De mixtione, & dissolutione atomorum. 160

Propositio XXXII. Mundi genesis explicare per atomos iuxta Democritum. 160

Propositio XXXIII. Modus agendi atomorum est triplex: Primus per intrusionem sui in poros: Secundus per propagationem qualitatis in spatio libero: Tertius per inhibitionem qualitatis contrariae. 166

Propositio XXXIV. Modus quo atomi miscetur explicare. 169

Propositio XXXV. Plures sunt mixtionum gradus, una ordinatur ad perfectiorem, & mixta simpliciora perfectiorum sunt materia, mixtiſq; plurimi insunt pori qui ab atomorū seriatiim positarum connexionem ortum habent. 172

Propositio XXXVI. Explicatur dissolutio mixti ex Democriti principijs. 178

sive, paradigma explicandi ardua quacvis per corpusculorum doctrinam. 183

Thema Philosophicum. 183

Status questionis. 183

Investigatio generalis. 183

Color, siue adaptatio. 185

Resolutio questionis. 186

Annotationes. 186

Reflexio. 187

Caput V. Difficultatum in questione continui solutio ex proprijs atomorum principijs. 188

Seminarium Responſionū ad argumenta mathematica. 188

Lemma I. Mathematica abstrahit ab omni materia, & subiecto reali. 188

Lemma II. Diuisibilitas extrinseca non infert diuisibilitatem intrinsecam. 189

Lemma III. Non sunt expendendae actiones physicae regulis geometricis. 190

Obiectiones mathematicae. 191

Obiectio I. De triangulo. 191

Obiectio II. De quadrato. 191

Obiectio III. De circulis concentricis. 193

Obiectio

DEMOCRITVS Docens,



# SYLLABVS.

Obiectio IV. De circuli tetra- ragonismo. 194	pars B quàm maiores, & ma- iores in infinitum in eadem atomo ABC possumus as- signare. 204
Propositio XXXVII. Pro- blema. Meniscum, siue lu- nulam quadrare. 196	Obiectio IX. De motu rotæ. 208
Obiectio V. De linea conchi- li. 197	Obiectio X. De comparatione maioris, & minoris exten- sionis. 209
Propositio XXXVIII. Dā- tur lineæ quæ productæ in infi- nitum sumper magis, ac magis accedunt, nunquam tamen vel intersecant se, vel se tan- gunt, & quamvis aliunde di- stent magis, & magis in infi- nitum, nunquam tamen ul- tra certam distantiam à se in- uicem abesse possunt. 198	Obiectio XI. De luminis propa- gatione, & figuratione. 210
Scholium. 100	Obiectio XII. De illumina- tione globi. 212
Obiectio VI. De contactu glo- bi, & plani. 201	Obiectio XIII. De continuo, & tempore. 214
Obiectio VII. De lineis inse- cabilibus. 202	Obiectio XIV. De quantita- tis ratione. 214
Propositio XXXIX. La- tus quadrati est incommensu- rabile longitudine cum diame- tro sua. 203	Obiectio XV. De indiuisibili- bus simul iunctis. 216
Obiectio VIII. De angulo con- tactus, & angulo acuto. 204	Obiectio XVI. Argumentum Zenonis. 216
Propositio XXXX. In ato- mo ABC potest designari	Obiectio XVII. Contra indi- uisibilitatem atomorum. 217
	Caput VI. Respoñsa ad Obie- ctiones singularem atomorum, doctrinam impugnantes. 217
	Obiectio I. Pro Aristotelis tex- tu 66. 3. de celo cōtra id quod diximus proposuit 26. tetrae- dra nō posse repleri licet. 218
	Propositio XLI. Tetraedra nō replent

# SYLLABVS!

replent locum solidum.	219
Obiectio II. De Atomis, &	
vacuo Democriti.	223
Obiectio III De mixtionis im-	
perfectiōe.	223
Obiectio IV. De motu, tem-	
pore, rarefactione cōdensatione-	
intensione, & remissione.	223

## DISPV TATIO III.

De consequentijs. præcipuis ex	
Democriti philosophia deduc-	
tis.	225
Definitiones.	225
Principia.	226
Postulata.	227
Caput I. De motu locali ato-	
morum.	228
Propositio XLII. Quamuis	
admitti debeat gravitas, &	
leuitas popularis, nihilominus	
tamen nō datur gravitas neq;	
leuitas strictè, & philosophi-	
cè dicta.	228
Propositio XLIII. Motus lo-	
calis est. entitas. permanens,	
tota simul in natura, & su-	
cessiua in connotatione, cuius	
causa productrix. est solus im-	
petus.	233

Obiectiōes. Contra doctrinam	
Democriti de motu locali.	237
Obiectio I. De motu tardissimo,	
& velocissimo.	237
Obiectio II. De quietibus, &	
saltibus, siuè transmissiōe.	
spatiorum non transiendo per	
medium.	238
Propositio XLIV. Circularis	
motus in volutatione tripli-	
citer fertur, motu scilicet pro-	
gressiuo, motu regressiuo, &	
circa centrum, maior autem	
est retrocessio in maiori circulo	
quàm in minori.	240
Obiectio III. De successiōe	
motus.	244
Caput II. De rarefactione,	
& condensatione iuxta De-	
mocritum.	245
Propositio XLV. Rerum quo-	
tidianus. vsus rarefactionis,	
& condensationis naturam	
ostendit.	245
Propositio XLVI. Unica ato-	
mus siue rarefactione, siue in-	
flatione aut reproductiōe po-	
test naturaliter occupare ma-	
io rem, et maiorem locum in in-	
finitum.	247



# SYLLABVS.

Propositio XLVII. Quamuis admitti debeat aliqua in natu- ra rarefactio improprie dicta, nulla tamen datur propria, & legitima: siue omnis rarefa- ctio fit per intrusionem atomo- rum, condensatio per extru- sionem.	150	tum.	258
Obiectio de multiplici experientia qua videtur concludi rarefa- ctio, & condensatio.	253	Propositio XLIII. Potissi- ma corporum alteratio fit per ordinem, & positionem mul- tiplicem atomorum, remissio per solutionem ordinis.	258
Caput III. De alteratione, intensione, & remissione qualitatum iuxta Democri-		Caput IIII. De Colorum gene- ratione iuxta Democritum.	264
		Propositio XLIX. Color est lu- men internum coporum ab ato- mis igneis diffusum, & per ali- as atomos refractum.	264
		Obiectiones.	272
		Conclusio totius Operis.	276

FINIS SYLLABI.

# PROLEGOMENA

S I V E

## Anteloquia ad doctrinam Democriti de atomis autorandam, & melius intelligendam.



*VM primogenitam inter omnes sapientum sectas atomorum philosophiam restituere designauerim, eiusque opinionis famam mille calumniis obsoletam vindicare, operæ pretium visum est anteloquia quædam præmittere in quibus curiosus lector de vita, moribus, scriptis, ingenioq; illius qui eam sententiam acuratissimè omnium pertractavit iudicare posset; adde quod necessarium fuit selectis autoritatibus ostendere legitima fuisse illius institutoris placita, quæ à me deducuntur, tum maioris claritatis gratiâ universam in synopsi tanquam in thesibus unoq; aspectu colligere opinionem, & tandem in præfatione ad lectorem de huius temporis philosophis deq; meo instituto pauca disserere. Præcipuus atomorum patronus fuit Democritus quem Abderitem alij, alij Milesium vocauerunt hos inter fuit Blancanus in Chronologia mathematicarum. Ille est Democritus cui risum insanum affinxerè litteratorum plebs, huius vitam innocentissimam, mores probabiles, subtilissimos libros, stupenda inuenta, laudes meritis minores, doctrinamq; curiosam aquæ ac facilem paucis his prolegomenis accipe.*

DE



# DEMOCRITI VITA.



VANTVM authoritas hominum opinionibus imponit, tantum nosse interest authorem eorum, quæ adducuntur in medium; ob id plurimos de rebus à Democrito gestis, scriptis, dictisue consului, ut tum meæ tum aliorum cupiditati satisfaceret. Omnes honorificam de eo faciunt mentionem: ut *Hipocrates sibicoanus, Aristoteles, Theophrastus, Ælianus, Seneca, Constantinus Cæsar, Plinius, Iulianus, Lucretius, Plutarchus, Eustatius, Athenodorus, Athenæus, Diogenes Laertius, Lucianus, Apuleius, Petronius Arbitrator*, alijq; minores litterarum Genij quos post tanta nomina laudare nefas sit.

Ante annos bis mille supra 166., sexcentis, & octoginta post excidium Troianum annis, æternæ mentis Numen duo molitum est ædificia, Imperij scilicet Romani fundamenta iecit dictatore L. qui Imperatores referret creato, & sapiëntiæ collosum erexit in Thracia effuso in lucem *Democrito*; ut dum caput orbis cæterę genti humanæ iura diceret, Democritus regnaret in omnium ingenia. Non parum contulit ad erigendos eius animos natalium splendor, qui plerumq; circumstantium pomparum familiaritate altas cogitationes inspirat designationesq; maiorum gloria non indignas. Inuenit cælestem nobilitatem domi; erat enim *Herculis* ex fratre nepos, ut testatur *Abderitę* epistola ad *Hippocratē* ex *Oenopidis* familia; reperit opulentiam præterea, regios philosophos patris domesticos, penates Monarcharum hospitalitate inclytos, celebres sapientum conuentus foris, & ubiq; addiscendi opportunitatem.

Cum Xerxes apud Democriti patrem esset hospitatus, regio munere gratiam illi rependit; Is doctissimos Persas, quos ob reconditam sapientiam magos vocant, Caldæosq; astrologiæ peritissimos hospiti suo reliquit, qui Democritum diuinæ cælestisq; scientiæ mysterijs initiarunt, & cum viuacis ingenij iuueni admirationem sui fecissent, siuè sua reuifendi cupiditas consilium corrumperet, siuè quod omniratione cumulatam sui discipuli sapiētiam optarent, exterorum ingesserunt curiositatem. Patre ergo demortuo hæreditas fratribus tribus diuisa est, quorum minimus natus Democritus minorem vltro sibi poposcit portionem: Ea peregrinaturus erat accommodata, ut pote pecuniæ vis, quæ centum auri talenta, hoc est, iuxta plurimorum calculos, sexaginta aureorum millia faciliè excederet. sed quamuis ea electio in fratrum commoda videretur, suspitione tamen vexarunt Democritum, quasi subdolosè moliretur aliquid; adeò ambiguè creditur ingenioso.

Præceptoribus itaq; suis viæ ducibus, consuluit in Ægypto Gymno sophistas, sacerdotum geometriam audiuit, & ad interiora Aliæ scientiarum ingeniorumq; triumphator penetrans Caldæorum principes per totam Persidem inuestigauit; tum reflexit se ad Arabicum sinum, vbi sacra ciuilibq; doctrina felicioribus auspicijs excolebatur. Vidit in India quidquid magorum arx portenti clauderet, quam pene fabulosam nimio miraculo facit Philostratus: congressuq; cum litteratis hisce habito, lustrauit Æthiopiam, & ubiq; perspicacis ingenij, honestæq; liberalitatis vestigia reliquit. Enim verò regressus in patriam omnium egens præterquam doctrinæ Damasum fratrem patri cognominem, paterno in se animo est expertus; Ille enim fundi hæres paterni copiosissimo reditu sublimem, Oenopidis familiæ gradum alebat; dum purius patrimonium, sed quod ideo facilius effluit, aurum scilicet cusum signatumq; paucis



paucis annis Democritus exhaustisset.

Quod mille minis, inuitâ Minerva, studium vix delibant pueri, id etiam adolescenti Democrito ita placuit ut in voluptuariam domum, quæ horto paternisq; ædibus ferè adhebat, secederet, ut commodius in eo silentio libris naturæq; contemplationi dederetur; reuera ita defixus erat in cogitatione animus, ut licet sacrificium iuxta Orphei præscripta Deo Patri Pater appararet, non aduerterit nisi tùm demum cum monitus fuit, facienti assisteret. Hoc excolendæ mentis studium, quod voluptatis adoratio iuuentuti adedò incommoda, quod rei augendæ cupiditas quæ virilem ferè ætatem fascinat nulla ratione potuerunt minuere, ad extremam vsq; senectutem seruauit; tâtum interest pulcherrimo otio à pueris assuescere. Auri pecuniarumq; contemptor quam qui maximè, diuitias enim, ut ait Seneca de prouidentia, *tamquam onus bonæ mentis proiecit.*

Italicæ sectæ princeps fuit *Pherecydes*, cui *Pythagoras*, & deinde *Telauges filius* tanto parenti non impar in philosophico regno successit, sceptrum deinde *Xenophani* datum, postea caput renunciatus est *Parmenides*, post hunc conscendit pulpitum *Zeno Eleates*, deinde *Leucippus* qui moriens *Democrito* locum cessit: antequam tamen has partes obtineret rempublicam administrauit patrij consilij, arbiter, leges sanxit, optimasq; consuetudines inuexit; ita ut totius Ciuitatis curam, oculosq; in se conuerteret, & instar cælestis cuiusdam numinis coleretur. Verum cum innata confirmataq; per tot annorum curricula discendi scribendiq; cupiditas eū publicis negotijs non rarò subtraheret, quæreretq; solitudines, sepulcris præterea frequentandis non abstineret, exploraret imaginationis vires, felicem specierum visibilium opinionem explicaret, rarasq; vulgaribus ingenijs disciplinas crederet, in de-

mentis suspicionem venit: neq; satis ab ea illum suspicionem vindicauit Hippocrates; quin etiam Seneca populari errato sit assensus. Diuino senis nostri iudicio absolutus est, sapientięq; cumulatissimę renuntiatus, quippe qui non seipsum modo, verum etiam si quem alloqueretur sapientissimum felici contagione faceret.

In ea solitudine libros conscripsit quorum syllabum connectam; chymicis vacabat operationibus; naturę explorabat in plantis vires; astrorum naturam motusq; contemplabatur: ibi specierum visibilium effusiones, quibus adeo ætas nostra gloriatur, adinuenit primus; neq; aliã ratione frequentata ab ipso sepulcra crediderim, quam vt obscuritatis fauore imagines rerum melius detegeret; illapsę enim per foramina in obscurũ species in oppositis parietibus albis produnt se se. Astrologiam calluit quamqui maximè, planetarumq; numerum septenario nõ limitari pronunciauit, authore Seneca; nostrisq; ideo huius sæculi *Keppleris*, *Galilais*, *Scheineris*, *Reitenisq;* palmam præripuit. Prædixit plurima quę diuinitatis famã honoresq; etiam conciliarunt, quod effectus naturales suis in causis futuros præcognosceret, & ea quę nunc arcana pro plantis herbisq; fucandis, inscribendis fœcundandisq; à plurimis tanquam noua venditantur, Democrito adscribi debent, teste Constantino Cæsare in lib. de agricultura: lac ab Hippocrate oblatum, capellę quę primò pepererat, & nigrę esse cognouit: diligentię curiosissimo miraculo.

Imo vt aliqua à festiuo philosopho subdamus minus seuera, puellam Hipocratis comitem Virginem primo, sequenti verò die fœminam salutauit quod nocturnę deflorationis vestigia in eius oculis perciperet; inuisã generis humani dimidio sagacitate.

Facundię erat gratissimę quęq; animos deuinciret; qui genuinus



genuinus est eloquentiæ character; unde in priuatis etiam sermocinationibus ea afferebat sermonis condimenta, vt omne fastidium abesset, arteq; fuit adeò mirabili, vt quod naturæ vires superat, mortuam Darij Regis coniugem ad vitam reuocare lugenti principi, consolationemq; omnem respuenti promiserit: audiuit magna cupiditate audax propositum Darius recepitq; daturū se quidquid ad inferos referandos esset opus; petijt à Rege, *trium nomina qui luxissent nunquam*: tractabiliorēq; Regis animum ea propositione, quæ communem hominum sortem explicat, ità solatus est, vt quietè deinceps desiderium coniugis pertulerit nihil ingeniosius eo artificio adinuenit vnquam Rhetorica, *hæc Iulianus in epistola ad Amerinum*. Morum præterea integritas pudicitiaq; tanta vt rationibus exemploq; rarum veneris vsum commendaret, *vt post Plinium, ait Rodericus à castro l. 3. c. 4. de natura mulierum*: vnicum è coniuge filium suscepit Protagoram Abderitem, qui à patris sapientia abfuit quantum à viro puer *vt testatur Ælianus lib. 1. c. 23.* faretur equidem *Laertius, Protagoram, Democriti auditorem*, sed parentem assignat, *Artemonem, Apollodorus, & Dion in Persicis Maandrum*. Protagoras tamen quamuis tantum à præceptoris, vel Patris sui Democriti abfuerit sublimitate, *Sapientia*, vocabatur teste Phauorino, elogio planè insigni quod vnica informatum viuentemq; sapientia celebrat; eumq; valdè suspexit Plato qui ei dialogum inscribit, & Apuleius in apolog. & in flor. l. 3.

Natus erat ad amicitias Democritus, unde, & Hippocrati medicorum Principi percarus, quo etiam nomine veneracionem apud præcipuos medicinæ vindices meretur: Philolao vsus est familiarissimè, cum Leucippo doctissimam amicitiam coluit: at verò non nihil simultatis fouis in Anaxagoram, quem insecutus est publicè quod sibi opiniones de sole, & luna arro-

garet quas à Democrito mutuas tantum habuerat, easq; à priscis ad se deriuatas ingenuo famæ contemptu confessus est: dignus planè cuius gloriæ consultum sit qui ità antiquorum dignitati fauit: ceterum præter eam simultatis occasionem aliā referunt; Anaxagoras ab tanti viri consortio auram captans popularem illum ijs horis adiuit quibus necessitas vnumquemlibet officiosis vrbauitatibus deesse cogit; excusatum ergo colloquium est; quam repulsam iniquè ferens Anaxagoras in sui contemptum reflecti existimauit; sed præter stolorum digladiationes nihil cruenti hæc inimicitia peperit: plurium præterea familiaritatem fouit, quod seueritatem vitæ, scientiarumq; profundissima arcana, miris leporibus condiret, & facetissimus idem idemq; grauissimus videretur: præterea tot gentibus lustratis, tot ingeniorum concursatione cicur, excultusq; animus, facillimè ad aliorum genium inflectebat se se: duo enim sunt, quæ præter institutionem à puero vrbauum flexibilem; reddunt, gerere vel sua vel aliorum negotia ciuilia, & nationes lustrare.

Socratis ambiuit culloquium, & cum lycæi contentiones fecissent Athenis nomen, illuc occultus ingeniorum doctrineq; explorator penetrauit, gloria quam in illo litteratorum theatro tulisset spreta; voluptatem præterea maledicentiæ quæ viros in litteris illustres non rarò titillat, ita auersatus est vt innoxijs facetijs solummodo luderet, serenq; potius vultu prodiret in publicum quam (licet aliquantulo tempore id ab eo sit factum) vt effuse riserit semper, quod ineptè quidam existimarunt hoc enim viro in Ciuitate sua Prædidi, Legislatori, Principi, Philosopho omnem abstulisset authoritatem, & qui ob secessum solitudinisq; amorem dementiæ est accusatus ob ridendi sine ansa consuetudinem stultissimus leuissimiq; mortalium esset æstimatus; tantum abest, vt sapien-



*vita, corpus sapientie, Philosophia, in scientijs pentathlos*, ab Hippocrate, Abderitanis quos inter degebat, & Anaxagora esset salutaris, alijsq; nobilissimis honestatus ubiq; fuisset elogijs: furorem potius quam risum ipsi *Athenaus, & Seneca* adscripsere deditq; inter alios Aristoteli occasionem tantum tribuendi in problematibus bili utriq; pro præstantioribus ingenijs.

Defecisse senio testatur Laertius; pene furem sub vitæ ultimam periodum scripsit Athenæus, & ille quidem odore panis triduo vitam protraxisse, dum Cerealia celebrarentur, ne eius sorores funeris causa ab cætero mulierum conuentu abessent; hic autem aereo melle fouisse vitam narrat in sapientum cœnis lib. 2. c. 3. reuera melle Pythagoricorum more delectabatur Democritus, Pythagorei enim præter mel pani adhibebant omnino nihil; Rogatusq; Democritus quomodo sanitati providendum esset, *si exteriora, inquit, oleo, interiora melle irrigentur.* Suam experientia valde fauorabili confirmavit opinionem, vita ad centesimum nonum annum prorogata. Sed enim lege cautum erat ne qui patrimonium consumpserat sepeliretur, viuens itaq; sibi iustorum funebrium ius recuperavit Democritus, recitato publicè eximio palmarioq; opere suo quod diacosmum magnum seu de mundorum systematibus composuerat, vnde non sepulturæ modo ius, verum etiam quinque aureorum millia pro lecturæ suæ honorario abstulit; eiq; posite sunt statuae quibꝰ peculiaris honor habebatur, eusq; in eius honorem nummi. Senatus populiq; Abderitani publico luctu ingenti pompa elatus est. Hæc fuit Democriti vita, hic finis. Quoad eius personam habitumq; corporis vt hoc annotationis demus Phytognomicis, & Metoposcopicis pauca annotauimus. Ipse Democritus (ait Hippocrates in epistola ad Damagetum) *Sub ampla, ac humilima platano sedebat in veste crassa; citra humeros desinente, solus, discalceatus, super lapidea sede, valde palli-*

*luscus ac macilentus promissa barba.* Lusciosis oculis fuisse videtur indicare Poeta vetus apud Gellium, Democriti enim oculos dicit luscificatos fuisse; fronte fuit mediocri, lineis constanti tractu sulcatis sed modice longis, minusq; profundis, naso inter aquilum, & simum sed simo magis, labris tantisper huius, statura quam diuitem vocant: solitudini deditus ubi solus nonnumquam subridebat: in arguendo audax plusquam decuit ut patet in epistola ad Hippocratem; ingenio quoad mores priuatos seu monasticam raro, quoad ciuilem satyrice, ad politicam serio, ad œconomicam indifferenti, in physicis præcelluit, herbarum præsertim magiæq; naturalis, ut vocant, arcana pleraq; prodidit quod testantur Seneca, Plinius, Constantinus Cæsar. temperamento herculeo fuit ex bile, & melancholia, hæc constantem, illa viuidum prumptumq; reddidit. Floruit maximè sub Peloponesiaco bello 300. anno ab V. C. ut refert Plinius l. 30. c. 1.

Scripsit autem Moralia, Physica, Mathematica, Philologica, & Mechanica, hæ sunt quinque eius operum classes hi vero libri quorum plerosq; à Diogene Laertio accepi; reliquos cum suo teste laudo.

## MORALIA.

- 1 Pythagoras.
- 2 De affectu sapientis.
- 3 De his quæ sunt apud inferos.
- 4 Tritogenia, hoc est quod omnia ex tribus fiant quæ omnia humana contineant.
- 5 De probitate seu virtute.
- 6 De copiæ cornu.
- 7 De sedatione animi, hoc est de tranquillitate, eius libri mentionem fecit Seneca.



- 8 Commentariorum vel domorum, idest de œconomica disciplina.
- 9 Euesto, de felicitate seu felici statu perierat iam Thrasyli tempore hic liber.
- 10 Scripsit etiam librum cuius titulus erat, Sermo operis umbra ut videtur innuere Anaxagoras.
- 11 Legales causæ.

PHYSICA.

- 1 Magnus diacosmus, palmarium Democriti opus in 12. saltem libros diuisum, quod tamen Leucippo adscribit Theophrastus, sed enim illum publice recitauit, ut ait Antisthenes, citaturq; à pluribus antiquis tanquam legitimus Democriti partus ut ab Epicuro epist. ad Herodot.
- 2 Paruus diacosmus: hic, & superior de mundi machina agebat, si titulus idem dat libri; hic tamen de huius mundi compositione, alter verò de mundo isto deq; alijs quos innumeros sibi persuadebat.
- 3 Cosmographia. Lustratas à se provincias complectebatur siquidem maximam orbis partem viderat.
- 4 De sideribus vagis seu planetis: in isto libro alios planetas præter septem vulgatos asserebat quod postea nuntij siderci prodiderunt: id extra dubium ponit Seneca l. 7. nat. q. c. 3.
- 5 De natura.
- 6 De natura hominis siue de carne, hic liber consecratus est Hippocrati à Democrito extat enim epistola ea de re apud Hippocratem nu. 37. qua quam floridè scripserit Democritus manifestè apparet.
- 7 De mente.
- 8 De sensibus.
- 9 De anima.
- 10 De liquoribus.

- 11 Decoloribus.
- 12 De differentibus fragoribus hoc est de sono.
- 13 Iudicium rerum naturalium.
- 14 De imagine seu præuidentia.
- 15 De pestibus.
- 16 Normę seu canones: hoc est principia, & axiomata totius philosophiæ naturalis.
- 17 De ambiguis, seu dubiorum libri tres.
- 18 Cælestes causæ siue de influxibus.
- 19 Aeris causæ siue de meteorologicis.
- 20 Phænæ causæ id est de sole vel apparentijs, quo in loco lucis, & umbra naturam explicuit, & sub apparentijs solares maculas complexus, est. Est autem sol apud Macrobiū phana, & phanes ut apud Orpheū amor ita vocatur, quia ex Chao apparuit primus: sol autem quod maximè appareat, & quotidie oriatur dicitur phanes.
- 21 De igne, & de his quæ sunt in igne, Causæ.
- 22 Vocum causæ.
- 23 De causis plantarum, de semine, arbore fructu, qua in parte quantum excelluerit conijce ab eius industriarum fragmentis quæ collegit in suo libro de agricultura Constantinus Cæsar, & Plinius alijq;.
- 24 De causis animalium.
- 25 De causis æquiucis seu promiscuis.
- 26 De lapidibus, hic etiam doctissimus fuit Democritus, primus enim liquandi lapides, fingendi smaragdos, & quemlibet infundendi colorem rationes adinuenit, ut ait Seneca lib. 14. epistola 91. ebur molire nouerat aliaq; innumera.
- 27 De atomis scripsit librum quem sibi Epicurus adscribebat ut ex Halicarnasseo est autor Laertius lib. 10. in Epicuri vita.
- 28 De imaginatione reliquit imperfectū opus quamuis illius uirtus diu explorasset.



- 29 Prænotiones medicinæ de ratione victus.
- 30 Intempestiuorum, & tempestiuorum causæ.
- 31 De febre.
- 32 De excretis per tussim.
- 33 De infania, hunc enim librum scribebat eo ipso tempore cum eum insanum iudicabant Abderitæ, inuenitq; illi operi incumbente Hippocrates in epistola ad Damagetum num. 21. ipse autem Democritus de polis ac sphaeris tunc commentarios scripsisse refert in epist. ad Hippocratem, duo fortasse opera habens præ manibus.
- 34 De simulacris vagantibus seu speciebus visibilibus: idopus à se scriptum ait Democritus apud Hippo. in epist. nu. 28.

## MATHEMATICA.

- 1 De contactu circuli, & sphaeræ.
- 2 De sententiæ differentiis, siue in quibus mathematici inter se differant.
- 3 De geometria.
- 4 De geometricorum numeris, hoc est de soluendis per numeros geometricis problematibus.
- 5 De mutis, ac solidis lineis; has Euclides, & pleriq; mathematici comparabiles, & incommensurabiles vocant, nomenq; muti, ac solidi relinquunt arithmetica.
- 6 Explicationes.
- 7 Magnus annus, siue astronomia, complectens vniuersam celi machinam, cum ea planetarum omnium ratione, vt à puncto vnde primo moueri ceperunt ad idem redeant omnes: Et magnum quidem annum Democritus, alij Platonium dixere, nonnulli vniuersalem, Cicero in somnio Scipionis eleganter annum vertente vocat.
- 8 Parapegma. Instrumentum astronomicum quo ortus occasusq; syderum tempestatumq; significationes cognoscuntur, & inueniuntur: dicitur parapegma quod ex multis partibus sit comp. etum, &

concinatum, ut ait Suidas, eiusq; instrumenti meminit Vitruvius l. 9. c. 7. respondet fortasse ipsi quonunc utimur astrolabio; vel planisphærio aut armillari spheræ: nisi forte spheræ Chaldeorum fuit quæ plurimum abest à spheris Ptolemai, Longomontani, Orontij Finæi, vulgariq;. Ille analemma inuenit; Longomontanus lib. 1. sphericorum c. 4. spheram habet 9. circulis equalibus compactam, Orontius 4 magnos circulos cum uno quadrante lib. 5. cosmog. c. 3. & aliam è tribus tantum circulis in lib. horolog. vulgaris tropica, & minores circulos habet. Chaldaica autem homo centricis quibusdam unoq; horizonte constat alijsq;. A Chaldeis astrologiam didicerat.

9 Certamen clepsydre: siue examen motus clepsydre cum motu celi; quem librum subtilissimum fuisse oportet, agebat enim de motuum, & temporum commensuratione, & comparabilitate. Sunt clepsydre horologia ex aqua.

10 Cæli descriptio: hoc est asterismi, & constellationes.

11 Terræ descriptio.

12 Poli descriptio.

13 Radiorum descriptio siue de projectionibus opticis, & geometricis, & propagatione linearum physicarum.

14 De concentu, & harmonia.

15 De quaternario scripsisse ait Plinius sed in quibusdam exemplaribus Demetrium autorem legi in alijs Democritum l. 28. c. 6.

## PHILOLOGICA.

1 De Poesi.

2 De carminis venustate.

3 De Homero siue de versuum recitatione.

4 De consonis, & dissonis rebus id est de sympathia, & antipathia.



- 5 De linguis.
- 6 De carmine.
- 7 De verbis, & nominibus.
- 8 De Sacris in Babylone litteris, hoc est hyeroglyphicorū lectura.
- 9 De his quæ sunt in Meroe.
- 10 Oceani nauigatio.
- 11 Historia Chaldaica.
- 12 Historia Phrygia.
- 13 Chirocinera scripsit, id est de rerum magia seu miraculis naturalibus. ut ait Plinius lib. 24. c. 17. ubi Pythagora, & Clemporo medico illius gloriam aufert voluminis; aitq; Democriti certè esse constat.

## MECHANICA, ET MISCELLANEA.

- 1 De architectura, cuius legibus adinuenit modum concamerationum, & fornicum, quamuis Seneca lib. 14. epist. 91. frigidissimo argumento id neget, quod ante Democritum pontes fierent; equidem sed non erant fornicati, & per arcus inflexi ita ut esset totius operis vnica clauis, ut ante Europaorum aduentum in America constructi erant in rapidissimis fluuijs pontes, sed nihil erat concamerati.
- 2 De agricultura, in qua quantum excelluit testis est Constantinus Casar, qui pulcherrima inuenta Democrito adscripta refert plusquam quadraginta dispersa per omnes suos agriculturae libros.
- 3 De pictura.
- 4 De re militari, & armis, machinisq; præclarum mechanicæ scientiæ argumentum.
- 5 Problemata quæ Chænica vocantur à Laertio, quod vocabulum nuspiam inuenire potui: an legere deberemus potius Chænica? (modica enim est differentia) & sic sensus huius tituli esset. Problemata, hoc est quæstiones quæ Chænicæ vocantur seu conuiuales Chænix enim diurna esca est, ut ait Laertius lib. 8. in Pythagora, vel

ra: vel potius cum Chœnices fuerint pedicæ quædam, ligna scilicet crassa rotunda instar Chœnices (quod Paulo Æginetæ mensura nomen est) in quæ crura immitebantur, dici posset problemata Chœnica fuisse quæstiones ita difficiles ut respondentem caperent, & inuoluerent ijs difficultatibus quibus se non posset extricare veluti qui in Chœnices seu vinculis detinetur.

6 Composuit etiam de herbis ut ait Plinius l. 25. c. 2. nisi forte liber iste sit idem atq; is quem de agricultura aut de plantarum causis recensuimus superius.

7 Videtur etiam Commentaria, & elucidationes edidisse in libros Apollonicis Capridenis, et Dardani Phœnicij: ut colligimus ex Plinio l. 30. c. 1. ubi ait hos authores à Democrito illustratos.

Hos verò libros omnes Democriti memoriæ inuidens Plato comburere statuerat, ut ait Aristoxenus in historicis comentarijs apud Laertium, cumq; maximam exemplarium copiam, magno sumptu maiori diligentia congregasset, ab hac impia designatione abductus est Amyclæ, & Clinix Pythagoricorum monitis; quod apud plerosq; diffusi essent huiusmodi libri: assentitur Aristoxeno Laertius, silentiumq; Platonis de Democrito grandem facit sceleris suspicionem: non audebat, ut ait Laertius, contra optimum philosophorum iute certamen neq; vero florenti adeo nomini suis laudibus voluit suffragari.

At quod Plato designauerat exequutus est Alexandri ope Aristoteles, quasi parum esset Alexandro si se monarcham redderet Asiæ, nisi Aristoteli ius in philosophos daret, qui quod sua tantum de tot antiquis monumenta superesse voluit, tyrannidem in ingenia videtur affectasse, ea rarione qua Turcarum Dominus fratres necat suos, ut ne in paterni imperij possessione quenquam rivalem habeat: aut eorum exemplo potius qui cruentam legitimorum principum purpuram iniuste sibi arrogant: dum itaq; Regum fortunas vnica vincendi libidine



dine ductus euerteret Alexander, superbissimo furore ambitio-  
sus nominis Aristoteles in philosophorum Principes est debac-  
chatus, vnoq; incendio congestas triginta sex seculis tot sa-  
pientiæ diuitias absumpsit, & si quæ voluit superesse fune-  
ri, ea omnium ludibrio dicerijsq; laceffenda tradidit posteris,  
dum in optimorum bona inuectus abscissis perditisq; sapientiæ  
statuarum capitibus, suū imposuit singulis: neq; obscurè litte-  
rarij peculatus reum facit Aristotelem curiosissimus Plinius  
in præfat. ad D. Vespasianum Imp. Sed nihil egisti Aristoteles  
Democritus enim etsi libris nuspiam, vbiq; tamen inclyto no-  
mine est; Viuit viuetq; in doctissimorum monumentis, & dū  
philosophia aliquo in honore erit, comitem æui sui laudem De-  
mocriti trahet, omnisq; posteritas etiam scripta quæ non ex-  
tant mirabitur, tuum verò in eum factum execrabitur.

## Testimonia de Sapientia, & doctrina Democriti.

Hippocratis, & Abderitarum Democriti Ciuium.

**H**ippocrates in epist. Somnium Hippocratis. *Ipsa quidem  
Veritas, apud Democritum manet, Opinio verò apud Abderi-  
tas habitat. Quam autem ob causam dementiæ fuerit insimula-  
tus à suis, videre est apud Hipp. in epist. nu. 5. Hic præ multa  
quæ detinet ipsum sapientia agrotat, ut timor sit, ne nostra Urbs  
Abderitarum pessumdetur si Democritus mente fuerit motus. Ete-  
nim oblitus sui omniumq; vigilans, & noctu, & interdum, & om-  
nia deridens totamq; vitam nihili faciens vitam agit, ridetq; si quem  
videt aut hilarem aut moestum. Idolis aerem plenum esse dicit, vo-  
lucrum voces explorat, seque aliquando in rerum immensitatem profi-  
cisci dicit, & Democritos esse similes sibi ipsi innumerabiles, corpusq;  
cum mente corrumpit.*

*Animæ autem Democriti gratia etiam si Urbs aurum esset dederetur. Leges putamus agrotare à Hipp. adsis optimè Vir curaturus Virum insignem. Non medicus sed conditor sacrationem Ionia murum circumdabis, Ciuitatem Senatūq; curabis: Serua corpus sapientiæ, & ipsam ad te supplicem mitti doctrinam puta; gratificaberis etiam futuro sæculo, si non destitueris Democritum propter veritatem cuius primas se laturum sperat: tu enim genere, & arte coniunctus es Æsculapio: hic verò Herculis est ex fratre nepos: hæc aliaq; complura ad Hipp. Abderitæ deprecanti, vt Democritum ab infania liberaret. Respondit Hipp. Epistolam vestram legi, & admiratus sum quod ob unum hominem, vt si ipse vnus Ciuitas esset, turbati estis. Et beati profecto sunt populi qui, sciunt bonos viros sua esse munimenta, non autem turres aut muros sed sapientum consilia: audio autem Democritum grauius ac solidis moribus præditum esse, & Urbis vestræ ornamentum. Et ad Philopœmonem; Vna sapientiæ cura alias exigit mente, vt dum tumultuantibus ancillis hera apparet conquiescunt, sic sapientiæ conspectu reliquæ affectiones velut famulæ decedunt: in veritatis regione quam sapientia colustrat non est pater, nec mater vxorue aut cognati, non liberi nec fratres neq; famuli fortunaq; vel aliud ex his quæ tumultum faciunt. Democritus illuc præ sapientia commigravit, & infania teneri creditur ob solitudinis amorem. Et ad Dionysium Excellentia, morbi opinionem de se præbet, propter iudicantium imperitiā. Iuit ad Democritum Hippocrates decem talentis æstimata visitatione, siue mille, & ducentis nummis aureis Ppilippicis. Scripsitq; quid sibi cum Democrito contigisset in epist. ad Damagetum nu. 21. Hoc erat illud, Damagete, quod coniectabamus, non insanit Democritus sed super omnia sapit, & nos sapientiores effecit, & per nos omnes homines; vide sis curiosissimam hanc Hipp. epist. quæ quod longior sit à me tantum defloratur. Ridebat itaq; Democritus hominum insaniam qui vicissitudinis rerum igna-*



ri veluti firma, ac stabilis sua vita fortunaq; esset, multis calamitatibus repentinis opprimebantur. Terram fodientes argentum querunt, argento reperto terram emunt, emptam terram fructus vendunt, fructibus venditis argentum accipiunt eaq; agitatione veluti rota semper circumuoluti nullo cupiditatibus sine imposito. .... Quæso te Hipp. non ridere de eo plorantem propter amorem, eo quod voluptate sua exclusus est? Intra sufficientiam se ferre continent; Quis enim leo aurum oculuit? quis taurus uberius alimenti gratia pugnavit? quam pardalim insatiabilitas caput? sitit aper usq; ad aquæ appetentiam, Lupus denotato alimento necessario quiescit, annuorum temporum ordo brutis terminus est ad coitum: at homo perpetuo ingluvie libidinisq; æstro stimulat. .... Quemadmodum optimus corporis habitus periculosus, ita successuum fortune magnitudo periculosa, quorum prævidentiam cæci ex aliorum malis habere debuerant. Hisq; qui benefacere cogitant fulminis ictum pro gratiarum actione accipiunt ut tuus ille progenitor Æsculapius: videtur enim, & mundus ipse hominibus insensus. Totus homo ex nativitate morbus est; dum educatur inutilis alienæ opis egens, dum crescit protervus, & insipiens pedagogo coercendus, dum viget audacia abripiatur, dum decrevit miserabilis. .... Utinam facultas esset nobis uniuersorum habitacula reuelare, singulaq; actionum humanarum momenta perpendere, videremus &c. Hac autem cum diceret subridebat, & mihi, ò Damagete, diuina specie apparebat, & velut qui priorem suam formam exuisset. Et ego, multa, ò Democrite, sapientie admiratione me impleuisti: Discedo veritatis tuæ præco. .... Vidi Democritum virum sapientissimum qui solus potentissimus est homines prudentes facere; & num. 31. optimam naturæ ac mandrinterpretem vocat Democritum. Hoc Hipp. testimonium eo luculentius est quod ab homine falli pene nescio, & Democriti coæuo procedit.

## ANAXAGORÆ.

Anaxagoras cū Socrate de Democrito locutus, hic (inquit) philosophus similis est quinq; certaminum victori, nam naturalia, mathematica, politiores litteras, mechanicarumq; peritiam omnem callebat: vnde & omniscium appellat Laertius.

## ARISTOTELIS.

Ab inuido laudes expressit Democriti virtus: Sic enim ille l. 1. de gen. t. 5. *Democritus videtur omnia curasse, & principia supposuisse, quæ ad omnia accomodari possunt, & ad alios motus.* Eustat. l. 2. moral. c. 1. *Id quod de Democrito alibi ait Aristotel. qui aptè quasi in natura inhabitasset naturalia pertractaret, & non ut Pythagoræi, qui cum omne in mathematicis studium collocarent, de rebus naturalibus loquentes, imperitè suis eas rationibus, non eis suas dissertationes accomodabant.* Et cap. 2. l. 1. de gen. *Ad summum de nulla mutatione, nisi superficie tenus quicquam alius definiuit, præterquam Democritus, cui omnia curæ videntur fuisse;* Hoc Aristotelis testimonium vt Democrito fauet, ità multis iniuriosum est, quasi verò omnia superficie tenus scripserit Hipp. à quo optima quæque veterum spoliator accepit, & in furto maluit deprehendi quam bona fide suum cuique reddere: nusquam enim Hippocratis meminit, quod Andræ Laurentio lectissimi ingenij medicabilem mouit l. 8. anat. q. 30.

## SENECÆ, PLINII, CELSI.

Seneca Sapientissimus ille Hispanus nat. q. l. 7. c. 3. *antiquorum omnium subtilissimum vocat Democritum, & alibi antistitem litterarum, sapientie caput, naturæq; linguam.* Plura Democriti admirator optimus Plinius; l. 28. c. 6. l. 18. c. 28. l. 30. c. 1. & alibi. Cornelius Celsus medicorum Cicero in præf. Mul-



tos ex sapientia professoribus peritos medicina fuisse accepimus, clarissimos verò ex his Pythagoram, & Empedoclem, & Democritum, huius autem ut quidam crediderunt discipulus Hipp. Cous. Sed Democriti nequaquam discipulus fuit Hippocrates, erat enim iam Senex cum illum primò cognouit ut patet in epistola ad ipsum Democritum nu. 31.

PETRONII, LUCIANI, APVLEII.

Petronius Neronis deliciarum Arbiter, quiq; ut ait Tacitus, erudito fuit luxu, in suo satyrico, Itaq; hercule inquit, omnium herbarum succos Democritus expressit: & ne lapidum virgultorumq; vis lateret etatem inter experimenta consumpsit. Lucianus nulli philosophorum præterquam Democrito parcat, & admiranda ab illo scripta esse testatur. Apuleius in apol. Democritum inter precipuos rerum naturæ patronos recenset, & Flor. l. 3. Protagoras sophista fuit longè multifcius, & cum primis Rhetoricæ repertis perfacundus: Democriti physici ciuis æquæus: inde ei supeditata doctrina est. Hæc mitiorum ingeniorum testimonia adducere volui post seueriores viros, ut omnibus Democritum arrisisse ostenderem.

LUCRETII, IUVENALIS.

Lucretius qui academiam in parnassum deduxit nusquam Democriti sine honore meminit ut l. 3. & iterum l. 5.

*Democriti quod sancta viri sententia ponit.*

Ingeniosissimus poetarum Iunius Iuuenalis in votorum satyra 10. sic de Democrito.

*Tunc quoq; materiam risus inuenit ad omnes  
Occursus hominum, cuius prudentia monstrat,  
Summos posse viros, & magna exempla daturus,  
Veruecum in patria, crassoq; sub aere nasci.*

Sapientem vocat, summum virum quiq; magna exempla dederit: è Thracia fuit Democritus quod barbarum solum suo ortu nobilitauit.

Ad hæc testimonia subnecto vnum quo summa.

Democriti felicitas pateat; vulgaris est ingenij addiscere, felicitis, & commodi inuentis addere, at paucissimis inuenire concessum.

Democritus tamen diuino præditus ingenio plurima adinuenit, quæ illum veterum omnium gentilium sapientissimum doctissimumq; reddunt, ita vt eorum nulli ingenium vastius fuisse putem.

1 Species visibiles à corporibus omnibus fluere deprehēdit.

2 Primus ostendit cæli, et terræ societatem, artemq; tempestates, abundantiam penuriamq; prædicendi aperuit, teste Plinio, qui coemptum omne tractus vnus oleum à Democrito dixit, ignorantibus mirantibusq; ciuibus, qui paupertatem, & quietem doctrinarum sciebant imprimis cordi esse, atq; vt apparuit causa, & ingens diuitiarum cursus, restituisse mercedem anxie dominorum penitentiae, contentum ita probasse opes sibi, preuisa rerum caritate, in facili cum vellet fore l. 18. c. 18. vide præterea historiam metentis Damasi Constan. l. 5. c. 41.

3 Magiam inuexit naturalem vnde Plin. l. 30. c. 1. plenum miraculi, & hoc pariter vtrasq; artes efloruisse, medicinam dico magicenq; eadem ætate illam Hippocrate, hanc Democrito illustrantibus.

4 Concameratorum fornicum rationem architectonicam adinuenit, teste Seneca, pontesq; in fluuijs è lapidibus eo præscribente constructi primum.

5 Lapidem liquare, ebur mollire, quemlibet fingere lapillum pretiosum, & ad libitum colore suo tingere nouerat.

6 Instrumenta mathematica excogitauit quibus non stellarum modo cursus, verum etiam futurarum tempestiuuitatum ratio-



rationes acuratè exponebat: ignes inextinguibiles nisi laete, speculaq; portentosa finxit.

7 In agricultura fuit peritissimus ex Constantino Cæsare Pogonato, qui multa à Democrito transcribit pulcherrima, arcana.

8 In plantarum, & lapidum non historia modo, verùm quod maius est, experimentis viribusq; fuit versatissimus ex Petronio.

9 Omnem fontium habuit peritiam, tum inueniendorum sicubi sub terra laterent, tum deducendorum vt videre est apud Const. l. 2. c. 5. & alios.

10 Effluuia corporum, atomosq; comperit, & inuexit omnium primus ex Laertio: quod vnum tanti apud me est, vt cogestas omnium Philosophorum laudes vel exæquet vel superet.

## Synopsis doctrinæ Democriti quæ ad atomos pertinet.

Omissis ijs opinionibus quæ ad præsens institutum non faciunt, ex vno fere Aristotele, qui suis operibus optimas Democriti lacinias intexuit, doctrinam quæ ad atomos spectat adductis autoritatibus delibabo.

I. Ex lib. 1. phys. t. 6. agens de principiis corporum; *Et si infinita aut sic, vt Democritus, genere quidem vnum, figura verò vel specie differentia aut etiam contraria.* hoc est: principia corporum conueniunt in genere atomi differunt autem aliqua specie, & figura.

II. Lib. 3. phys. t. 27. *Quicumq; autem infinita faciunt elementa, quemadmodum Anaxagoras, & Democritus, ille quidem ex ijs quæ sunt similium partium, hic autem, & omnifeminario figura-*

*rum tactu, continuum infinitum esse dicunt, siue vt vertit Auerrois interpretes Mantinus, Democritus verò ex illo quod vocat radicem omnis figuræ, & semen omnis figuræ. PANSPERMIAM. Infinitum etiam est quod libet continuum ex Democriti sententia, sed tantum extrinsecè, & designatiuè, vt videbimus inferius.*

III. *lib. textu 29. Democritus autem nullum aliud ex alio fieri primorum dixit, sed tamen ipsum commune corpus omnium esse principium, magnitudine secundum partes figuræq; differens: siue vt melius ex græco colligitur, ratio corporis diuersa est in speciebus, partibus, quantitate, & figura.*

IV. *Lib. 8. t. 10. Democritus monstrat quod impossibile est omnia facta esse, tempus enim ingenitum esse, & t. 15. Democritus non quasiuit eorum quæ semper essent causam. Vide l. 2. de gen. animal. c. 4.*

V. *Lib. 4. de cælo t. 42. disputans de causa grauis, & leuis refert Democriti sententiam, qui existimabat stricta corpora descendere quod pauca ipsis resistent, lata verò ascendere super aquam: addit instantiam Democriti t. 43. deberet enim in aere hoc etiam fieri, sed soluit molliter (Democritus) ait enim non in unum impetum facere sonum, vocans sonum motum eorum, quæ sursum mouentur corporum. Sonus autem est vox abigentis aues apud Aristoph. in comœdia de Vespis. crediderim à sono quæ edunt in aere corpora vsurpatam à Democrito, nam quæ fortius aerem secant eū edunt sonū. Soluit autē instantiā Democritus non molliter, sed neruose negando paritatem, est enim maxima differentia inter motus qui fiunt in aqua, & eos qui in aere; quam verò commodè respondeat Democritus ostendemus suo loco.*

VI. *Lib. 1. de gen. t. 1. Democritus autem, & Leucippus ex corporibus indiuisibilibus alia componi inquirunt: hæc autem infinita, & multitudine, & formis esse, ipsa autem à seipsis differre his, ex quibus*  
sunt



sunt, et positione, et ordine horum expressè in græco, ex atomis, quæ infinita figuris, & multitudine sunt: earum autem positionem ordinemq; inducere differentias voluit.

VII. lb. t. 5. Democritus videtur omnia curasse, & principia supposuisse quæ ad omnia accomodari possunt, & ad alios motus ..... Democritus autem, & Leucippus facientes figuras alterationem, & generationem ex his faciunt segregatione quidem, & congregatione generationem, & corruptionem, ordine autem, & positione alterationem. Quoniam autem existimabant verum esse in apparendo, contraria autem sunt, & infinita quæ apparent, figuras infinitas fecerunt, ita ut transmutationibus ipsius compositi idem videatur contrarium alij, & alij, & transmutetur paruo immisto, & omnino aliud appareat uno transmutato, ex eisdem enim tragædia, & comædia fit litteris. Ex hoc textu colligimus quantus fuerit Democritus, qui principia adeo commoda adinuenerit: eius præterea de generatione, corruptione, accretione, alteratione sententiam claram aperitamq; habemus.

VIII. lb. t. 56. 57. Actionem, & passionem fieri dixerunt, iidem Democritus, & Leucippus, per meatus insensibiles. Unde Empedocles misceri ea voluit quorumcunq; meatus ad inuicem sunt mensurati, quæ via maximè, & de omnibus vno sermone determinauerunt Leucippus, & Democritus, principium cum fecerunt secundum naturam quod est. Voluit autem duo tantum esse absolute Democritus, atomum & vacuum quo nomine intelligit aerem, quod clarè colligimus ex Galeno de theriaca ad Pisonem c. 2. Si enim ex atomis, & vacuo, sicut Democritus, & Epicurus asserunt, omnia constitissent, vel ut Asclepiades medicus, inquit, mobilibus, & vacuo seu meatibus, nam eandem quam illi de rerum natura sententiam cum retineat, nominibus tantum mutatis, atomos moles, vacuum meatus appellat. Ex quibus patet quodnam sit Democriti inane vel vacuum, aer scilicet qui poros implet.

IX. Lib. 1. de anima t. 20. Democritus ignem quendam, & calorem dicit esse animam, infinitis enim existentibus figuris, & atomis quæ speciei rotundæ, ignem & animam dicit, (ut in aere quæ vocantur ramenta, quæ videntur in radijs qui per fenestras eunt) quarum omni seminarium elementa dicit Democritus totius naturæ: similiter autem, & Leucippus: horum autem spherica animam, propterea quod maximè possunt per totum penetrare huiusmodi figuræ, & mouere reliqua, cum moueantur, & ipsa: arbitantes animam esse id, quod dat animalibus motum. Ex quibus videre est atomos igneas Democrito fuisse sphericas, & animam ex illis constare, verum alium quendam ignem pro anima componenda intelligebat quam elementarem; quam opinionem repetit Aristotel. textu 30. 44. 68. 71. 73. lib. 1. de anima, & lib. de resp. c. 6.

X. Ex lib. de sensu, & sensili c. 4. Album quidem, & nigrum hoc quidem asperum dicit esse, hoc verò læue; ad figuræ autem reducit sapores. Vide Gal. 1. 1. de elementis c. 2. quantum autem mysterij sit in his paucis verbis aduertemus disp. 3. c. ultimo huius libri cum de colorum generatione erit sermo. Hæc pauca ex Aristotele annotasse sit satis: alias eius opiniones inuenies apud Diogenem Laertium, Senecam, Plinium, Theophrastum, Galenum, & alios veteres.

XI. Diogenes itaq; ei dat tres opiniones pulcherrimas: Prima generationes fieri ex atomorum concursu, quarum motus cietur à vertigine cæli; imò & vniuersum mundum atq; adeò mundos innumeros fortuito atomorū coalitu generatos, vertiginem verò cæli vocat necessitatem. Secunda visionem ex allapsu imaginum ab obiectis in oculum missis fieri, quam ei sententiam adscribit Aristotel. 1. de sens. & sensili c. 2. Tertia finē hominis, seu beatitatem in hac vita esse quietum statum, seu animi tranquillitatem.

XII. Plinius l. 7. c. 55. de resurrectione mortuorum refert senten-



sententiam Democriti quã, cultissimus ille sed impius irridet. *Puerilium*, inquit, *ista deliramentorum, auida; nunquam de sinere mortalitatis commenta sunt. Similis & de aſeruandis corporibus hominum, ac reuiuiscendis promiſſa à Democrito vanitas, qui non reuixit ipſe.*

XIII. Cenſuit dari mundos infinitos, vt docet Hipp. epiſt. ad Damagetum, quam opinionem eleganter expreſſit Claudianus pan. Manl.

*Ille ferox, & noq; regi non paſſus olympo  
Immenſum per inane volat, finemq; per ſuſ  
Parturit innumeros anguſto pectore mundos.*

Vide Lucret. l. 2. qui omnem hanc doctrinam luculenter explicat.

Secundò mundum coaluiſſe digladiantibus, & ſe ſe inuicē per inane quærentibus, trudentibuſq; atomis; vnde Virgil. Democriti aſſecla ecloga. 6. ſiue in Sileno.

*Nanque canebat vti magnum per inane coacta  
Semina, terrarumq; animæq; mariſq; fuiſſent,  
Et liquidi ſimul ignis, vt hiſ exordia primis  
Omnia, & ipſe tener mundi concreuerit orbis.*

Terriò videtur Claudianus illum impietatis accuſare l. 1. in Ruſſinum.

*..... Viam non ſponte ſequebar  
Alterius, vacuo quæ currere ſemina motu  
Affirmat, magnumq; nouas per inane figuras  
Fortuna non arte regi, quæ Numina ſenſu  
Ambiguo vel nulla putat vel neſcia noſtri.*

Plinius tamen l. 2. c. 7. duos Democrito Deos fuiſſe ait, Pœnam, & Beneficium: at ipſemet Democritus opera Dei agnoſcit eſſe creaturas in epiſt. apud Hipp. nu. 22. quare alterum illum Claudianus fortaſſe Lucretium poetam intelligit, qui peſſimè de anima, peius de Deo ſcripſit l. 3. & lib. 5.

Omiſſis

Omissis ergo erroribus qui Democritum ut alios gentiles deturparunt, hæc sunt legitima illius placita quæ mihi explicanda stabiliendaq; proposui, ex quibus tota atomorum doctrina veluti compendio quodam percipi potest.

I. Censuit materiam primam esse elementa, cum vocat illa seminarium figurarum, *text. 20. l. 1. de an.*

II. Existimauit elementa non transmutari inuicem, 3. *phys. tex. 29.* clarèq; id testatur Diogenes Laertius in eius vita *l. 9.* cum dicit ex mente Democriti ob firmitatem, & soliditatem, passioni, & mutationi non esse obnoxia elementa: idq; Empedocles statuit *l. 2. de gen. & corrupt. tex. 37.*

III. Vocat elementa ignem, aquam, terram de quibus mentionem fecit *l. meteor. de anim. de resp.* Aeris ab eo non fit mentio tanquam de elemento propriè dicto: imo *l. de resp.* facit aerem aliarum atomorum receptaculum, ac proinde ad illas erit omnino indifferens. Vide Galen. *de ther. ad Pison. c. 11. Arist. l. 1. de gen. t. 1. lib. 1. de an. t. 20. & Lucret. l. 6.*

IV. Negare videtur aeri grauitatem, & leuitatem 4. cæli *t. 43.* imo aerem, & vacuum seu inane Democriti superius statuimus idem esse ex Arist. Galen. Virgilijq; authoritate.

V. Omnia ex atomis componi voluit.

VI. Atomis infinitas esse figuras *l. 1. de anim. t. 20. l. 3. phys. t. 29. l. 1. de gen. t. 1.*

VII. Atomis mutabiles esse figuras: probatur *l. 3. phys. t. 29.* ubi corpus commune nihil aliud est quam elementorum compages, & *l. 1. de an. t. 20.* vocatur omni seminarium figurarum, radixq; figurarum.

VIII. Igneas atomos voluit esse sphaericas *l. 1. de an. t. 20. 44. 30. & alibi.*

IX. Atomum in Democriti sententia indiuisibiles sunt modo communi, & non proprio ex *Auerroe 1. phys. comment. 35.* Id est ato-



est atomus vna non potest secari realiter ità vt ex vna fiant duæ, sed tamen est diuisibilis modo Mathematicis proprio, siue per designationem, per intellectum, extrinsecè. Vocat autem modum communem diuisionem realem, quia ità vulgus intelligit, diuisionem autem mathematicam vocat propriam, quod atomis ea propria sit: Vnde, & continuum vocauit infinitum, quod mathematicè posset in infinitum diuidi, quamuis physicè esset finitum. His quatuor verbis tanta inest vis vt totam atomorum doctrinam sustineat.

X. Congregatione atomorum fieri generationem, segregatione corruptionem voluit. *l. 1. de ortu t. 5.*

XI. Ex paucis mutatis totum mutari, imo ex eisdem aliter dispositis fieri diuersum quid, vr ex eisdem literis fit tragœdia, & comœdia. *l. 1. de ortu, & inter. t. 5.* ex qua etiam complicatione varios emergere colores censuit *l. de sens. & sensili c. 4.*

XII. Alterationem fieri per meatus pronuntiauit, corpusculis siue atomis proportionatos sibi poros subeuntibus *l. 1. de gen. t. 56. 57.* quam sententiam sequitur Democriti lingua Lucretius *l. 2. & l. 6.*

XIII. Intensionem, & remissionem qualitatum per ordinationem, & positionem seriatim atomorum explicuit *l. 1. de ortu. t. 5.*

XIV. Motum omnem impetu fieri dixit *l. 4 cœlit. 42. 43.*

Hæ sunt legitimæ Democriti opiniones de quibus nulli dubium erit quin ad eum spectent cum necessaria ratiocinationis colligatione hæreant, & si qui dubium cuiuspiam esset num ità censuerit Democritus, legat diligenter Aristotelem, Galenum, Diogenem Laertium, & maximè Lucretium, planumq; erit quam sedulò eius sensa perquisiuerim quamq; sincere exponam. Annotauì præterea de alia Democriti scientia complures opiniones quas breui curiositati publicæ dabo, veteraq; noua videbuntur.

# DEMOCRITVS REVIVISCENS, SIVE DE ATOMIS.

## Præfatio ad lectorem.



**T**RIPLEX philosophantium genus in lucem nostra ætas effudit alij enim certo cuidam auctori sunt addicti, cuius verbis veluti catena quadam adamantina alligantur, vnde totum suum ponunt studium vt sensus principi suo fauorabiles inueniant, excogitent illi tuendo subterfugia, & si aperto Marte propugnare non liceat, stratagematis vtantur. Ità sunt nunc peripatetici, qui vni vacantes Aristoteli non intelligunt, quid intersit autorem explanare vel eius adhærere placitis. Ingeniosum est sacramentum philosophicum dicere, & in verba magistri conceptis verbis adigi, & quantus sit Aristoteles vix vllus fauorabilius, quam ego, iudicauit. Ad hanc philosophorum sectam reducimus omnes eos qui alicuius insistentes vestigijs, scriptis alienis explanandis incumbunt, quales sunt qui Scotum adorant, qui Ramundum Lullum colunt, qui Paracelsi portentosa mirantur deliria.

Alij sunt libertatis philosophicæ vindices qui nullius auctoritatem, & omnium rationes ponderant, seq; veluti naturæ, & Lycæi vel arbitros faciunt vel restitutores: Isti nouis sectis principium faciunt, siue veram habeant sapientiam, siue ambitioso errore sint præcipites. Ità Sebastianus Basso qui noua aduersus Aristotelem inuexit. Ità Paracelsus Hippocrati, Galeno, & Auicennæ iniuriosissimus ebrius. Sic Thomas Campanella propriam sibi physiologiam vulgavit, artemq; medicinalem ex proprijs principijs descripsit. Sic Fluddus, Crollius innumerabilesq; chymici. Hosq; optimè in varias

classes



classeſt diſtinxeris, quidam enim nouorum curioſi ſunt, conſciꝝ quam parum in vulgata philoſophia certitudinis ſit: alij factionum capita dici ambiunt; pauci nullius retinentes ſententiæ, imo ne ſuæ quidem, ſoli veritati locum dant, veterum imitatores, inuentoribus conditoribuſq; ſcientiarum annumerandi qui poſita experientia philoſophantur, quales fuerunt noſtro ſæculo Tychoſes Kepleri, Galilæi, Scheineri qui immixtas philoſophiæ mathematicas illuſtrarunt, & nullo pene plagiato ſunt uſi. Iſtis eſſe ſemper debuit pro emblemate pura lux, pro anima verò; *Amicus Plato, amicus Ariſtoteles, magis amica Veritas.*

Tertium philoſophorū genus adoleſcentioribus placitis vel ſpretis vel iam delibatis ad philoſophiam anum vetulamq; regreſſi quærunt ecquidnā decoris firmitatiſq; ſuo tempore haberit quæ nunc collapſa in cineribus fax eſt. Sic Samij Ariſtarchi Aſtrologiam deduxit Copernicus, Platonis doctrinam celebrauit cum ſuis Florentinis Marſilius Ficinus, & à multis ſæculis obſoletā pene Empedocliſ philoſophiam ex parte cecinit cultiſſimus Lucretius, reſtituereq; in hoc opere tentamus Democriti.

De tribus hiſce ſectis ſi iudicium à me quæris, dicam, omnibus ſuum honorem deberi, potiſſimamq; eſſe quæ vnum veritatis ſolem adorat: At pro iuuentutis inſtitutione ſatius eſt Ariſtotelem prælegere, quod eiꝝ methodus, & ſenſa omni ſint exceptione maiora, tum etiam quia meliori Philoſopho caremus abſumptis veterum libris, Platoneq; qui ſolus cum Ariſtotele ſuperuixit, in ſcientia naturali valdè parco nec ordinato. Vnde grauiffimo omnium penè populorum conſenſu ſancta, & inuiolabilis eſt in Academijs peripateticorum principis maietas, vtr̃a maiori diligentia illi ſtudeat iuuentus, quem à veteranis quibuſq; vident ſcrupuloſiſſimè coli. Quare cum Democriti

philo-

philosophiā à me restitui debere censui, id primò veritatis desiderio ingenijq; exercendi causa susceptum à me est opus, deinde cum in philosophicis nulla possit esse præscriptio non abs re fore duxi in integrū restituere sententias que primò viguerunt. Si verum attingimus, optatis potimur, sin minus, à nostris deviationibus alteri factioni non parum accedit autoritatis. Hæc tamen priuato studio continebuntur placita, neq; alius mecum è philosophis cathedram ascendet regiam, præterquā Aristoteles, in publicis enim prælectionibus iuuentutis institutioni non autem genio nouitatiue est iudulgendum.

Vnum insuper moneo, breuitatis consilio multas è meis ratiocinationibus emergentes difficultates vel omissas vel abscisas, cum doctis apertum sit, in acurata sententiæ explicatione omnium obiectionum solutiones, tanquam in seminario quodam contineri. Aliquis fortasse expectabit pro Democrito argumenta quæ aduersarium vel mutum vel desperatum reddant. Eluduntur omnia philosophorum tela præsertim in scientia naturali, in qua omnes cæcutimus, & promittere ratiocinationes demonstratiuas in physicis vel temerarij est, vel ignari lubrica esse sophistarum ingenia, & nullo pacto vinciri posse. Id tamen sanctè seruaturum me spondeo, nullas difficultates à me in aciem malignè deducendas, sed potius omniratione nitar vt robur suum habeant. Interca mi lector si Democritum pro duce dedignaris, nec ipse curabit, & tibi benignus arripebit.



# DEMOCRITVS REVIVISCENS

S I V E

## DE ATOMIS;

*Fundamentum totius operis, eius distributio, & methodus.*



Questioni de compositione continui omnibusque annexis hoc est toti pæne philosophiæ naturali, tot incubant tenebræ, vt fatendum sit nos aliquod latere principium è quo toti disputationi lumen esset mutuandum: maximæq; fiunt à veritate peregrinationes dum prætermiſſis quibusdam necessarijs, falsisvè subsumptis errores in consequentibus multiplicari contingit, error enim in principio levis, maximus est in fine. Ab hoc ergo vel malè præsupposito, aut omisso principio motus, tempus, alteratio, intensio, temperamentum, rarefactio, condensatio, mixtio, augmentatio, nutritio, propagatio rerum aliaq; innumera sic inuoluuntur vt diligentissimum quemque confundant.

Suspicio in tribus esse posse nostram circa illud principium ignorance; primò quidem in distinctione vera materialis, & spiritualis quam à diuisibilitate alij, alij aliunde petunt; secundò in essentia quantitatis assignanda, quam non pauci materiæ primæ diuisibilitatem dixerunt afferre. Sed tertium mihi potius omnium difficultatum origo videtur, ignoratio veræ materiæ primæ. Ratio meæ coniecturæ hæc est: forma præsupponit materiã vt ab alijs etiam accidentibus præsupponitur subiectum, ergo vt erit materia, ità & continuitas: forma enim, & accidentia quæ educuntur debent sequi naturam materiæ,

cum

cum quicquid recipitur per modum recipientis recipiatur, ergo accidentia nihil ad continuitatis rationem possunt afferre, materia enim prius est continua quam frigida quantaue; hoc principium dissimularunt ij qui in hæc absurda inpegerunt clarissimi ceteroqui scriptores; *Materia spoliata quantitate est tota in toto, & tota in qualibet parte, & totius mundi materia in punctum mathematicum conflueret si quantitate spoliaretur*; ita Vasquez, & alij.

Primum itaq; inuestigandam mihi esse duxi materiam primam, quam deinde atomis constare contendo, sicq; duæ sunt primæ huius libri partes prima de materia prima, altera de atomis, quibus tertia subnecti debuit consequentiarum, cum nec atomos sine motu stabilire, nec opus absq; rarefactionis difficultate explanata complere potuerim. Ecce itaq; libri tripartitam diuisionem.

Quoad methodum; tentavi nobilissimam Euclidis consuetudinem, maioris claritatis causa, à geometrico puluere in lycaum inuehere, definitiones axiomata, & postulata præstruens propositionibus; deinde cum mille in rebus mathematicarum scientiaq; naturalis compererim societatem, data occasione, demonstrationes geometricas, & arithmeticas admiscui; multū itaq; interest mathematicis, elementis saltem Euclidis esse initiatum, nihil enim magni in philosophia faciet, qui mathesim ignorat, atomorum certè subtilissimam scientiam nullo modo percipiet, nedum ad illius suprema mysteria deuehetur.





## DISPUTATIO I.

An detur materia prima diuersa ab elementis;

**T**ribus capitibus hanc dissertationem expediā, ostēsus primò iuxta Democritum nullam dari materiam primam diuersam ab elementis; Secundò de eorum natura numero, & proprietatibus secundum atomorū doctrinam tractabo; Tertiò obiectiones diluam. Quæ disputatio necessariò præmitti debuit ut primas atomorum species possemus distinguere. Sed ut meam fidem liberem, methodicæ Euclidis consuetudine ordiar à definitionibus, tūm verborum, tūm etiam rerum, ne vlla subsit æquiuocatio.

## DEFINITIONES.

I. Elementi nomine intelligo corpus simplex ad mixtorum compositionem concurrēns quodq; sit purè homogeneous.

II. Subiectum primarium est illud, quod qualitatū à se immediatè promanantium sedes est, & principium materiale, aut efficiens: sic ignis caloris à se diffusi subiectum est primarium.

III. Subiectum secundarium est illud quod recipit accidens ab extrinseco agente transmissum: ut aer est subiectum secundarium caloris ignis.

IV. Subiectum denominationis illud est quod denominatiuè tantum tale est, à potiori scilicet parte denominatione sumpta. Huius distinctionis fundamentum sumitur à natura mixtionis, quā sic partes inter se miscentur, ut nulla ad sensum sit amplius distinguibilis ab alia, ac proinde totum denominatur ab eo, quod magis percipitur, ceteris qualitatibus latentibus, & sub imperio oppressis.

V. Subiectum inhesionis est illud, cui strictè, & formaliter

accidens inest. Ita terra est formaliter subiectum inhesionis frigoris, homo autem subiectum denominationis, neque enim animus algore vexari potest.

VI. Elementū symbolum est, quod vna qualitate cum alio consentit; ut aer, & ignis ex Aristotele, qui utriq; calorem assignat.

VII. Elementa dissymbola sunt, quæ in nulla qualitate cōueniunt, ut aqua, & ignis ex Aristot.

## PRINCIPIA.

I. Ex nihilo nihil fit: hoc est agentia naturalia exigunt subiectum ut agent, & materiam circa quam versentur.

II. Mundus destrui non potest per causas naturales vi propria, & naturaliter applicatas: secus si virtute diuina applicentur passo. Sic enim sæculi consummatione ignis omnia vastabit, & erit cælum, terraq; noua: apoc. c. 21. v. 1.

III. Agentium naturalium actio iuuatur ab extensione dummodo sit ea absq; dispersione virtutis: pariter, & resistentia passi iuuatur ab extensione virtuti suæ actiue proportionata. Ità magnus ignis plus agit quam paruus, & centum libræ glaciei diutius resistent aestui, quam sexlibra.

IV. Sublata parte essentiali perit totum, siuè pars illa se habeat ex parte materiæ, efficientis, formæ, finisue, nihil enim absq; hisce causis esse potest in natura.

V. Quinq; sunt mundi partes principes, & essentielles terra, aqua, aer, ignis, se habentes ex parte materiæ.

VI. Vbi contrarietas datur inter agens, & passum ibi necessario est alteratio successiua præcedens passi destructionem substantialem.

VII. Natura semper intendit quod perfectissimum est.

VIII. Non potest introduci forma sine præuijs dispositionibus, & vbi sunt dispositiones omnes ibi est forma.

IX.



IX. Causa principalis debet continere effectum suum vel formaliter, vel eminenter.

X. Idem est finis actionum, & essentiae, nam esse est propter operari.

XI. In ijs quæ sub sensum cadunt posita experientia oportet philosophari, sensibilia enim per sensus iudicanda sunt.

XII. Existentia rei dignosci potest à tribus, primò ex causæ necessariæ aut effectus necessarij existentia, *ut ignis est, ergo etiam calor; dies est, ergo sol lucet.* Secundò ex proportionem, & reciprocationem actionum, & connexionem cum alio externo existente, rerum enim non existentium nulla est actio. Tertiò cum est ad totius vniuersi bonum.

XIII. Magis, & minus non faciunt differre essentialiter.

## POSTVLATA.

I. Concedatur dari materiam primam quæcunq; tandem sit, & formas substantiales.

II. Concedatur dari elementa, de eorum autem natura, numero proprietatibusq; nihil postulo.

III. Consideremus elementa in sua puritate, non autem quatenus mixta sunt aut alterata.

## CAPVT PRIMVM.

### Elementa esse materiam primam:

**M**irabile utiq; Aristotelis ingenium in quatuor potissimè rebus enituit, primò in formis syllogisticis: deinde moralium lib. præfertim polit. l. 5. tertiò in mechanicis questionibus. 4. in methodo qua vsus est ad autorandam nobilem materiam primam fabulam, quam ab Aegyptijs ad Græcos esse derivatam testatur Laertius l. 1. Vtq; in primo exculptissima ra-

riocinationis se fuisse ostendit , in secundo ciuile animal rebus humanis aptissimum , in tertio subtilitatis mathematicæ scientissimum , in quarto certè , dum antiquis parum tribuit , hominem se , qui falli posset , patefecit : vtq; in primo excolit intellectum , in secundo voluntatem , & mores , in tertio imaginationem , cuius palmarium opus est mechanica , ità in quarto suo partu non satis auertit se ab illa facultate animi , quam Platonicus quidam eleganti nomine Erraticam appellant . Materiam certè primam dari negabit nullus , at an sit inanis illa potentia de qua certant inter se Peripatetici nunc est inquirendum , eruenda à fundamentis veritas , neq; aduersariorum defectus dissimulandi , vel tantum tribuendum auctoritati , vt ipsi ratio , & experientia cedant .

### PROPOSITIO I.

*Quatuor sunt materiæ primæ proprietates ab ipsa inseparabiles : prima vt sit primum vniuscuiusq; corporis subiectum , secunda vt in omnibus corporibus naturalibus eadem reperiatur inesse , tertia vt sit ingenerabilis , & incorruptibilis , quarta vt in ipsa corpora omnia per dissolutionē ultimam resoluantur .*

**P**Rima proprietas est veluti conceptus materiæ primæ essentialis , & assentitur Aristotel. in primo phys. Secunda sequitur necessariò ex prima , cum enim sit primum omnium rerum subiectum , debet etiam intelligi inesse . Ratio à priori est , quia modus agendi materiæ est per sui communicationem vt etiam formæ , aliarum verò causarum est vel per influxum , vel per intentionem , aut directionem , vt patet in efficiente , finali , & idæali : cum ergo materia agat tantum per sui communicationem quæ propria est agendi ratio causarum interiorum , sequitur eius absentiam cum sui effectus seu compositi subli.



subsistentia nullo modo posse intelligi, ergo in omnibus eadem reperiatur inesse.

Tertia proprietas probatur ab Aristotele primò phys. c. 5. & sequitur euidenter ex præmissis: si enim esset generabilis vel fieret ex subiecto vel sine subiecto, si primum, non esset materia prima quandoquidem assignatur prior, si secundum, neq; pariter erit necessaria ad generationem cum sine subiecto fiat: deinde daretur creatio naturaliter contra princip. 1.

Quarta conditio vt in ipsam omnia resoluantur est etiam Aristotelis qui ait, *si quid corrumpitur in eam ultimo resoluitur*, & probatur ratione, quia vt est compositio, ita & resolutio in opposita ratione, sed in cõpositione corporis materia est primum quod supponitur, ergo in resolutione erit vltimum, vis enim resolutionis incipit ab eo quod primum in compositioe fuit. Conuenit ergo cum Democrito Aristoteles in eo, quatuor esse materiæ primæ characteres essentialia, quod erat ostendendum.

## PROPOSITIO II.

*Elementa sunt primum vniuscuiusq; corporis subiectum, in omnibus corporibus naturalibus eadem reperiuntur inesse, sunt ingenerabilia, & incorruptibilia, quodlibet corpus in ipsa per dissolutionem vltimam resoluitur.*

**H**ÆC propositio est minor syllogismi cuius præcedens maioris locū obtinet, quā si probauero acta res est. Et primò quidem nullus dubitat de secunda nostrę propositionis parte, quod scilicet omnibus mixtis eadem insint elementa, id enim eorum resolutione patet: totius rei cardo vertitur in asserenda prima materiæ primæ proprietate, quā est primum vniuscuiusque corporis subiectum, nam ex illa dependent tertia, & quarta. Et quamuis id probare difficillimum sit, neq; à Peripateticis

ticis hæcenus satis probatum sit dari illam potentiam puram, seu materiæ primæ inanitatem, tamen in arduis ausum suam laudem meretur.

Probatur itaq; prima proprietas per tertiam. Elementa sunt ingenerabilia, & incorruptibilia, ergo sunt primum vniuscuiusq; corporis subiectum. Consequentia est euidens, nam si daretur aliud subiectum, daretur illorum generatio, & corruptio, si autem sunt ingenerabilia, & incorruptibilia sequitur in ipsa per dissolutionem vltimam cuncta resolui, neq; enim in incorruptibili vltior datur resolutio. Ex tertia itaq; proprietate, siue ab antecedenti posito omnes aliæ asseruntur, probatur ergo antecedens,

Primò à priori: Elementorum finis est certis quibusdam præfinitisq; generationibus in natura præsidere, si autem generabilia essent, & corruptibilia nequaquam id fieret, quia ex mutatis principijs consequentias mutari necesse est, atq; vt doctissimus cecinit Lucretius l. 1. circa medium.

..... si primordia rerum

Commutteri aliqua possent ratione reuincta,

Incertum quoq; iam constet, quid possit oriri.

Quid nequeat.....

Nec toties possent generatim sæcla referre

Naturam, motus, vitæ, moresq; parentum.

Quia scilicet imminuta parte essentiali natura non potest amplius suis insistere vestigijs neq; iuxta suas regulas intendere quod optimum est, quale in omnibus est temperamentum ad iustitiam, diminutioni scilicet vel corruptioni subiacentibus elementis: ergo cum sit adeo proprium naturæ perfectius intendere ex p. 7. etiam medium illius intentionis elementorum firmitas, & inuariata natura supponi debuit.

Probatur secundò. Si elemēta essent corruptibilia, & generabilia



rabilia mundus destrui posset per causas naturales vi propria applicatas, contra prin. 2. quod sumptum est à Pytagora, & Platone, qui mundum à Deo solo creatum, & ab ipso solo dissoluendū dixere apud Valles. de Sacra phil. c. 1. & quidem rectè, perennant enim opera Dei vel per indiuiduorū successiōnem aut per eorum immortalitatem; neq; verò potest mundi machina alteratione quadam successiua dissolui, vna enim parte essentiali sublata reliquum redderetur innutile, ac pròinde annihilandum, Deus enim, & natura nihil frustra faciunt. Si autem per causas naturales fieret huiusmodi interitus sensim fieret, & eo prorsus modo, quo videmus indiuiduorum dissolutiones contingere; ergo per eas fieri nequit ob residuarum partium inutilitatem. Natura autem sapientis œconomi instar nihil deperdit, omnia conseruat, & quamuis cæcis obscurisq; effluuijs imminui videatur, quod tamen abit, nullo modo corrumpitur, sed ad suam originem, veluti penum quandam redit, quod probauit mirus Hipp. de nat. humana, cuius relegens vestigia Lucretius ita cecinit l. 2. sub finem.

*Nam sua cuiq; locis ex omnibus omnia plagis*

*Corpora distribuuntur, & ad sua sæcla recedunt.*

*Humor ad humorem, terreno corpore terra*

*Crescit, & ignem ignes producunt, ætheraq; æther.*

Sicuti in typis contingit prælo finito characteres singulos suis in loculis distribui, vnde iterum ad alias formas explendas resumantur; quibus ita explicatis.

Probatur maior, quæ ita se habet, si elementa essent corruptibilia mundus destrui posset per causas naturales vi sua applicatas. Supponamus enim ignem mutasse in se vnum aeris cubitum; nonne plus ager virtus ignis noua illa extensione aucti, quam antea, ex p. 3. minusq; alteri sui corruptioni resistere poterit aer, ex p. eodem? ergo poterit aliam aliamq; porcionē

aeris transmutare : totoq; aere è natura eliminato mundum perire necesse erit ex p. 4. & 5.

Confirmatur, quia hætenus eo statu res se continuerunt, vt nullam huiusmodi corruptionem deprehendamus, ergo signū est à posteriori elementa esse ingenerabilia, & incorruptibilia.

Dices primo clades vtrinq; æquari, & dispendia aeris nouis in igne victorijs cōpensari, quare geometrica proportione sic iacturæ, & lucra computantur vt nihil hic aeris pereat quin alibi tantumdem ignis corrumpatur, vt si sub torrida zona deperit aer crescitq; ignis, sub circulis polaribus vincit aer, & ventorum agitatione semper æqualis manet sibi similis regio.

Sed contra primò: hæc compensatio iacturarum fabulam redolet: secundò, si velint zone torridæ exemplo vti, legant Iosephum Acoſtam de natura noui orbis videbuntq; quam inani fundamento ista in medium adducantur, ibi enim non, vt voluit Aristoteles perpetuo ardent arene steriles, sed temperata multis in locis aeris aspiratione fruūtur fertilitateq; supra spē.

Dices secundò interitum terris à sole imminere qui ideò descendit vt terram comburat, 80., nempè terrestris globi diametris depressiorem solem dicunt esse astrologi quam ante annos bis mille, ergo eo tandem vicinię veniet, vt incendia misceat, sicq; mundus suis viribus adureretur.

Sed contra primò quamuis enim sol suam mutet declinationem ab æquatore, nihilominus tamen illum depressiorem fieri dubitatione non vacat, ratio est, quia eadem puncta tropicorum in sphæris armillaribus vmbra Solis in cancro, vel capricorno siti recipiunt inuariabili ratione, ergo signum est ipsum sensibili adeò deuiatione non deprimi, nam quo stella humilior est eo longiores ymbas projicit vt probat Clavius c. 1. in sphæram Io. de Sacrobosco, quod si dicas in eadem, omnino circuli sectione remanere, vnde & pares in aspectu angulos



gulos faciet vt facilè demonstrari potest ex 5. & 6. primi Euclidis, tamen sensibile esset caloris augmentum, cum tamen contrarium experiamur sæuientibus hyemibus, æstatibusq; impurissimis. Senescit fortasse Sol, & virtutis effœtæ annum suis terminis non amplius coercere potest. Phaetontem è sole facere contendunt sydus hominum commodis natum; si itaq; descendit sequetur suas in perigæo periodos, quarum puncta vbi primum attigerit, nostræ incolumitati consulens ad apogæum reuertetur.

Prob. secundò idem antecedens, nempe elementa esse ingenerabilia, & incorruptibilia, ratiocinatione sumpta ab igne, cuius corruptionem maximè sensibilem, & ipsa luce clariorem, nec nisi ab impudente negadam aduersa Democrito Stoa profitetur: Sed tollant mihi hunc scrupulum Peripatetici. Corruptio ignis non potest fieri in instanti, sed extinctio ignis fit in instanti, ergo extinctio ignis non est eius corruptio; vnica autem extinctio sensibus subiacet quam ipsi cum corruptione confundunt. Minor syllogismi patet sensu experientiaq; , ex sufflata enim vel suffocata candela statim, ignis extinguitur, quod nec aquæ aut aeri terræue contingit. Ad maioris probationem quod corruptio ignis non possit fieri in instanti, suppono corruptionem vnus esse alterius generationem, vnde sic argumentor.

Si ignis corrumperetur dùm extinguitur vel mutaretur in elementum symbolum, vel dissymbolum, aut aliquod mixtū, nullum ex his dici potest, ergo non corrumpitur. Maior est adæquatę diuisionis ex qua licet argumentari negatiuè. Probatur minor. Non potest mutari in elementum symbolū quin adsit pugna inter qualitates cōtrarias, multò minus in dissymbolum, neq; itidem in mixtum quin retundantur, & alterentur eius vires, sed in omni contrarietate est alteratio, & omnis alteratio

alteratio fit successiue, si præsertim plurium sit graduum, edomantur enim prius aliquę partes, tum intensiōis, tum extensiōis, & succedunt alię, donec ad eam moderationem qualitates deueniant, quę alterius formę inclinationi sufficiat, ergo cum corruptio ignis non possit fieri in instanti, propter dispositionem alię formę introducendę necessariam, extinctio autem ignis fiat in instanti, sequitur quod extinctio ignis non est corruptio ignis. Et reuera extinctio dicit tantum remotionem lucoris ab humido pingui fluentis, corruptio verò respicit generationem nouę substantię, & alterius destructionē.

Dices extinctionem fieri successiue, sed contra, illud non perit successiue quod desinit totum simul, sed per extinctionē, ignis desinit lucere totus simul, ergo extinctio non fit successiue, cæteroqui deberet paulatim perire lux, & sensim obtenebrari aer, dū tandem tota candelę flamma perisset, quod aduersarius non potest dicere, cum sensibus repugnet. Sed probatur vltcrius ignis incorruptio sequenti ratiocinatione quæ de igne, & de aqua potest intelligi, cuius mutationem in aerē oculis patere credunt: quam transmutationem vt fieri non posse ostendam,

Obseruo primò in via Aristotelis elementa componi ex materia, & forma substantialibus, neque formam absq; dispositionum conuenienti apparatu introduci posse.

Obseruo secundo plura requiri ad primam formę introductionem, quam ad eius conseruationem in subiecto, quod factum experientia patet, aliarumq; generationum in quibus fit tam delicatus accidentium apparatus, & tam elaborata dispositio, quæ deinde sine substantię detrimento certos limites intensiōis, & diminutionis pati potest; Quod quidem, & ratione, & experientia comprobari potest, ratione quidem, nam ad id vt introducatur forma talis determinata, prærequi-  
runtur



runtur sigilla quædam accidentium, quæ ipsi proportionatum omnino domicilium præparent, at dum in ipso dominatur corpore, potest se se tueri aliquatenus contra insultus contrariorum, suis scilicet qualitatibus vel occultis vel apertis, quas ex se immediatè profundit; & quæ elementaribus legem faciunt; deinde quod vinculum formæ cum materia non ità facilè dissolui possit, ob insitum rebus omnibus perennandi amorem; nam omnia fugiunt interitum, neq; solum esse cupiunt commodamq; durationem habere, verum etiam diuturnam. Experientia clara est in embryone, qui dubio procul moreretur si persentiret hyemale frigus, quod pueri impune tolerant. Ut pullulet è grano spica, tantus requiritur apparatus, ut gentilis superstitionis spicæ procreandæ duodecim Deos præfecerit, maturis frugibus vnicum. His positis.

Probatur aquam non mutari in aerem. Primò experientia vaporum, qui iterum in aquam resoluuntur nubium rorisq; forma, aut certè insensibili madore ut exprimit Lucretius l. 1. qui ait vestes vulescere insensibiliter si aquarū habeant viciniā:

*In paruas igitur partes dispergitur humor.*

Deinde experimentis chymicæ quotidianis, quibus aquæ liquorumq; metamorphoses innumeræ eo tandem deducuntur, ut exprimatur sub vaporum forma defacata aqua, liquorq; purior.

Probatur secundò ad hominem contra eos qui dicunt aerem esse frigidum. Raritas est dispositio ad formam aeris, sed raritas est effectus caloris quo aer caret ex te, ergo ab aere non introducetur raritas in aquam; deinde introducendo calorem in aquam ut rarefcat, impedies ne fiat aer; qui ex te frigidus est.

Probatur tertio idem antecedens. Maior est resistentia, aquæ, quàm sit astiuitas aeris, nam aquæ resistentia iuuatur ab humidi-

humiditate, cui tam propria est adhesio partium cum partibus, & à densitate sibi congenita, actiuitas verò aeris imminuitur tum ab eius raritate, tum quod vis actiua aeris quæ in calore sita est, minor est aliquanto eius humiditate si quam habet: ergo aer non potest introducere in aquam dispositiones transmutationi aquæ in aerem proportionatas.

Dices mediante igne hanc mutationem futuram.

Sed contra: Ignis non est formaliter neq; eminenter aer, ergo ignis non potest esse causa principalis generatiua aeris ex principio 9. In pari enim dignitatis gradu sunt elementa unde nullum ab alio eminenter continetur; sed neq; formaliter, sunt enim contraria, ergo nullum produci poterit ab alio. Quæ ratiocinatio vt in meliorem diem ponatur, annotandæ sunt quatuor regulæ quibus rerum dignitas expendi, & conferri potest.

Regula prima logica est: Illud est nobilius alio quod de meliori, & nobiliori specie, & differentia participat ità equus nobilior est lapide, quia hic sub Mixto, ille sub Viuente reperitur. Cum ergo omnia elementa sint sub eodem prædicato corporis simplicis, habeantq; vltimas differentias sine vlllo excessu alterius in alterum, sequitur quod nullum continet aliud eminenter, & quod in eodem dignitatis gradu sunt posita.

Regula secunda est metaphysica. Contrariorum positiuè, & propriè eadem est dignitas absoluta. Dixi positiuè, nam in contrarijs priuatiuis ignobilius est non Ens ipso Ente, sic tenebræ luci, vmbra lumini, mors vitæ concedunt. Addidi propriè vt contraria relatiuè excluderem, Dominus enim seruo, Pater filio, Præceptor discipulo dignior est, subiunxi digni tamen absolutam, respectiue enim potest fieri vt aliquid alio sit optabilius. Dices alexipharmacum potius esse veneno digniusq; absoltè, & tamen sunt in positiua contrarietate. Res-

pondeo



pondeo negando esse contrarietatem positivam sed tantum respectivam, mediatam, & impropriam; alexipharmacum enim veneno aduersatur, venenum autem homini non verò alexipharmaco. Cum ergo elementa ex Stagyritis sint propriè contraria, sequitur illa in pari dignitatis gradu esse constituta, quamvis secundum situm, locum, & alia respectiva, nonnulla digniora videantur.

Regula tertia physica est. Vbi actiones qualitatum non extrahuntur extra competentiam aut contrarietatem, tum in intentione, tum in ratione categorica, ibi substantiarum est æqualis dignitas; quam ab actionibus tantum nosse possumus: sed actiones elementorum nunquam sunt extra contrarietatem, & competentiam, suntq; in eadem serie, ergo etiam substantiæ elementorum paræ, & æqualis erunt dignitatis, ac proinde nullum alterius causa esse poterit: neq; calor frigore nobilior censendus, cæteroqui sui contrarij perpetuo victor esset, quod est contra experientiam.

Regula quarta est geometrica. Vbicunq; eiusdem rationis sunt numeri ibi est æqualitas, sed in via Aristotelis æquales sunt numeri in qualitatibus elementorum, ergo inter ea pura, interuenit æqualisq; ratio. Ita ignis ex Circumambulonum placitis est calidus vt 8. Siccus vt 4. Aer calidus vt 4. humidus vt 8. Aqua humida vt 4. frigida vt 8. Terra frigida vt 4. sicca vt 8. Cum ergo paribus momentis contrariæ illæ qualitates sint distributæ, sequitur ad hominem æqualis dignitas, parq; vndiq;, & geometrica æqualitas.

Confirmatur hæc doctrina, quia nulla qualitas prima continet aliam primam vel formaliter vel eminenter, ob contrarietatis rationem, ergo sequitur neq; eam præminentiam eorum formis substantialibus esse concedendam.

Dices ignem esse omnium nobilissimum ratione actiuitatis, esse-

effectuum, loci & imperij quod habet in natura.

Sed contra. Sequitur ergo ignem esse ingenerabilem, & incorruptibilem cum non sit assignabilis causa vel nobilior vel æquè nobilis quæ illum vel generet vel corrumpat: quis enim vnquam Peripateticorum concessit ignem frigesieri, & tamen id de aqua concedunt, obliti sui principij quod contrariorum eadem sunt passionēs? Dices eam mutationem fieri à causis æquiuocis. Sed contra, ea enim causæ sine certis dispositionibus formæ introductiori non præsumunt, cum autem nihil sit quod in ignem introducat aquæ dispositiones, sequetur ignem non posse vnquam mutari in aquam, neq; aquam in aerem. Contraria enim se se potius expellunt quam generent, & inimicitia elementorum, vt mixtis prodest, sic ipsis necessariam affert sterilitatem. Cum ergo aqua nec ab aere nec ab igne mutari possit, multò minus id à terra fiet, cum è diametro aduersetur: ingenerabilia itaq; & incorruptibilia sunt elementa.

Confirmatur primò, quia nullum inanimatum habet vim productiuam sui similis, sed hoc viuētibz proprium est, ergo neq; ignis ignem, neq; aqua aqua, aut terram terra generabit, quod si in mixtis animo carentibus hanc sterilitatem animaduertimus, sintq; illorum causæ æquiuocæ, quanto magis in elementis concedi debet, tùm ob ignobiliorem sui conditionem, tùm quod generare sibi simile perfectius sit quam nutrirī vel augeri, viuētia enim nisi certum attigerint perfectionis gradum femine carent. Adde quod, hac sterilitate mundi totius tutelæ cautum esse debuit, ob insanam elementorum extensionem, quare virtute assimilatiua carent, quæ etiam ipsis eo nomine est deneganda, quod cum finis essentię, & actionum sit idem, esse enim est propter operari, vt loquuntur metaphysici, ergo essentia se habet in ratione analogæ mediij ad finem: sequitur elementis nullam nisi mixtorum gratia com-  
petere



petere actionem, at mixtis transmutatio illa omnino inutilis est, ergo non datur transmutatio inter elementa, sunt ergo ingenerabilia, & incorruptibilia.

Confirmatur secundò ex princip. 11. posita experientia, oportet philosophari, sed in omni corruptione mixtorumq; dissolutione videntur superesse elementa, terra in cineribus, qui nullo igne flamma fiunt, aqua in vaporibus denuò in guttas reformatis, cur ergo de igne aliter philosophabimur quam illum cineribus, & rogo suo superesse immortalem?

Probatur quartò elementa esse ingenerabilia, & incorruptibilia. Elementa esse formaliter in mixto existimat tota fere iuniorum schola, quod placitum licet non habeat expressas Principum nostrorum leges, tamen Fernelius l. 2. de elem. c. 6. veterum esse contendit, fuit enim Democriti, Empedoclis, Leucippi, Epicuri, Platonis, Pythagoræ, Lucretij &c. Hanc certè sequutus est *Auicenna* l. 1. *Fen.* 1. *doct.* 3. videturq; fauere *Hipp.* l. de natura humana: *Gal.* autem l. 1. *methodi* c. 2. de his definire superuacaneum medico esse censet. *Aristoteles* l. 1. *meteor. sum.* 1. c. 2. negatiuam sequi videtur; ut ut sit affirmatiuam admitto supponoq; stabilitam apud *Fernel.* loc. cit. & in l. de abditis. *Dandinum*, *Iandunum*, *Ioubertum* aliosq; qui ut prudentissimè formas admiscere partiales, & elementa formaliter in mixto, ita non video quam ratione loquantur consequenter, dùm corrumpi transmutariq; concedunt.

1. Quia transmutatio, & corruptio inutilis est vbi integra, puraq; requiruntur elementa, atqui in mixto debent esse formaliter, cum ergo ex principio 10. omnes elementorum actiones sint propter mixta, ut omnia serui commoda pro domino, nequaquam corrumpentur aut transmutabuntur.

2. Si admittunt minima in elementis quomodo corrumpi explicabunt? Sit enim minimum terræ B. illud ex aduersario diuidi

diuidi potest, diuidatur ergo in partes duas A. C. sequitur vel materiam esse spoliata[m] omni forma naturaliter, quod negant fieri posse, vel dari annihilationem naturalem quod nullus admittit, vel in partibus A. C. remanere formam elementarē, proinde B. non esse minimum physicum in quo forma posset subsistere, contra suppositionem.

3. Si elementa sunt corruptibilia quomodo erunt in mixto formaliter? nam ibi debet corrumpi ignis vbi caret dispositionibus necessarijs, & conditionibus ad existentiam connaturalibus, quales sunt latitudo medij, alimentum extra sphaerā, intensio certa qualitatum suarum, quibus omnibus in congelato saxo caret, vbi sine calore actuali, sine alimento, sine spatio, angustijs coarctatus est, ergo vel ibi vel nusquam corrumpi debet: remanet autem in saxo in statu adeo violento, & quidem diutissimē, sequitur ergo esse incorruptibilem, & ingenerabilem. Elementa itaq; perennia sunt, & ingenerabilia; erunt proinde primum vniuscuiusq; rei subiectum, omnibus mixtis inerunt, & per vltimam dissolutionem in ea mixta omnia resoluentur, quod erat instituti nostri probare.

### PROPOSITIO III.

#### Elementa sunt materia prima.

**H**ÆC propositio conclusio est syllogismi cuius duæ præcedentes propositiones præmissarum loco se habent. Illud est materia prima, quod est primum subiectum, ex quo in existente fit vnum per se, & in quod si quid corrumpitur vltimò resoluitur; sed hæc conueniunt elementis, nam sunt primum subiectum, vt pote ingenerabilia, & incorruptibilia, inexistunt in mixtis, ex his, & forma substantiali fit vnū per se, & in omni corruptione resolutio fit in elementa, ergo sunt materia prima, quod erat demonstrandū.

Pro-



## PROPOSITIO IV.

*Materia prima quam Aristoteles proponit ex Ægyptiorum mente, omnino inutilis est, tum physico, tum medico.*

**P** Robatur primò, quia ea omissa facilius explicantur omnia, vt patebit inferius: deinde quia elementa ad omnimodam mixtionem sufficiunt; tertio quia medicus elementa tantum in corporibus contemplatur, physicus autem nullam materiæ primæ Aristotelicæ necessitatem ostendere potest, quare cum nihil in natura frustra sit, eam materiam non dari concludendum. Reuera Arabum Medicorum Sultanus Auicenna nullam præter elementa agnouit materiam, quem multi è peritioribus medicis sequuntur. Neq; verò mihi inutilis tantum, sed etiam impossibilis videtur, & in terminis contradictionem inuoluere; certè illius concepitum idæamq; animo nunquam potui adaptare, quibus autem fundamentis nitatur perpendemus capite 3. huius disp. cum aduersariorum retundemus tela, obiectiones enim nisi explicatæ acuratus Democriti sententiæ subdi non debuerunt, ne ordo confunderetur doctrinæ.

## CAPVT SECVNDVM.

De natura, numero; & proprietatibus elementorum, iuxta Democriti placita.

**N**OLO hic fusè de elementis pertractare, sed quantum ad præsens institutum de atomis necessarium est, prætermittis curiosissimis quæstionibus, de igne artificiali, aereo, subterraneo; de luce igni insita: de atmosphæra, de spiritibus aereis, & igneis, de mutatione, & phasibus æ-

ris: De aquis mineralibus, & bituminosis, de fontium miraculis præsertim quæ in Indijs vtriusq; à nouis Argonautis sunt reperta: de virtute magnetica terræ, de centro grauium, de quiete terræ, de terrarum varietate; his inquã alijsq; omisissis me cõfero ad ea quæ lumen dicẽdis afferre necessariò debeant.

## PROPOSITO V.

*Quatuor sunt Neotericorum de Elementis opiniones præcipuæ.*

**P**rima opinio sic elementum definit; *Corpus simplex formaliter existens in mixto, ut principium materiale ex tribus veluti cõpactum humore, succo, & solida substantia.* Prima pars definitionis vsq; ad id *ex tribus veluti &c.* aperta est, sentitq; cum Democrito dum vocat elementum principium materiale: at verò quis succus ignis, quis terræ humor, quæ soliditas aquæ aut aeri adscribi potest? An ignis humidus est, & succi plenus? humor. n. supponit humiditatem, succus mitionem cum concoctione ex Theophrasto *l. 1. hist. plant. c. 19.* De soliditate nihil disputo illa enim mathematicè penes dimensiones, physicèq; penes plenitudinem potest explicari. Is tamen, qui huius opinionis est caput, adscribit igni sic citatem in summo, sicuti etiam terræ, vbi ergo erit humor succusue qui semper de genere liquoris est, licet addensari possit? vnde videtur sibi ipsi parum consentiens; Sed cum nemo non auditus damnandus sit, ab hac opinione exagitanda superse deo, cuius nudam solummodo thesim vidi editam Lugduni.

Secunda opinio sic elementum definit. *Corpus simplex mixtorum basis, & materia è duobus coalescens, mole scilicet, & influxu fixo.* Ità nobilis Hungarus quem forte fortuna in itinere bi-duò comitem habui cum secundò in Italiam venire. Influxum dicebat esse portionem ætheream ipsi elemento congenitam quæ cum orbe superiori, & cælestibus mixta singula coniunge-



iungeret mediante ipso elemento, & singula ad suos planetas referret, vt planetę ad stellas fixas, & ipsi referuntur analogia mundana. Volebat elementa esse septem, terram, aquam, ignem, spiritum, seu ventum, essentiam, regulam, numerum, quę septem in singulis mixtis reperiuntur. Terram diluit aqua, aquam distribuit spiritus, spiritum vegetat ignis, ignem eleuat essentia, seu radicalis ros mixtorum cui insitę sunt, & veluti radicataę proprietates, totum certa figura coercet regula, & numerus partibus modum ponit. Regula autem, & numero substantias intelligebat, improprijs ad eum sensum vocabulis. Terram Saturno, aquam Lunę, ignem Ioui, Spiritum Mercurio, regulam Marti, numerum Veneri, essentiam Soli non absurdę componebat. Sed cum de planetis Iouialibus fieret à me certior, vnde & adinuenienda quatuor elementa sympathica igni pro stellis Medicęis, & duo sympathica terre, nam Saturni stella tribus globis deinceps positis dicitur componi; Respondit ea se habere per modum vnus: gratis audiui quę gratis dicerentur, nec mihi ad alia festināti tot refellere vacat, veltunc scholastica contentione curiosas confabulationes corrumpere.

Tertia opinio est multorum Chymicorum ę quorum numero, & superiorem fuisse puto. Illi duo dari volunt elementa, Terram quam damnatā, maledictam, & caput mortuum vocant, & Aquam vel insipidum phlegma, quę omni sale, mercurio, & sulphure careat. Quorundam Chymicorum absensę sententię etiam vocabulis, quibus nitor, & claritas adesse semper debet, magnam authoritatis partem suę arti abstulerunt, quid enim de ijs censendum est quam quod Lucret. l. 1. de Heraclito pronuntiat,

*Clarus ob obscuram linguam, magis inter inanes,  
Quam grauior Gratos, inter qui vera requirunt:*

*Omnia enim Stolidi magis admirantur, amantque,*

*Inuersis quæ sub verbis latitantia cernunt.*

Chymicorum plurimi à suis officinis egressi ab alambici fulcris tanquã ab Apollinis tripode, reuelata sibi arcana iactant, & ea loquuntur quæ nec ipsimet intelligant. Naturæ mysteria etiam si mille facibus reuelentur, arbitrantium oculis nunquam tota excipientur, restabit semper quod quæras, & quo plus scies, eo plura à te ignorari miraberis.

Quarta opinio sic definit elementum, *corpus simplex à nullo naturaliter dissolubile, constans substantiâ, qualitate acerrimâ, & mobilitate primariâ simplici.* Verum quidem est, in ratione qualitatum sensibilibum elementares esse omnium acerrimas vincuntur tamen in ætuitate ab ijs quæ à formis substantialibus mixtorum immediatè promanant. Admittit hæc sententia quinque elementa ignem, seu æthera, aquam, terram, influxum quem astra rerum, & stellarum particulas vocat, & gultinosum tartarum ad omnium vnionem necessarium.

Prima opinio fundatur in proportionem eorum quæ ad mixtum videntur accomodata. Secunda nititur analogiâ maioris, & minoris mundi, & relatione quam sublunaria habent cum cælestibus, quam quisque ad libitum explicat. Tertia præten- dit experientiam, & sensibus nititur. Quarta vt nouum quidpiam afferret astrorum fragmentis nos ditauit, sed illa exhibet Chymicus.

## PROPOSITIO VI.

*Elementum iuxta Democriti placita definire.*

**E**lementa definiuntur à Galeno l. i. de elementis c. i. *quæ natura prima, & simplicissima sunt, quæque in alia non amplius dissolui queunt;* in quam definitionem recidit Auicennæ definitio l. i. Fen. i. doctrina 2. cum dicit; *Elementa sunt corpora simplicia*



plicia, & partes primæ corporis humani, & aliorum, quæ in corpora diuersarum formarum diuidi minimè possunt ex quarum commixtione species diuersæ generatorum sunt. Aristoteles autem 5. met. t. 4. Elementum dicitur ex quo inexistente indiuisibili secundum speciem in aliam speciem, aliquid componitur; quæ definitio metaphysica est & vniuersalissima, sed deinde ab eodem Aristotele restringitur ad elementa corporum, cum vocat vltima in quæ corpora diuiduntur, illa verò non amplius in alia specie differentia corpora, & siue vnum, siue plura huiusmodi sint, hæc elementa aiunt, & in fine textus ibid. omnibus verò elementi acceptionibus commune est illud cuiusq; esse elementum quod primum cuiq; inest; ex quibus manifestum est vnicum elementorum characterem in quo tres isti litterarum legislatores conueniunt, esse perfectam homogeneitatem. Definiri autem posset elementum; *Corpus simplex seu purè homogeneum natura sua institutum ut in mixtorum compositionem veniat*; quæ definitio datur per causam finalem, & respectum transcendentalem, quo ab alijs distinguitur. Hæ definitiones optimè sunt neq; Democriti sensibus vlla ratione contrariæ, imò potius fauorabiles, si præsertim addamus pronuntiatum Aristotelis 5. metaphys. t. 4. *Paruum, simplex, indiuisibile elementum dicitur*. Nihilominus tamen aliam colligo Democriti definitionem ex l. 1. phys. & ex Lucretio l. 5.

*Elementa sunt seminarium primum atomorum simpliciter figuratarum, & vnigenarum secundum quarum variationem, & vnitionem diuersam mixta quauis generantur, & in quæ omnia vltimò resolvuntur*. Dixi seminarium primum, quia dantur figuræ; & minima secundæ sortis quæ à forma substantiali, cæli vertigine, alijsq; causis ad mixtorum obsequium variam obtinent figuram. Dixi simpliciter, quia cōpositione omni carēt. Vocavi vnigenas, hoc est, figuræ aut atomi aqueæ omnes sunt eiusdem rationis, idem deterreis igneisq; iudicium esto; Cætera plana erunt ex se-

quentibus. Confirmatur hæc doctrina à Lucretio qui dicit omnia corpuscula terrea adunata in vnum, & de alijs elementis ità similiter docet. l. 5.

*Quippe etenim primum terrai corpora quæq;  
Propterea quod erant grauiâ, & perplexa, coibant.  
In medioq; imas capiebant omnia sedes.*

Definiuimus ergo elementum secundum Democritum, quod erat propositi nostri.

### PROPOSITIO. VII.

*Elementum non componitur ex materia, & forma.*

**H**ÆC conclusio necessariò sequitur ex prop. 2. & 3. Illud enim non componitur ex materia, & forma quod est ingenerabile, & incorruptibile, sed elementa sunt huiusmodi per prop. 2. ergo non componuntur ex materia, & forma. Maior euidēs est, incorruptio enim absoluta, & omnimoda, qualē damus elementis, non potest stare cum illa compositione quæ separationem materiæ, & formæ facit possibilem. Verum non est hic dissimulanda difficultas quæ exurgit à definitione corporis naturalis ab Aristotele tradita, quamq; omnes adorant philosophi. *Corpus naturale est compositum substantiale (ex materia, & forma) habens principium motus, & quietis sensibilis, quæ sententia elicitur ex 1. & 2. physicæ auscult. & ex cap. 4. l. 5. metaphys. ad quam difficultatem soluendam, & ponendum Democriti placitis stabile fundamentum,*

Obseruo primò: rationem corporis vniuersalissimam abstrahere ab omni compositione vt colligimus ex Aristotel. l. 1. 13. metaphys. c. 2. & probatur ex eiusdem philosophi doctrina, qui materiam primam vocat substantiam corpoream seu corpus, & tamen omni forma caret. Adde quod ratio corporis apud Mathematicos aliud importat, vnde definitur corpus  
ab ipsis



ab ipsis pro figura solida, vt sit habens longitudinem, latitudinem, & crassitiem, & pro extremitate superficiem, ita Eucl. l. 10. elem. definitione, 1. & 2. quæ tres dimensiones sumuntur penes perpendicularem, quæ omnium linearum mensura est quia est vna, breuissima, & inuariabilis, vt demonstrauit Proclus, in 16. & 17. primi elem. Euclidis, vnde, & ratio corporis apud Mathematicos sumitur tantum extensiuè vel quantitatiuè, & reuerà ipsi abstrahunt à materia, vt docet Aristotel. l. 13. metaphys. summa r. c. 3.

Obseruo secundò differentiam essentialem corporis physici, sumi penes intrinsecum illud principium immanens motus, & quietis sensibilis primò & per se, non per accidens, quare corpus prout abstrahit à simplici, & composito (nam mathematicorum corpus est figura tantum solida, & æquiucò corpus quale ab ipsis vmbrarum terminis effingitur) definiri inquam debet. *Substantia materialis quantitatis, & extensionis exigitiua*; diuideturq; in corpus simplex, & compositum. Corpus simplex, est *substantia materialis homogenea exigitiua quantitatiuæ extensionis, habens principium motus, & quietis sensibilis primò, & per se & non per accidens*. Corpus verò compositum. Est corpus naturale, seu *substantia materialis completa heterogenea ex actu substantiali, & materia composita, habens principium motus, & quietis primò, & per se non per accidens*. Cum ergo ratio corporis vniuersaliter sumpta nō importet secum essentialiter compositionem ex materia, & forma, sitque alia ratio corporis simplicis, & alia mixti quæ ab homogeneitate, & heterogeneitate tanquam à proprijs sigillis distinguitur ab Auicenna, sequitur ex hoc capite nihil officii, quo minus demonstratum sit, materiam & formam elementis non inesse, quod erat faciendum.

## PROPOSITIO. VIII.

*In quouis elemento tria sunt primariò consideranda, primò moles substantialis corporea: secundò qualitas prima; tertio appetentia mixtionis. Secundariò autem elementa contemplanda sunt ut partes uniuersi, & ut mobilia localiter.*

**E**xplicatur, & probatur propositio. Moles substantialis corporea est ens substantiale simplex corporeum sub tribus dimensionibus comprehensum longitudine, latitudine, & altitudine, cum exigentia quantitatis quâ fiat impenetrabile.

Nomine qualitatis, quæ est secunda elementi ratio, intelligo qualitates primas quas adinuenit omnium primus noster Hippocrates ex Galeno l. 1. methodi c. 2. calorem, frigus, humiditatem, & siccitatem: Molis autem substantialis exigentia, est nota, & character eius essentialis, nam moles ignis à mole aquæ in eo differt primò, quod ista humiditatem, illa calorem exigit. Et sicuti in alijs omnibus philosophi essentiam nunquam constituunt in actu secundo, sed tantum in actu primo qui est potentia respectu secundi ut ait Aristoteles l. 2. de anima cap. 5. Ita moles substantialis aquæ est in potentia ad humiditatem, quare elementum metaphysicè componitur ex mole, & exigentia qua ponitur in actu primo ad illam qualitatem quam moles prior naturà, ex se profundit: itaq; exigentia illa est veluti actus metaphysicus quæ molem sub certa specie ponit.

Dices nonnullos existimare in philosophia Democriti nullâ dari qualitatem primam, & adducere possent pro se Lucretium qui varias atomorum figuras modo frigus modo calorem gignere dicit. l. 2.



*Sed ne forte putes solo spoliata colore.*

*Corpora prima manere, etiam secreta teporis*

*Sunt ac frigoris omnino, calidique vaporis*

*Et sonitu sterilia, & succo ieiuna feruntur.*

Et libro quarto ubi qualitates sensibiles explicat per figuras, & meatus excipientes; Verum tantum abest ut sit Democriti sensus, ut ipse quidem secundas, tertias, quartasque qualitates à proportionem secundarum, tertiarum, quartarumque atomorum oriri existimet, at primas influxu vero diffundi posse censeat; Lucretius quidem Empedoclis sententiam sequitur, nos autem Democriti. Sed de his fusius dicemus disp. 2. Deinde dico unam atomum seorsum sumptam non posse frigefacere, aut calefacere, quia actiones physice construuntur uti pyramides quarum basis est in agente, vertex in passio, atqui ubi tantum est punctum non potest fieri basis, quæ lineam indiget physicam, ergo neque; ab una atomo potest ulla actio sensibilis promanare.

Appetentia verò formarum, & mixtionis omnibus elementis est essentialis quatenus sunt principium materiale, & subiectum formarum, moles itaque, exigentia qualitatis, & appetentia mixtionis sunt essentialiter in quovis elemento, & sicuti varia est in singulis qualitatibus exigentia, ita dici potest, appetentiam formæ omnibus elementis communem, ad unumquodque contrahi per peculiarem subiectionem qua formæ subserviunt, nam aliter ignis, aliter aqua, & terra ad mixtionem veniunt quamvis simul sumpta faciant unicam materiam primam completam. Quæ doctrina adoratur ab Avicenna l. 1. Fen. 1. doctrina 2. cum ait. *Terræ usus est ad retentionem fixationem, & ad conservationem figuræ, & formæ; aqua extendit, & suscipit figuras; aer subleuat, & attenuat; Ignis maturat, permiscet eiusque penetratione currit substantia aerea, & ut duorum elementorum gravium frigidorumque puram frigiditatem frangat, & ut de elementaria proprietate*

prietate ad complexionalitatem redeat. Duo autem grāua plus iuant ad membrorum generationem, & eorum quietem. : & duo leuia ad spiritus, motionemq; tum spirituum tum membrorum : licet motus nō sit nisi ab anima ; hæc doctissimus Princeps, quæ videbis elucidius exponi prop. 12. huius disp.

Differunt autem appetitio, & potentia recipiendi formas eo quod appetitus connotet tendentiam ad sui perfectionem, potentia verò solam recipiendi capacitatem videatur significare : sunt autem duæ formalitates resq; vnica.

Quoad alia, quæ secundariò consideranda dixi, nempe de mobilitate, & quatenus sunt vniuersi partes, reiectis ad disp. 3. quæ ad motum pertinent,

Obseruo elementis triplicem inesse mobilitatem, prima quatenus sursum deorsumue proprijs nutibus feruntur, secunda est superioris ordinis nempe ad bonum commune, quod vt magis promoueant frequenti generatione sunt locis permixta omnibus elementa, neq; terram, aut aquam puram habemus sed omnia sunt immixta ad vniuersi bonum, præsertim quæ in atmosphæra circa terram reperiuntur. Tertiæ mobilitati cedunt duæ iam explicatæ, nam ista ordinatur ad generalissimum vniuersi bonum ad fugam penetrabilitatis, & vacui. Corpora enim simplicia, vt potè machinæ mundanæ fundamenta debent fouere connexionem vniuersalem, & omnia loca replere. Prima mobilitas oritur à densitate, raritate, latitudine, & cōpaginatione, aut grauitate leuitateq;. Secūda ex appetentia mixtionis, & formarum. Tertia ad totius commodum cui priuata subseruiunt, vt in Repub. ità in natura. Ob primam mobilitatem elementa mouentur lineis perpendicularibus ad centrum vel circumferentiam. Ob secundam obliquè mouētur dūm quærunt mixtionis locum aggregatiuum, in ipso autem actu mixtionis nullum motum respuunt. Ob tertiam ve-



rò omni motu per omnem lineam cientur, his ità explicatis.

Probatur propof. elementum est substantia materialis simplex exigitua quãtitatis, est enim de ratione corporis vt sit impenetrabiliter in loco: deinde vult poni sub certis dimensionibus, vt pote ens finitum, & determinatum: Exigit præterea, suas qualitates quibus agere possit ad extra, cum enim eius essentia sit pro alio nempe pro mixto, actio etiam elementi debet esse pro alio, ergo extrinseca est, & transiens, actio autem transiens non potest fieri nisi per qualitatem, ergo elementum illam exigit. Appetitus formæ est essentialis principio primo materiali, conuenitq; elemento mobilitas, vt melius nature institutis subseruiat, ergo hæc omnia in elementis sunt agnoscenda, quod erat nobis propositum demonstrare.

### PROPOSITIO IX.

*Non est satis probatum à philosophis dari quatuor elementa.*

**P**Robatur ex confutatione rationum Aristotelis, Auicennæ, Galeni, & aliorum. Aristoteles ità argumentatur in l. de cælo, & meteor. Tot sunt corpora simplicia quod sunt motus simplices, sed sunt quinque motus simplices, sursum secundum quid, & simpliciter, deorsum simpliciter, & secundum quid, & motus circa cætrum, ergo erunt quinque corpora simplicia, quibus hi motus conueniunt, cælum, ignis, aer, aqua, terra. Maior probatur quia cum natura sit principium motus, & cum sint quinque motus illi primarij, & simplices motus, sequitur dari quinque prima naturæ corpora; minor argumenti primi est adæquatæ diuisionis, & inductio experientia confirmatur, ergo sunt quatuor elementa præter ætherem.

Respondere posset Democritus Aristotelem supponere tria valde dubia, & quærere ignotum per ignotius, primum de principio motus localis intrinseco corporum, secundò motus cælorum

lorum ad rationes antiquorum astronomorū expensos. Tertiò de natura centri grauium. Verum ne videamur difficultatibus nouis hanc obiectionem inuolutam eludere, aut totius philosophiæ naturalis fundamenta vni diluendo syllogismo conuellere, transeat motus elementorum à grauitate, & leuitate oriri, secundò transeat in cælis dari homocentrica omnia vt explicuit Fracastorius, tertiò transeat cælos moueri à propria forma, hæc enim ab Aristotelis argumento supponuntur, nam excentrici, & epicycli quos inuenit omnium primus ex Arist. l. 12. metaphys. t. 47. Calippus astrologus, non mouentur circa centrum grauium: deinde si cæli sunt fluidi, neq; planetæ mouentur circa centrum cum habeant varietatem cursus sui adeò variam vt annotarunt astrologi, & si intelligentia cælos astraq; mouet vt ipse Aristoteles docet l. 12. metaphys. t. 48. quid conuincet ab illo motu qui externa vi imprimitur? His ità dissimulatis. Respondeo in forma transeat maior, nego minorem; sunt enim tantum tres motus simplices sursum deorsum, & circa centrum, alter à grauitate, alter à leuitate, tertius à vi motrice innominata; magis enim, & minus non faciunt differentiam essentialem vnde deorsum simpliciter, & secundum quid nullatenus differunt specificè, neq; verò absolute loquendo datur ullus motus deorsum secundum quid, nam aqua, cui ille motus ascribitur, per viam breuissimam ad centrum vsq; pergeret nisi præpediretur, sicuti terra non descendit dato obstaculo. Dices motus specificari à termino ad quē qui quadruplex est pro elementorum sedibus. Respondeo primò hos terminos ad libitum constitui, nam illos vt lubebit multiplicabo, in aere enim tres sunt regiones ergo tres termini ad quem. Vnus est autem grauium terminus ad quem, centrum mundi ad quod licet non perueniant, illuc tamen collinant, & per accidens est, si nutu suo defraudentur, deinde quotus-

quisq;



isq; admittit ignem in concavo lunæ, quem multi pabuli gratia vagari credunt? ijs tamen tanquam suppositionibus nititur Aristotelis ratiocinatio. At suppositio vel nunquam fallax esse debet, qualis est mathematicorum, vel certa experientiâ, aut alibi demonstrata. Vis autem corporum motrix quam parum habet apud philosophos in sui notitia conuenientiâ? dum alij grauitatem tantum, leuitatem præterea alij, nonnulli solum impetum, mechanici extrusionem, Aristarchi Sectatores qui Copernici stipendia merent, virtutem magneticam, nonnulli virtutem motricem indifferentem, alij antipathiam, sympathiamq; , Lucretius, & Empedocles primorum corporum curitationes in meatibus, alij alia comminiscuntur? Cum ergo tam dubia pro certis supponat philosophus, & conclusio sequatur deteriorem partem, dicamus eius propositionem parum veritatis minusq; certitudinis habere.

*Hipocrates* ut ait Gal. l. 1. de elementis c. 9. *videtur primus omnium naturæ elementa excogitasse atq; quantum satis esse possit demonstraſſe*, & ipse *Aristoteles* ex Gal. l. 1. de elem. c. 5. *videtur in suarum rationum forma Hippocratem imitatum fuiſſe*. Diuinus itaq; senex l. de carnibus textu primo vbi ostendit quomodo ex elementis quatuor variè immixtis homo sit generatus, hanc adducit rationem pro elementorum numero. Datur corpus intelligentiæ particeps siue calidum immortale quod vocant æthera; datur quod occupat medium mundi locum, infimum, & supra illud infimum, humidissimum quid ac crassissimum, ergo sunt quatuor elementa ratione sui situs satis distincta, hanc autem rationem deduxit suo modo Aristotele illiq; satisfecimus. Verum in tenebris natus Hipp. ijs erroribus hic scatet, quos Christiani in admirabile lumen vocati deridemus, hominem scilicet ex putri natum, deinde animam, & ignem calidum esse, quod Democrito etiâ placuit, quare sua sponte ruit Hipp. ratiocinatio.

Galenus l. 1. de elementis c. 5. sic argumentatur ex Hipp. placitis. Corpora quæ rerum vniuersitatem componunt, & ex quibus omnia fiunt, sunt elementa, sed sunt quatuor huiusmodi, regionibus, qualitatibusq; distincta, ergo sunt quatuor elementa, quæ, & ipse recenset terram, aquam, aerem, ignem omnium prima, & simplicissima.

Responderi potest ex Democriti placitis concedendo maiorem, & negando minorem, nam licet dentur hæc quatuor corpora, negabit tamen ex ijs omnibus propriè mixta fieri, vt fusius explicabitur inferius, & qualitates primas singulis inesse.

Auicenna l. 1. Fen. 1. d. 2. sic argumentatur à causa finali. Non potest fieri coporis naturalis generatio quin adsit fixio quædam, extensio, & dilutio partium, permeatio, & subtilisatio, deinde mixtio cum motu. Atqui fixationem terra præstat, extensionem, & dilutionem aqua, permeabilitatem, & tenuitatem aer, motum verò mixtionis ignis promouet, ergo cum hæc quatuor ad generationem omnem concurrant, sequitur esse elementa.

Hæc ratiocinatio doctissimi Arabis plus apud me est quam Aristotelis. Concedo itaq; requiri hæc omnia ad generationem perfectam, concedo etiam ab quatuor istis corporibus aliquid horum fieri, concedo aeris beneficio poros esse permeabiles, at nego attenuare aerem, cum vnus ignis ad hoc munus sufficiat: aer enim non figitur vt dicemus inferius, estq; alijs elemētis impermiscibilis, vt voluit Democritus, qui illum confudit cum inani, corpora enim ex tribus elementis componi censuit quæ facerent molem, meatus autem ab aere, quare licet optimè Princeps Auicenna probet dari quatuor corpora, quæ concurrant ad generationem, non probat tamen satis illa esse elementa propriè, & peripateticè dicta.

Quidam insuper ita probant dari elementa quatuor primò.



Tot sunt elementa quot sunt anni tempora, sed sunt quatuor anni tempora, veri respondet aer, æstati ignis, autumnus terre, hyems aque: ergo sunt quatuor elementa, 2. Adde quod dantur quatuor signorum triplicitates in zodiaco, 3. quatuor humores in corpore qui quatuor elementis respondent, 4. quatuor humorum motus, 5. quatuor in die naturali differentia 6. quatuor morborum tempora, 7. quatuor qualitatum ordines, 8. quatuor in extractionibus chymicis rerum differentia, 9. quatuor in rebus quæ subsident regiones, ergo debent admitti elementa quatuor.

Respondet ridens Democritus ad primum, rectè proponi hanc obiectionem in Europa sub zona temperata, Peruanorum Yncas, Malabarum Brachmanes, Sumatræ Iogues minorem negabunt, quod patet ex cursu solis, his enim prouincijs sub zona æquidiali 6. mensium est æstas, 6. mensium hyems utraq; duplex eo quod sphæram habeant rectam. In Brasiliæ tractibus quibusdam verè est perpetuum ex Beretario. Cur non dixit potius dantur 12. menses, ergo & totidem elementa, sunt enim qualitatum sensibilibiter diuersarum, aut cum Hungaro dantur 7. planetæ, ergo & 7. elementa. Ad 2. de signorum triplicitatibus quatuor concedo eas dari at nego ex ijs probari elementa quatuor, imo supponunt probata. Ad 3. Respondeo primò soluendum esse S. Thomæ, & Stoicis qui negant aerem esse calidum, & humidum, Vallesio qui nobiscum est, alijsq; deinde negabitur absolutè consequentia, cur enim non dixit potius dantur tres principes hominis partes, cerebro respondet aqua ob humiditatem, nam ut ait Hipp. 1. de carnibus t. 4. *Cerebrum est, metropolis frigidi, & glutinosi*. Cordi ignis ob calorem, *calidum enim*, ut ait Ibid. Hipp. *pinguis sedes est*, pingue autem igni dat pabulum. Hepari respondet terra, in eo enim venæ arborum, & herbarum instar implantantur. Ad

4. nego ab vitalibus motibus ad elementales esse argumentan-  
dū. Ad 5. 6. dico nihil illis concludi. Ad 7. concedo has qua-  
litarum differentias ex Galeno simpl. med. fac. l. 3. Sed nego  
oriri ab elementis, ut satis à me probatū est l. de manna cap. 13.  
de tabaco Exercit. 3. & ex professo l. 1. de purgātib. prælectio-  
ne 7. Ad 8. dico plurimos chymicos admittere tres tantum dif-  
ferentias rerum, alios quinque; quas vocant fæces, phlegma,  
oleum, essentiam, athera qui verò tres, dicunt esse falem,  
sulphur, mercurium, Ad 9. Nego in ijs quæ subsident qua-  
tuor apparere regiones sed aliquando quinque; aliquando tres  
pro variorum corporum differentia.

Mihi arrisisset magis argumentum à Timæo Platonis sum-  
ptum, *Corpora propter ignem videri ait, & propter terram tangi:*  
addo propter aquā gustari, vehiculum enim saporum est hu-  
midum, quod diluit salium differentias, ex quibus oritur sapor,  
sonum edere propter aerem: ergo propter elementum quin-  
tum odorati sunt proportionata; dabuntur ergo quinque ele-  
menta. Verum his minus seueris omissis alias perpendamus  
ratiocinationes.

Tres aliæ supersunt viæ inuestigandi numerum elementor-  
um, prima per qualitates primas, secunda ex natura mixtio-  
nis, tertia à motu locali mixtorum.

Pro prima sic fit argumentum. Tot sunt elementa quot  
sunt possibiles primarum qualitarum combinationes, sed sunt  
quatuor, ergo totidem elementa; maior probatur, quia à posi-  
tione proprietatis diuersæ, sequitur positio naturæ diuersæ, er-  
go cū dentur hæ qualitates, ut patet experiētia, sequitur earum  
combinationes reperiri. Sunt autem quatuor tantum possibi-  
les, calidum, & siccum, calidum, & humidum, humidum,  
& frigidum, frigidum, & siccum, ergo sunt quatuor elemēta.

Pro secunda. Sublato quolibet ex elementis sequitur inæ-  
qualitas



Qualitas miscibilium quæ mixtioni contraria est, duo enim frigida vincent vnum calidum, & duo calida vnum frigidum, ergo superest vt sint duo calida, & duo frigida ad mixtionis perfectionem, quæ ratio elicitur ab Auicenna loc. cit.

Pro tertia. Mixta vt ait Arist. 2. de gen. t. 40. mouentur ad motum elementi prævalentis: cum ergo quadruplex motus depræhendatur in mixtis erunt quatuor elementa, sic ignea sursum feruntur, terrea deorsum, aerea aquis innatant, fluida terminantur alienis terminis, & expanduntur vt aqua: quod patet in flamma, plumbo, lignis, & liquoribus, ergo cum illi motus sint quadruplices, & pendeant ab elemento prædominante, sequitur dari quatuor elementa.

Responderi potest ad primum, soluendam esse eam difficultatem S. Thomæ, Senecæ, Vallesio, Stoicis omnibus, ipsiq; Galeno qui omnes aerem calidum esse negant. Seneca certè l. 2. nat. q. c. 10. *aer frigidus per se est, & obscurus, lumen illi calorq; aliunde sunt*, & in fine cap. *Natura enim aeris gelida est*. Quæ assertio Stoicorum etiam est: Valles. in 4 meteor. Galenus 8. de vsu partium c. 3. falsam vocat Aristotelis assertionem, *aerem esse calidum*. Deinde quid probat contra illum qui diceret dari tantum tres qualitates primas, calorem, humiditatem, frigus? siccitas enim priuatio est cum vix vlla eius actio deprehendi possit quæ à solo calore non possit explicari dissipante humorem, at verò frigus sensibile est. Præterea negabunt hæc combinationes, sed corpori simplici, simplicem, & vnicam qualitatem actiuam assignabunt, quare ignem calidum, terram frigidam, aquam humidam faciunt, ponuntq; humiditatem tanquam medium contraria duo frigus, & calorem connectens, cum vtroq; enim sibi bene conuenit, ignem frigi fieri, terram cale fieri, aquam humiditate carere posse negant: sed horum actiones vel retundi vel admixtis particulis confun-

di, ità ad sensum terram apparere calidam cum id spiritibus igneis tribuendum sit. Cum ergo hæc prima via multa supponat aut valde controuersa, aut falsa denumero, & combinatione elementorum, & qualitatum, nihil per eam confici posse necessarium est. Et reuerà Valles. in 4. meteor. Arist. c. 1. hanc rationem vocat leuissimam.

Ad secundam rationem. Respondeo etiam si sint tantum tria elementa nihil impedit quo minus ea ratione possint dispensari, vt alterius copia aliorum numerum excedat. Sit enim corpus cui necessaria sit humiditas vt 3. calor vt 5. nonne ità dispensabuntur elementa vt sint ignis portiones 5. aquæ 3. terræ tres, illudq; corpus etiam si vno constet calido, tamen calidis in primo annumerandum erit.

Ad tertium argumentum. Responderi potest primò vt supra, deinde retorqueo argumentū. Nullum enim mixtum sursum fertur, ergo vel in nullo præualet ignis, quod aduersarius non dicet, vel ignis non mouetur sursum naturaliter, & per se, sed tantum per accidens, imò videmus mixta cuiuscunq; sint leuitatis centrum petere, metalla, fossilia quæuis, ligna, omnis generis, liquores, fructus, & etiam agaricum, suber, spongas &c. Quæ autem aquis innatant non alia id ratione faciunt quam quod porosa sint corpora, multo aere tumida, quare non ità innatant vt sola sui superficies aquam tangat, sed tantumdem in aquam deprimuntur quantum aquæ necessarium esset æquiponderando suo corpori. Sic nauis centum millium pondo eum sibi in aqua defodit locum, & eo vsq; deprimitur, dum hinc, & inde centum millia librarum aquæ extruserit, vnde, & ars nautica sibi sumpsit fundamentum, & regulam quæ onera nauibus certa proportionem præscribit imponenda. Et hac inductus experientia non existimo improbabilem eam esse sententiam, quæ omnia corpora mixta æqualis esse



esse gravitatis existimavit, differre autem ratione pororum seu meatuum quos infercit aer. Si ergo ratione elementi prædominantis corpora quædam innatant, ut vult aduersarius, quare in naui aurea, & argentea tutò nauigari potest, ut norunt hi qui libros Archimedis de his quæ vehuntur in aqua, salutârunt è limine, aut qui hydraulicæ, staticæ, nauticæq; principia delibârunt? Orontius Finæus in hydraulico horologio regio l. 2. horol. p. 17. nauim cupream adhibuit, & integram machinam Henrico II. Galliarum Regi obtulit, eaq; aquis innatabat, ergo non ratione elementi prædominantis sed ratione porius aeris in poris vel sinubus inclusi vel positi innatant aut merguntur mixta. Idem quod in alijs videre poteris in oleo, quod si in vasto effuderis vase tantum in aquam deprimetur quantum moles eius habet cum mole aquæ in ratione ponderis proportionem, quod si nimia sit olei copia neq; via sit extrusioni, tunc instar operimenti superincumbet, qua ratione succos in phialis asseruant pharmacopolæ. Ex quibus patet non probari sufficienter à philosophis dari quatuor elementa quod erat ostendendum, nunc audiamus in te tam graui Democritum.

## PROPOSITIO. X.

*Aer non est elementum.*

**P**ROBATUR primò. Quod caret qualitatibus primis illud non est elementum, sed aer caret qualitatibus primis, ergo nō est elementum, maior est euidens, & si à quopiam negetur quæstio erit de nomine, nam si elementum esse velit, corpus simplex cum reliquis rerum vniuersitatem constituens, concedam in eo sensu aerem esse elementum sed ipsi rationes alias elementis essentielles inesse nego: probatur itaq; minor. Si aer haberet qualitates primas ineptus esset ad id munus cui destinatus est à natura, quæ illum constituit mediatorem in-

ter cælum, & terram, vehiculum specierum, actionum, influxuum, & accidentium transportatorem; locum vbi spheræ actiuitatis non mutilantur; sensibilem cognitionum, & imaginum intentionalium sincerum fideiussorem; quare ob motus locales fecit faciliè diuisibilem, ob species intentionales purissimum, & sine crassitie diaphanum; propter oculum sine colore, & aliorum sensuum gratia sine sono, sapore, odore, & tangibilitate, quod in aere quieto sinceroq; patet; vt actiones propaget cuiusvis externæ impressionis, est susceptibilis, atq; vt ait Trismegistus in Asclepio; *Aer est organum vel machina omnium per quam omnia fiunt.* Quæ qualitates, & officia, cum in aqua, terra, igne non reperiuntur, videtur nobis ansa porrigi aliter de aere, quam de alijs philosophandi. Cuius insuper fluiditas vacuo impediendo, tenuitas poris subeundis, subtilitas dilatandis vaporibus crassis, rarefactioniq; corporum ob calorem adiuuandæ aptissima est, & vbiq; non tam sua, quam naturæ totius negotia pertractare aptus natus est aer. Vnde sic argumentor. Medium naturale, & proprium inter agens, & patiens de neutro participare debet, sed aer est huiusmodi, ergo de nullius agentis patientisue qualitatibus participat. sit enim aer frigidus, vt volunt Stoici, sic licebit ratiocinari.

Sicut non potest ignis actiuitas peruenire ad passum cum intermediat glacies, ita neq; ignis calor persentiri potest intermediente aere; quanam enim ratione pura actio calidi vt 6. vel 5. perueniet ad nos per medium fridigium vt 7?

Dices raritate aeris eius reactionem præpediri.

Sed contra, intensio qualitatis etiam in subiecto raro resistit subiectioni contrariæ, ita flamma stuparum, & palearum, sic ignis aquæ vitæ quamuis sit rarus, numquam tamen frigori cedit, ita vt frigus in eadem parte sui sit cum calore; pariter si aer dicatur calidus humidusue, corrumpet, retundet,



det, & adulterabit actiones frigidas, & siccas: ergo necessario concludendum est, ob illud vniuersale aeris officium median- di, nullam ipsi qualitatem actiuam inesse: neq; enim concipi potest quam tandem ratione minoris virtutis agentium vis, in medio sibi penitus contrario non pessumdetur.

Confirmatur ex officio aeris replendi locum, & poros su- beundi, natura enim debuit huiusmodi corpus omnino inno- xium creare, ne sua subtilitate, & quouis tendendi licentiâ, alijs corporibus officeret. Vnde Vallesius in 4. meteor. Ari- stotel. c. 1. commentario primo cum ostendisset, quam parum probasset suam de primarum qualitatum combinatione sen- tentiam Dux Peripateticorum; *An non melior (inquit) ratio est aerem, à quo homines, & perfectissima animantia erant perpetuò perpassura, in agentium qualitatum nulla, mediocritatem excedere, sed temperatum esse, ut illa mediocriter afficeret? Ego quidem arbi- tror atq; proinde sentio quod in controuersijs confirmari, aerem neq; calidum neq; frigidum esse, sed in hac oppositione temperatum. Nam præter dicta, quod aliqua qualitate est natura præditum, difficile tra- hitur ad contrariam, sed aere nihil est quod citius mutetur, de calore ad frigus, & contra de frigore ad calorem, usq; adeò ut eadem die calidus, & frigidus, & utrumq; impensè frequenter sit, ergo neq; calidus neq; frigidus est. Hæc viri extra omnem doctrinæ aleam positi sententia, quamuis nostræ faueat, tamen nobiscum non est, in eo quod temperatum aerem faciat, hoc est de frigore, caloreq; moderatè participantem, Sed etiam si haberet qua- tuor gradus caloris tantum, & totidem frigoris, difficile trahe- retur ad septem, quia resisterent alij gradus; ergo neq; calidus neq; frigidus est natura sua.*

Confirmatur secundò, quia nihil certi à sensibus haurire possemus, si agentium qualitates in medio vel fauorabili, vel vires addente, aduersante, & imminuente perciperemus.

Probatur secundò propositio. Illa non est qualitas insita, & effluens à corpore, cuius licet causam ab extrinseco assignare, sed in aere nulla est qualitas prima cuius causa nō sit extrinseca, nam calefcit a sole, frigescit à terra, humefit ab aqua, lacubus, vligine, paludibus, fossis, nubibus inficitur, non respuit fodinarum halitus, pestilentes vapores, cadauerum factorem, mutatur ventis, influxibus siderum, & tamquam Proteus omnium agentium impressionibus versatilis est, ergo nullam habet qualitatem innatam.

Confirmatur 1. quia omnibus elementis alijs insitam vbiq; eandē primariā qualitatem videmus, ita terra vbiq; frigida est, aqua humida, ignis nullibi calidus non est, aer tamen nuspiam sibi in qualitate prima similis, nam variatur tum à cæli aspectibus, & certis plagis, tum ab vicinia ignis subterranei, qui vbiq; maxima portione terræ immixtus est ex Hipp. 1. de carnib. t. 1. & sub eodem æquatore torretur in Monomotapa, riget in Peruuix montibus, temperatus est in Brasilia, mutatur ventis, maris viciniam, orientis meridieiq; afflatu, & infinitis alijs varietatibus à causa extrinseca ortis subiacet, ergo nullam habet qualitatem insitam sibi.

Dices has omnes mutationes fieri successiuè continuè, vbiq; aerem esse humidum; & à tribus tantum rebus aerem immutari in instanti ex Gal. 1. de oculis, particula secunda c. 6. *Hæc tria sunt quæ aerem sine ullo temporis spatio immutant, lumen solis, fulgidus color, & lumen visibilis spiritus.* Quod autem aer vbiq; humidus sit patet ex sua consistentia, & humidi definitione, nam facile alienis terminjs continetur, successio verò alterationis ostendit resistantiam insitæ qualitatis.

Sed contra. Illa mutatio non fit continuè successiuè, nisi quòd præexistat in aere contraria qualitas, si enim aer nulla aduentitia re esset præalteratus sed sincerus esset, calefieret in-

instan-



instanti: at verò cum à terra noctu sit frigidus factus, à sole paulatim sensimq; calefit. Ad rationem autē humidi, verum quidem est aerem vbiq; liquidum esse, humidum verò nequaquam, hæcenim definitio liquidi est, vt videbimus prop. 12.

Confirmatur secundò, quia mutatio omnis quæ formæ inclinationi contraria est transit, & momento durat, ingenua, natiuaq; qualitate redeunte, atqui nulla qualitas ab aere reparatur, ergo nulla ipsi est insita.

Probatur tertio eadem propositio. Illud non est elementum quod non potest venire in compositionem mixti. Sed aer non potest venire in compositionem mixti, ergo aer non est elementum. Maior est certa, cum enim elementa sint ad mixtum faciendum, sequitur quod quæ ad eum scopum minimè attingere possunt, non sunt elementa, cum natura nihil frustra faciat. Probatur itaq; minor; Illud non potest venire in compositionem mixti quod refugit vnionem cum alijs, sed aer refugit vnionem, nam neq; in aqua, neq; in terra aut igne figitur hæretue, videmus enim in globulum se se colligere vt maria diuidat, liquores ab eodem secari, & si à visciditate impediatur, ramen sine adhæsiōe in illis carceribus manebit, dum auolandi locus detur. Contrariâ verò ratione se se habent alia elementa, ignea enim corpuscula terræ miscentur, quod patet in fictilibus, & ferro candente, aqua verò, & terra quam facile, quam subtiliter in limum coalescunt? ignis etiam intrudit spiritus in mediam aquam; Ergo cū neque aer cum alijs elementis vniamur, neq; ipsi conueniant qualitates villæ ex primis, sequitur illi elementi nomen non conuenire, quod erat ostendendum.



## PROPOSITIO XI.

*Dantur tria tantum Elementa, Terra, Aqua, Ignis.*

**S**equitur hæc propositio tanquam Corollarium præcedentis nihilominus tamen ulterius

Probatur primò. Tot sunt elementa quot reperiuntur in corporum dissolutione, sed tria tantum reperiuntur, vt Chymicis est manifestum qui sulphur, mercurium, & salem in omnibus mixtis reperiunt, agnosce in sulphure ignem, aquam in mercurio, in sale terram: quamuis enim tria hæc sint mixta, nihilominus in singulis ità prædominantur sua elementa vt id potissimum esse videantur cuius potiores partes habêt. Ignis ergo copiosissimus est in sulphure, aqua in mercurio qui totus in fumos abit, & à vaporibus iterum in mercurium coalescit; In terra sal, quod à pôdere conijci potest æquè ac alijs rationibus sumptis à lib. meteor. Arist. & lib. de sensu, & sensili: sal enim se habet ad terram vulgarem vt 106. ad 92. Aqua marina se habet ad terram, vt 90. ad 93. quæ aqua marina immixto sale grauior est dulci, ad eam enim se habet vt 92. ad 74. ergo cum terra sit ponderosissima, sequitur quod vbi maximum est pondus ibi etiam illa prædominetur ex aduersario, ergo sal ad terram refertur. Adde quod in resolutione quotidiana mixtorum, & sine arte parata, sunt tantum tria, cineres, fumus, flamma, agnosce in cineribus terram, in fumo vapores aqueos, in flâma spiritus igneos, quod clarius exponâ c. 4. d. 2.

Illustrari posset hæc ratio Pythagoræorum placitis, nam in ternario fœcunditatis symbolum, quæ elementis conuenit animaduertunt, est enim imparium primus ex paritate vna, & vnitate coalescens &c. sed pro his vide doctissima Bungi commentaria in mysterijs numerorum; hîc enim, non philologum, sed philosophum agere decreui.

Proba-



Probatur secundò de singulis. Terra in sua puritate considerata habet summum frigus, magnum pondus, densitatem crassam, diaphana est secundum quid, suis terminis facile, difficile alienis coercetur, aspera & diuisionibus resistit, facile tamen cum alijs elementis vnitur, nam ad eorum contactus fit friabilis, quæ cum elementi naturam exhibeant sequitur terram esse elementum. Aqua humidissima, terre se se facile insinuat, alienis terminis facilius quam suis continetur, fluida est, diaphana, densa, satis facile diuisibilis, facillimè vnibilis, mixtis diluendis aptissima, ergo est elementum. Ignis calidus, fluidus, agilis, rarus, vagus, permeans, spirituosus, actiuitatis magnæ, facile vnibilis, aucta luce gaudens, facile diuisibilis, disgregatiuus, seu dissolutiuius dum multum viget, congregatiuus, & vnitiuus si moderatiùs agat, colorum omnium radix, corporum expetita portio, astrorum syngenis, aquæ, & terræ acceptissimus hospes, vitæ instrumentum: Ex quibus ignem esse elementum statuo.

Sed hæc tria ad mixtionem sufficiunt, terra enim corpus vel in figura coercet, aut solidiorem ipsi dat crasim: aqua terram diluit, & cum prædominatur certa quadam ratione colliquata, & colata mixtum fluidum facit: ignis benigno calore vtrumq; fouet, liquidum & transpirabile corpus reddit, & aquæ innatans ne congeletur à terra præpedit; ignis tamen, & terræ vinculum videtur aqua ob humiditatem frigoris, & caloris amicam; vnde cum aer sit ad mixtionem inutilis, hæcque tria sint satis, sequitur dari tantum tria Elementa, quod erat demonstrandum.



## PROPOSITO XII.

*Definitiones primarum qualitatū ab Aristotele traditæ, sunt improprie, quare alias asserere tentavi, Democriti placitis conformes.*

**A**ristoteles in definitionibus fuit mirabilis; Plato illius questionis æstimator quæ dicitur, *quid est?* totum terrarum orbem pro accurata definitione intelligenda peragrasset, plures sanè habemus descriptiones quam definitiones, quod inde colligere licet, quòd plurima absoluta per transcendentis respectus exponamus. Sic itaq; primas qualitates definiuit, Stagirita.

*Calor est qualitas tactilis congregans homogenea, & disgregans heterogenea. 2. de gen. t. 8.*

*Frigus est qualitas tactilis congregans heterogenea. Ibid.*

*Siccitas est qualitas tactilis qua corpora facile suo termino, difficile alieno terminantur. 2. de gen. t. 9. & 4. meteor. c. 1.*

*Humiditas verò, est qualitas tactilis qua corpora difficile suis alienis verò terminis facile continentur. Ibid.*

At cur illa particula tactilis in singulis definitionibus ponitur, vt scilicet in definitione postea potentię sensitivę vitiosus fiat circulus, definitur enim potentia in ordine ad obiectum, & hoc obiectum habet aliquid specificationis à potentia, quod nullo modo admittendum est: deinde nonne calor moderatus congregat heterogenea in coctionibus naturalibus, & artificiosis? & frigoris vis etiam homogenea congregat, & nimia etiam eius intensio diuidit, & separat, & homogenea, & heterogenea, vnde frigore disrumpi arbores in hercynia sylua, & saxa ipsa lacerari ferunt, fitq; tantum per accidens vt frigus in aqua gelu concreta compingat lignis lapidibusq; carcerem: quæ adunatio est tantum localis, non physica: melius autem fuisset definire has qualitates in ordine ad modū operandi in mixtione,



mixtione , & generatione corporum , nam cum ad illam ordi-  
nentur , perfectiorem notitiam inde oriri par est . Adde quod  
definitio humidi sumitur tantum in ordine ad locum , & con-  
uenit equè igni , ac aeri , vel aque , facile enim terminatur ignis  
alienis terminis , quare dicendum est humidi , definitionem cō-  
uenire tantum fluido , & definitionem sicci solido , nam cœlum  
ex Aristotele caret qualitatibus primis , tamen alienis terminis  
non coercetur , ergo cœlum est siccum , quod implicat ad homi-  
nem . Proponam in re adeò difficili meos conceptus , alio-  
rum si potiores sunt admissurus non inuitè , sic itaq; definiret  
Democritus .

*Calor est qualitas prima rarefactiua corporum quibus est extrinse-  
ca , instituta à natura , ut formarum actiuitatem proriret , & mixtū  
in vigore detineat , moueatq; primò atomos ad mixtionem .*

*Frigus est qualitas prima condensatiua corporum quibus est ex-  
trinseca , instituta à natura ut formæ imperium in corpore firmet , ef-  
fluxus nimios impediat partesq; ad mixtionem venientes figat .*

*Siccitas est qualitas prima quâ corpora vnionem cum alijs refugi-  
unt , comminutaq; difficile coalescunt , instituta à natura ad vincula  
partium modificanda , & partes ipsas suo in situ , & figura conueni-  
enti coercendas .*

*Humiditas est qualitas I. à qua corpora habent ut vnionē cū alijs  
facile admittant adhæreantq; & diuisa facile coalescant , instituta à  
natura ad vincula partium modificanda , & partes ipsas laxandas ,  
prout formæ fuerit opportunum .*

Hæ definitiones fundatæ sunt in modo agendi qualitatū ,  
videmus enim calorem rarefacere cum ab extrinseco agit in  
aliud corpus , sic calor ignis aquam rarefacit , & soluit in va-  
pores ; at dum calor ille est intrinsecus , & naturalis alicui rei  
illam non rarefacit , sic cor à calore sibi insito non rarefit , neq;  
piper quod calidum sit ideò rarum est : deinde calor est veluti  
prin-

principium motuū in natutâ si loquamur de motu ad substantiam, vnde hyeme nullæ pene generationes, appetente vere calor dominans naturam mouet, & excitat omnia. Pariter neq; frigus insitum, & naturale cuiuspiam rei, illam condensat, sed tātum id agit in ea corpora quibus ab extrinseco, & veluti violenter communicatur, facit tamen ne nimia fiant effluuia, vnde, & impedita illa spirituum difflatione, & effluxu de quo Aristoteles l. 2. de plantis c. 1. firmiter inter mixta inanimata, & diuturnius reddit formæ dominium, quo fit vt durent diutius frigida, calidis subinde pereuntibus, sic marmor, saxa, lapides pretiosi vix mutantur, cum tamen aluminosa, & bituminosa terrarumq; genera vltra certum tempus vsui in re medica esse non possint: deinde calor mouet, frigus verò motum figit quem non inuitè generationis amore sequebatur: fit enim vt paulatim eius influxu partes constipentur, & cū adfit calor in mixtione, coalescant cum sapientia, quæ naturæ motus dirigit; opus enim naturæ, opus intelligentiæ.

Siccitatis verò, & humiditatis definitiones à solido, & fluido distinguuntur satis, neq; ignem humidum esse concedam, cum ignis vnionem respuat cum multis neq; vt humidis contingit adhæreat, nam si digitum miseris in aquam madidum retrahes, si per ignem duxeris non adhærebunt partes igneæ. Deinde siccitas, & humiditas vinculis partium seu vnionis rationi modum ponunt; quare cum hæ definitiones petantur à fine ad quem à natura qualitates illæ institutæ sunt, videntur magis aptæ quam quæ vulgò Stagiritæ proponuntur, quæ ab effectis accidentalibus, vel à modo quo sunt in loco petitæ videntur, cum indistinctione ab alijs rebus: cum tamen definitio rei naturam explicare debeat, ac proinde rem illam à qualibet alia distinguere, nam per illud idem res est per quod differt ab omni alio, vt aiunt metaphysici.

Quod



Quod spectat ad modum agendi qualitatum, etsi in omnibus mixtis admittamus effluvia corporum quæ Aristoteles loco citato à Democrito didicit, & celebrat passim Lucretius, medicinæq; patroni vno ore vindicant, ita ut in eo via vllum dubium sit, in elementis tamen an ea dentur dubitatione non vacat, si quidem pura elementa poris carere probabile est quamuis Basso l. 2. de cælo intent. 2. art. 4. illis poros tribuat, qui planè necessarij sunt ad illam agendi rationem, nam meatibus indigent effluvia corporum siue aporroia. Verùm hæc controuersia facilè solui potest, meatus enim ex parte passi, effluuium est ex parte agentis; ac primò quidem elementis adesse illa effluvia patet in igne qui paleas longè distitas naph-tamq; inuisibilibus scintillis accendit, terra exhalat, aquæ vapores tolluntur sursum, magno naturæ consilio quæ ea ratione generationes promouet. Atq; ut id concedatur in Democriti philosophia ita clarum non est an agant elementa per propagationem suæ qualitatis; dico itaq; ut nudam responsionem, ommissa prolixitate, afferam, omnibus elementorum qualitibus dari propagationem sui per aerem, qui omnis qualitatis capax est, quia nullam habet, quæ cum contrarietate sit coniuncta.

Calor ergo in agendo magnam habet sphaeram actiuitatis; frigus exiguam, nam frigida immediato pene contactu opus habent ut sentiantur: Sennertus certè experientia sibi cõpertum esse dicit, nulli glaciem nisi palpet manu innotescere, si verò clausis oculis rem probet, fore ut nesciat an lignum an liberum aliudue socius admoueat: at contrarium expertus sum, licet enim, fateor, id à modico interuallo distingui possit, persentitur tamen obscurum frigus absq; contactu, resq; in niuis glacieiq; cellis probari potest; Humiditas sola partium humidarum adhaesione madefacit, siccitas autem obscuram ha-

bet actionem vixq; à calore dissipante distinctam. Maxima actiuitas est caloris, tum in propagatione sui, tum in agendi modo, & vi quam habet, vnde ignis potentissimum est naturæ instrumentum, quod axiomati locum dedit apud Medicos, *Quod non sanat dieta sanat medicamentum, quod non sanat medicamentum sanat ferrum, quod non sanat ferrum sanat ignis.* Parua est sphaera actiuitatis frigoris nulla humidi; sed natura velocitate actionis hanc carentiam compensauit, impune enim digitum perflammam ignemq; trahes, at sis licet sicciore arena non immergeris aqua quin madeas. Si verò datur siccitas positiua, nescio qua ratione agat; humiditas autem, frigus, & calor in nulla sunt ratione: sicuti centrum circuli, diameter, & circumferentia, vnde & illorum actiuitates, & agendi limites sunt incommensurabiles actu, potentiâ autem commensurabilia videntur frigus, & calor, humiditas ne potentiâ quidem.

Atq; ex his facile est elementa singula definire iuxta Democritum, clariùs tamen singulorum proprietates intelligentur cum de vltimis atomorum speciebus erit sermo. Attulimus ergo primarum qualitatum definitiones &c. quod erat faciendum: nunc autem diluendæ sunt emergentes aduersus hanc fundamentalem atomorum doctrinam obiectiones.

## CAPVT TERTIVM.

Satisfit obiectionibus contra superiorem Democriti doctrinam.



iximus elementa esse materam primam, eaq; ingenerabilia & incorruptibilia, dempsimus ex elementorum numero aerem quod qualitatibus primis careat aliasq;



aliasq; consequenter adstruximus assertiones ex Democrito, quas vthactenus munire sumus conati, nunc tuendæ sunt.

## OBJECTIONES

*Contra incorruptibilitatem, & numerum Elementorum.*

**O**bjicitur primò. Incredibile est tantam ignis copiam in ligno esse, quantam ab eius combustione promi videmus, ergo sequitur generari, ac proinde elementa non esse ingenerabilia.

Respondeo hanc difficultatem soluendam omnibus illis qui dicunt elementa esse formaliter in mixto, si enim ignis ad sui cōseruationem indiget calore actuali, pabulo, & latitudine medijs, quomodo poterit esse in saxo? si non indiget qua de causa corrumpetur? soluo tamen difficultatem ex proprijs Democriti principijs, & vt mea solutio leniùs admittatur, aduerto experiētia sæpe repetitâ edoctus sphærâ igneam decies ter millies octogentesies vigesies quater maiorē ab vno pulueris nitrati grano effici quam sit ipsum granum: cuius rei habes demonstrationem in his numeris.

Grani integri diameter	2.	<i>Radix</i>
Circulus planus	4.	<i>Planus numerus</i>
Sphæra solida	8.	<i>Cubus</i>

Grani accensi diameter	48.	<i>Radix</i>
Circulus planus	2304.	<i>Planus numerus</i>
Sphæra solida	110592.	<i>Cubus</i>

At numerus 8. seu cubus grani nō accēsi cōtinetur 13924! in numero 110592. seu cubo accensi, vt patet per diuisionis arithmeticæ, & algebræ regulas, ergo sphæra solida accensi decies ter millies octingentesies xxiv. continet sphæram solidam non accensi, quod erat demonstrandum: neq; cuiquam in  
hisce

hisce numeris dubium erit qui Eucl. l. 12. elem. perceperit, sic enim ille prop. 2. *Circuli eam inter se rationem habent, quam descripta ad diametris quadrata*, & prop. 18. *Sphæra inter se rationem habent suarum diametrorum triplicatam*.

Tanta itaq; ignis copia quamam oritur ratione? & eam non esse tantam, videri tamen 1. quia idem ignis in pluribus locis videtur ratione motus, & refractionis: sic vna scintilla sursum ascendens lineam ducere in aere videtur, & si baculum ignitum giraueris circulum igneum credes, quod ergo in his moribus cōtingit idem inflamma ac idere par est credere; superficiē scilicet igneorumq; spirituum exiguum numerum multiplicem apparere, & eo copiosiorē quo motus velocior est, nā tardus in paucioribus locis videtur: præterea in omni flamma datur oleaginitas quæ refractionē facit, & diuersū situm quo fit ut eo etia nomine idē in pluribus locis multiplici distractaq; specie appareat. Quod si ē grano pulueris nitrati tanta ignis vis erumpere videtur, cum tamen illi generando desint apparatus in omni generatione requisiti, quod dispositionibus quæ sensim introduci debent non sit tempus, quanto maior ignis copia in lignorum strue delitescet, deinde cum ignis sit lucidus sit ut omnis flamma ignis esse censeatur, ut pote luce tincta, cum tamen res ita se non habeat, quare illud omne quod à sensibili magis caloris lucisq; prædominio rectē denominatur ignis, magnam aquæ terræ, & aeris portionem immixtam habet. Quod si hæc non satisfaciant aduersario: quæret Democritus ut quid tanta vaporū copia ex vno aquæ cyatho emergit, num aqua de nouo generatur? rarefieri dicent, quod itidem de igne in ligno delitescente concedemus: quare ignis est in mixtis veluti compactus, statim autem, ac in latitudinem mediij aeris potest erumpere rarefit, & magnum occupat locū: & dissolutio sensim facta, sensim etiam ignem prodit, fitq; ut ea diu-



ea diuturnitate maior censeatur eius copia, cum potius lentus motus æstimari deberet: quam autē ratione fiat ea dissolutio explicabimus in calce disput. 2.

Obijcitur secundò multiplex experientia.

- 1 Aqua ex Æolypilo Vitruij exit in ventum mutata.
- 2 In maris medio vi remorum ignis scintillæ emicant, quia interceptus aer in ignem mutatur.
- 3 Ignis extinguitur, neq; vlli spiritus ignei supersunt etiam in vase hermeticè clauso.
- 4 Vbicunq; est ignis ibi est lux, ergo extincto igne nihil ignis superesse fatendum est, quia nulla lux residua est, ergo corruptio ignis secuta est eius extinctionem.
- 5 Dantur ignes qui aquā nutriuntur, & in Delphinatu ad Gratianopolim fons est qui aqua sua nutrit ignem, vnde & fons igneus, illi nomen inditum: cuius fontis meminit S. Aug. de Ciuit. Dei.
- 6 Sol eleuat vapores qui non semper soluuntur in pluuias, superest ergo vt caloris vi, mutantur in aerem. Quibus experientijs alijsq; videtur conuinci elementa inter se transmutari, ac proinde malè stabiliri à Democrito ea esse ingenerabilia, & incorruptibilia.

Experientiæ succedit ratio Aristotelis l. 2. de gen. c. 6. qui ità agit contra Empedoclem qui cum Democrito sentiebat. Elementa ( inquit ) possunt comparari inter se ex quantitate, ergo habent aliquid commune ratione cuius mutari possunt. Hoc argumentum Aristotelis futile est si non penitus enucleetur, forte autem, & validum si latens exquiratur medulla. Quantitas enim est accidens, ergo adheret alteri, sed in singulis elementis est quantitas; ergo in singulis est aliquid cui adhareat, ergo illud subiectum est commune omnibus, ac proinde secundum illud mutari inuicem poterant.

Et idem Stagirita cap. 5. sic arguit, quæcunq; mutuo sunt contraria possunt inuicem transmutari, sed elementa sunt inter se contraria, ergo inter se transmutabuntur, maior est clara ex definitione contrariorum, nam contraria sunt quæ sub eodem genere posita inter se maximè differunt, & ab eodem subiecto se se expellunt, ergo possunt esse in eodem subiecto saltem successiuè, ac proinde ex vnius corruptione alterius admittitur generatio: elementa verò contraria esse patet sensu.

Affero instantiã. Omnis alteratio est propter generationem substantialem, sed si ignis, verbi gratia, in terram agit eam alerat, ergo vt faciat aliquid substantiale: atqui omnium agentium finis est assimilare sibi effectum, ergo fine suo non debet priuari, præsertim cum sit prius igni propter se agere quam propter mixta. Cum itaq; ignis terram alteret, & alteratio sit via ad generationem, debeatq; passum assimilari agenti, sequitur terram ab igne corrumpi, & ratio à priori peti potest à p. 7. nam alteratione ponuntur dispositiones ad formam, ergo cum ignis in terram introducat dispositiones, & qualitates ignis sequitur etiam ignis formã debere succedere: adde quòd contrariæ qualitates debent posse inharere subiecto eidem, ergo qualitates ignis possunt esse in materiali subiecto qualitatum aquæ, ergo & ipsa ratio specifica ignis siue forma substantialis.

Hæc sunt meo iudicio maioris momenti contra elementorum incorruptionem argumenta, quæ in suum diem ponere sum conatus, ne ( quod in Aristotele damnamus qui malignè doctrinam aduersariorum adducit in medium ) viderer præuaricari.

Respondeo ad primam experientiam, aquam in Æolypilo Vitruuij violèter, & artificiosè intrusam, ob tenuius foramen, exire non posse nisi in vapores attenuetur, qui deinde in aquã resoluuntur iterum, atqui vapor est formaliter aqua, ergo nulla ibi fit aquæ corruptio.

Ad



Ad secundam, respondeo vi remorum, ignis scintillas posse emicare, quia elementa sunt immixta locis, deinde vel è remis prodijisse dicam, sicut ex ligno lauri arctius constricto emicat, vt è saxo; vel illum ignem in aere ipso extitisse aut in aqua.

Ad 3. & 4. dico plures requiri conditiones igni ad id vt luceat: in flamma certè necessarium est humidum pingue, & aliqua partium ignearum adunio: Atomi autem spiritusq; ignei omnè chymicorù solertiam, pororum beneficio fallunt.

Ad quintam, nego vllum ignem aquà nutriri, qua de re videbis in mea Theorica militari lib. 4. Theor. 5. Ad fontem illum igneum qui à me tantùm non est visus, respondeo sulphureos halitus vndiquaq; emergere qui aquas allambunt.

Ad sextam dico vapores illos vel asportari aliò à ventis vel in pluuias insensibiles solui, vt in rorem, aerem quem ferotinum dicunt, qui ferè ros est vespertinus, in guttas noctu decedentes, in humorem illum qui in herbas, & alia allabatur, ergo nulla experientia probatum est elementa transmutari.

Ad rationem Aristotelis respondeo ipsi philosopho esse soluendam, Cœlum enim quod ex ipsius placitis incorruptibile est habet quantitatem, ergo potest comparari cum elementis, ergo habet aliquid commune secundū quod transmutari possit. Sed ex proprijs Democriti principijs soluo argumentum in forma. Elementa possunt comparari inter se penes quantitatem concedo ant. ergo habent aliquid commune specificè nego, genericè concedo: at qui ad transmutationem requiritur communio specifica eiusdem subiecti: nam moles substantialis ignis differt specificè à mole substantiali terrę, ac proinde nihil est commune inter illa duo, nisi genericè, sic cœli materia si diuersa esset à materia terræ, certissimum est cœlum nunquā in terram commutari posse, quia nihil est vtriq; commune nisi genericè, neq; obstat quod singulis elementis inhereat quan-

ritas, vnde concludet aduersarius, quòd erit subiectum specificè idem : nam in ijs quæ toto etiam genere differunt videmus non rarò eadem accidentia, & qualitates : equidem debuerat ostendere Stagirita suæ materiæ proprietates ab ipsa inseparabiles, & quas vocant quarto modo, ijsq; stabilitis, & demonstratis potuisset à posteriori ostendere vbinam ea materia reperiretur.

Ad secundam rationem. Contraria possunt inuicem transmutari, nego maiorem ad probationem maioris quod contraria se se expellant ab eodem subiecto, respondeo distinguendo, se expellunt à subiecto primario inhæsionis nego, à subiecto denominationis, & subiecto secundario inhæsionis concedo. Explico meum responsum, non existimo ab vllò philosopho admitti frigus in igne puro, & defæcato posse inesse, ità vt ignea pars possit euadere frigida vt 6. si ergo in igne videatur hoc improbandum, cur in aqua concedetur, cum sit vtrobiq; par ratio, & contrariorum eadem sit philosophia? quare negavi contraria expellere se à subiecto primario inhæsionis quod explicui def. 2. 3. 4. Contrarijs idem est subiectum inhæsionis in aere, vnde se se mutuo expellunt qualitates sibi infensæ; In mixtis autem est tantum subiectum denominatiuè idem, nam à potiori denominatio sumitur, ibi enim est ignis, & aqua, sed pro alterutrius ad sensum dominatu mixtum dicetur calidum vel humidum aut frigidum, quamuis multæ particule aliter se se habeant.

Pro instantia vltimò adducta explico duo principia quibus innitur. I. Omne agens intendit sibi assimilare effectum : si sit agens vniuocum, & nulli alteri subordinetur tanquam instrumentum causæ principali, verissimum est axioma, at si sit æquiuocum vel instrumentum tantum alterius, est falsum, sic enim sol non intendit facere alium solem dum concurrat ad  
gene.



generationem auri, & dolabra statuam diffecans non intendit facere dolabram, quia est instrumentum ideæ quam habet artifex in mente, & ratio huius rei à priori peti potest à naturâ finis, qui ab omnibus medijs intenditur: quare, & huic axiomati inter philosophica datus est locus; Causæ instrumentales, & subordinatæ agunt in gratiam principalis agentis.

II. Autem principium, implicante fine frustra adhibentur media, verissimum est, & facit à nobis; finis enim elementorum, & suarum actionum vnus est, nam esse est propter operari, quare cum elementa sint propter mixta, etiam omnis generatio fiet in gratiam mixti, vnde non est prius igni assimilare sibi effectum, sed verus ordo est, vt ignis agat propter mixtum cui subordinatur: ex quibus patet solutio.

Ad confirmationem R. 1. distinguendo vt supra de subiecto in hæſionis primario, & secundario & de subiecto denominationis: R. 2. transeat posse frigus in igne, calorem in terra subiectari, nego sufficere huiusmodi dispositiones, cum aduersarius etiam concedat elemēta formaliter in saxo vbi ignis calore pene omni caret, & tamen est formaliter ignis, præterquam quod hæc argumenta procedunt à suppositione quod detur materia prima diuersa ab elementis quod Democritus negauit.

## OBIECTIONES

*Contra ternarium elementorum numerum.*

**O**bjicitur primò. Vnum vni est contrarium, sed datur vnū frigidum, & siccum, nempe terra, ergo debet dari calidum, & humidum, nempe aer.

Respondeo primò, hoc argumētum soluendum esse S. Thomæ, Stoicisq; cum quibus Seneca in q. nat. ait aerem esse frigidum, Vallesio qui temperatum facit. Respondeo secundò

negando maiorem, nam vniplura sunt contraria, sic opio contraria sunt alexipharmaca, castorium, assa, semen rutæ, origanum. Bezahar indistinctè venenis datur ex Auicenna in Canticis, parte tertia, numero 51. & l. 4. Fen. 6. t. 1. c. 5. Respondeo tertio, vnum vni est contrarium hoc est vna qualitas vniqualitati transeat maior, concedo minorem, nego consequentiam: nam in syllogismo fit transitus à qualitate ad substantiam cui nihil est contrarium. Eodem recidit argumentum à quatuor primis contrarietatibus petitum de quo supra egimus.

Obijcitur secundo. Grauitas, & leuitas oriuntur à qualitatibus primis, sed aer est grauis, ergo habet qualitatem à primis ortam, & consequenter primas, nam ab effectu necessario cognoscitur existentia causæ per princip. 12. Minor itaq; probatur primò à Mathematicis qui de aeris pondere scripserunt, inueneruntq; eius ponderis momenta, 2. à Francisco de Mendoza qui in suo viridario pblema instituit, an in aere nauigari possit, 3. à descensu lapidum, & aliorum grauium quæ aeris pondere prægrauata vrgent suum descensum, & velocius in fine quam principio mouentur, 4. experimento adducto à Bassone qui follem inflatum citius descendere ait quam aere vacuum, obadditum aeris pondus l. de motu intent. 1. art. 3.

Respondeo primò negando maiorem, prius enim est elementum esse mobile localiter quam calidum vel frigidum, nam corporis definitio motus importat principium quod grauitatem esse volunt.

Responderi posset secundo neglectâ maiori negando minorem, quæ est contra Aristotelem qui vult aerem esse leuem in l. 4. meteor, & l. de calo, l. de ortu, & alibi, verum siue leuem siue grauem dicat aerem, manet argumenti vis, quare distinguenda est maior: grauitas, & leuitas in mixtis oritur ab elementis.



mentis, & eorū crasi concedo, in simplicibus corporibus nego.

Ad primam probationē Respondeo à mechanicis plerisq; admitti pro virtute motrice omnium corporum solam grauitatem vt per extrusionem deinde motus suos explicent, verū de sua hypothefi cura non est mathematico, & reuera illam probare alterius est facultatis, vt ait Aristoteles, ponderare autem aerē, diligentia non superat humanā, licet enim exigere videretur spatium corpore leuiori plenum vt esset ignis regio, tamen, & in ipso aere, & in aqua examinari potest, leuior enim aer citius extruditur fursum, ponderosior tardiùs, dataq; motuum proportionē de ipso pondere iudicari potest; In aere autem puriori impurus aer potest examinari, vt si magnum vtem aere infercias ex valle desumpto, alium paris ponderis montano, videbis in aere sereniori alterum altero præponderare, quæ animaduersio vt in aquarum generibus non inutilis est medicinæ, leuiiores enim probamus ex Hipp. & Galeno, ita, & aeris examen ex balance non est spernendum crassus enim aer deterior; Verū hæc nihil faciunt contra nos quia argumentum procedit de elementis impuris contra postulatum 3.

Ad secundum Respondeo Mendoçam loqui ex suppositione quod detur ignis in lunæ concauo, elicereq; consequentiam illustrandis veris Luciani historijs appositam: sint enim naues sinus amplissimi in aeris conuexitate positæ, negat eas ad centrum mundi casuras quia leuissima ignis substantia aere leuiori replebuntur, vnde, & expansis velis remigioq; in aeris conuexa superficie poterit nauigari: quæ Mendoçæ curiositas luxus plurimum, parum autem contra nos roboris obtinet.

Ad tertium Respondeo negando impelli lapidem ab aere sed mobile colligit impetum in descensu cuius proportionem certis regulis digesserunt mechanici, quas fauente cælo videbis in mea Theorica militari. l. 1. à Theor. 1. ad 20.

Ad quartum nego experientiam Bassonis veram esse, sed ipsum ex coniectura loqui assero, neq; à se factum illius rei experimentum scripsit; imo expertus sum æqualibus momentis vacuum plenumq; follem descendere, quod vt melius explicetur, & vt solidissimum Democriticis assertionibus fundamentum ponā, sequentem instituo ratiocinationem ex princip. I I.

### PROPOSITIO XIII.

*Aer caret gravitate, & leuitate.*

**S**I experientia quam assero omni caret errore peripateticam philosophiam fuisse existimo. Sæpius expertus sum diuersæ gravitatis, figuræ, molis pondera æquè velociter ab editioribus locis ad terram peruenire: lignum, & ferreum globum eodem momento ex eadē horizontali linea pari altitudine demisi, & vtrumq; pari velocitate ad terram delatum est, saxum, & glebam, librum, & plumbi globum, pilam lusoriam, globum ferreum, vesicam inflatam iunxi diuersis locis, & temporibus, nihil tamen vel minimæ differentiæ potui deprehendere, licet ab editissimis turribus experimenta repetiuerim: & id in aere sensi quod in inani contingere canit doctissimus Lucretius l. 2.

*Omnia quapropter debent per inane quietum*

*Aequè ponderibus non æquis concita ferri.*

Cuius experimenti rationem à priori ità reddere possumus, omnis virtus corporum inanimatorum oritur à primis corporibus; Sed prima corpora sunt æqualiter mobilia, ergo omnia corpora ab ipsis orta, maior admittitur disertè ab Aristotele cū ait corpora moueri pro ratione elementorū, prob. minor. Ibi debet esse eadē vis motrix vbi par est illius necessitas, alioqui natura quæ ditissima est deficeret in sui primordijs, atqui par est exigentia vt omnia elementa paribus momentis moueantur,




antur, cum ad idem munus sint destinata mixtorum scilicet generationi, ergo debent paribus momentis ferri ad locum vbi perfectæ fiunt generationes qui est centrum mundi, & regio circa centrum posita. Quibus ità positis,

Probatur propositio. Si aer haberet grauitatē aut leuitatem faueret quibusdam corporibus in descensu, alia verò præpediret, atqui id non facit vt experientia patet, ergo aer caret grauitate, & leuitate, maioris sequelam perpendens Lucretius loco citato sic ait, posita scilicet in medio grauitate, & leuitate.

*Nam per aquas quæcunq; cadunt, atq; aera deorsum.*

*Hæc pro ponderibus casus celerare necesse est.*

Probatur itaq; maior. Vt se habet grauitas aquæ ad ea quæ per ipsam descendunt ità se habet grauitas aeris. Sed grauitas aquæ remoratur leuiora, ergo idem deberet facere grauitas aeris. Idem de leuitate iudicium esto, pirum tardius fertur per aquam quam plumbeus globus, & si duas pilas ferreas diuersi pōderis vt altera sit vnc. 2. altera lib. 6. minor citius ad aquæ fū. dum perueniet. Quo enim corpus acutius est eo facilius diuidit resistantiam medij, vnde cunei quo acutiores eo melius diuidunt, & acutior cultri acies promptius secat: at minor globus facit angulum contactus cum aquæ plano magis dehiscentem; Sit enim globus maior F. globus minor E. aquæ superficies A B. angulus contactus à maiori circulo C A B. linea directionis motus à centro grauitas D sit diameter F D A. Dico primo angulum contactus à maiori circulo cum superficie aquæ esse acutiorem, quā à minori, ac proinde globum minorem facilius promptiusq; cæteris paribus diuidere aquam.







uerſe potentię diuerſi contingunt motus, vt quid eiufdem magnitudinis globi duo alter ligneus librę vnus, alter plumbeus librarum 50. per aerem æqualibus momentis feruntur: deberent enim per Theorema 2. habere differentes motiones ita vt dum vnum pedem emetiretur ligneus globus, quinquaginta petranſiret plumbeus? An quia aer ſuſtinet omnino nihil; at prægrandes aues in aere librantur. An quia leuis eſt aer abſq; vlla grauitate ac proinde grauib; quibuſcunq; cedit? at certè deberet ea leuitas grauioribus facilius cedere; ergo cum omnia perpendiculari motu æqualibus momentis per aerem, ferantur ſignum eſt neq; grauem neq; leuem eſſe.

Quod cognoscens Democritus apud Ariſtotelem l. 4. cœli t. 42. ſoluit hanc difficultatem quæ maximi hoc in loco ponderis eſt; Democritus itaq; exiſtimabat, teſte philoſopho, ſtriſta corpora deſcendere quod pauca iſtis reſiſtant, lata verò aſcendere, ſuper aquam. Subdit inſtantiam à Democrito adductam textu 43. *deberet enim in aere hoc etiam fieri, ſed ſoluit molliter, ait enim non in vnum impetum facere SOVN, vocans SOVN motum eorum quæ ſuſſum mouentur corporum*, quæ ſolutio non mollis eſt ſed neruoſa, negat enim paritatem Democritus, cum ait, non fieri motum in vno, & eodem medio; aqua enim reſiſtit ob grauitatem humiditatemq;, aer autem nullius eſt reſiſtentię quia grauitate, & leuitate omni caret. Quid verò intelligat per vocem SOVN innuit philoſophus, at illam particulam ſuſſum intelligede omni motu qui in aere fit, aer enim reſpectiuè ad aquam ſuperior videtur, abſolutè autem nihil datur ſuſſum deorſumq; vt probatur à nobis in *astrologia Democriti*, SOV autem eſt vox abigentiſ aues apud Ariſtophanem in Vepiſ: delata enim violento motu pondera eum ſonum edunt.

Hæc autem experientia de pari ponderum omnium ad terram

ram descensu nullâ habitâ molis, figuræ, grauitatis excedentis ratione, aut aliorum quæ motum vel accelerare, vel præpedire possent, peripateticis omnibus contra sensum est neganda si suam stare velint doctrinam, cæteroquin mirum quantum Democriti sententiæ fauet, & Stagiritæ nocet: nam si virtus motrix deorsum est maior in saxo quam in ligno, cur lignum æquè cito descendit? si vtrobiq; par est cur saxum maioris est grauitatis? certè admissâ semel grauitate, & leuitate nullo modo concedi potest id fieri, quod tamen oculis ipsis depræhendimus.

Scio quosdam negare ab satis edito loco factam experientiam, dicereq; nonnullum quod si ab orbe lunæ deciderent huiusmodi pondera fore vt depræhenderetur diuersitas; sed contra; sensibilis diuersitas virtutis, imo itâ diuersa vt altera sit in centupla proportionem, debet effectum facere sensibilibus diuersum in spatio satis conuenienti, sed nulla vnquam depræhenditur differentia quæ vel vnus cubiti imo palmæ sensibilis esset ergo nulla est virtutis differentia. Scribit Campanella quæst. 32. a. 1. physiologiæ expertum se citius pilam vnus vnciæ cadere, quam ferream 6. librarum, subditq; rationem quòd aer plus sustineat: at etiam plures sunt partes quæ resistantiam vincunt: neq; enim retardantur suis partibus pondera; cum vnicuiq; parti vis sua motrix insita sit: moles enim vim intrinsecam nō præpedit, cum ea paribus cum corpore crescat incrementis, quare æqualis est vtrinq; virtus respectiue ad partes quibus respondet, si enim maior globus 20. partes habet deuehendæ, ipsi concessa sunt 20. virtutis motricis momenta, & minori globo qui 4. constat momentis totidem correspondent partes: quare in medio non resistenti omnia æquè cito descendunt. Verùm nec mihi nec Campanellæ fides sit, provoco ad experientiam, quam adeò facilem, & proptam tot  
vbiq;



Vbiq; turres editioraq, loca faciunt. Atq; vt omne suffugiũ tollatur aduersario, qui propter angulorum optidorum perpendicularem pene allapsum negat ab eo qui sursum est posse discrimen deprehendi, adsint inferius qui ponderum casum explorent, & qui superius est rationem habeat, vt vtriusq; ponderis superficies sit in eadem linea horizonti parallela, & bina eiusdem instanti demittantur, veritatis inuestigandę causã. Sæpius cum alijs, & solus, in aquam, in terram varijsq; ponderibus experientiam repetij, neq; vnquam vel latum vnguem abfuerunt à similitate cursus, videndum tamen ne ventus reflet, si enim aer non sit tranquillus, deuiabunt à linea perpendiculari pondera, & hãc illãq; rapiuntur, sed quęcunq; perpendiculariter cadent, ea porro nullo discrimine ad terram eodem instanti peruenisse deprehendes.

Ergo aer grauitate, & leuitate caret, etiam ex suppositione quod eæ qualitates dentur in rerum natura qua de re infra Democritus d. 3. c. 1. Videbis Theoricam meam militarem lib. 1. Theor. 12.

## OBIECTIO

*Contra aeris indifferentiam.*

**O**bjicitur tertio: Si aer careret qualitatibus primis inutilis esset respirationi ad quam potissimum à natura est ordinatus: neq; enim humectaret vel refrigeraret cor.

Vt huic obiectioni fiat satis. Obseruo 1. nõ ideò moueri pulmones, quia succedit aer, sed ideo aerem succedere quia pulmo mouetur, principium enim motus est à viuento.

Obseruo 2. humanum genus in ea regione aeris viuere, quę à vulgo infima regio aeris, à doctis dicitur atmosphæra, hoc est vapida regio de quã Clavius lib. de crepusculis, Scheinerus in refractionibus celestibus, & in rosa vrsina, Kepplerus in para-

paralipomenis ad Vitelionem, eamq; non in terra modo sed etiam in stellis probabiliter admittit Galilæus, ob illud profluvium corporum quod in singulis pene deprehendimus. Hanc 52. milliaribus penes perpendicularem commensuratis fursum exporrectam, quousq; scilicet ascendunt vapores facillè censuerim, cum mathematica instrumenta id inferre videantur: quamvis ea inæqualiter diffusa est, cum alibi crassiores aut frequentiores vapores ex halatione sue fundantur, unde, & aeris diuersitas oritur, alibi verò infrequentiores, & subtiliores: quo fit vt crepuscula septentrionalia meridionalibus sint longiora, non idèò tantum quia obliquiores solis radij perueniunt illuc, verum etiam id à vaporum densitate exhalationibusq; densioribus oriri par est. Qua propter, & contra sphaeræ rationes Hollandi in celebri illa nauigatione, quâ vltimò iter ad Sinas per septentrionis glacies tentarunt, 22. dies solem citius spe viderunt, quia refractione ingenti factum est, vt sol qui multis gradibus infra horizontem latebat, supra horizontem conspicuus fieret. Clavius rē mihi incredibilem de proportionem quam habent elementa refert in cap. 1. sphaeræ Sacrobosci, cum ait ignis sphaerā habere proportionem maiorem cum terra, quàm 38289. ad 1. & ad aerem maiorem habere quam 865803. ad 1. globus verò ex terra, & aqua coalescense eodē autore se habet ad aerē vt 23. ad 1. sed tātū abest vt sectatores habeat, quin etiā plurimi existiment aerem vsq; ad firmamenti concavum porrigi. In eo itaq; Clavius videtur hallucinatus, quod vaporum ascensum ab igne occurrente prohiberi crederet, unde cum 52. milliaribus tantum ascendant, coniecit non vltius aerem exporrigi: Sed idèò sistuntur quia radius primarius reflectionis solaris non extenditur vltius, quare vehiculo luminis, & caloris destituti vapores colligunt, se ad statum suum nativum reddunt, & condensati resolvuntur in pluuias, ex quibus,

Resp.



Resp. argumento, negando maiorem, non enim respiramus aerem, vt est purè aer, sed quatenus vapores dilutos secum vehit quibus atmosphæra plena est: aer. n. purus à vaporibus inutilis est respirationi, vnde sicut aqua suffocat, ita aer subtilior est ex suapte natura, quã vt sit pulmonibus aptus: mixtus autè vaporibus respirationi aptissimus redditur. Aer itaq; loquē pulmonum motui, & refrigerationi vsui est, quia ob terræ, & aquæ viciniam frigus quoddam habet, vapores autem humectant ne lingua aut palatum exsiccet. Quod confirmatur experiētiã, in montibus enim Peruuie altissimis nisi vaporibus à spongia madida ori nasq; admotâ aer diluatur, ne scilicet benignis vaporibus incomitatus pectus petat, periculum vitæ manifestum est, & qui hoc spongiæ præsidio destituti, in transitu asthmatici tantum fiunt, secum verò præclarè actū existimant. Ergo vtior est multò respirationi aer sine qualitatibus primis quam si eas haberet, quia nocuum semper esset hautire humidum vel frigidum in summo: benigniùs autè insinuant se aeri vapores, & cū illo immixti pectori conducunt.

Dices si aer frigidus non est cur ergo ventilamur æstate?

Resp. in æstu ad solem non sentiri ventilationem eamq; esse inutilem, in vmbra autem vbi aer modicè est refrigeratus utilis est, & quod nouæ semper succedant aeris partes, ijs quæ nostro contactu incaluerant amotis.

Reliquas obiectiones si quæ sunt ex doctrina, & adducta, & adducenda nullo negotio diluere quiuis poterit.



## DISPUTATIO II.

## De compositione rerum ex atomis.



Ræsuppositâ de materiali corporum principio doctrinâ, illud idem materiale contemplaturus est Democritus quatenus ex ipso cætera componuntur, siue ut cōtinuum, & mixtū. Prius quæstio quid sit, fuit faciēda quā quæstio qualis sit. Vaquez materiā primā aristotelicā existimabat esse totā in toto, & totā in qualibet parte, & à quātitate superueniēte fieri diuisibile. Sed pace tanti viri prius subiectū diuisibile est quā sit quātā, nā radix originaria distinctionis est indiuiduitas quæ separationē sēper patitur, radix autē diuisionis actualis est vnio; Quātitas verò reddit corpus impenetrabile hoc est itā ut cū alijs eodē in loco esse nō possit, ac proinde diuisibilitatē mechanicā inducit quæ manu fit aut ferro, at verò sine quantitate, Angelus materiale principiū corporū posset optimē diuidere, cum partes indiuidualiter differant. Nunc ex his principijs quæ fusius comprobare metaphysicorum est, pergo ad maximum Democriticæ philosophiæ mysterium, scilicet ad demonstrationes quod omnia ex atomis sint compacta: progressus in infinitum, indeterminatas productiones, partium confusionem impossibilia sunt nedum quæ satis concipi possint. Equidem damnandus Democritus quod fortuito atomorum concursu mundos infinitos dixerit esse productos, damnandus quod eximiū adeo opus naturæq; vniuersitatem fortunæ potius cæcis impetibus quam prouidentia sapientibus momētis dispensari crediderit. Sed si dicamus Deum opt. maximum atomis omnia composuisse verisimiliorem doctrinam sectabimur, planiorem certò, & multò compendiosiore; quam ut melius insinuem sex capitibus



pitibus digessi. Primò ne alij non auditi damnetur precipuas opiniones de continui compositione paucis expendo. Secundò atomis omnia componi probare conor. Tertiũ caput in atomorum distinctione specifica, & proprietatibus singularum specierum versatur. Quartum considerat atomos vt in mixtionem veniunt. Quintò, & sextò obiectionibus communibus nobisq; peculiaribus fit satis: mathematicorum autem more vt superius feci definitiones, & principia pramitto.

## DEFINITIONES.

I. Pars determinata est ea quæ habet magnitudinem terminis assignabilibus finitam

II. Pars indeterminata est ea quæ nullis terminis assignabilibus finitur.

III. Pars communicans est quæ habet aliquid commune cum alia, sic semipalmus est pars communicans palmi.

IV. Linea incommensurabilis longitudine cum alia dicitur ea, quæ non est ad aliam vt numerus ad numerũ, hoc est, de qua institui non potest comparatio per numeros, vt si dicatur linea A---B se habet ad lineam C——D vt 2. ad 4.

V. Linea commensurabilis potentia est ea cuius quadratũ est commensurabile cum quadrato alterius: sic diameter quadrati, quæ est incommensurabilis longitudine cum costa, est tamen commensurabilis potentia, nam quadratum quod ex diametro fit, duplũ est quadrato costæ vt patet ex 47. propos.

1. Eucl. ergo se habent in proportione dupla quæ his numeris efferni potest 4.8. 16.

VI. Diuisibilitas mathematica, diuisibilitas extrinseca, diuisibile designatiue, per imaginationem, per intellectum, penes spatium extrinsecum, sunt termini synonimi apud Democritum.

VII. Diuisibile verò physicè, & realiter est quod ità solui potest vt vnio vel vinculū soluatur ità vt ambæ partes existant separatæ, vel si altera partium sit modus, is pereat, remanente absoluto; sic diuiditur physicè lignum, & carta.

VIII. Minimum naturale est minima extensio sub qua potest corpus aliquod connaturaliter existere: dicitur etiam atomus secundaria.

IX. Atomis simplices sunt elementorum indiuisibiles particulae, & linearum physicarum radices.

X. Linea physica est atomorum simplicium adunata series, siue longitudo physica latitudinis physicae expers, hoc est quæ physicè penes latitudinem sit indiuisibilis, quamuis mathematicè etiam secundum latitudinem diuidi possit in infinitum, vt etiam secundum longitudinem. Tot autem eius longitudo patitur diuisiones reales physicasq; quod atomis linea componitur.

XI. Superficies physica est extensio in longum, & latum profunditatis physicae expers, siue est prima veluti atomorum instratio.

XII. Figura est quæ sub aliquo vel aliquibus terminis cōprehenditur.

XIII. Partes mathematicæ sunt eæ quæ sequuntur diuisibilitatem mathematicam de qua definit. 6.

## PRINCIPIA

I. Ex eo quod res est vel non est potest dici esse vel non esse. Conceptus enim mensura est rei entitas, mensura autem vocis est conceptus, & ipsa res.

II. Radice distinctionis adequatæ in creatis est indiuiduatio, cuius nota vnica, & infalibilis est diuersa existentia, nam.

III. Per illud idem res distinguitur ab omni alia per quod constituitur in suo esse:



IV. Eorum quæ identificantur non datur distinctio realis neq; separatio.

V. Non potest concipi quam ratione id quod tangit secundum se totum possit facere maius, si non habeat virtualiter partes, ac proinde verum est Aristotelis effatum: indiuisibile iunctum indiuisibili non potest facere maius.

VI. Natura abhorret processus in infinitum.

VII. Qui dat esse dat etiam consequentia ad esse.

VIII. Res naturales conantur semper redire ad naturalem suum statum quem primò, & per se appetit natura vt sibi magis conuenientem.

IX. Qui appetit finem, appetit etiam media ad illum necessaria.

X. Eadem est ratio totius homogenei, & omnium eius partium.

XI. Opus naturæ opus intelligentiæ.

XII. Similia facilius adunantur, vnde sympathiarum, & amicitiarum paranympus est similitudo, amor enim similes vel inuenit vel facit, ignis ignem trahit, nam si candelam ad-moueas foco videbis ad ipsum inclinari candelæ flammam.

XIII. Non sunt expendendæ actiones physicæ regulis strictè geometricis.

XIV. Sensibilia per sensus sunt iudicanda, nam illius est potentiæ iudicare de re perquam res cognoscitur, neq; fides omnis sensibus deneganda.

XV. Positâ experientiâ oportet philosophari, & experientias acuratè factas tanquam principia per se nota admittere.

XVI. Vnio siue sit modus realis siue connotatio est essentialiter plurium unio.

XVII. Tempus, locus seu spatium, & motus sunt analogi.

## POSTVLATA

- I. Cuiuscunq; motus assignare spatium, & tempus.
- II. Quolibet assignato numero maiorem assignare, & quolibet linea data, maiorem ducere.
- III. Quidquid magnitudinem habet, finitamq; extensionem, si pluribus dimensionibus substat concedatur illi suam inesse figuram.

## CAPVT PRIMVM.

Sententiæ celebres de compositione continui.



PER Æpretium non est singulorum diuersa de continui compositione placita referre aut eorum discutere fundamenta, difficultates proponere, & vniuscuiusq; iugula manifestis argumentis petere. pauca quædam per synopsis retulisse satis erit instituto meo, qui omni plagiariu abstinere proposui: adeat Aristotelis explanatores philosophiæ candidatus, perlegat Suarem in metaphys. Auerfam, Compluteneses infinitosq; alios qui in hac quæstione plurimum insudarunt, breuiter se se expediet Democritus.

## PROPOSITIO XIV.

*Continuum non constat ex punctis mathematicis.*

DEFINUIT Euclides punctū mathematicum, cuius pars nulla sit, caret, enim omni dimensione, longitudine scilicet latitudine, & profunditate, & consequenter etiam figurā nullā præditam est. Ex punctis mathematicis omnia componi ex antiquis complures, è recentioribus pauci voluerunt, hos inter Ariaga ingenuā sed tamen nō probabili philosophis confessione



fessione, eam dum pro viribus tuctur, nonnunquā obiectionibus à se fieri satis non posse dicit. Qui punctis mathematicis subscribunt triplicis sunt factionis, alij enim finita simpliciter, & determinatè, alij finita secundum quid seu indeterminatè, alij verò infinita simpliciter puncta in continuo quantumvis paruo admittunt. Qui admittunt finita negant illud axioma Aristoteleis, punctum puncto additum non potest facere maius, afferuntq; exemplum è quantitate discreta, vnitas enim addita vnitati facit maius, ad probationem illius maioris quod scilicet punctum tangat secundum se totū ergo non potest facere maius, concedunt antecedens negant consequ. Qui autem infinita puncta admittunt in continuo ij cum Platone infinita duo admittunt magnum, & paruum. Vide Arist. 3. phys. t. 27. & isti quidem facilius soluunt argumenta mathematica, quorum 1. hypothesis est postul. 1. huius; nam quomodo diuidetur bifariam linea quinque punctorum, velenim intermedium peribit vel alterutri parti adhærebit, si 1. est contra 1. postulatum, si 2. est contra Euclid. lib. 1. prop. 9. Verū quidquid tandem subterfugij exquirant, clarè eam conuicit fallitatis, & impossibilitatis Aristoteles toto pene lib 6. phys. vbi ostendit motum, tempus, & spatium esse analogi, quare si componeretur continuum ex punctis mathematicis nullus motus altero velocior esset. Scio Arriagā, vt hanc cæteroqui non solubilem difficultatem eluderet, excogitasse genus quoddam motus quem morulis aut quiete interpolata distinguit: vnde omnia æqualiter moueri vult, sed motus idè est lentus, quòd mobile sapius, idemtidem, & diutius quiescat, motus verò idè censetur velox, quod infrequentius mobile quiescat, formica lentius mouetur quam aquila quòd hæc breuioribus pausis suum motum distinguat, illa longioribus: longissimis verò ijsq; frequentibus mouetur animal

illud americanū cui à lento in se ssu *pigris* nomen est factum, duobus enim diebus totidemq; noctibus non conficiet iter 10. passum.

Qui ergo huic de punctis mathematicis sententiæ subscribunt concedunt. 1. punctum puncto additum facere maius. 2. non dari motum successiuum sed tantum discretum. 3. motus omnes æqualis esse velocitatis, sunt enim puncta minimum quod pertransiri possit, & quies quæ in his motibus inesse fingitur, non est motus, 4. Tempus etiam ex instantibus componit, 5. debet necessariò concedere rotam dissolui dum mouetur circa axem, nam cum circulus ad axem lentius moueatur debet quiescere dū circulus maior in circumferentia constitutus mouetur, ergo cum saltem vno puncto circulus exterior præcedat sequitur puncta eadem punctis iisdem non correspondere: quod est absurdum, & incredibile, ergo continuum non constat ex punctis mathematicis.

### PROPOSITIO XV.

*Continuum non componitur ex partibus, & punctis mathematicis simul.*

**S**Varez hanc tuetur sententiam in metaphys. disput. de quantitate, vbi dicit dari puncta quæ partes partibus iungant, sed præterquam quod easdem difficultates habet quas opinio superior, nouis insuper implicatur dū partes admittit, quanam enim ratione intelligi possunt vnite aut terminate nisi puncta adæquentur partibus? deinde cum puncta illa entia sint modalia vt volunt, nonne concedere debet partes entia scilicet absoluta sine ijs esse posse? amplius cum nō detur pars vltima quomodo dabitur punctū vltimum id est terminatiū? præterea vel inter vnum indiuisibile, & alia indiuisibilia intermediat aliquid vel nihil, si primum erit ergo pars sine punctis, si se-



si secundum totum constabit indiuisibilibus.

Hæc Suaris opinio, omnium difficillima est, omnium enim obiectiones suas facit, & nulla vitat argumenta quæ sint alicuius momenti.

## PROPOSITIO XVI.

*Continuum non constat ex simplici entitate ante diuisionem indistincta.*

**A**lbertinus huius factionis caput est negat enim partes continui ante diuisionem actualem esse distinctas inter se. Eamq; dicendi rationem excogitauit vt difficultati de partium distinctione occurreret. Contendit is distinctionem omnem pendere ab extrinseco hoc est per designationem vel diuisionem actualem. Sed vnico argumento quod instar omnium est, refelli potest.

Quæ possunt existere actu separata distinguntur realiter, sed partes possunt existere actu separatae, ergo distinguntur realiter etiam ante diuisionem, diuisio enim non dat eis entitatē, & indiuiduationem quæ ipsis est intrinseca, & est radix distinctionis. Maior syllogismi est vnica distinctionum regula quā si neget Albertinus quomodo probabit Aristotelem à Platone distingui? minor est certa etiam sensu, pars enim A est sine parte B quamuis antea vnum continuum facerent, quod autem radix distinctionis sit propria entitas prob. ex princip. 3. per illud idem res distinguitur ab omni alia per quam constituitur in suo esse, sed singulae constituuntur in suo esse per suā entitatem ergo per illam distinguntur à quauis alia, deinde non potest dici pars A est pars B ergo pars A distinguitur realiter à parte B quæ ex 1. 2. 3. & 4. principio nota sunt.

## PROPOSITIO XVII.

*Continuum non constat partibus syncategorematicè infinitis.*

**H**anc opinionem vulgus philosophorum nunc docent : sed quàm malè ingenia torqueat norunt studiosi omnes : suū fundamentum duplex est , primum sumitur ab Aristotele lib. de lineis infecabilibus vbi argumentis mathematicis probat nullam dari lineam indiuisibilem .

Secundò inducuntur in hanc sententiam ex ratione motus localis , & temporis quod cum semper fluat nullamq; habeat partem totam simul sitq; in infinitum diuisibile sequitur eius etiam partes infinitas esse syncategorematicè ; Sed facilè his rationibus suo loco satisfaciemus , dum ipsi in spinis defixi hærebunt , sic enim inuoluuntur in numero , distinctione , diuisione , comparabilitate , & motu , vt quæ responsa nunquam percipere potui aut argumētis nitidissimis commodè aptare , neq; etiam illis quidquam dare possim probabilitatis , cum optimus veritatis character sit lux , & claritas , in illis autem meras tenebras reperi . V. Arriagam, Complutenſes , Ouiedum, Suarezem , aliosq;

## PROPOSITIO XVIII.

*Numerus partium continui non est sicuti numeri finiti possibiles .*

**H**ÆC opinio nititur ingeniosissimo analogismo quantitatis discretæ ad continuam .

I. Sicuti tota collectio numerorum finitorum possibilium est finita , sed limitibus incertis , ita tota collectio partium finita est sed indeterminatè . II. Sicuti numerorum finitorum maximus assignabilis non est , ita neq; in partibus assignari nequit minima . III. Omnis numerus finitus est secundū quid distinctus , & secundum quid indistinctus : nam idem numerus  
terna-



ternarius potest comparari cum alio ternario à quo distinguitur realiter adæquatè, vel potest comparari cum binario quem includit, & ab illo distinguitur realiter inadæquatè, vel potest comparari cum tribus vnitatibus collectiue sumptis, & sic distinguitur tantum secundum præcisiuam intellectus formalitatem. Sic palmus distinguitur adæquatè ab alio palmo, inadæquatè à semipalmo sui, & formaliter tantum à duobus semipalmis. IV. Sicuti numeri finiti possibiles dicuntur secundum quid indeterminati, communicantes, inassignabiles; ita & partes continui quæ necessariò in alijs includuntur: nullaq; communicans est quæ suis partibus non constet quarum respectu est totum. V. Sicuti per intellectum numeri finiti possibiles ponuntur extra causas, ita intellectus vi pars indeterminata, & communicans fit totum determinatum, sublata habitudine quam cum alijs habebat.

Destruo hanc opinionem. I. Numeri finiti constant indiuisibilibus vnitatibus suntq; entia formaliter intentionalia, & de omnibus numeris licet habere communem mensuram, idest vnitatem, atqui ex aduersario continuum non constat ex indiuisibilibus, partes continui sunt omnes à parte rei, neq; cuiusuis magnitudinis datur mensura communis ex Euclide l. 10. vbi lineas incommensurabiles dari ostendit, ergo vitiosus est analogismus. II. Implicat omnes numeros finitos possibiles poni simul extra causas, quare cum non possint esse ne quidem per intellectum collectiue, quomodo concedit aduersarius esse realiter à parte rei, materialiter enim existerent si vera esset eius opinio. III. Tot erunt partes in grano coriandri quot in totius terræ globo, vtrobiq; sicuti numerorum finitorum collectio, quod est contra primam notionem Eucl. totum maius est sua parte. Quod cognoscens, acutissimus Lucretius l. 1. ita argumentatur.

*Ergo rerum inter summam minimamq; quid esset.*

*Nihil erit, ut distet, nam quamvis funditus omnis*

*Summa sit infinita, tamen parvissima quæ sunt*

*Ex infinitis constabunt partibus æquæ.*

*Quod quoniam ratio reclamationis, negantq;*


*Credere posse animi, victus fateare necesse est.*

*Esse ea quæ nullis iam prædita partibus extant.*

Non est itaq; vera opinio quæ dicit, numeros finitos possibiles & continuū in ratione numeri pari ratione se se habere; quod erat ostendendum.

## CAP. V. SECUNDVM.

### Quod omnia ex atomis consent.



Omnissem quadraginta duas de compositione cōtinni referre sententias, in quibus noua inuenta nouis, & inextricabilibus fruticant difficultatibus, sic ut hydræ videantur quibus dissecta capita ex proprio interitu exitiali fanore nascendi, & multiplicandi se se ius habent. Nunc sepultam in puteo veritatem Democriti auspicijs hauriamus.

### PROPOSITIO XIX.

*Continuum componitur ex atomis, siue corpusculis finitis numero, adequatè inter se distinctis, certæ & determinatæ æræ.*

**H**anc opinionem probabo cum aliquid ordine methodico de nomine atomi præmiserò. **ATOMOS** vocabulum, est græcum à radice *temno*, & verbali **TOMH**, id est sectio, quare atomos idem est atq; indiuisibile. Sumitur diuersimodè nam *Isidorus l. 13. etymolog. c. 2.* agnoscit atomos in corpore,



re, tempore, numero, & littera. Deinde vulgus minutio-  
puluerem volantesq; in aere festucarum laciniolas atomos vo-  
cat cum tamen mixta sint. Tertiò, quamuis nominis ATO-  
MOS deriuatio oriatur à radice *temno*, vt ait Isidorus, Plu-  
tarchus, Scapula, Budæus, & alij, tamen dici posset cum Hesy-  
chio generari à radice A T M O S, quod significat flatum,  
halitum, vaporem, fumum, præcipuorum nature corporum,  
aeris, terre, aque, & ignis corollaria, & à mixtione ad dissolu-  
tionem, vel ab interitu ad generationem pergentium sympto-  
mata, vt scilicet hac etymologia habeamus veluti ansam du-  
bitandi, an diuini illi Nomenclatores, quos apprimè laudauit  
Plato in Cratylo, omnia ex atomis componi crediderint, cum  
huiuscemodi vocabulum cum elementorum dispersione, quæ  
per corpuscula fieret, non nihil habeat similitudinis, quapro-  
pter atomus istis, idem sonabat quod nobis vaporum aut fumi  
particula, nomen certè atmos etiã apud Plutarchũ in eo sensu  
sumitur non semel. Tertiò propriè, & clarè nihil est aliud quã  
corpusculum tantę paruitatis eiusq; genij vt nullatenus diuidi  
possit, differtq; à puncto mathematico quod huius nulla sit  
pars neq; intrinseca neq; per designationem, eademq; sui vir-  
tualitate qua spectat orientem, occidenti adspirat, neq; vllò  
modo concipi potest quacunq; dimensione donatum, atomus  
autem suas habet dimensiones, suas virtualitates correspon-  
dentes spatio sed cum perfectã indiuisibilitate, & quamuis fi-  
gurã coerceatur non ideò tamen physicam diuisionem pati  
vnquam poterit. His ità præexplicatis, adduci possunt octo  
fundamenta, quibus hæc Democriti princeps opinio propu-  
gnari posset.

Primum fundamentum. Natura ex princip. 6. omnem re-  
fugit infinitatem, ergo eius principiũ materiale non est infini-  
tas: sed si continuum haberet partes infinitas vel categorematicè

ticè vel indeterminatè eius principium materiale esset vagum, & indeterminatū, ergo partes continui non sunt infinitæ neq; numeri indeterminati, ergo datur prima, & vltima, quod admitti non potest quin atomi consequenter admittantur, quādoquidem euidentes sunt contra puncta mathematica præsertim finita demonstrationes. Ordo qui ita naturæ, & sapienti rerum omnium architecto Deo cordi est, sine numero seruari non potest, qui quidē numerus finitus est absolutè sic vt suis mensuris contineatur.

Secundū fundamentum. Auicenna in 1. Fen. doctrina 1. c. 1. sic definit temperamentum, vt sit, *qualitas quæ oritur ex mutua actione, & passione contrariarum qualitatum elementorum quorum partes ita ad minima sunt redactæ, vt cuiusque earum plurimum contingat, plurimum alterius proueniat, cum enim ita mutuo patiuntur, & agunt &c.* Vnde sic argumentor. Elementa constant ex minimis, ergo constant ex indiuisibilibus, sed elementa ex præmissis sunt materia prima, ergo materia prima constat ex puris indiuisibilibus, hoc est atomis, prob. antecedens. Conditiones intrinsecæ ad agendum necessariae annumerantur inter dispositiones ad formæ introductionem aut rei conseruationem, ratio est quia cum esse sit propter operari, neq; sine illis conditionibus possit esse agens in actu 1. ad operandum, sequitur etiam neq; vllō modo sic esse posse connaturaliter. Conditiones autem illæ ad agendum necessariae dicuntur intrinsecæ cum se tenent ex parte agentis, extrinsecæ cum ex parte mediij vel passi, atqui inter conditiones intrinsecas ad agendum necessarias est extensio certa, & determinata, infra quā si restringatur agens, nullam omnino actionem parere poterit, ergo neq; vt sic, poterit existere, quare philosophi communi fere consensu etiam in elementis admiscere minima, quæ aq; alijs termini paruitatis, ab alijs



alijs termini extensiuui, ab alijs minima quod sic, ab alijs diminutę entitates à Virgilo in physica sua allegorica, hoc est in Sileni Ecloga, semina rerum, à Democrito nostro atomi, & radices corporum nominantur, his ità stabilitis,

Probatur conf. primi argumenti minima scilicet illa esse atomos Democriticas, hoc est corpuscula diuisionis omnis incapacia. Primò quidem contra eos qui negant materiam primā peripateticam posse esse sine forma cum tamen minima dari confiteantur, sit minimum ignis A, peto vt diuidatur: debent ipsi ex suis principijs admittere hypothesim, & concedere ignē destruendum, quod scilicet nulla deinceps forma subitura sit, tùm quod non sint dispositiones, tùm quod omnium formarū simplicissima sit elementaris quę cum ibi subsistere non possit, multò minus de alia concedi debet. Ergo vel materia erit destituta omni forma vel dabitur annihilatio naturalis, quod aduersarius negauerat antea: restat ergo huiuscemodi minima elementalia esse indiuisibilia.

Probatur secundò etiam ad hominem, materia est propter formas sed formę non possunt esse in minori extensione quàm habent minima, ergo neq; materia potest in minorem particulam diuidi, quod si supponatur diuisa, illi non conueniet definitio materię primę, erit enim vt sic, formę omni inepta, ergo ex minimorum doctrina redditur probabile dari atomos.

III. Fundamentum sumitur à ratione creationis: Tot sunt creationes in materia prima quot sunt indiuidua sed nullo indiuiduum est indeterminatum ergo nulla creatio pariter erit indeterminata, sequitur itaq; quod omnes partes continui sunt adæquatè distinctę à quibuslibet alijs, ergo sunt indiuisibiles, & ratio à priori est, quia nihil ponitur extra causas nisi in indiuiduo, quidquid autem est in indiuiduo distinguitur adæquatè à quouis alio per princip. 3.

IV. Fundamentum sumitur à natura vnionis, ad cuius intelligentiam suppono ens modale eius esse naturæ vt iungatur semper absoluto neq; sine ipso possit subsistere. Sic, exempli gratia, intellectio sine intellectu non potest esse, quamuis intellectus esse possit sine intellectione; vnio non potest esse sine partibus quamuis partes esse possint sine vnione. Vnde sic argumentor.

Illud tantum quod fit independenter à subiecto est terminus creationis, sed vnio non fit independenter à subiecto, ergo vnio nō est terminus creationis. Cum ergo terminus creationis in materia prima careat omni vnione, sequitur quod est ex indiuisibilibus, diuisibilitas enim oritur ab vnionis solutione.

Confirmatur ex princip. 7. subiectum vnde elicitur aliud prius est natura illo quod elicitur, sed partes materiæ primæ sunt subiectum vnde elicitur vnio, ergo sunt prius natura omni vnione, ergo in illo priori naturæ debent intelligi sine vlla vnione, ac proinde indiuisibiles.

Dices non posse intelligi sine vnione aliqua implicita. Sed contra. Illud quod non est de essentia rei non ingreditur conceptum rei, sed vnio non est de essentia partium materiæ primæ ergo non ingreditur earum conceptum; Maior est certa ex princip. 1. probatur minor, nullus modus actualis est de essentia rei, sed vnio est modus actualis partium, ergo non est de essentia neq; de illarum conceptu, si ergo partes concipiuntur sine vnione intelliguntur indiuisibiles: dixi modum actuale, quia modus quatenus abstrahit ab existentia est de essentia aliquarum potentiarum quæ ab illo specificantur: sic intellectus dicit essentialem ordinem ad intellectiōem, actualitas tamen intellectiōis non est de eius essentia, alioqui necessariò semper intelligeret actu. Cum ergo in illo priori naturæ vel temporis partes materiæ primæ intelligantur sine vlla vnione sequitur



sequitur eam etiam intelligi constare ex atomis neq; dicas posse carere hàc vel illà vnione non tamen omni, quia cùm vnio siue distributiue siue collectiue, siue determinatè, aut indeterminatè intelligatur, educatur è partibus, sequitur partes esse priores naturà, ac proinde in illo priori intelliguntur sine vlla vnione, ergo indiuisibiles. Hoc certè fundamentum fatis est pro Democrito validum.

V. Fundamentum sumitur ab impossibilitate partium infinitarum in continuo. Tot sunt extensiones quantitatiuæ quot sunt physicæ partes, sed nemine cogitante sunt infinitæ syncategorematicè, erunt ergo totidem extensiones, atqui impossibile est vt infinite actu existentes extensiones faciant tantum vnā finitam, ergo etiam est impossibile finitam extensionem constare ex infinitis actu existentibus.

Dices primò esse tantum syncategorematicè infinitas.

Sed contra, nihil est hìc in potentia, ergo omnes sunt actu, sed infinitum syncategorematicum dicit aliquid actu, aliud in potentia, ergo hìc non sunt infinitæ syncategorematicè, cùm enim nulla sit quæ non augeat continuum sequitur esse incrementa actu infinita.

Dices secundò argumentum transire à partibus indeterminatis ad determinatas.

Sed contra. Nulla est quæ non existat, ergo nulla est indeterminata, quidquid enim existit, existit in indiuiduo, omne autem indiuiduum est determinatum.

Dices tertio à distributiuo ad collectiuum non valere.

Sed contra, si hoc argumentum non concludat, *sunt extensiones actu infinitæ, ergo totum resultans est infinitum in extensione*: quomodo probabunt infinitis cubitis fieri infinitum categorematicum in extensione.

VI. Fundamentum. Rationibus istis accedunt experien-

tia Chymicorum quas videbis apud Daniele Sennertum in hyponeumate 3. c. 2. vbi de atomis illo vnico capite tractat, quod illibatum tibi relinquo in fonte videndum. Curiosiorrem habeo experientiam, & naturali miraculo propiorem ex Iacobo Gafarello in suis curiositatibus inauditis. Illam paucis expono quod scilicet in ea tanquam in speculo, Democriticæ philosophiæ mysterium omne refulgeat. Narrat, ille oculatosq; testes appellat suo nomine, viros graues, & suæ domifatis notos, qui in Poloni Medici musæo phialas complures viderunt, in quarum fundo pulueres ex arte præparati florû animas in cineribus conseruabant, viuebantq; veluti suis in vrnis. Spectaculum hospitibus gratum exhibiturus doctissimus ille chymicus, accensam candelam detentæ in aere phialæ quæ rosæ cineres præparati asseruabantur certâ distantia supponit, vix calor se se in vitrum insinua uerat, cum ecce tibi moueri corpusculorum puluerisq; populos, cinerem illum leniter agitari, dum tandem post horæ fere interuallum totus ille puluis collecto calore in media phialæ area suspensus, varijs deinceps confusisq; motibus vndiquaq; cieri cepit: sicut dum apes aluearia mutantes in aeris medio in nubem coactæ confuso volatu hinc, & inde per sua castra volitant: tandem varijs agitationibus, quasi se se atomi ad vnionem queritarent, paulatim in rosam perfectissimam corpuscula illa coaluerunt, cui neq; in folijs ordo, neq; color, neq; meditullium croceum deesse videbatur. Sed spectaculum remotâ candelâ statim desijt, recidentibus ad phialæ fundum atomis, quæ calor vi in aere derinebantur, vt quotidie radiorum solarium beneficio festucis puluerisq; contingit; & vnaquæq; quem in rosa nondum dissoluta locum occupauerat, eundem in huiuscemodi artificiosa restitutione obtinebat, non secus ac subtilissimus huius sæculi philosophus Cabæus post Gilber. l. l. c. 18. in philosophia magnetica



gnetica refert, quod si auelleretur à suo loco terre globus, non modo in eundem recideret, verum etiam, pars septentrioni respondens se se ad illum conuerteret, seruarentq; cœteræ partes, eosdem quos habent cum Sole aspectus, ita, & minimum vnũ quod meditullium in rosario efformabat, in phiala suum repetit locum, neq; foliorum texturam subit, & omnem motus rationẽ experiundo sua in sede cõsistit, vt ait Lucret. l. 1.

*Omne genus motus, & catus experiundo*

*Tandem deueniant in tales disposituras.*

Scio Fretagium in noctibus medicis hanc de rosa fabulam appellare, verum Quercetanus magni nominis Gallorum Regis Consiliarius, & medicus, eam à se visam refert in defens. contra Anonymum c. 23. adducitq; alios testes oculatos idem Gasparellus, Democritus autẽ chymiaẽ mysterijs, & Ægyptiorum doctrina eo argumento affruebat mortuorum resurrectionem ex Plin. l. 7. c. 55. vtq; nature magis faueret conseruari suum in melle corpus iussit, Lacedæmoniorum consuetudine, quibus ita in vsu fuisse positum ait Cornelius Nepos, & Xenophon. Illudq; institutum à Democrito manasse testis est Varro apud Nonium Marcellam, *quare Heraclides Ponticus plus sapit, qui præcepit vt comburerent ( corpora ) quam Democritus, qui vt in melle seruarent, quem si vulgus secutus esset, peream, si centum denarijs calicem mulsi emere possemus.* Confirmatur autoritate Plinij l. 7. c. 3. qui ait visum à se Hippo-centaurum in melle. Columella l. 12. c. 45. Cum enim mortuorum resurrectionem ab Ægyptijs didicisset videretq; balsamo condiri, & asseruari in Ægypto cadauera antiquissimo more vt patet ex Genesic. 5. v. 2. deficiente in Thracia balsamo mel adhiberi iussit.

Hoc autem reformationis rosæ exemplum Democriti sensum in totius mundi ortu sub oculos ponit, quẽ fusiùs explicabimus proposit. 32.

VII. Fundamentum sumitur à Lucretio qui ità argumentatur l. I.

*Præterea nisi erit minimum, parvissima quæque  
Corpora constabunt ex partibus infinitis,  
Quippe ubi dimidia partis, pars semper habebit  
Dimidiam partem nec res præfiniet ulla*

Quod absurdissimū est; & si processus in infinitū passim damnant, quare in continuo admittunt? probat insuper itidem l. I. I. Lucret. dari minima corpora quæ sint indivisibilia, inductione ventis, odorum, dispersi humoris, attritionis, & consumptionis annulorum, marmorum, metallorum &c. cum autem omne mixtum resolvaatur in sua principia, sequitur omnia corpora ex minutissimis, & indivisibilibus corpusculis cōstare.

VIII. Fundamentum. Experientiæ, & rationi subuenit autoritas præclarissimorum philosophorum, & facilitas omnia explicandi. Indivisibilia itaq; agnouit Empedocles cuius ingenium Lucretius tanti facit; Secutus est Leucippus, Zeno, Anaxagoras, Epicurus, Protagoras, Plato, Hippocrates ut patet in l. de carnibus si tamen apogryphus non est, subscripsit inter latinos Lucretius, Isidorus, Sennertus, & alij; inter Arabes, Auicenna, & Mesue, & innumeri alij quos recensere minoris utilitatis est quam laboris, suffragia enim ponderamus, non numeramus. Quàm autem facilè omnia explicentur admissis atomis aliorum esto iudicium. Ego quidem arbitror re diū perpenſa, nullius vnquam scientiam naturalē fore absolutam, quin Empedoclem, Democritum, Aristotelem, Platonē, & Anaxagoram iungat recentioribus, & ab vno quoq; quod verum est reiectis falsis eligat: his enim principibus peculiari ratione cæleste lumen affulsit, & quamvis corporis imbecillitate multa corruerint, plurima tamen quæ fidei lumine discernimus scripsere verissima.



Probauimus ergo octo rationibus omnia ex atomis constare quod erat designationis nostræ.

## PROPOSITIO XX.

*Atomis definitionem dare.*

**O**bseruo primò dari Entia quædam quæ nullo modo nequidem per intellectum diuidi possunt, vt punctum mathematicum, si tamen inter possibilia recenseri debet.

Obseruo secundò dari Entia quædam intrinsecè indiuisibilia, extrinsecè verò penes designationem, vel commensurationem quam habent ad aliquid aliud esse diuisibilia, sic Angelus qui commensuratur spatio diuisibili, anima quæ adæquatur corpori, Dei aternitas cui tempus correspondet, quæ quidem diuisibilitas vocatur à me mathematica, ad distinctionē physicā quæ partium vnionem re ipsa soluit.

Obseruo tertio rationem materialitatis non esse sitam in ipsa diuisibilitate ita vt omne indiuisibile censeatur esse spirituale; quod nouum videri non debet cum multi philosophi existimarint brutorum perfectorum animas esse indiuisibiles totasq; simul perire, & ipse Vasquez censuit materiam primam sine quantitate esse totam in toto, & totam in qualibet parte, sufficit igitur ad conceptum materialitatis vt dicat vel dependentiam à subiecto, vel ordinem ad quantitatem, vel etiam appetentiam vnionis cum alijs eiusdem secum naturæ quorum interuentu possit fieri totius ab illis compositi diuisio physica, his positus.

Atomus definiri potest, *Materialis physicaq; extensionis radix, & initium.* Vt enim quantitatis dilectæ vnitas est radix lineæ mathematicæ principium est punctum, sic etiam physicæ, & sensibilis continuitatis origo est atomus, dixi *materialis extensionis*, vt definitio atomis omnibus conueniret tum sub-

Substantialibus, tum accidentalibus; cum enim ex princip. 7. Quidquid recipitur per modum recipientis recipiatur, sequitur ex vna atomo ignis, educi vnam atomum quantitatis, & aliorum, accidentia enim tum in intensiōe tum in extensiōe atomis constant, dixi *physica*, quia atomus vna, etsi habeat suas dimensiones non tamen facit continuum physicum sed tantum mathematicum, neq; enim sub sensum cadit. Verum vt melius hæc doctrina percipiatur subdo atomorum categoriam vt singulas specificè definiamus. Atomus diuiditur in substantialem, & accidentalem. Sub accidentali sunt absolutæ, & modales. Sub titulo substantialium repono elementares, non elementares. Sub illis pono igneas, aqueas, terreas, & sub istis aereas, neq; enim mixta corpuscula sunt atomi, quamuis de illis sub atomorum nomine egerit Sennertus loco citato.

Atomus itaq; substantialis est Entitas corporea substantialis simplex, & purissimè homogēnea indiuisibilis ex natura sua per se primò exigitiua quantitatis cuius beneficio fit impenetrabilis, & ad continuum physicum componendū ordinata.

Atomus ignea est entitas corporea substantialis simplex, & purè homogēnea indiuisibilis ex natura sua, calida, & lucida secundum quid, ordinata à natura ad mixtum cum alijs elementorum atomis faciendum: dixi lucida secundum quid, nam atomi igneæ non lucent nisi certis conditionibus de quibus suo loco cap. ultimo disp. 3.

Atomus aquea est entitas corporea substantialis purè homogēnea indiuisibilis ex natura sua, humida, & diaphana, ordinata à natura ad mixtum cum alijs elementorum atomis faciendum.

Atomus terrea est entitas corporea substantialis simplex, & purè homogēnea indiuisibilis ex natura sua, frigida, & adia-phana secundum quid, ordinata à natura ad mixtum cum alijs elementis.



elementorum atomis faciendum. Dixi adiaphanam secundum quid, quia certis conditionibus positae fiunt diaphanae, illis sublatis sunt terminatae, de quib. disp. 3. cap. ult.

Atomus aerea est entitas corporea substantialis simplex, & purè homogœnea, indiuisibilis ex natura sua, nullis qualitatibus primis secundisve sensibilibus prædita, omnium tamen fere capax, ordinata à natura ut agentium actiuitatem sinceram, & puram ad passum transmittat, poros subeat vapores diluat, vacuum impediat, &c.

Atomis uiuentium vel mixtorum quas multò melius minima naturalia vocaremus, sunt exiguae quædam particulae heterogœnae indiuisibiles secundum quid, hoc est, eâ conditione ut eadem forma in ipsis maneat, diuisibiles verò in atomos simplices, sed de his sermo non est cum propriè loquendo huiusmodi sint mixta.

Vnum annoto. In uiuentibus vg. in homine est quædam minima extensio sub qua potest esse anima humana cum organis sibi necessarijs ad operandum, & huiusmodi extensio dici debet terminus paruitatis humanæ, at verò in textura partium, compositæ sunt particulae ex atomis simplicibus, & alibi maiores, alibi sunt minores prout textura subtilis est, vel prout elaboratam partem exigit forma, & istæ sunt atomi secundariæ quas Democritus infinitas potuisset appellare, hoc est indeterminatas in numero, figura & magnitudine; aliter enim se habere credo particulas leonis, & elephanti, aliter leporis, & gemmæ. Atq; ex istis corpusculorum elaborationibus plurima erui possunt mysteria medicinæ, & physicis explicationibus valde appositæ, sic enim specierum miracula, ingeniorum varietates, nascentium ex putri causas, spirituum naturam scrutari possemus. Istis pariter corpusculis fiunt exhalationes, profluuijq; corporum quorum meminit Aristote-

les lib. 2. de plantisc. 1. & in lib. de historia animalium. Illę autem atomi vt superius monui sunt verè mixta sed ob paruitatem, & quod sint texturę viuētis veluti origines, & rudimenta, ideò nomīne atomorum donatę sunt etiam ab antesignano nostro Abderita: diuidunturq; subinde per vltimam disgregationem in atomos puras, simplices, homogeneas, & vsquequaq; indiuisibiles.

Quę omnia difficultate omni carent, meā quidem sententiā, definitiones quidem supra allatę quia omnes constant proprio genere, & propria differentia; Annotatio verò quia id ex poris deprehendimus, qui illam viuētium texturā oculis sensuiq; subiiciunt: definiuimus itaq; atomum quod nobis erat pręscriptum.

## CAPVT TERTIVM.

### De atomorum proprietatibus.

**A**tomorum proprietates alię sunt communes omnibus atomis alię verò particulares, & proprię quarto modo. Communes omnibus sunt tres mobilitas, sympathia, quantitas. Aereis insita est vnionis fuga: Igneis, alijsq; communis est amor sãciturq; à natura foedus, singulis deinde sua est qualitas figura, & ordo qui spectat ad intētionem, quę omnia sigillatim explicabimus, & probare conabimur.

### PROPOSITIO XXI.

*Omnibus atomis conuenit triplex mobilitas prima ratione vniuersi, secunda ratione vici, tertia ratione mixti.*

**E**xplicatur, & probatur propositio, triplex est atomorum consideratio, primo pro ea quam habent, respectu totius,



tius, habitudine, quo fit ut alię centrum alię circumferentiã querant, deinde cum sit aded sancta. & illibata corporum continuitas, & series vacui abhorrens, fit ut singulis atomis replẽdi locum, & impediendi vacuum ardor sit insitus: ea nempe est mundi conditio, ut nihil penetrabilitatis capax habeat unde cum plenus sit, motũ vnã parte aliquas alias moueri necesse est cum singulis suis sit locus, neq; vlla cum alia in eodem loco esse possit. Tertiò cũ intrinsecum ordinem dicant ad mixtionem, quę sine motu locali fieri non potest, sequitur etiam atomis concedendam huiuscemodi facultatem motricem in gratiam formę introducendę: feruntur autem per omnes lationes in mixtione deorsum, sursum, in transuersum, circulariter, & motu mixto, ut videre est in mixtionibus artificialibus patebitq; inferius.

In his naturę rudimentis mirum quã perfectẽ seruetur hæc politicorum regula, publicis priuata cedant, & publica priuatis anteponunt. Prima enim mobilitas respectu loci in vniuerso cedit illi, qua ad mixtionem feruntur, prius est enim concurrere ad mixtionem quam centrum petere: sed tamen prius est fauere toti naturę impedito vacuo quã facili mixtione. Primæ mobilitati satisfaciunt atomi per motum perpendicularem siue sit realis ex Aristotele, siue apparens ex Aristarcho, siue insensibiliter de flexu ex Lucretio. Tertiæ mobilitati admixtionẽ necessaria est latio omnis tũ vt atomi atomis concurrerent, rum vt suã sedem acquisitã in illa tandẽ sub formæ auspicijs conquiescant. Moueri autem in inani atomos fulminis velocitate canit Lucretius l. 1.

Probaturn tota hæc doctrina ex princip. 7. qui dat esse dat etiam consequentia ad esse, sed hæc tria consequuntur naturam atomorum, alioqui fini, & intentioni naturę satisfacere nõ possẽt, ergo he tres mobilitates ipsis insitę sũt, quod erat demonstrandum.

## PROPOSITIO XXII.

*Datur Sympathia inter atomos.*

Sympathia nihil est aliud quam amicitia quēdā, & consensus inter aliqua ob mutuam naturæ concordiam, & conuenientem dispositionem, vt explicat Plutarchus; sex autem illius species agnosco.

Prima ratio sympathiæ est secundum phases motus localis, ità vt corpus vnum eisdem cum alio patiatur motus: quæ sympathia non conuenit magneti, quia magnes non mouetur ad motum ferri. Illustre verò ipsius sympathiæ exemplum dedit Famianus Strada in prolusionibus academicis, quod fabulosum est Cabæo, illiusq; mentionem facit doctissimus Kircherus in lib. artis magneticæ; horum alter si moueretur eadem alter ferebatur latione, ità vt etiam alphabeticos orbes stilo pererrarent, vnde & instituta in Indijs, & Lusitania colloquia, tanto terrarum mariumq; interuallo. Qui lapides si clarentur omni pretio maiores essent: naturæ profectò vim nō superat, neq; naturæ maiestatem contemplantis quidquam ex his mihi videtur fide maius. Hac autem sympathia primi generis cum sit ad fugam vnionis potius quam ad concordiam, & vnitionem atomis non conuenit.

Secunda sympathia sumitur à tarantula, vnguēto armario, & chirurgiacurtorum, de qua doctissimè egit Gaspar Talliac otius Bononiensis professor opere singulari, anno 1597. Tarantula coæuum sibi venenum fundit, & easdem mutationes in ægro facit quas in tarantula commotę veneni reliquię habent. Reparatus verò serui carne Domini nasus coaluit, sed mancipio vita functo computruit recutitus nasus libertate omnimodā mortem sanciente, nullus enim post mortem seruus aut fideiussor. Oritur hæc sympathia à crasi, & temperamento vtro-

biq;



proportionatis, nasus quidem quamuis esset agglutinatus, & veluti appendix resecti nasi, quia tamen primarium suum humidum, radicalis, & primigenia substantia nulla arte valet immutari, factum est vt quamuis alia forma, anima nempe Domini viueret nasus, nihilominus tamen suam periodum humido insito determinatam absoluit perinde ac si in proprio fundo, seruili scilicet brachio esset implantatus. Huius medicinæ cōplēti primus autor fuit Brāca Siculus, vt patet epistolā Calēntij ad Orpianum, sed historiam de seruili naso refert autor thesauri rerum admirandarum, eamq; prætermisit Talliacotius, quinimo l. 1. c. 19. etsi Branca, Orpianiq; ex Gourmelio faciat mentionem de illa historia silet, & Ib. cap. 18. vbi ex professo disputat an ex alieno corpore, an verò ex proprio tradux eligendus sit, cum ostendisset ex proprio corpore esse eligendum, ita concludit, *difficillimum, & fere impossibile de propagne iudicium, atq; singularem illum individui charactarem omnino dissuadere, quo minus in alieno corpore hoc opus aggrediamur.* historiam verò illius nasi prætermittit, quam nisi senio seruus defecisse dicatur difficilem esse arduaq; philosophiæ censeo, debetq; referri ad

Tertiam rationem sympathiæ quam Gasparellus explicat in suis curiositatibus inauditis, oritur .n. à similitudine rerū, & consensu partiū cū suo toto, subductis ijsdem in totū & partes astrorū formæq; influxibus: idē de vnguento armario iudica.

Quarta ratio sympathiæ reperitur inter animalia imaginatione prædita, cuius instrumentum est species externa habitâ ratione proportionis quam cum phantasia habet, ita ignotus placebit mihi qui Socrati erit exosus; quod fit à morum, sanguinis (spirituumq; similitudine, & proportionē quæ iudicium nostrum præoccupat, & abblandienti habitudine irrepit.

Quinta ratio sympathiæ est omnium vniuersalissima, & quæ  
 paucio.

paucioribus erratis subiacer, oriturq; ab occulta proportionem quæ est inter agens, & passum; ita magnes ferrum trahit & omisso, heliotropium solem sequitur neglectâ lunâ, de quibus vide Atahanasium Kircherum in doctissimis libris artis magneticæ.

Sexta ratio sympathiæ oritur à dominio siderum, & naturæ occultioribus ad quandam designationem stimulis, consistitq; ut celesti imperio inferiora cieantur ad explendos vniuersitatis fines generationum varietate, & indiuiduorum perpetuitate: successiuâ, ita mares feminis consentiunt, & stupendis miraculis minutissima animalcula se se inuicem ad generationem quaritant.

Alias sympathiæ rationes faciliè reduces ad hæc capita, velle certè quod habeant apertas causas, & primario nisu inuestigabiles ex sympathiarum censu expunges, quales refert Theophrast. l. 2. de causis plant. c. 24. 25. 26. Is omnes amicitias, & inimicitias plantarum refert ad vtilitatem aut damnum, vtilitatis tres modos ponit, materiam alimenti, nociui repulsionem, & adminiculum: damnum facit strangulationem, alimentum furum, opacationem, odoris grauedinem, & alimenti deprauationem.

Prima ratio sympathiæ vocetur consensus impetus, quia impressus vni mobili eandem in alio facit lationem. II. dicatur cōsensus durationis quod ista sympathica sint coæua. III. sit sympathia configurationis quod à similitudine corporum, & figura celi ortum habeat. IV. Est sympathia ciuilis. V. appelletur sympathia Aristotelica. VI. verò est sympathia Democritica, atq; ut aliæ puris atomis non conueniunt, sic ista ijs propria est: quod patet ex Laertio qui ait ex Democriti placitis, *cuncta secundum necessitatem fieri, est autem necessitas calidæ vertigo generationum omnium causa.*



Primaria impulsio atomorum, seu ratio cur moueantur est motus cœli, inquit Democritus; quia scilicet ex quo coaluerunt è floribus elementorū sphaeræ cœlestes motuq; vertiginoso cieri ceperunt, succedentibus idem talem nouis influxibus siderum propter alias aliasq; coniunctiones, oppositiones, ortus, occasusq; fit vt inferioris mundi atomi, huiuscemodi irradiationibus creantur ad motum, tūm quod cūm superioribus consentiant, tūm quia natura nouis formis facta illas parturire gestit, vnde & variè fusæ atomi sibi ea proportionē coniunguntur, quæ maximè apta est introductioni formæ; verum enim verò non simplices tantum primariasq; elementorum atomos mouet ad generationem cœli vertigo, verum etiā multo magis secundarias, & quæ minima naturalia ab alijs vocantur, cum habeant iam rationem mixtorum quæ ad vltiorem compositionem venire debeant, fit vt ob multiplicatē, & heterogeneitatē sibi insitam influxibus sint magis obsequentes, quia scilicet alterari, & mutari facilius possunt. Sympathia itaq; Democritica supponit atomos complures eodem influxu siderum moueri, iungi, & ad naturæ generationes in vnam venire compositi fabricam. Sicuti si daretur dispensator tanta arte impetus qui secundū architecti Idæam, lapides, calcem, & ligna moueret, ita vt singula suis locis reponerentur explerentq; illud exemplar palatii quod in capite suo peritus ille architectus impressum habet, haberemus naturæ, & generationis ex atomis perfectam similitudinē. Natura enim rei faciendæ idæam seminis aut succi analogi beneficio habet, cœloq; tanquam ministro ad consilia sua exequenda vtitur, cælum influxibus suis ita singulas compositi particulas mouet vt non modo locum occupent sibi conuenientem, faciantq; aptum formæ domicilium, verū etiam non tam habet rationem proportionis extrinsecæ, quam tamen in palmarijs

palmarijs suis operibus non negligit, quin potiùs qualitarum gradus pro ratione requisita sapientissimè dispensat.

Existimabam ante exactius de sympathia Democritica examen totum illius mysterium in figurarum ratione consistere. Scilicet cum sint diuersi ordinis, variæ positionis, multiplicisq; figuræ, fieri suspicabar vt aliæ alijs similes, aliæ contrariæ quadamtenus essent, sic sphaericam omnibus esse antipathicam dum sphaerica permanet, quia cum singulis refugit vnionem nisi inueniretur quadam concaua quæ illam conuexitatem sinu appposito exciperet, refugit enim vnionem cum alijs superficiebus sphaera, quia omnes in puncto tantùm tangit ac proinde non potest dari vnio; in puncto enim mathematico non potest sustentari actio physica aut modus. Cubus pyramidi non consentiet quia cum illa non potest replere locum, potentiores figuræ infirmioribus sunt tyranni, potentior autē figura est, quæ magis est dissolutiua minùs vnitiua, qualis est quæ à cubo maximè recedit cuius facies alijs suæ speciei iuncta locum non replet. Sed figuræ contrarium nihil est neq; ita obstinatè vnā seruant atomi figurā quin eam quadamtenus mutare possint vt dicemus inferius. Itaq; à ratione cæli, & maximè à ratione ordinis intrinseci quæ ad mictionē, & generationē dicunt, petenda est earum sympathiæ ratio: quā dari nullo modo negari potest: sympathia .n. sexti generis est mutuus ad vnū consensus, atqui atomi elementares habent mutuū ad vnū, & eundē finē consensū nempe ad generationes, & mictiones, ergo habent sympathiam: quod erat propositum.

### PROPOSITIO XXIII.

*De atomorum paruitate aliquid coniecturà assequi.*

**C**ertum est primò nullam atomū cadere posse sub sensum, vnde nec tangi vna singulariter potest, quamuis plurimæ simul



simul positæ sint sensibiles; quapropter nulla est atomus quæ habeat extensionem quæ sit æqualis illi quæ sensu percipitur.

Certum est secundò atomis suam inesse figuram, ac proinde extensionem quam appello mathematicam, primò quod non sit diuisibilis physicè sed tantùm per designationem, secundò quia illam imaginari solùm, & lineis imaginarijs, id est, mathematicis dimetiri possumus, non verò physicis.

Certum est tertio quantumuis statuantur parvæ atomi earum tamen numerum iniri posse, & finitas esse finitate determinata ad mundi totius vniuersitatem constituendam.

Archimedes in libro de arenæ numero reprehendit Samium Aristarchum illius quā Copernicus innouauit astrologiæ principem, quod orbitæ terrestris nullam esse proportionem cum firmamento dixerit, siue circulū quem terra in Pythagoræorū systemate percurrit esse instar puncti ad stelliferum. Loquebatur autē Aristarchus de proportionem sensibili, sicuti eo in sensu apud Astrologos certū est terrā esse instar puncti ad firmamentū. Archimedes verò demonstrat dari proportionē etiā inter granum papaueris, & totum mundum, cuius rationis securus hanc audacem fecit propositionem ille ingeniorum Phœnix, *Datum pondus data potentia mouere*, rectèq; demonstrauit propositum imò inter vnicam atomum totamq; rerum vniuersitatem dari proportionem necesse est, licet enim conijcere quot sint in vniuerso atomi. Nunc autem videamus quantæ sint paruitatis.

Plinius l. i. c. i. & 2. *usquam alibi*, ait, *natura rerum artificium spectabilius est, quam in insectis: In magnis siquidem corporibus aut certè maioribus facilis officina sequaci materia fuit. In his verò tam paruis atq; tam nullis quæ ratio, aut quanta vis, tamque inextricabilis perfectio? ubi tot sensus collocauit in culice? & sunt alia dictu minora. Sed, ubi visum in ea prætendit? ubi gustatum*

statum applicauit? Vbi odoratum inseruit? Vbi truculentam illam, & portione maximam vocem ingenerauit? Quà subtilitate pennas adnexuit, prælongauit pedum crura, disposuit ieiunā caueam uti alui, auidam sanguinis, & potissimum humani sitim accendit? Telum verò perfodiendo tergori quo spiculauit ingenio? atq; cum exilitate pene non videatur, ita reciproca generauit arte, ut fodiendo acuminatum pariter sorbendoq; fistulosum esset? Aspice vnicum culicis caput tot sensuum officinam, ibi oculos humoribus, tunicis, nervisq; distinctos, spiritibus animalibus plenos miraberis: quanta autē tenuitas est horum? in pede sunt membranæ, ossa, medulla, nerui, tendines, muscoli, vasa deferentia animalculo nutriendo humorem, multiplexq; partium compages. At cum spiritus vnicus vel vitalis vel animalis vnus eironis multis atomorum millibus constet, pauca enim non possunt facere mixtionem neq; præparare formæ alicui præsertim viuenti domicilium, quot in ipso animalculo atomos esse coniicies?

Aduerti non semel granum thuris combustum fumo: ita dispergi ut locum repleuerit septingentis, & amplius millionibus se maiorem.

Ille enim locus grana huiusmodi facile cepisset

Secundum altitudinem \_\_\_\_\_ 720.

Secundum latitudinem \_\_\_\_\_ 900.

In longitudine \_\_\_\_\_ 1200.

In superficie \_\_\_\_\_ 648000.

In area \_\_\_\_\_ 777600000.

Cum ergo nulla aeris sensibilis portio esset quæ odoros non haberet halitus, granumq; thuris æquaret cicerem qui sine igne in partes sensibiles saltem mille diuidi posset, sequitur particulas odoras sensibiles fuisse istius num. 777600000000.

Atqui singulæ illæ particulæ mixtæ erant, nullamq; fuisse probabile est cui vnus ad minimum elementalium atomorum millio



millio inesset, unde secundum hanc regulam fuissent in hoc thuris grano pisi magnitudinem non superante atomi elementales ad minimum ———— 777600000000000000. Ex quibus patet quantæ sit paruitatis atomus vna, conijciq; potest quantus sit atomorum numerus in toto vniuerso. Clavius in cap. 1. spheræ, computat quot arenæ grana possent implere orbem ex suppositione quod 10000. æquarent vnum milij granum, inuenitq; totum illum numerum comprehendere vnitate, & chiffris quinquaginta. Sed multo plures atomos dari conuincunt superius adducta animalculorum exempla. At in his nihil aliud quam conijcere possumus quis enim nouit an atomi igneæ maiores minoresue sint aqueis, & terreis? quis dignoscit aerearum paruitatem, cælorum profunditates omnes, & extimam illam Beatorum sedem? *Furor est mensuram orbis animo agitare atq; prodere ausos? quasi verò mensuram illius rei possit agere, qui sui nesciat. Plin. l. 2. c. 1.*

## PROPOSITIO XXIV.

*Atomis aeris insitum est, & proprium cum alijs vniri nunquam.*

**N**Olui diutius in superiori propositione immorari, ne in nos iaci posset illud Aristophanis comici diæterium quo Chærephontis curiositatem perstrinxit, *et Chærephon qui pulicum cognouit vestigia.* Nunc atomorū proprietates non euidenti quidem ratiocinatione apertas, sed tamen probabiles exequamur.

Cum supra dixerimus aerem non ingredi mixtionem, sed dare tantum veluti transitum alijs, sequitur eius atomos nullis adhærere, sed suæ semper esse libertatis: si enim, adhærent motum præpedirent, retardarent aut accelerarent, at supra videmus experientijs repertitis hoc non fieri, ergo non adhærent alijs. Deinde cum aer careat qualitatibus primis  
secun-

secundum quas fit ad mixtionem, & vnionem dispositio, consequens est ipsum vnioni esse ineptum. Adde quod si vniretur, non tam facile transpiraretur, neq; posset ita poris egredi vel illos subire.

Quæres an atomi aeræ alijs aereis sint iunctæ? Respon-  
deo mihi esse dubium: in eam tamen partem propèdeo vt sint  
tantū contiguæ: ratio quæ me mouet hæc est. Quia quæuis  
mobilia æquè citò, & æquè velociter descendunt, & diuidunt  
aerem, ergo signum est nullam omnino esse resistentiam, si  
enim esset resistentia ratione vnionis quæ solui debet, cur oui  
crusta inanis, æquè velociter ferretur, ac plumbum ouale pa-  
ris magnitudinis sed ducentupli ponderis? Superficies corpo-  
ris ambientis vtriusq; æqualis est, ergo par est in sustinendo  
vtrubi; aeris quantitas: sed maior est virtus deorsum motrix  
in plumbo, & maior est vis diuidendi aerem, vtrumq; tamen  
mobile paribus motus incrementis ad terræ centrum fertur,  
ergo signum est nullam esse resistentiam in aere, ac proinde  
nullam vnionem soluendam; vnde tota aeris extensio, & mo-  
les est atomorum omni vnione solutarū cumulus, & fortasse  
neq; inter se neq; cum alijs vnibilium, cum à posteriori videat-  
ur id sequi, & satis superq; intelligatur aer suo fungi officio  
etiam si non vnibilis intelligatur. Ergo atomis aereis insitum  
est alijs non vniri, quod erat probandum.

## PROPOSITIO XXV.

*Quomodo se habeant atomi ignea, aquea, & terrea ad vnionem  
determinare.*

**E**Picurus Democriti afflecla in epistola ad Herodotum, Cor-  
pora alia quidem (ait) concretiones sunt, alia verò ex quibus con-  
cretiones factæ sunt, at ista indiuidua sunt, & immutabilia nisi omnia  
in id quod non est interitura sunt, hoc est, alia sunt corpora quæ  
ex pri-



ex primis coaluerunt, alia verò sunt corpora prima, id est atomi indiuisibiles, & immutabiles nisi annihilentur. Quanam autem ratione concrecant non aliter explicat idem Epicurus quam per desiderium quoddam mutum quod habent ad inuicem: quapropter vnionis inter se sunt amantes atomi igneæ, aqueæ, terreæ.

Prob. primò materia prima appetit formam ergo, & ea quæ sunt necessaria ad eam assequendam, & retinendam, nam qui dat esse dat etiam consequentia ad esse, & qui vult finem, etiam, media appetit ad illum necessaria ex p. 9. Sed vnio atomorum inter se est necessaria ad formam, ergo atomi vnionis illius sunt appetentes: eamq; non soluunt nisi irritatæ ab extrinseco: cùm itaq; triplicis speciei atomi sint materia prima, sequitur ipsis esse insitam vnionis cupidinem ratione finis intrinseci quem habent ad mixtum, & generationem substantialem.

Prob. secundò à posteriori omnis resolutio, & corporum corruptio est naturæ violenta secundum quid, sed corruptio fit per dissolutionem vnionis atomorum siue illarum dispersionem, & segregationem, ergo sequitur huiusmodi segregationem, & dissolutionem esse violentam secundum quid, ac proinde à cōtrario vnio atomis est cōnaturalis, & expetita.

Prob. tertio nunquam quiescunt atomi nisi sint coniuncti inter se quo fit vt corruptio vnus sit generatio alterius, ergo cum illa quies mediante vnione obtineatur, consequens est vnionem atomis esse acceptissimam, & reuerà perpetuo agitari dicit Democritus vsquequò ad naturæ instituta, cæliq; vertiginis imperium coaluerint.

Quæres an atomi terreæ terreis vniantur, aqueæ aqueis, igneæ igneis?

Respondeo videri atomos terreas terreis vniri, ea tamen

lege, vt alterius vnionis amor præualeat sic vt facilius terrea atomus cum ignea vel aquea, quam cum alia terrea vnienda sit, ratio à priori petitur ab intrinseco fine quem dicunt admixta, & videtur colligi à posteriori quod refusa terræ aqua, continuo ita immisceatur vt fiat limus, cuius in minimas partes diuisionis argumentum est, quod nihil ad tactum mollius sit, nihii minùs asperum. De aqueis atomis idem esto iudicium: quæquidem terræ, & igni potius quam suæ speciei atomis coniungentur, aeri autem nullo modo quod inde patet, quia si aeri facilè vnirentur, non ita conseruaretur aqua in sphærulas collecta si quando mensæ roratim affundatur deinde quomodo ex vaporibus coalesceret iterum in pluuias? fieret enim ex aqua, & aere, aliquid medium mixtum imperfectum quale limus inter aquam, & terram. Quod si aquæ id proprium est, multo magis terræ.

At an igneæ atomi igneis, vniri possint, dubium mihi est, primò quia igneæ atomi extra mixta sunt sphæricæ figuræ vt probabitur inferius, quare non se tangent nisi in puncto mathematico quod vnionis capax non est: cum enim sit modus physicus certam requirit extensionem. Secundò quia ratione suæ perfectionis quâ sunt instar animæ in vniuerso videntur potius cupidæ communicandi sui quam vnionis inter se, vnde ad illius appetitus stimulos sunt maximè dispersi locis, & ad naturæ arbitrium huc, & illuc feruntur quo maximè generationes cœlum, & causæ particulares moliuntur: tertio quia si vnirentur, tantùm abest vt mixtioni fauerent quin potius omnia dissoluerent, earumq; effectus, & vis satis patet in ipso actu dissolutionis mixtorum, in flamma scilicet, quamuis vaporibus sua actiuitas non parum hebetetur: quid ergo contingeret si vnitæ simul agerent, & in sua perfectione intentioneq; naturali positæ? Rectè ergo cautum fuisse suo operi à Deo



Deo Opt. Max. videtur, dum actiuitatis tantę elementum in minimas particulas dispersum reddidit infirmius, magisq; obsequens formis : virtus enim vnita fortior, dispersa debilior, & quod ad naturę totius vtilitatem magis æstimabilem facit non debet in contrarias partes, & nocumenta traduci.

Fauet huic meę suspicioni ( quę fortassis causam dabit cur ignem seruare nequamus ) experientia, videmus enim ceteris elementis certā mole suam stare, & perennare cumulum, igni autem, si alimentum subtraxeris, abire, & disparare necesse est quod in atomos dispersus indiuisibilis fiat, nulla enim atomus seorsim videri potest : agilitate verò sua fit vt non sint diu contigę sed semper ferantur etiam ad nubes vsq; vbi generationes moliuntur, dum celesti beneficio formę cuiusdam allicijs in corporis compositionem veniant; mirum ceteroquin est cur nullus ignis apud nos perennet, cū tamen, & aerem, & mare, & terras habeamus.

Diximus itaq; quomodo se habeant atomi ad vñionē inter diuersę, & eiusedē speciei atomos. Quod nobis erat præscriptū.

## PROPOSITIO XXVI.

*Atomis sua inest figura.*

**H**ÆC propositio clarissima est, cum enim atomi sint corpuscula, differantq; à punctis mathematicis sequitur quod suas habebunt dimensiones, & terminos ac proinde superficiē, & latitudinē, longitudinē profunditatemq; ex post. itaq; 3. habebunt figurā quā definiuimus ex Eucl. l. I. def. 14. at nō planā modo verum etiam solidam de qua Idem Eucl. l. II. def. 1. *Solidum est quod longitudinem, latitudinem, & crassitudinem habet.* Atomis itaq; sua inesse debet figura, quod erat probandum.

Sed enim cum quatuor posuerimus atomorū genera, igneas

aereas, aqueas, & terreas quid de singulis dicendum sit determinandum videtur, quod cum in sequentibus propositionibus exactè fieri debeat præmittenda est Platonici dogmatis de elementorum figuris explicatio.

*Examen doctrinae Platonicae de elementorum figuris.*

Apuleius libro de dogmate Platonis ita loquitur ex diuini illius philosophi mente. I. *Initium omnium corporum materiam, esse memorauit: hanc signari impressione formarum: hinc prima elementa esse progenita, ignem, & aquam, terram, & aera. Quæ si elementa sunt, simplicia esse debent, neq; ad instar syllabarum nexu mutuo copulari.* Hoc est, elementis non adest vlla heterogeneitas qualis est in syllabis quæ consonantibus, & vocalibus constant. *Quod illis euenit, quorum substantia multimodà potestate, coitione conficitur.* Qualia sunt mixta quæ coalescentibus inuicem elementis tanquam vocalibus, & consonantibus in vnum coalescunt compositum.

II. *Quæ cum inordinata permixtaq; essent, ab illo edificatore mundi Deo ad ordinem numeris, & mensuris in ambitum deducta sunt.* Hæc è plurimis elementis ad vnum redacta esse.


His Apulei verbis explicandis opus est Oedipus. Prima, quidem sententia videtur à biblijs sumpta vbi legitur quod *Deus fecit omnia in pondere, numero, & mensura*, at quid sibi secunda vult propositio cum dicit, *hæc è plurimis elementis ad vnum redacta esse?* Existimo Platonem censuisse materiam primam atomis constare, quæ deinde formis substantialibus sigillatæ, illæ quidem ignis, illæ verò terra, aqua, aerue fierent, pro ideæ informantis natura, atq; ita clarus erit sensus Apulei, quasi diceret, Architectus rerum omnium Deus numeris mensurisq; instructus elementa in ambitum deduxit, dispersasq; particulas homogeneas quæ eiusdem sunt elementa corporis sue principia, in vnum congregauit, aqueas atomos iungens aqueis,



aqueis, terreas terreis, igneasq; igneis, unde, & à plurimis huiusmodi elementalibus particulis vnum coaluit elementum quod in ambitum propriâ regione deduxit.

III. Et ignem quidem & aera, & aquam habere originem atq; principium ex trigono qui sit angulis rectis non paribus.

Prima mensura quâ Deum instruit, primusq; numerus hic est expressus radices enim exordia, & origines ignis, siue prima ignis elementa constant, & gignuntur, ex triangulo scaleno cuius basis sit dimidium laterum, & latus secundum perpendicularare ad basim, tertium autem latus obliquo ductu vtramq; lineam iungat, sic vt angulus ad basim sit minus acutus quam angulus ad verticem, atq; huiuscemodi triangulum duplicatû facit triangulum æquiangulum. Sit .n. triangulû



æquiangulum A B C per prop. 1. Eucl. l. 1. diuidatur bifariam per lineam C B ex prop. 9. eiusdem, habebis duoscalena B A D. B C D. cuiusmodi vnum est prima mensura quam Plato dat summo rerum architecto, & principium figure quam habent atomi igneæ, aereæ, & aqueæ iuxta Platonem, primus autem numerus est ternarius omnium imparium primus. Quod autē

de scaleno intelligendus sit Apuleius, inducor vltra explicationem aliâ lectione quę sic habet, *principium ex triangulo quod sit anguli recti non paribus angulis*, ita enim in triangulo D B C, est vnum latus rectum B D C, & duo acuti inæquales, nam maior est D C B quia minorem subtendit lineam per prop. 18. primi Eucl. & per 19. eiusdem, minor autem est angulus D B C. ceteroqui stante primâ lectione cum nullum possit

esse triangulum quod non habeat tres angulos, cumq; per 32. primi Eucl. illi tres anguli sint æquales duobus rectis sequitur quod ex meris rectis non potest fieri triangulum, adde quod omnes recti anguli sunt æquales inter se ex princip. 10. primi Eucl. ergo non potest stare prima lectio à me adducta, sed secundæ est insistendum.

IV. *Terram verò directis quidem angulis, trigonis, & vestigijs paribus esse.* Atomis terræ sunt directis ad se inuicem angulis, trigonis solidis, & faciebus quæ vestigium in inani faciunt imaginarium æqualibus, hoc est anguli constituentes terræ rudimenta prima sunt omnes recti, trianguli autem ex tribus lineis sibi inuicem perpendiculariter insistentibus, quæ faciunt tres angulos, & tres illius corporis dimensiones, facies autem omnes sunt æquales, quæ lineæ nisi in cubo esse non possunt, ergo particule terræ sunt cubicæ; Atq; hoc est secundum instrumentum secundusq; numerus, quæ summo Architecto dedit Plato, angulum scilicet rectum solidum, & primum numerum parem, dualitatem.

V. *Et prioris quidem formæ tres species existere pyramidem, octangulam, & vigintiangulam.* Ab huiusmodi prima mensura seu angulo-scaleno, & imparium numerorum primo tres generantur figuræ, pyramis, octangula, & vigesies angula: quo fit ut nullo modo sit concedendum, prioris conclusionis verba, *anguli recti non paribus angulis*, intelligenda esse de isoscele quod duo latera æqualia habet, primò quia si rectus ei insit angulus nunquam ex eo coalescet perfecta pyramis, deinde quod videatur Apuleius tres angulos indicare, rectū vnū, & duos alios impares uti explicuimus.

Pyramis autem constat quatuor tantum triangulis equiangulis cum perfecta est: Pyramis verò irregularis leges non habet, cum Euclides l. 11. def. 12. pyramidem in genere definiat



niat figuram solidam quę planis continetur, ab vno plano ad vnum punctum collectis; Certum autem est de pyramide regulari seu tetraedro audiendum Platonem vt probabitur mox autoritate Laertij.

Octangula quam Apuleius appellat non est alia figura quā octaedrum, quod definitur ab Euclide l. 11. def. 27. *figura solida quę octo triangulis equalibus, & equilateris continetur.* Malè autem octaedrum, octangulam vertit Apuleius in mathematicis parum, vt licet conijcere, versatus, cum octaedrum octo quidem superficies, sed angulos solidos sex tantum habeat: reuera octaedrum gręca est vox quę figuram significat quę octo faciebus possit consistere siue cui sint octo plana, idem de vigesies angula quam Eicosaedrum esse non dubitamus.

Eicosaedrum autem ex eodem Eucl. l. 11. def. 29. *Est figura solida quę viginti triangulis equiangulis, & equilateris continetur,* tantum verò abest vt Eicosaedrum viginti angulos habeat vt sint ei duodecim solùm: dicitur autem eicosaedrum quod viginti planis possit consistere.

Cofirmatur hæc expositio luculento testimonio Diogenis Laertij qui l. 3. de vitaphilosophorum Platonis opiniones referens ita loquitur: *Ex elementis mundum ipsum, & quę in eo sunt nasci, solam terram esse immutabilem, causam esse putans figurarum ipsius ex quibus constet differentiam, aliorum quippe figuras eiusdem generis dicit, compositas nimirum omnes ex vno oblongo triangulo, terrę verò propriam esse figuram. Ignis enim elementum, esse pyramidem, aeris quod octaedrum vocat, aquę eicosaedrum, terrę autem cubum, quocirca neq; terram in ista mutari, neq; in terram conuertere, & corpora hæc quatuor cum sphæra, sunt corpora quinq; regularia Platonis de quibus Euclides, & doctissimus Clavius libro vndecimo, Cęlius alij;*

**VI. Spharam, & pyramidem figuram ignis in se habere. Quid**

obscurius? An ignis est in potentia ad sphaeram, & pyramidē infiguratione? at cur non etiam ad cubum, magis enim distat sphaera, & tetraedrum quā sphaera & cubus, quod pauciores angulos habeat tetraedrum, vnde, & ex scientia figurarū isoperimetricarum magis recedit à sphaerę natura: Si autem ab extremo ad extremū infiguratione transit ignis, quare nō etiā per figuras intermedias? an ignis est sphaera, & pyramis simul? at implicat vnum, & idem corpus diuersis terminari sibiq; contrarijs superficiebus, & simul sphaeram simulq; pyramidē esse. Restat vt dicamus Platonem intellexisse quod dūm ignis sui ex iuris, & liberē pergīt ad sphaeram tunc sphaericis atomis facit cuneiformem diuidendo aeri figuram, si autem dissolutionem, aut generationem moliatur tunc atomorum ignearum figura ad faciliorem penetrationem fit tetraedica: atq; ex hac configuratione oritur ingens ignis vis, quia cuneus ex Guido Vbaldo reducitur ad duos veches secundi generis quęst. 17. mechanicarum Aristotel. vide Blancanum ibidem: in locis Aristotelis mathematicis eleganti libro explicatis.

VII. *Octangulam verò aeris: angulatam vigesies sphaeram aque dicatam esse*, hoc est, aer octaedricę est figurę, aqua ei cosaedricę; vocat autem sphaeram angulatam vices quod viginti triangulis constet hoc corpus, & parum distet à forma sphaerica, ob multiplices angulos.

VIII. *Æquipedum verò trigonū efficere ex se se quadratum, quadratū verò cubum quæ terræ sit propria, figura.* Id est, Iosceles triangulum quod habeat pedes, siue latera vtrimq; recto angulo insistentia, si per se ipsum multiplicetur, efficiet quadratum, nam triangulum A B D. est Iosceles, & illud multiplicatum per se ipsum facit quadratum A B D C. quod est duplum trianguli A B D. quadratum autem multiplicatum per suum Iosceles facit cubum qui terræ figura



A



C

D

B gura est, quod itidem numeris exprimitur, cum enim secunda mensura quam Deo adscribit sit angulus rectus *ex num.* 4. huius pariter & numerus inter pares primus, nam 2. per 2. faciunt 4. at 2. per 4. reddūt 8. primumq; numerum radicem, secundum numerum planum, tertium cubum vocant

2. 4. 8. Cubus itaq; conficitur ex duodecim Isoscelibus, & sex quadratis qui numeri sunt proportionales inter radicem, planum, & cubum vt patet 2. 4. 6. 8. 12. Octaedrum constat sexdecim scalenis quorum singula per se reuoluta faciunt octo triangula aequilatera. Eicosaedrum ex quadraginta scalenis quæ complicata faciunt viginti triangula æquilatera, harum autem figurarum nulla est radix, ideoq; imparium numerorum primo instruxit Deum Plato.

IX. Quapropter mobilem pyramidis formam igni dedit, quod eius celeritas agitationi videatur esse consimilis. Secunda velocitatis octangula sphaera est, hanc aeri detulit, qui leuitate, & pernecitate post ignem secundus est, & Vicenalis sphaera est locotertio huius forma fluida, & volubilis, & aquæ similior est visa. Restat tesserarum figura quæ cum sit immobilis terræ substantiam non absurde sortita est. Et alia initiare reperiri forsitan posse quæ aut Deo nota sunt, vel ei qui Dijs sit amicus. In hoc contextu conatur infeliciter Apuleius reddere doctrinæ Platonice rationem, primò enim errat cum dicit mobilißimam figurarum omnium esse pyramidem, difficilius enim mouetur quam sphaera, imo quam octaedrum, nam in octaedro eiusdem areæ cum pyramide, linea directionis minus distat ab angulo, quàm in tetraedro:

dro : leuissima verò ratio est ignis formam esse pyramidalem quòd flamma in acumen definat , primò quia vt sic est potius conoidea siue in metèformam, nisi ab alimento determinetur , secundò quia est ignis impurus fumo exhalationibusq; immersus, ergo ab illa agitatione cuspidis malè colligit Plato ignem esse pyramidalem . Sin autem velocitatis motus in elementis habenda esset ratio, cum omnibus par sit videretur eadem tribuenda figura , nam æquè velociter terra fertur deorsum ac ignis sursum , ratione verò densitatis fluiditatisq; tribuenda esset è quinq; corporibus Platoniceis sphaerica figura igni, cubica terræ, eicosaedrica aeri, octaedrica aquæ .

At enim ad refutandum Platonis literalem sensum, cum elementa debeant replere locum quannam amābo ratione id facient si terra sit cubica aqua ei cosaedrica, aer octaedrus, ignis autem sphaericus vel pyramidalis ? nam meri quidē cubi locum replent, tetraedri autem id nequeunt vel cubis iuncti aut per se , octaedri vel eicosaedri multò minus , de sphaera manifestissimū est ; Quæ clarissimè demonstrari possunt quia ad id vt locus repleatur figuræ debent ità inter se coalescere vt angulos faciant quatuor rectis æquales, si enim deficient frangent quidem , sed relinquent in medio hiatum ; si autem superent nunquam angulum explebunt cuius : propositionis demonstrationem videre potes apud Euclidem Clauij l. 4. elem. Quo spectans Aristoteles argumentatus contra Platonē tertio cæli t. 66. ità pronuntiat . *Omnino autem eniti simplicibus corporibus figuras tribuere irrationabile est , primò quidem quia accidit non repleri totum ; nam in planis tres figuræ videntur implere locum , triangulus, quadratum, & sex angulus , in solidis verò duæ solum pyramis , & cubus .* Quò in loco nota Aristotelis crassissimum lapsus dūm ait pyramides, siue tetraedra ( de illis enim ex assumptis à Platone loquitur ) replere locum ; ex figuris . *in solidis*



solidis regularibus soli cubi replent locum solidum per se sumpti, octaedra verò compacta tetraedris idem præstant, vt demonstrat Maurolycus libro de figuris planis solidisq; locum replentibus. De cubis quidem non est difficultas cum enim octo suis angulis cubi quatuor concurrant qui ex vtraq; superficie æquales sunt quatuor rectis, sequitur quod replent locū



solidum. At verò tetraedra per se locum non replent, quia vel conflarent vnum ex corporibus regularibus vel aliud quodpiam; non aliud, neq; enim datur ex scholio 13. element. neq; vllum ex illis quia diameter huiusmodi corporis esset dupla lateris eiusdem, cum enim pyramides ad cētrū spherę concurrant sequitur quod ex duobus lateribus diameter con-

stat, ergo diameter illius corporis, & spheræ inscriptæ esset in dupla proportionem quæ proportio in corporibus regularibus non reperitur ex 13. elem. Eucl. ergo tetraedra vacuum non implent. At octaedra compacta tetraedris locum replent faciuntq; corpus irregulare. Errauit itaq; Aristoteles in hoc textu: quod erat demonstrandum.

Platonem verò existimant nonnulli primò locutum de singulorum elementorum massa, ità terræ molē cubicam, aliasq; mundi regiones suis figuris insignitas; Alij mysticè commentatum aiunt, plures Pythagoræ arithmetica voluisse coniungere geometrię ægyptiæ, alij alia pro studio, & eruditione comminiscuntur. Tu vide Clauij spheram cap. 1. Marsilium Ficinum, Eugubinum de perenni philosophia &c. Concludo autem Platonem existimasse elementa constare ex atomis vt patet ex consequentia quam elicit Aristoteles l. 3. de celo

cælo t. 65. vbi sic ait. *Necesse est autem eos qui figuram faciunt vniuscuiusq; elementorū, et hæc determinant substantias ipsorū facere ipsā indiuisibilia, sphaera .n. diuisa sphaera non est &c.* Attamen cōmodissimè ex Democrito singulis elemētōrū atomis figuras dabimus neq; vllū sequi videbis aut in loci repletionē aut in mixtione inconueniens. Tu verò hanc abstrusioris philosophiæ digressionem Platoni, & Apuleio condonabis: Cum .n. arduissimam aggressuri simus de elementorum figuris primi-  
genijs disquisitionē visus mihi est Plato qui audiretur dignus, licet ipsi nulla tenus subscribam nisi quantum ille Democrito.

### PROPOSITIO XXVII.

*Atomis igneis figuram assignare ex Democrito.*

**S**Cio Epicurum in epistola ad Herodotum, & Pythoclem apud Laertium existimare *atomos nullam qualitatem sensibilem admittere præter figuram, grauitatem, magnitudinem, qualitas enim omnis mutatur atomi verò nihil mutantur.* Democritus autē realiter censuit, & quamuis nullam qualitatem quæ sensu percipi posset in atomo concederet primas tamen, quas intueretur mēs, admisit, easq; immutabiles posuit, vt supra diximus, dissoluitur autem mixtum turbata œconomia, & atomis ad noua molienda conuolutis ab extrinseco agente, cuius vis alliciendis ijs potētior sit quam formæ potentia coercendis: excutiuntq; iugum plerumq; primæ omnium igneæ atomi, quæ suæ primi-  
geniæ figuræ restituuntur atq; ita per aerem, (quem inane, & vacuum appellabat Democritus vt supra diximus confirmaturq; ex Galeno aduers. empir. l. sag. 36.) vagantur nouę generationis appetentes.

Determinauit autem atomis igneis figuram sphaericam Democritus vt ostendimus in synopsi huius libri pag. 24. numero 9. & pag. 26. num. 8. quæ doctrina probatur.



Primò. Amobilitate figuræ sphericæ quæ quod tangat in puncto, vt demonstraui Theodosius 1. spheric. prop. 3. sequitur quod linea directionis eius motus nullo negotio mutari possit, ignis autem mobilissimus esse debet, & veluti generationum omnium choragus.

Secundò. Cû sphaera angulis omnibus careat nihil hamati aut retinentis offendet, facillè permeabit, & quoquo versus ad naturæ penetrabit instituta, diuidet, instar cunei, & quod nulli alteri figuræ contingit contactu puncti labefaciens planum statim amplo sinu sibi viam facit, cum nihil habeat anguloso quo possit detineri, quod eius actiuitati necessarium fuit.

Tertiò. Cum ignis nobilissimum sit totius naturæ agense ei conuenit figura omnium nobilissima, quæ spherica est, cuius viginti proprietates admirabiles, igniq; affines annotaui.

I. Proprietas. *Figura est simplicissima*, cuius generatio fit à semicirculo circa suam diametrum circumuoluto: circuli autem origo est duplex, prima ex semidiametro circa extremitatem suam immobilem circumductâ, alia verò est à sectione parallela basi coni atq; vt sic circulus easdem habet fere proprietates quas ellipsis, vt annotat Leautaudus in suo de sectionibus conicis tractatu quæ geometricis problematibus inseruit. Videtur autem valdè congruum vt hæc figura igni conueniat non tantùm tanquam corpori simplici, verùm etiam quod globorum progredientium instar volutentur, quasi se illo motu perpetuò circinarent: Isq; volutationis motus in globorum tormentariorum eiaculatione probabitur à me suo loco, & in sole manifestus est quod igne constet, ex Scheinero in rosa Vrsina.

II. Fortissima figurarum est spherica, cum non sit ratio cur vnum potius cedat quam aliud, ex quo iuuatur ignis actiuitas.

III. Inq-

III. Inæqualiter virtualitates suas omnes seu partes mathematicas situatas habet, nã in spherę superficie nulla est imaginabilis quæ ex æquo alteri adiaceat, alioqui curua nõ esset.

IV. Sphæra habet hoc proprium vt sub exiguis terminis multum comprehendat areæ, est enim figurarum omnium sibi isoperimetricarum capacissima, vnde ex illa collectione, & adunatione maiori, atomo nullo modo dispersa per locum expansum, augetur eius actiuitas.

V. partes omnes sphæræ sunt similiter positæ, & superfici ei puncta omnia pari inflexione, & ordine coronantur.

VI. Nulla figura regularis potest moueri circa suum centrum quin locum mutet saltem secundum quid exceptâ sphærâ, quæ moueri potest, & girari loco nulla ratione mutato. Dixi regularis, nam conus, ellipsis solida, cylindrus, parabola, & hyperbola solida sic etiam moueri possunt. Hæc autem mobilitas seu giratio concessa videtur atomis igneis, à natura vt magis vegeti sint caloris, actiuitasq; sua eo motu propagetur.

VII. Nulla figura mouetur facilius sphæricà, siue naturaliter, siue violenter. Naturaliter in motu deorsum per aquã (nam per vacuum aut inane, qui est aer, æqualis omnibus figuris est mobilitas) citius descendunt lapidei globi quam plani aut lati lapides. Violenter autem, in motu volutationis id patet, quia difficilius sistitur impetus adeò vt linea directionis ad centrum mundi sit in axi globi, tria enim sunt puncta, per quæ debet transire linea recta imaginaria in qua sola quiescere potest globus: primum est centrum mundi, alterum centrum grauitatis globi, tertium punctum contactus, si alterutrum istorum sit extra lineam quietis nunquam firmabitur, sed eo vsq; mouebitur globus dum huiusmodi tria puncta sint in linea directionis, quàm autem facilè sit globum impellere



pellere, patet inde quod si sit in plano perfecto illud in puncto tanget ac proinde vno tantum puncto innititur, debiliq; illo fundamento eijcitur facile. Contrariâ ratione se se habent figure planę. Deinde melius impetum concipit sphaera, diutius retinet, violentius vrget, æqualius dispensat ex quibus ignea mobilitas augetur. Videbis Theoricam nostram militarem Theor. 4. & 5. lib. primi.

VIII. Vnum tantum habet punctum cœlo vicinius quocunq; in situ ponatur, vnoq; tantum propius accedit ad centrum mundi.

IX. Omnium figurarum solidarum est regula præsertim regularium, quæ tales sunt cum earum latera segmentis vndiquaq; æqualibus sphæram detruncant. Præterea omnes figure sphærica inscribuntur, & circumscribuntur, proprietatis igneæ symbolum, ignem enim motibus, & figurationibus præsidere voluit Plato.

X. Circulus vna linea, sphæra vna superficie finitur quod istis figuris est singulare, ellipsi solida exceptâ quæ ideo sphæroides dici posset, reliquæ enim figuræ vel plures lineas aut plures habent superficies.

XI. Oppositæ partes omnes æqualiter à se distant.

XII. Longitudo latitudo, & profunditas sphæaræ sunt equales, nempe tres diametri.

XIII. Initio, & fine caret sphæra vt etiam circulus.

XIV. Sphære superficies est incommensurabilis cum superficie plana.

XV. Sphæra est commensurabilis potentiâ non antem longitudine cum alijs sphæris maioribus vel minoribus.

XVI. Sphæra circa suum centrum volutata simul & semel sursum deorsum, & in transversum mouetur, quod egregiè, & ingeniosè demonstrat Aristoteles in mechanicis agens de motu circulari in principio.

XVII. Sphæra non habet ullam secum proportionem, tantum abest ut sit ei aliqua cum alijs figuris ratio, nam superfici ei ad suam diametrum hæcenus non potuit reperiri vlla, proportio geometrica.

XVIII. Sphæra est prima, & vltima figurarum solidarum, omnes enim ab illa oriuntur, & omnes in eam desinunt: planarum prima est circulus, planarum vltima circulus, ortus enim trianguli æquianguli est à circulorum æqualium intersectione mutuâ per centrum ex Euclid. I. 1. pro. 1. omnes pariter figuræ planæ desinunt in circulum, & cum eo componuntur ut patet ex lib. 4. element. Euclidis figuræ autem solidæ ad sphæram reducuntur, & quo pluribus angulis sunt præditæ eo magis ad illam accedunt quamvis sphæra sit figura solida omnis anguli expers, quæ autem pauciores habent angulos magis distant à sphæræ perfectione: & quamvis figurarum, numerus sit infinitus in hoc tamen infinito datur primum, & vltimum, cum prima figurarum planarum sit circulus idemque sit vltima: solidarum verò prima, & vltima sphæra est.

XIX. Perfectissima est figurarum eademque facillimæ constructionis, quo fit ut Deum rotundæ figuræ somniauerit Anaximenes, & pretiosa facilia esse inuentu, & praxi Diogenes Cymicus pronuntiauerit. Natura verò cui perfectio, & facilitas acceptissima sunt, pleraque sua rotundæ figuræ facit, fructuum plerique sunt spherici aut ad illam figuram accedunt, circulares certè sunt trunci arborum, radices, rami aliaque facta videntur ad tornum, quia scilicet facilius illis terminis plura continentur, & speciosiori apparatu mundum exornant.

XX. Quidquid tangit, excepta concauitate eiusdem cum sua conuexitate rationis, tangit tantum in puncto ut demonstravit Theodosius, & ratio est quia curua nulla linea potest adæquari rectæ, adæquaretur autem si tangeret in pluribus punctis quam in vno.



Hanc sanè originalē esse atomorū ignearū figurā non difficile persuadeor, ob potissimas sphaerę proprietates quę igni conueniunt, nihilominus tamen illam figuram in quamlibet aliam commutari posse duobus indicijs adducor, vt itā cēseā.

Primò quia cum ignis sit liquidus ex Democrito, & Virgilio Eclogā Sileni *Et liquidi simul ignis*, sequitur eum facile coerceri alienis terminis difficile suis, ergo facile mutat figurā.

Secundò quia mutatio illa figurę necessaria est ad vnionem cum alijs atomis faciendam, neq; enim in puncto mathematicè indiuisibili potest vnio, modus nempe physicus, consistere, ergo illam relinquit vt commodiorem habeat: addē quod formarum inclinationi, & materiæ organizationi debent subseruire: Vnde, & Democritus infinitas esse atomorum figuras censuit, hoc est indeterminatas quoad aptitudinem eademq; atomus quæ in pluma erit cylindrica, in carne erit parallelepipeda, in osse pyramidalis. Ceterum atomi in libertatem asertæ, & ab vnione segregatæ ad natiuam figuram se se continuò reducant quæ igneis est sphaerica. Ignearum ergo figuram, & qualiratem atomorum determinauimus ex Democrito, quod erat nobis faciendum.

## PROPOSITIO XXVIII.

*Atomorum terrearum figuram ex Democrito determinare.*

**E**A est ignem inter, & terram differentia, vt ille diuisus in particulas pluribus locis sit immixtus, suāq; agilitate abusus per omnia loca vagetur, neq; vllum in vniuerso locum occupet determinatum, cum ea, quæ de ignis sphaera somniarunt veteres, ne minimam quidem veritatis umbrā contra recentiorum astrologorum animaduersiones obtineant. Terra verò suis conglobata nutibus atq; in vnum globum compacta centrum mundi obsidet, quo etiam singulæ, tum aquæ, tum

terræ particulæ perpendiculari via feruntur, quare de atomis igneis aliter quam de terreis nobis philosophandum fuit.

Primò itaq; cum sibi inuicem terreæ particulæ cohæreant debet ipsis conuenire ea figura quâ locum repleant, alioqui inter atomos, & atomos vacuum daretur, vt si sphericæ essent, hiatus inter puncta contactuum inanes remanerent sed quæ locum repleant figuræ simul iunctæ sunt tantum tres, triangulum, quadratum, & hexagonum, ex quibus fiunt figuræ solidæ pyramis, cubus, & hexagonum solidum duobus hexagonis oppositis, & sex circumquaq; parallelogrammis terminatum. Verùm vt melius figuram terrearum atomorum inuestigemus.

Obseruo primò ex Corollario 15. 1. Eucl. duas rectas se mutuò interfecantes efficere ad punctum sectionis 4. angulos 4. rectis æquales, imo quoscunq; fuerint anguli circa vnum punctum, rectos quatuor non excedent simul sumpti, vt circa punctum A sunt quatuor anguli B A E, C A D, D A E, E A B, quatuor rectis æquales.

Obseruo secundò ex eodem Euclid. 1. 1. in schol. p. 32. omnes angulos figuræ B A C rectilineæ cuiusuis æquales esse bis tot rectis angulis quota ipsa est inter figuras rectilineas. prima autem figura est triangulus cuius omnes anguli simul sumpti sunt æquales bis vni recto angulo, id est duobus rectis, anguli figuræ 2. seu quadrati sunt æquales bis duobus rectis id est quatuor. Anguli tertiæ figuræ seu pentagoni sunt æquales ter duobus rectis id est sex rectis, & sic de alijs: horum autem omitto demonstrationes cum geometriæ tyrocinio sint propriæ, & cuius apud Euclidis interpretes obuiæ his præsuppositis.



Demonstro quod superius tanquam pro minore mei argumenti posui, sed ex omnibus figuris quæ simul iunctæ locum repleant sunt tantum tres triangulum, quadratum, hexagonum ita ut inter ipsas deinceps positas nihil intercedat vacui. Cum enim sex triangulorum anguli, & quatuor quadratorum, & tres hexagonorū sint æquales quatuor rectis, quod spatium unicuique puncto circumfunditur, sequitur his figuris locum repleri posse, alios verò nequaquam: pentagoni enim v.g. anguli tres sunt æquales rectis  $3. \frac{2}{5}$  tantum ergo deficiunt à loco replendo; quatuor verò anguli æquales sunt rectis angulis  $4. \frac{1}{2}$  ergo excedunt, idem de alijs figuris dictum esto.

Egi tantum de figuris regularibus, neque enim dubium est quin terrearum atomorum figura sit simplex, & regularis, videtur enim hoc corporis simplicis conditionem sequi: neque; vlla est ratio cur aliter, & aliter se habeant anguli ad suum centrum mathematicum: quare eam ob causam reiicio figuram hexagonorū solidam quæ fit 6. parallelo grammis, & 2. hexagonis quamque; alvearibus suis apiculæ adstruunt, reiicio pariter cuboides ex rhombis sex, & parallelepipedum. Super sunt ergo duæ tantum figure de quibus potest institui controuersia.

Prima est pyramis vel tetraedrum pro qua militant rationes duæ primò quod sit in ordine figurarum solidarum prima; secunda quod simplicior sit. Sed duabus deficit conditionibus necessarijs videlicet, ut possit locum replere, quod nequaquam potest, ut supra demonstraui, & vnā lineam physicā facere.

Radix enim corporis physici est superficies radix superfici ei, linea, & radix lineæ physice, est atomus, addebat sine fundamento Pythagoras ex Alexandro in successione philosophorum principium quidem omnium esse unitatem, porro ex unitate indefinitam dualitatem, veluti materiam auctori unitate subie-

cisse. Ex monade verò ac indeterminata dualitate numeros gigni  
ex numeris puncta ex punctis lineas ex quibus planæ figuræ con-  
stant. Vide plura apud Laertium lib. 8. At non potest componi  
linea physica ex tetraedris, quia ex quatuor faciebus tetraedri  
vna tantum aliud deinceps tetraedrum excipiet, ac proinde  
prominentiæ sinusq; inæquales in illa erunt lineæ, & tantum  
abest vt æquam oculi dimensionem per radium patiatur vt  
etiam veluti serratim serpet quod lineæ perfectioni neutiquam  
conducit. Ergo atomi terreæ sunt figuræ cubicæ, quod hoc  
argumento probaui.

Atomi terreæ simul iunctæ debent eius esse figuræ quæ lineam faciat,  
& locum repleat, sed sunt tantum duæ regulares quæ locum repleant  
ex quibus reiecimus hexagonum solidum, restat ergo solus cubus, qui  
sine ulla imperfectione lineam potest physicam facere, plures enim cubi  
simul iuncti lineam physicam facient quæ erit parallelepipedum mathe-  
maticum. Quæ quidem lineæ suas atomos ex æquo interiacet,  
vnde, & vera radix lineæ physice erit cubus, & ex huiusce-  
modi lineis perfecta superficies fiet, quæ ex æquo suas lineas di-  
spositas habebit, vnde & pari ratione corpus solidum perfectum  
compingetur.

Confirmatur hæc ratio quia sicut prima radix numerorum  
est 2. ex qua conficitur primus cubus (vnitas enim seipsam nõ  
multiplicat) qui quidem primus cubus 8. est vnitatum, & octo-  
narius solidorum numerorum est primus, ita etiam radix cor-  
porum atomus terreæ ex quadratis erit cubica, in ordine figu-  
rarum secunda, octo angulis constans.

Confirmatur, secundò quia cubi proprietates, terræ conue-  
niunt, illæ autem sunt octo præcipuè.

Prima, inter omnes figuras solidus cubus omnium difficilli-  
mè mouetur: immobilitatis terreæ argumentum, ratio est quia  
centrum grauitatis est facilius in lineâ directionis, aut certè in  
ea parte



ea parte quâ corpus innititur. Non argumentor nunc de tota vniuersę telluris immobilitate quam vertigine cęli indeterminatam ad iter versus cælum dixere nonnulli, alij innatare aquis, nonnulli radicibus infinitis suffultam esse, Barbariq; philosophi Peguani quatuor innixam columnis quas elephanti quatuor sustinerent: sed tantum similitudine quadam, & analogicę probo difficilius totum illud moueri cuius singule partes difficilè mouentur, certè cubi non ità facilè volutantur, quia vt dixi amplior est lineę directionis basis quę vtrobiq; ad superiores partes collibratur, quod alijs figuris non contingit.

II. Sequitur ex hac prima, quacunq; enim sui facie planum tanget habebit lineã directionis in ea parte quâ planum erit, hinc facillimè quiescit.

III. Eius tres dimensiones sunt sibi mutuò perpendiculares, & singulæ magnitudinis eiusdem, cubus enim ex Euclid. est figura solida quę sex quadratis equalibus continetur, in quadrato autem lineę, & anguli equales sunt ex def. 30. 1. & demonstrat. lib. 11. p. 24.

IV. Eius diameter est incomparabilis cum lateribus, vt demonstrat Euclides lib. 10 prop. 116. *Propositum nobis estò demonstrare in figuris quadratis diametrum esse longitudine incommensurabilem ipsi lateri*, colligiturq; ex prop. 9. 10. & ex lib. 1. prop. 47.

V. Cum habeat superficies omnino patentes, & apertas magis est aptus vnioni, nullo enim flexu, nullãue irregularitate illam refugit, & secundum totam suam latitudinẽ admittit.

VI. locum cum alijs cubis perfectissimè replet vtsupra demonstrauimus.

VII. Omnes partes cęli sex suis faciebus respicit, duabus quidem oppositis polos duos, alijs verò 4. circumpositis quatuor cardines cęli: ex quibus nonnulla de magnetica telluris virtute possent colligi.

VIII. Vltima cœlorum regio scilicet empyreum cubicę est figurę, nam est *Ciuitas in quadro posita*, & infima vniuersi atomus terrea scilicet cubica est, sic primis vltima conueniunt, & ita videtur cubus prima regula normalis, primumq; operis mundani rudimentum, vltimumq; complementum.

Quod autem iuxta Democritum hæc ita se se habeant satis superq; patet ex ijs quę supra de igneis atomis adduximus, tū etiam in synopsi ex authoritatibus Aristotelis initio diductis. Confirmaturq; testimonio insignis, & sua ætate facilè principis philosophi Epicuri, cuius conditum voluptate nomen porcinam videtur in moralia sectam induxisse, cum tamen ipse ex priscorum authoritatibus anachoretarum seueriora instituta sit secutus, ille inquam eximius naturę lynx Epicurus non solum de atomis scripserat commentaria quę glorię ingluuies Stagirita posteris inuidit verum etiam *de angulo atomi* librum fecerat singularem, ergo certum est Democriti fuisse placitū atomos quasdam angulis insignire, ceteroqui frustra istud lemma suo operi Epicurus præfixisset: Quid autem potissimum in eo libro disputarit certò scire non possumus, sed cum libri titulus sit veluti propylæum quod totius architecturę specimen dat, sitq; tanquam gratum quoddam operis vniuersi compendium; duo in hoc libro ab Epicuro disputata fuisse suspicor, primò quidem quomodo darentur anguli indiuisibiles, & contra huiuscemodi opinionem egit Aristoteles libro de lineis insecabilibus; secundò quam ratione angulosa conuenirent cum nō angulosis, id est, cum sphericis, quapropter geometricis ratiocinationibus in hac opinione atomorum magnus est locus, & si Platoni placuit hunc scholę suę titulum apponere, nullus ingrediatur sine geometria, sanè Democriticę philosophię apprimè necessaria est illa inscriptio.

Sed ex occasione istius Epicurei quæsitū scire vis an figuram  
mutet



mutet terrę atomus, an scilicet circuli quadratura, mutatio sphaera in cubum, & cubi in sphaeram quam tot hæcenus frustra inuestigarunt naturaliter ad praxim reducat? Respondeo mihi probabilius esse non mutari: ratio est quia potissima ratio cur alias atomos figuram mutare concedam, est quod alienis terminis facilius quam suis coerceantur, at terra contrario modo se habet, cum alienos terminos respuat neq; quidquam fortius sit aut durum magis quod eius angulos possit retundere: deinde ad corporum firmitatem conducere videtur, vt sint aliqua immutabilia alia verò mutationis capacia, sic in artefactis v.g. in pariete lapides suam formã tenent, calx cedit.

## PROPOSITIO XXIX.

*Atomorum aquearum figuram determinare.*

**A**rchimedes initio libri de his quæ vehuntur in aqua acutissimè demonstrat omnem humorem liquoremue sphaericum esse, ratione habitã centri grauium, probaturq; ab Aristotele 2. celi t. 3 1. cuius dilucidam argumentationem apposita figurã conuenienti quæq; desiderabatur, illustrat Blancanus Inlocis mathem. Arist. explicatis distinct. 107. At verò quamuis fatis apertum sit aquæ superficiem esse sphaericam, de illius tamen elementi particulis indiuisibilibus res manet indecisa: vt itaq; illis suam demus figuram pauca de humidi liquidiq; natura dicenda sunt.

Obseruo primò liquidum humidumq; plurimùm differre, metalla enim sicca sunt, & liquida fiunt, Mercurius liquidus est de eius autem humiditate nõ fatis constat. Humida quædam igne durantur vt mel quod itidem frigore concrescit in grumos, eodem extremo parem pene reddente consistentiam, igne Vesubiuno inuenta sunt anno 1632. mella plane saxea, *de melle petram fundente Vesuui* vt ait elegantissimus

Recupitus in suo Nuntio; frigore violentiori indurantur aliquando in saxeam firmitatem in Nortuegia. Multa actu humida sunt quæ liquida non sentiuntur vt grando, nix, pruina; Quædam absq; humiditate fluida, & liquida vt ignis, cælum, aer, exhalationes, metalla fusa &c.

Obseruo secundò aquam de cuius humiditate, & liquiditate hic sermo est tres habere status, alterum quo in glaciem concrescit, alterum quo in vapores soluitur, tertium quo sua naturâ consistentiâ gaudet vt in fontibus fluuijsq;. Glaciata, aqua leuior est fluida, imo licet tanta sit differentia in pondere aque dulcis, & salæ, falsa tamen glaciata innatat dulci ob rariorem partium situm, & aerem poris frequentibus constrictum: vnde non satis possum mirari philosophorum turmas nullâ habitâ experientiarum ratione has sententias pro oraculis colere. *I. frigus condensat, & grauius reddit. II. Corpus concretum minus occupat loci quam fluidum* quæ licet in aliquibus vera sint in plurimis tamen inductio deficit, status autem aquæ in vapores dissolutæ explicabitur disp. 3. c. 2.


Cum verò suo in situ connaturali manet aqua habet eam proprietatē ab humiditate insita vt faciliè adhæreat, à fluiditate autem vt alienis terminis faciliè, difficilè suis coerceatur. Quare cum ea sit liquidi corporis conditio vt in sui diffusionem nullâ parte eminere debeat cum sit primum postularum Prolog. I. de ponderibus corporum, *Nullum corpus in seipso graue esse vt aque in aquam, oleum in oleum, aerem in aerem, nulliusq; esse quantuatis*, quare vniuersa aqua se se ita collibrat vt sphericam superficiem habeat quo melius vndiquaq; paribus momentis accedat ad mundi centrum, vnde ad decliuiora fit defluxus dum tandem omnia æquali altitudine consistant, hinc istud hydraulicorum axioma: *Non altius ascendit in cursu naturali fons quam sit sua origo.* Et si sursum eat hac vtuntur regula,



gula; Par est resistentia aquæ ad motum sursum atq; inclinatio ad motum deorsum: quod si se ita non haberet, motum per syphones perpetuum inuenissemus. Atq; hæc ratione fluidi, aquæ conueniunt: humiditatis verò beneficio partes partibus nullo negotio vniuntur idq; in triplici humidorum genere, viscoso, pingui, & rorido. Viscosum hamatis, & veluti concatenatis constat particulis ità vt dilaceratione opus sit vixq; certà auferas mensurà ob adhæSIONem. Pingue in oleis butyro, adipe depræhenditur. Purum in aquis, & antiquorum balsamo, quod nullo maculæ periculo vestes fragrantia, suà aspergebat: at sicuti omne humidum facillè est vnibile ità solum purum, & roridum facillè diuisibile est.

Atq; ideò quod aqua superficie sphericà semper circumambiat terram, quod scilicet reperiat in fundo terminos, & ad latera, apertum verò aerem in suprema sui parte quæ imbecilliori corpori non cedit, debet necessariò aliquibus terminis diffiniri. Sphæricam autem induit superficiem quia natura quàm breuissimis vitur vijs, & nihil facit frustra, breuissimi autem termini habità ratione grauitatis corporis, & centri grauium est sphærica, quæ à centro mundi per puncta terminantia aquæ limbos duceretur, ad eam ergo se se reducit. Vnde instituta sunt iucunda quædam problemata quibus probatur cyatho plus aquæ contineri in valle, quam in montis iugo, quod facili negotio demonstratur ex coroll. prop. 33. l. 6. Euclid. Cum enim aqua, vt diximus se se colligat in sphæram cuius centrum est centrum grauium siue mundi, sit circulus AC pro aqua in valle, circulus DB pro aqua in monte, quoniam ergo ex scholio 33. l. 6. Eucl. equales rectę lineę ex circulis inæqualibus auferunt arcus inæquales, maiusq; est segmentum minoris circuli quam, vt sit simile segmento circuli maioris, erit ergo cyathi in valle, siue in circulo CA sphæ-

rica aque superficies in segmento maiori quā in circulo montis DB. quod erat demonstrandum, his itā prelibatis. Dico primigeniam atomorum aquearum figuram esse sphericam, ceteroqui fluxa illa est, & versatilis incertisq; terminis finita vel in mixto aut in ipsius aque congregatione.



Probat. primò quod sit spherica. Si daretur atomus aquea in inani ab omnibus alijs separata, illa se se in spheram colligeret, ergo spherica figura illis atomis est primigenia, probatur antecedentis sequela à priori, frustra sit per plura quod potest fieri per pauciora, sed hæc atomus debet suis terminis contineri ergo paucissimos, & angustissimos admittere, at spheræ fines sunt huiusmodi, nam ex scientia figurarum isoperimetrarū ea figura maioris est areæ quæ plura habet latera quæq; est regularis, sed spherica est in potentia lateribus infinitis, est que regularissima, ergo omnium sibi isoperimetrarum capacissima est.

Probat. secundò. Illa figura est fluxa, & versatilis quæ alienis terminis est obsequens, at aqueæ atomi ob humiditatē, & fluiditatem sunt huiusmodi, ergo sunt figure inconstantis, & mutabilis; si autem considerentur absq; alienorum terminorum adminiculo spherice sunt, in mixto verò eam habent figuram quam situs, violentia vicina, exigentia forme, ceteriq; influxus imprimit.

Confirmatur hæc ratio cinatio principio 10. Eadem est ratio totius homogenei, & omniū eius partium, quare cum certum sit totam aquarum conglomerationem sphericam esse, & aque guttas, quæ quod non satis sint in copia ut diffuant, spherarum figuras induere, & Mercurium seu argentum vivum si dividatur, in globulos perfectissimos colligi, atomis

certè



certè aqueis idem omnino conuenire par est. Neq; de terreis eadem est ratio, terra enim primò non est perfectè, & exactè spherica, quiescens autem aqua, loquendo geometricè globosa est; prætereà liquiditate omni terra caret quapropter de atomis terreis longè diuersa pronuntiauius.

Præterquam quod hæc dicendi ratio satisfacit exigentiæ particulari atomorum, exigentiæ totius elementi quod vnione sua delectatur, exigentiæ mixtorum in quibus atomi aqueæ formis faciliè obsequuntur, exigentiæ fluiditatis, & humiditatis, repletioni loci, & cuius deniq; aquarum officio, quapropter ex atomis aqueis infinita fiunt figurarum genera prout agentibus externis placet. Ex hac philosophia deduci faciliè posset ratio figurarum quas in grandine niuisq; floccis natura exprimit: niuem certè adeò perfectè in stellulas efformatam vidimus anno 1644. Ticini, quod doctissimis viris adstantibus ostendi, vt portentum artis non fortuitum naturæ opus legitimè admiratione diceretur.

Determinauimus itaq; figuram atomis aqueis iuxta Democriti placita quod nobismetipsis præscriperamus faciendum.

### PROPOSITIO XXX.

*De atomorum aerearum figura iuxta Democritum pronuntiare.*

**A** Tomi aereæ omnium subtilissimæ sunt, versatiles, polymorphæ, ipsisq; est incomparabilis promptitudo cogendi se sub alijs alijsq; terminis ferme in instanti, si ità corporibus alijs, naturæq; totius continuitati quæ facta testæ foueri debet, sit opus. Hæc verò agilitas summa, duabus de causis concessa est aeri, primò vt quiduis vacui impediat, & locum repleat commodiùs, secundò vt meliùs pororum angustias subeat, extrudentiq; se cuius alteri cedat. Habent hoc prætereà atomi aereæ vt nunquā vel inter se vel cū alijs vniantur sed sint tantum contiguæ vt supra ostendimus.

Vnum

Vnum subiungo quod si aeris atomus vnica in spatio imaginario vel in aquis poneretur, se se continuo in sphericam colligeret; in spatio quidem imaginario quia breuissimis terminis vellet comprehendere vt supra de igneis aqueisue demonstrauimus ex scientia figurarum isoperimetrorum, & principio physice quod natura semper breuiorem viam sequatur. In aqua verò pariter spherice essent, quia quam minimam diffusionem inter aquam, & aquam facerent; & reuerà vt hoc obiter annotem non in aqua tantum quod ex bullis, & aere per aquas extruso patet, verum etià in oleo, melle, sanguine, alijsq; liquoribus idem fit, in quibus spuma constat globulis, aut certè spherarum portionibus; in oleo verò ubi nulla est spuma, aer etiam se in spheram colligit, ut corpus illud crassum penetret: quod non benè aduertens Cardanus censuit lampadem suam quā in lib. primo de subtilitate proponit ideò semper ardere succedereq; oleum oleo, quia quod superest olei rare fit semper, atq; ita plena manet lampas, sed neutiquam ita se res habet, in vitreis enim huiuscemodi lampadibus aduerti post singula ferè minuta subire globulum aeris, & rectà vià summum lampadis fastigium per olei continuitatem petere, ut illic vacuum impedit: ita ut cum huiuscemodi lampas esset cylindrica succederet per foramen aer, qui collectus in spheram quā breuissimā lineā emergebat in summa cylindri axe, & nunquam à centro huiuscemodi aberrabat.

Sunt itaq; atomi igneæ originaliter spherice illiusq; figure amantes, per accidens autem quamlibet aliam induunt in gratiam formarum substantialium, & nature commoda.

Atomi terreæ sunt originaliter cubicæ neq; figuram mutant, quia nihil est illis solidius firmitusue, & reuera si metus uacui sit in terra, diuiditur, uiolenterq; laceratur ut fluxa corpora succedant.



Atomi aqueæ cuiusvis figuræ sunt capaces, separatis verò conuenit sphærica.

Atomi aeræ sunt originaliter indifferentes ad quamvis figuram per accidens tamen, & aliorum ratione in sphæram colliguntur. Atomis itaq; figuras determinauimus quod erat postulatum.

Ex quibus vides rectè censuisse Aristotelem 3. cælit. 66. Elementis non posse inesse diuersas figuras singulas singulis, sed vnum tantum modo figurari posse, *reliquis informibus*, ego verò non informia dico sed vertibilis figuræ tria constituo, quæ originarijs tamen terminis sint sphærica, vnam terram immutabili esse figura opinatus.

### PROPOSITIO XXXI.

*Motus atomorum ad figuram seu atomorum figuratio potest explicari analogicè.*

**C**VM atomi igneæ, aqueæ, & aeræ figuram mutant vt diximus ex mente Democriti, nunc est videndum quæ nam sit illa virtus intrinseca secundum quam ipsis conuenit ille motus ad figuram.

Figuratio est actus entis in potentia prout in potentia in ordine ad figuram. Quæ in rebus diuisibilibus est triplex, per additionem per deductionem, per transpositionem solam partium, sic si ceræ ceram addas figura mutabitur, si detrahas ætidem. Deductione constat ars statuaria, additione plastica: transpositio verò partium mathematicis adeò usurpata, physicè loquendo fieri potest vel per compressionem, vel per adiunctionem à separatione præsuppositâ consequentem, vel si aliquid ab intrinseco eius est virtutis, vt alium aliumq; situm possit obtinere figuramq; suam variare; vt species visibiles quæ in puncto confusionis seu decussationis obscure sunt, &

vix

vix ullà figurà certà præditæ, ab illo verò puncto progressæ dilatantur, & figuram suam prototypo corespondentem obtrinent; Compressio fit dum partes diffunduntur ad latera ob corpus vicinum cogens, & coarctans, hæ sunt tres transpositionis rationes quas etiã in artefactis deprehendimus, vel certè ars ipsa naturæ mysterijs abutitur ad illa reflectenda quo lubet, vt dum species per refractiones crystallorum ex inuersis fiunt rectæ, & unius crystalli beneficio, imagines disfigit, & aliud omnino oculo puro representantes, collectæ per refractionē nouam imaginem pingunt. Oblatæ sunt **CARDINALI INFANTI** tres in vno octangulo Cardinalium effigies, qui in administrandis rebus excelluerunt, Alborno, Granuellani, Ximenes. Contuentiq; per polygonam crystallum ingeniosâ refractione disparentibus illis, vnus apparebat in tabula **INFANS**, vt quorum absorberet species visibiles, etiam haberet prudentiam in se cumulatam.

Omnes autem hæ mutationes sine motu locali concipi non possunt. Ex prima, & secunda ratione figurationum nihil in rem nostram venire potest, cum atomo nihil vel addi vel demipi possit, quapropter eas immutabiles appellabat Epicurus in sua Epitome naturali ad Herodotum. Tertia verò aliquid lucis præfert quâ præeunte non nihil verosimile reperiemus.

Atomus quidem est substantia simplicissima absq; compositione, sine vlla vnione, virtualitates tamen habet intrinsecas, & extrinsecas, secundû quas eadem omnino mole, & quantitate permanente potest occupare modo maiorem, modo minorem locum extrinsecum, minorem cum erit sub spherica figura aut alijs regularibus polygonis, maiorem cum sub irregularibus deliteſcet: quod non facit vt totum elementum crescat in extensione minuaturue, sed toto elemento immoto manente commotis solummodo quibusdam atomis, atomus **A**  
maiori-



maioribus modò, modò breuioribus terminis compræhendetur. Neq; verò inflata illa puncta, Neotericorum ad rarefactionis soluendas difficultates figmentum admitto, sed tota hæc mea doctrina in isoperimetrarum figurarum propositionibus innititur, maiorem enim locum cera occupat extensa in parallelepipedum, quàm collecta in sphaeram, nihilominus tamen inflata non est, maioribus similiter terminis gaudebit atomus. A cum erit in conum exporrecta, quàm si in cylindrum, cuius basis eadem esset atq; coni. Et sicuti figura pondus non auget, ita neq; quantitatem vel molem, sed terminos tantum mathematicos: eadem est manus in volam expansa, & contracta in pugnum, sic eadem atomus tetraedrica, & cubica erit, neq; mole cum terminis augetur, hæc inquam geometriæ initiatis manifestissima sunt ex tractatu figurarum isoperimetrarum, quem à Clauio in geometria practica poteris repetere. In cera quidem rectè id concipimus quia mutatio figuræ fit per aliã partium situationem, & vnionem, at verò in atomo nullæ sunt huiusmodi diuisiones, & situationes, cum partibus careat secundum quas situm mutare posset.

Nihilominus tamen cum non possimus in rebus abditis meliorem inuestigandi modum habere, quàm analogismum, inuenio quatuor entia, quæ nobis similitudine quâdam in his obscuritatibus aliquid lucis afferunt, figuratio ceræ supra allata, figuratio specierum visibilium, & earum imaginum quæ in obscuris cubiculis per exiguum foramen in cartam allapsæ conspiciuntur, figuratio Angeli, & motus animæ in corpore humano se se extendentis, & colligentis ad corporis incrementum vel decrementum.

Angelus potest se se porrigere in cylindrum, & colligere se in globum, isq; est entitas simplex purè spiritualis, indiuisibilis, itaq; figuræ mutatio non continuò infert diuisibilitatem, si enim

si enim Angelus se ponat in cylindro, deinde eiusdem aræ globum occupet, quamuis diuersa sit vtrobiq; peripheria, certum est neq; auctum neq; diminutum, ac proinde nullam virtuales reproductionem inibi somniamam.

Animus præterea humanus corpori diuisibili, cum sit indiuisibilis aptatur, figuramq; ad corporis modum mutat.

Finge tibi animo ceram esse adæquatè indiuisibilem, diuisibilem autem secundum quid, siue stante partium cum toto adhesionem, optimè percipies mutari figuram sine diuisibilitate adæquata & totali, sed cum atomi sint simpliciter, & absolute indiuisibiles, videndum porro est quidnam de illis aptius dici possit, sentio enim rei spiritualis cum materiali comparisonem reiiciendam, neque verò idem habent virtutis atomi, ac proinde neque eundem agendi modum, modus enim operandi sequitur essentię rationes, siue vt vulgò aiunt, modus operandi sequitur modum essendi.

Species itaque visibiles quas primus adinuenit Democritus quasque corpora appellabat, non physica quidem, sed mathematica, constant enim suis dimensionibus figuræque sunt solidæ, nobis aliquid singularius dabunt.

Obseruo primò, nonnumquam in flexu, & viâ longioris decursu mutari specierum figuram, nam omnia è longinquo spherica apparent, vt si sol v. g. cubicæ esset figuræ, nihilominus tamen globosus à nobis conspiceretur, cum adeò distet vt 9482202000000000. minor, quam sit, appareat, quod incredibile foret, nisi astronomicæ obseruationes geometricis, & arithmeticis ratiocinationibus fulcirentur. Si itaq; datur aliqua stella alterius figuræ, quàm sphericæ, verbigratiâ eicosædri, illa emitit species sui secundum pyramidem, quæ tot facies habet, quot sūt quas complectitur sectio, quæ fit ab oculi positione ductis ad eius circumferentiam rectis, & tamen  
in de-



in decursu anguli omnes ita retunduntur vt perfectæ spheræ imago oculis excipiat. At cum ibi sit imminutio, aliud affero exemplum, sit triangularis species A B per vitra, & crystallos refracta, fiat quadrangularis eâ ratione vt quadratum siue cubus sit equalis tetraedro: mutauit figuram sine additione vel diminutione aut detractiōe.

Obseruo secundo, sic esse visibiles species, vt sit earum centrum tanquam cardo circa quem versantur, atq; cum pyramidaliter diffundantur ab obiecto tanquam à basi, ad oculum, tanquam ad verticem pyramidis, sequitur ipsis suam inesse axim, quæ non est alia nisi linea imaginaria vel potius potentior radius, qui ad oculum perpendiculariter cadit, & circa eius axis punctum decussans vertuntur, inuertuntur, susdeq; apparent determinatæ à foraminibus, crystalis, lentibus concavis, speculis alijsq; quæ vel fors vel ars obijcit, mutant itaq; circa illud punctum suam primigeniam figuram, videturq; inibi vim præcipuam specierum esse reposita.

Nunc itaq; hoc illustri analogismo vtamur ad atomorum figurationem inuestigandam. Possunt ad huiuscemodi motum determinari atomi, primò ob aliorum fortiorum vim quâ comprimuntur, vel ad formæ exigentiam secundum quam eo, & eo modo ad mixtionem venire debent, vel tandem vt suis terminis coerceant, quacunq; autem lege id contingat, à centro sui mathematico tanquam à machinæ puncto principali virtuales partes quibus atomi sunt præditæ diffunduntur, vt est opus, neq; verò vlla sequitur diuilibilitas neq; reproductio, sed tantum adductio, & retractio virtualium atomi partium, sic autem figuram atomi mutant vt in omnibus par sit area, neq; vnquam vel augeatur vel minui possit, omnis autem figuræ centrum datur, vnum nempe punctum quod diametris duabus se se interfecantibus signatur. Atq; hæc de ato-

morum figuratione sint dicta. Si plura de specierum, & lucis figuratione desideres lege Aquillonium in Optica, Kepplerū in paralipomenis &c.

## CAPVT QVARTVM.

### De mixtione, & dissolutione atomorum :



Vinq; propositionibus caput istud expediam. I. Quanam ratione mundus ex atomis coaluisse potuerit. II. Quomodo atomi alterentur. III. Quomodo misceantur. IV. De poris, & mixtionum gradibus. V. Quomodo dissoluatur mixtum. Subdam paradigma philosophandi ex atomorum doctrina.

### PROPOSITIO XXXII.

*Mundi genesim explicare per atomos iuxta Democritum.*

**N**Vlli dubium est quin Democritus in crassis gentilium tenebris errauerit dum fortuito atomorum concursu mundos coaluisse innumeros pronuntiauit, quos interire redireq; ad concretionem aliā formā alijsq; ornatibus non dubitabat. Sed tamen opinio quæ atomos admittit Deum creantem nullo modo respuit, quin imo Mundum Dei opus appellabat Democritus, Cleanthes l. de atomis censuit *Verbū Deū omnia facere, hunc quippe sempiternum per ipsam materiam omnem singula creare. Ponit autem hoc decretum Zeno Citticus in libro de essentia, Cleanthes l. de atomis, & Chrysippus in primò phys. in fine: Archedemus quoq; in libro de elementis, & Possidonius in secundo naturalis rationis. Hæc ad verbum ex Diogene l. 7. de vita philos. in Zenone Cittico. Mundi autem ex atomorum congregatione in inani siue acre generationem ex Democriti placitis describunt*



cribunt Lucretius l. 2. Hipp. l. de Carnibus, Leucippus apud Laertium. Sic itaq; canit subtilissimus T. Carus.

*Contemplator enim cum solis lumina cunq;  
Insertim fundunt radios per opaca domorum,  
Multa minuta modis multis per inane videbis  
Corpora misceri radiorum lumine in ipso,  
Et velut aeterno certamine praelia, pugnasq;  
Edere turmatim certantia nec dare pausam,  
Concilijs, & dissidijs exercita crebris:  
Conijcere ut possis ex hoc primordia rerum,  
Quale sit in magno iactari semper inani.*

Explicat diuersitatem generationum ex atomis variâ transpositione sicuti iisdem litteris scribimus flumina, fulmina, & comœdia tragœdiaq; eisdem characteribus exprimitur.

*Sic ipsis in rebus item iam materiai  
Intervalla, via, connexus, pondera, plage,  
Concursus, motus, ordo, positura, figura  
Cum permutantur mutari res quoq; debent.*

Deinde sub libri finem ubi probare tentat mundorum pluralitatem ita canit.

*Cum praesertim hic sit natura factus, & ipsa  
Sponte sua forte offensando semina rerum  
Multimodis temerè incassum, iactataq; frustra  
Tandem coierunt ea quae coniecta repente  
Magnarum rerum fierent exordia semper  
Terrar, maris, & cœli generisq; animantum.*

At licet aliquatenus sententiam Democriti ista illustrent non tamen sinceram referunt, cum Empedoclis placitum exponat Lucretius, qui volebat dari infinita principia non multitudine tantum quod admittebat Democritus, verum etiam specie. Leucippus apud Diogenem Laertium l. 9. commodius scribit.

Multa corpora figuris omnigena in magnum vacuum ferri, eaq; in unum coacta, unam vertiginem efficere, secundum quam offendere ac circumuolui modis omnibus, atque ita discerni ut sorsum similia quae sunt sui similia petant. Ceterum aequilibra cum ob multitudinem iam minimè circumferri possint, exilia quidem ad exterius vacuum concurrere sic ordinante natura, cetera subsidere, & innexa atq; in se implicata inuicem concurrere atq; ea concursione prius quādam concretionem efficere rotundam. Hanc autem veluti membranam subsistere, continentem in se omnigena corpora, quae dum secundum medij reuelationem circumuoluuntur tenuem per gyrum membranulam fieri iuxta vertiginis tractum, corporibus perpetuis semper confluentibus, atq; ita fieri terram, manentibus quae semel in medium iniecta erant ipsumq; rursus continentem membranae instar augeri iuxta externorum influentiam corporum, & cum vertigine fertur quacumq; attigerit ea acquirere. Ex his quaedam complicata concretionem facere, primò quidem humidam ac luteam, exsiccata, & circumacta cum totius vertigine, deinde incensa, & ignita siderum efficere naturam: esseq; solis circulum extimum, lunae proximum terris, ceteris in medio positis. Hæc Leucippus: quæ recidunt in illud antiquorum chaos, quod admiserunt Orpheus, Homerus, Plato, & alij pleriq; , tum philosophorum, tum Poetarum. Hippocrates vel autor libri de carnibus num. primo, ait elementa in circumuolutione turbata fecisse generationes. At cum isti ex proprijs locuti fuerint principijs, aut certè re obscurâ breuitate sint complexi operæ pretium est recensere, & per capita distribuere quonam modo existimarit Democritus mundum fuisse creatum.

1. In generationibus omnibus externa primùm, tùm verò interna componi voluit Democritus, vsus exemplo bonibycū, qui virtutis instat formatricis in suo ouo laborant, quòd autem ita censuerit probatur testimonio Aristotelis l. 2. de generatione



tione animal c. 4. *Quamobrem quità ut Democritus aiunt, exteriora primū animalis discerni, tū interiora, quasi lapideum aut ligneū animal condant, non rectè dicunt.* Iuxtà hanc Democriti metho- dum philosophandi, primū quod in inanis immensitate coaluit ex atomis est exterior mūdi pars, inuolucrumq; omniū, nempe cælum extimum, quod in prima sui origine tenerum appel- lat elegantissimus Virgilius; *Et ipse tener mundi concreuerit orbis.*

I I. Hæc primà concretione factà, cui præsideret principiū illud sempiternum ab Democrito vocatum, indemonstrabile.

I. 2. de generat. an. c. 4. cæperunt in aere conclusæ atomi va- rijs cieri motibus, tū localibus tū etià ad figuram, cumq; includerentur vastissimo illo carcere, seq; mutuò quærirarent ad generationes, in centro mundi euitatà circumferentiæ va- stitate sibi inuicem consenserunt, & primò quidem nobilissi- mum coaluit corpus sol scilicet, qui è delitijs elementorum cō- pactus ingenti concretione maximam ignis portionem cum haberet, in orbis centro tornatus adepta suà cōsistentià gyro- sis anfractibus motuq; volutationis se se perpetuò circinans sursum ad suam sedem, vnde nunc lucet, violentissimà rapidi- tate delatus, tribus in illa ascensione factis circa terram spiris, horis septuaginta duabus, tantum spatij est emensus, quantum hinc ad solem numerant Astronomi.

III. Hoc principe adminiculo influente, vertigo ipsa cæli solidior, tanquam excoquente calore, facta, ceteri planetæ effor- mati primū, à cætro mundi ad suas iuere sphæras, turbinatim spiroso meatu Venus, & Mercurius delati solem idè circum- ambiunt; Post stellas autem fixas, quæ itidem sunt in orbis centro circinatæ, & motu mixto ex perpendiculari, & circu- lari stelliferum adiere, omnium stellarum vltima compacta est luna, absumpta à theris purioris parte, quantū superfuit, aquis contemperatum in se se recepit, & tardo motu petijt eam par-

tem cæli quæ centro vicinior quam maximè à sole distaret, ne violentiori igne aquosa sua teneritudo dissiparetur, lentèq; tandem, veluti carbonibus ad mensuram datis induruit, ità vt post diem à sua natiuitate decimum quartum ardores ecclipsis innoxie pateretur.

I V. Factis sideribus veluti vniuerso mundi seminario cetera atomorum multitudo crassa Minervà inuicem permixta est & in centro orbis remansit vt generationibus animalium subseruiret, hinc terræ globus aqua, & terra coaluit. *Natura perinde ac prudens paterfamilias nihil amittere solet ex quo facere aliquid commodi possit, dispensatur autem in cura rei familiaris vt primò, & optimè liberis, deinde socijs, postea seruis provideatur.* Arist. 2. gen. an. c. 4. Ità, & in ortu rerum contigit, vt facto prius concretionis termino sine quo nihil in immenso fieri posset, distractis perpetuò per infinitas regiones corpusculis, nobilissimis corporibus provideatur, quæq; postea ceteris præsideant, hinc omnium primus sol, postea pro varia dignitate coaluerunt sidera. Solis autem compactio ità fuit vt concretionē exteriori primùm ex omnium elementorum figuratis aptè corpusculis, tanquam membranā coalescente remaneret inclusi ætheris ignisue purioris copia maxima, quæ cum omnis non posset concreescere ob terræ, & aquæ minorem copiam in solis meditullio tanquā in quodam inani remanserunt atomi ignis copiosissimæ, quæ perpetuo agitātur motu, neq; inter se immediatè vnibiles sunt, vt i supra diximus, hinc soli contingit volutari circa proprium sui globi centrum, & agitatione istā atomorum per cæli liquiditatem deferri, sicuti ignium nitratorum artificiosā compagine contingere videmus: Luna verò quod maiorem aquarum copiam includat quam, vt vniuersa igni posset exiguo temperari concretionē illā exteriori compacta mansit aquæ in vacuo Lunæ meditullio quantitas, quæ ibi viginti



viginti quatuor horarum interuallo circumuoluta supparē n. luna facit faciei phasim, itā vt & luna vno die naturali semel circa proprium centrum circumgiretur. Reliquorum siderū ignotior est ob exiguitatem, & distantiam concretio singularisq; motionis character.

Hęc omnia ex mente Democriti qui cum irrequietas censuerit in inani atomos, sequitur quod ibi illę reperientur, motum facient, qui licet non sit semper conspicuus, & sensibilis vt ait Lucretius, ratione tamen rureq; sequele debet admitti. Alcinous c. 13. doct. Plat. dodecaedro ad vniuersi constructionem vsum fuisse Deum ait.

Illustrari potest hęc doctrina eleganti cogitatione Anastasij Sinaitę in 4 Exameron. vbi ait stellas omnes in terra fuisse compactas, itā vt Deus optimus naturę maiestate suam adumbraturus potentiam, in aeris diffusionē informes quasdam elementorum massas congefserit, à quibus tanquam Figulus ab acervo luti accepit quantum ad cęlos stellasq; cōcinnandas esset opus, atq; itā cælum factum est ex elementorum delicijs, virgineq; natura, cuius flos in palmarium huiuscemodi opus diffusus est. Deinde accepit diuinus idem Figulus quo solem reliquasq; stellarum concinnaret, quas omnes in mundi centro veluti in rota circinauit, & perfecta illa corpora sibimetipsis reliquit vt congruum naturę suę, totiq; vniuerso vtilem locū peterent, vnde, & velocissimo motu probante opus suum Deo à centro ad circumferentię destinatas plagas venerunt. Expletis hęc officijs corporibusq; in natura principibus efformatis, quod supererat elementorum imperfectē atq; ad eō sine feueritate immiscuit, sic vt aquarum maxima portio sine terra, terra verò alicubi sine aqua esset, vtrumq; tamen vnico globo complexum in centro orbis veluti in officina libraretur, atque ex magis apparentibus elementis globum vocamus terrā. &

aquâ compactum. Plura elegantissimus Anastasius Sinaita in 4. Examini: quæ deinde caelestibus imbuuntur sensibus sacrorum more, quæ, & mentem eleuant, & omnia ad mores commodissime deriuant.

Quod si aliam rationem placeret comminisci, quid impedit quo minus ex atomis primigenijs compactæ sint atomi secundæ, seu minima naturalia, quæ amicitia, & inimicitia stimulis se se queritanti in medio aere veluti commisso prælio solaria corpuscula solaribus, lunaria lunaribus conuenerunt, aliaq; deinceps stellæ sunt formatæ? residuæ verò illorum superiorum corporum particulae ijs aliquâ vim adeptis sursumq; delatis manserunt in informi terrarum globi massa inclusæ, hinc superiorum cum inferioribus consensus, & occulta illa arcana motuum qui philosophos hætenus vexarunt. Verum quidem est hæc etiam ratione quæ accedit ad Anaxagoræ OMOMOROIAN de qua Lucretius l. 1. mundum ab Omnipotenti Deo potuisse creari, quam autem ratione sit factus conijcere potius quam nosse concessum est. At istas Democriti sententias volui deducere quia vt ait Aristotel. 2. cæli t. 60. *Veneratione quam temeritate digna est promptitudo illa, si quis propter philosophiæ sitim, etiam in ijs paruas sufficientias amat, de quibus maximas habemus dubitationes.* De mundi autem fabrica exactiùs disputare huius loci non est.

### PROPOSITIO XXXIII.

*Modus agendi atomorum est triplex: Primus per intrusionem sui in poros: Secundus per propagationem qualitatis in spatio libero: Tertius per inhibitionem qualitatis contrariæ.*

**C**VM, vt supra diximus, mixtio sit miscibilium alteratorum vnio, videndum est, quânam ratione miscibilia hoc est atomi alterentur, quod sine explicatione modiquo agunt intelligi nequit.

Dico



Dico itaq; primò dari actionem in natura à diffusionè spirituum seu corpusculorum per poros subeuntium, quæ propositio tanti est momenti vt enucleatè probari debeat.

Probatur itaq; primò authoritate Hipp. l. de aere, aquis, & locis, in libris epidemiorum. Galeni disertis verbis l. 1. de element. c. 6. l. 1. de sem. c. 16. Auicennæ l. 4. Fen. 6. t. 3. c. 22. ad 57. Senecæ l. 6. q. nat. c. 28. Plinius l. 2. c. 93. ita Vidus Vidius, Fernelius, Cardanus, Septalius, Sanctorius, Fernelius, Augenius, Leuinus Lemnius, Vallesius, Langius, Fortunius Licetus, Iulius Cæsar Scaliger, Amatus Lusitanus, Mercatus, & alij tùm veteres, tùm recentiores Medici potiores.

Probatur secundò ratione. Omnia corpora naturalia præsertim viuientia sunt in perpetuo fluxu, alia verò exeduntur, & imminuuntur, sed nihil perit in natura, quia non datur annihilatio, ergo superest vt huiuscemodi corpuscula huc illucq; vagentur, & vicinorum corporum poros subeant. Prima propositio certissima est experientiâ quotidianâ patetq; ex Sanctorijs aphorismis staticæ medicæ, secunda autem propositio dependet ex primo princip. disp. 1. sequitur ergo hinc & inde effluere, dariq; hanc spirituum propagationem, quam Græci vocant APORROIAN.

Probatur tertio inductione multiplici: primò ex notione manifesta atmosphæræ seu vapidæ circa terram regionis quæ refractionum cælestium causa est. Secundò ex aquæ vaporibus, & humiditate aeris fluuijs, & paludibus incubant. Tertio infinitis pene venenatorû halituum in historijs quas referunt D. Augustinus l. 3. de Ciuit. Dei c. 31. Diodorus Siculus l. 12. Amatus Lusitanus cent. 3. curat. 83. Mercurialis de venenis c. 13. Vidius p. 2. f. 2. l. 1. c. 11. Iulius Capitolinus in Verò ait in Babylonia apertam veterem arcam equa, tam exitiosa pestis exhalauit vt ad Parthos usq; grassaretur. Guainerius de peste

peste c. 1. Barclaius in Icone animorum c. 9. Philippus Ingrassia, *Informatione del pestifero, & contagioso morbo di Palermo nell'anno 1575. & 1576. parte prima capo secondo* Pareus l. 10. c. 13. Sabellicus Enneade 5. l. 9. & Enneade 7. l. 7. Cardanus l. 2. de uenenis c. 9. Fallopius de bubone pestilenti c. 2. Andreas Gallus Tridentinus fasciculus 2. de peste. Et illi spiritus cum respiratione subeunt, uel per poros cutis intrant, aut per arteriarum meatus, & uenarum oscula penetrant. Imo ipso oculorum intuitu id effluuij accedit unde (Ouidius,)

*Dum spectant laesos oculi laeduntur, & ipsi*

*Multaq; corporibus transitione nocent.*

Hanc autem minimorum corpusculorum diffusionem probatam uidebis apud Sennertum in Hypom. 3. c. 2. sed cum hæc in mixtis à nemine quod sciam negentur corporum effluuia, & clarè explicentur ab Aquilonio Optic. l. 5. p. 2. Scaligero exercit. 12. s. 3. Fallopio t. de lue Gallica c. 89. in ipsis etiam elementis admittit disertis uerbis Galenus iuxta Hipp. doctrinam. Ego enim (inquit) non difficile dico eum qui ad ignem ut cale fiat accedit introducere ignem in suum corpus &c. l. 1. de elem. c. 6.

Dico 2. Actio atomorum perpendi debet penes locum ubi agunt, nam uel considerantur in mixto, uel in aeris libera sphaera, uel quatenus patiens aliquod aggrediuntur. Hocq; ultimo modo per intrusionem, penetrationem in poros, insinuationemq; uariam potiùs agunt, quàm propagatà qualitate. Sic aquam calefieri crediderim quod illam spiritus ignei peruadant, probaturq; quia si patinam aquâ purâ plenam igni superposueris uidebis è fundo plurimas bullas exiguas emergere, quod explicari non potest, nisi dicamus id contingere ob erumpentes igneos spiritus, qui suppetijs a duentitijs sociorumq; auxiliaribus copijs deinde ebullitionem concitant. Neque solum id igni proprium est, uerùm etiam glaciei, si quidem

uinum



uinum in glaciē refrigeratum contrahit nescio quam duritiē, & grauitatem, quam ab intrusis frigidissimis atomis omni dubium non est, nociuāq; magis est stomacho debili frigiditas huiusmodi quam si ex fonte uel puteo frigeret.

Actio atomorum in aere fit etiam per propagationem suae qualitatis, cum enim aer sit indifferens ad omnes omnino qualitates, eas etiam facile poterit sustinere, propagata uerò huiusmodi qualitas, si ad mixtum aliquod perueniat, illud quidem afficiet, & alterabit, sed eā ratione ut cognatis sibi atomis societur, alijs uerò noceat quidem, sed ijs non subiectetur.

In mixtis enim non agunt propriè in se inuicem atomi, ita ut atomus ignea frigida fiat, atomus uerò aquea sicca uel calida reddatur, sed uirtute sibi insitā mutuam retundunt actiuitatem, atomus enim ignea præpediet aqueam, eiusq; expositam sphaeram restringet, & cohibebit, atomus uerò terrea uicinitate suā faciet, ne atomus ignea tantum expro-mat uirium. Quare prout uigent atomi nonnullæ aliarum debilitate actiuitatem suam exerere deprehenduntur, nullamq; aliam in mixtis alterationem admittit Democritus, quàm istam, quam inhibitiuam, retundentem uoco, Iouertus autem in paradoxis, refringentem maluit appellare: à nobis est Fernelius qui in l. 3. physiol. elementa alterari negat.

Ex triplici itaq; medio uel passo modus agendi atomorum est triplex quod erat exponendum.

### PROPOSITIO XXXIV.

*Modum quo atomi miscentur explicare.*

**T**Ria necessariò ad mixtionem, quam generatio substantialis sequitur, concurrunt, materia scilicet tanquam subiectum, instrumenta pro inducendis dispositionibus, & forma ultimum operis complementum. Sicuti ad statuam exsculpen-

sculpendam requiritur marmor pro materia, celte, malleus, scalptraq; pro instrumentis, & idæa artificis secundum quam instrumenta diriguntur, cuiq;, si manus non fefellit, respondet resultans in marmore effigies. Pro mixtione naturali habemus materiam atomos aqueas, terreas, igneas; pro instrumentis erunt qualitates primæ atomorum, & siderum influxus, quem uertiginis nomine distinguebat Democritus; (de simplicissima mixtione nunc loquor, ad alias enim perfectissimas longè maior requiritur accidentium, & instrumentorum apparatus ut patet in generatione uiuentium.) & tandem (est ipsius formæ nondum existentis afflatus intentionalis, idæalis, directiuusq; operis,

Istæ itaq; atomi sic inuicem coniunguntur, ut antea motus localis multiplex inter ipsas fieri debeat: sicut enim in mixtionibus, coctionibus artificialibus contingit omnia susdeq; uerti, diuq; circumagi antequam in unius consistentiæ rationem uenire possint; pariter in mixtione naturali inter atomos id fieri necesse est: quia tantæ tamq; mirabiles mixtionum uarietates fortuito ordine fieri non possunt, multæ enim erunt aliquando simul quæ alijs debent attemperari: ad unionem deinde figura non rarò mutari debet, prætereà interclusus aer eiiciendus, nonnunquam exigit id mixti ratio ut intercipiatur: quæ sine motu locali fieri non possunt. Influxus insuper coelestis est ueluti stimulus, calcar, & incentiuum atomis mouendis efficacissimum, eoq; influxu in rebus præsertim inanimatis sigillatur materia, nam pro exigentia mixti dispensat atomos, quapropter si ad calidum mixtum influentia dirigatur, fiet ut igneæ atomi numero terreas superent, atq; id diuersis neq; facile explorabilibus proportionibus, unde uaria temperamēta resultabunt. Et sicuti in uino uidemus uim concoctricem ita efficaciter omnia digerere ut impuritates per spumam eiiciat, cras.



crassiores uerò partes in faeces subsidant, eaq; est disgregatio, ut quamuis impure sint uue nihilominus tamen motu natiuo uinum redditur purissimum, pariter etiam influxus celestis sic attemperabitur, ut in mixto quod molietur, uarias atomos figat uarias autem eiiciat. Contingit autem rarò, quod optimè a animaduertit Sennertus ut in elemēta pura dissolutio fiat, sed potiùs in minima physica plerumq; eam contingere innumeris chymicorum experientijs comprobatur.

In istis uerò naturæ operibus oportet semper recordari uerissimi illius pronuntiati, opus naturæ opus intelligentiæ. p. 9.

Ex his causam asserre licet cur nonnulla alijs sint calidiora quod scilicet suum temperamentum à mixtione, quam plures atomi igneæ ingrediuntur, resultet. Nihilominus tamen calidissima naturæ mixta ad tactum frigida sunt ut piper, sulphur, ros marinus, quia sunt occultæ qualitates quæ vim earum modificant, quæq; à formæ penetralibus exortæ dominantur in elementales, & illis nouâ quâdam singulisq; formis aptâ ratione abutuntur. Quare eius sum mentis primas qualitates habere aliquid potentialitatis, cum in mixtis constitutæ uiuacius non rarò agant, quam si puro essent elemento coniunctæ, & ubiq; fere diuerso modo, sic frigus cicutæ à frigore papaueris differt, non solum in intensiōe quam utrobiq; fere æqualem medicorum principes sentiunt, uerum potiùs in modo agendi. Vnde etiam sic ut ignis alio modo in pipere alio in cinnamomo, alio uerò in melle agat, & idem in diuersis ventriculis aliter aliterq; alterabit, & alterabitur. Forma enim directrix est & applicatiua suarum qualitatum, & pro varia earum moderatione idem instrumentum non semper uniformi modo operatur ob diuersam figuram. Nunc ut reconditum hoc mysterium in lucem ponam rationemq; modificationis qualitatum occultum ad eò arcanum explicem.

Obferuo primò non parum intendi vel minui vim qualitatum à denfitate, & raritate fubieâti, fic ignis aquæ vitæ impu-  
net tractatur, velociffimè verò comburit ferrum candens.

Obferuo fecūdò eundē folis radiū, quamuis vbiq; fit idem, nihilominus tamen, vehementer alicubi ardere, alibi verò remiffiùs, & pro varia reflectione, refractione, oppofitione dire-  
ctione, obliquitate, afpectuq; minuitur vel augetur folis calor.

Idem de internis corporum mixtorum ignibus dicere poffumus, qui cum varijs itidem medijs excipitur, cumq; alibi rator fit textura, denfior alibi, fit vt etiam diuerfimodè applicatus diuerfimodè agat, prætereà non dubito vim etiam multarum ignis atomorum paucis aqueis infringi poffe, & eludi, fi videlicet ità earum vis actiua excipitur vt à concauo in cō-  
uexum definat, fiet enim quod in tubis opticeis contingit vt difpergantur, tū lucis, tū caloris radij, atq; ità vis difperfa debiliffima fiet. Deinde fi ars varià ignis applicatione, tam diuerfa miracula patrat, quidni directrice formà idem analogi-  
cè fieri poterit? Atq; quod de calore infinuavi de frigore &c. dictum efto. Igitur in gratiam formæ natura cæleftisq; influ-  
xus ità mouet atomos, & mixtionem difpensat, ut modo fibi connaturali qualitatibus vti poffit, & pro modo efferendi habeat operandi modum. Diximus itaq; qua ratione atomi in mix-  
tione difpensentur, quade re inftituti noſtri erat differere.

### PROPOSITIO XXXV.

*Plures ſunt mixtionum gradus, una ordinatur ad perfectiorem, &  
mixta ſimpliciora perfectiorum ſunt materia, mixtiſq; plurimi  
inſunt pori qui ab atomorum ſeriatim poſitarum  
connexionem ortum habent.*

**N**ON eſt omnino Rhetoris ea cogitatio, quā dicitur na-  
tura in violis, roſarum, & tulipparum rudimenta pone-  
re, nam



re, nam sensim perficit se, & imperfectioribus ad perfectiora utitur.

I. Gradus mixtionis is est quo atomi elementares miscentur elementaribus atq; in hunc primum gradum frequenter dissoluuntur perfectiora mixta, raro enim contingit ut in elementum purum resolutio fiat atq; huius mixtionis minima vocari possunt prima in ordine mixtionis.

II. Gradus mixtionis fit à mixtione primorum minimorū, quæ elaboratius aliquanto mixtum faciunt, quia scilicet forme perfectiori subijci debent, atq; huius mixtionis minima, secundaria dici possent.

III. Gradus mixtionis est quo secunda minima inuicem permiscentur, faciuntq; ad vegetantium texturam, aut ad id quod in vegetantibus perfectius est mixtionem, cuius deinde minima sunt magis composita, & tertij ordinis dicuntur.

IV. Gradus mixtionis oritur à commixtione minimorum tertij ordinis fitq; mixtum cuius minima sunt quarti ordinis.

V. Pariter ex istis compactis minima fiunt elaboratiora, quæ quinti ordinis nominentur, & sic de alijs mixtionum gradibus, & perfectionibus. Vnde patet quod atomi elementales sunt radices omnium, & minimorum maximum compositum illud est quod perfectiori formæ subijcitur.

Sed ne gratis ista dici videantur prob. tota hæc doctrina experientiâ, nam plantæ succū quendam trahunt ex elementis inter se compactis, deinde in planta sunt partes magis minusve elaborate, pro belluis non ita requiritur exquisita partium temperies, ut pro homine cuius anima immortalis, & intellectiva eo perfectius operatur quo perfectioribus organis est prædita: ergo ista mixtionum diuersitas oritur à varijs minimis, & reuerà si res ita se non habet, cur vix quidquam ad victum assumimus quod vitæ fuerit expers? panis, vinum, carnes, her-  
bæ tran-

be transseunt in nostri substantiam quia ex his minimis magis elaboratis humana facilius, virtute concoctrice coalescunt, nullum animal elemento nutrirî potest, atq; inter dispensatrici naturæ munera illud obseruatu dignum est, quod nulla planta plantis viuât, quamuis agnus tartaricus portento similis plantas sibi circumpositas exsiccet, brutorum quædam alij vescuntur, sed homini in omnia ius est à Deo sancitum, minus tamen herbæ nutriunt quàm carnes quod magis in ijs sit elaborandû vt ex suis minimis alia fiant homini nutriendo apposita.

Sic optimè seruatur ea subordinatione quam in formis imperfectioribus ad perfectiores fieri contendit elegantissimus Fernelius lib. 1. de abditis rerum causis c. 4. *Singularum partium formas quosdam veluti gradus esse quibus ad supremam illam totius formam promoueatur, nec alia de causa illas in subiectum impressas, nisi vt istâ preparatione ad hanc introducendam via præsterneretur, & quam subordinationem demonstrat in formis Fernelius eandem in materijs agnouit Democriti amicus, & admirator Diuinus Senex noster, cum ait mixta imperfectiora, perfectiorum esse materiam.*

Consentiuntq; physicorum principia duo, primum quod nullum animal elemento puro viuere possit, imò si mel, & manna excipias, quæ libro singulari probaui esse meteora, nullâ re omnino vitam protrahimus quæ à viuentibus non sit excepta, melle fanè aliquamdiu vixit Democritus vtsupra innui, & Israelitarum exercitus mannâ: hic excipio ventriculorû monstra, virtutisq; concoctricis portenta hoc etiam sæculo visa, nâ Lazarus quispiam vitriuorax ab effectu dictus est, & alius Lugduni summâ auuiditate patinas saxulis plenas deuorabat: sed anijs vescerentus non parum dubito.

Secundum quo perfectior est forma eo plures, & elaboratiores admittit dispositiones quæ in tres classes referuntur, ad temperiem,



periem, synthefin, spiritum calidum, & humidum radicale. Pro temperie est is quem explicui minimorum ordo, pro synthefi sunt offa, nerui, caro, venæ, tendines, parenchymata, fingula fua fede repofita. Spiritus verò infitus, & humidum radicale quod vltimam difpofitionem ponit, oritur à totius naturæ nixu, cum ad illum concurrat parentum femen, influxus cæli, & partium temperies: atq; vt formę ignobiliores nobilioribus fubfternuntur, pariter & materia rudis, ad elaboratiorem eft appofita.

Ex his explicari plurima poffunt in Theorica medicinæ difficillima degeneratione rerum toto genere differentium, in nostro corpore quales funt lapides, vermes, lumbrici, & folui quæftio illa quæ ad *ranam*, vt dicunt, *vagam*, non paucos philofophos neque ignobiles, tanquam ad bonum hofpitiū deduxit, cum degeneratione animalium insectorum quæque ex putri materia fiunt difputarent: quo de argumento omnibus palmam eripuit Doctiffimus huius ætatis philofophus Fortunius Licetus primarius Bononia profeflor in libris de fpontaneo viuentium ortu.

Sunt enim huiuscemodi vermium, & lumbricorum minima tertij verbi gratia ordinis, quæ cum alimentis affumpta vim concoctricem fubterfugerunt, atq; quod debilior efferet, non ita potuerunt edomari, quin feruarent feminales fpiritus formamq; partialem, vnde ex aliqua horum copia, quæ tanto facilius cumulantur quo fympathia ea ad fe inuicem trahit, & iungit, fit vt excitati fpiritus qui in minimis diutiffimè conferuantur, fe paulatim perficiant, & abducto ad fe alimento crefcant. Calculi verò fiunt ex renum qualitate Lithopojitica, id eft, petrifica, quæ aliunde non prouenit nifi quod excifum à parentibus femen illi parti effoimandæ deftinatum quidpiam minus elaborati habuit quod huiuscemodi lapidum infentibi-

les particulas semimaceratas, ac veluti colliquatas tantum deueheret, vnde & paremchyma de illa qualitate participat, & viscosa arenosaq; magis trahit sibi; natiuo quodam visco agglutinat, vt ex princ. 12. facilè est subducere; sequitur quod tandem coalescet calculus, & ex pluribus insensibilibus particulis, vnum valde sensibile, & summè dolorificum exurget: adde quod ipsæ lapidum particulae ob virtutis expultricis debiles conatus, & humoris circumfusi glutinum adhærent alijs, & paulatim agglomerantur complura; videturq; hæc philosophandi ratio ipso calculorum aspectu non parum habere probabilitatis, cum ex granulis compacti esse percipiuntur, præsertim si nondum recocti friabiles sint.

Sapienter ergo diætetica nephriticis alimenta in arenosis nata prohibet, quod omnia è solo vbi oriuntur participant ex Theophrasto l. 1. & 2. de causis plant. c. 5. 6. vt patet in vinis, frumentis, ciceribus quorum aliqui ratione soli vix arte vllâ macerari vnquam possunt, quapropter alimenta grumis lapidiformibus prædita vt pira cidonia &c. nephritici ne attingant cautum est medicis legibus. Nam cum succo attraxerunt arenulas aliaq; insensibilia, quæ non satis edomita, in corpore humano non parum pariunt incommodi, ex visco lapides fiunt, & ex insensibilibus particulis calculi, sex & amplius nunciarum. De illa autem attractione succi variij quæ aliam naturam quam viuientis induat dubium esse non potest. Narrat Godignus in vita Sylueriæ, esse longissimum in Monomotapa terrarum tractum aurifodinis ditissimum, in quo non rarò arborum trunci auri ramenti insignes deprehenduntur, attracto scilicet eo succo qui in aurum transire debuit, ibi enim ob soli siccitatem arbores sunt famelicæ, vnde obuijs quibusuis se se explent; at enim succi illius qualitates indomabiles proprio indulgentes genio in ipso truncis aurum fiunt. Ità scilicet



licet insitum est formis ad natium statum reducere se se exp. 8. si quando dispositionibus adhuc vigentibus, neq; alijs potentioribus superinductis, id moliri possint. Hæc & infinita alia ex Democriti principijs licet deducere, vnde claro testimonio nobiliq; laude Aristoteles loco supra citato, *videtur* (inquit) *Democritus omnia præuidisse, & principia supposuisse, quibus omnia possent explicari.*

Quoad poros, elementa pura ijs carent, mixta imperfecta paucos habent, quia crassior illis temperies est, neq; exigunt tanta profluvia spiritum, vel transpirationem, quæ non nisi per poros fieri possunt, quare vitrum, lateres coctiles, vas marmoreum, aliaq; huiusmodi odorata spirituosaq; seruant melius, essentiasq; chymicorum quàm pixides eburnæ, buxæ aliaq; lignea osseæ. Ista enim transudant manifestè, in alijs autem sensim fiunt effluia: Nemo de poris in ligno dubitabit qui hederaceum viderit poculum, quod à Plinio, & alijs obseruatum est aquam capere non posse, vino verò fidelem esse custodem, cuius rei non semel feci experimentum. Ratio dari posset quod atomi a quæ illis poris proportionatè sunt vt pote figuræ magis conuenientis minorisq; magnitudinis, vini verò minima non item; nō tamen inficianda est occulta hederæ dos qualitasq; recondita oriens à propria partiū contemperatione. Humani pori sub sensum cadunt, & substantia viuientium tota est peruia, sicuti domus vndiquaq; columnis tantum suffulta, vel cui plurimè per ambitum sūt fenestræ, portæ plures, aliaq; excipiendo aerī apertæ viæ, neq; vllum est cubiculum cui porta sua fenestraue desit, ita vt ab vno ad aliud sit via, textura insuper multiformi, variè se se pori habent ità vt optimè comparetur textura viuientium tibialibus sericis quæ ità sunt confecta vt facilè dilatentur, & constringantur, quia annulatim se se connectunt fila, & foramina nunc grandiora, nunc patentia

minùs pro pedis modo habent. Orpheus sanè *ut rētis imple-*  
*xum animal constitui* suis in carminibus cecinit ex Arist. l. 2. de  
gen. anim. c. 1.

Quod si subtilitatis pororum quispiam habere velit argu-  
menta, consideret culicis tenuitatem, qui cum vitæ sit parti-  
ceps, alimentum exsugit, porosq; habet quibus illud distribuit.

Quo perfectiora sunt mixta eo plures habent poros, nam  
varietati partium, organisq; compingendis plura sunt neces-  
saria, atq; ex hac mixtionis explicatione, viuentiumq; textu-  
ra, intelligitur quomodo fiat nutritio augmentatioq; quid sit  
transpiratio, effluuium, halitus insensibilis, sudor, attractio  
ambientis &c. Plures itaq; sunt mixtionum gradus &c. quod  
erat ostendendum.

### PROPOSITIO XXXVI.

*Explicatur dissolutio mixti ex Democriti principijs.*

**G**eneratio, & corruptio sunt veluti choragi duo naturæ,  
formarum admissionales, & subductores: Quæ licet adco  
contraria sint tamen manu se tenent, ut altera aliam statim se-  
quatur sicuti dolorem voluptas, & voluptatem dolor; quare  
Aristoteles *generatio vnius est corruptio alterius, & corruptio vnius,*  
*est alterius genesis.* Breuiter in Superioribus explicui mixtionis  
gradus, hoc est generationum mysteria, quod hîc doctrinæ po-  
tius fundamenta indicem, quam ut atomorum diffusam vni-  
uersalemq; tractationem, cubitale opus, mihi scribendam pro-  
posuerim.

Ex principio 8. supposuimus omnia reuocare se ad natium  
statum, quantum quidem possunt, quare si illum deperdunt, vi  
extrinsecus adhibitæ tribuendum est: atqui status ille natura-  
lis atomorum non modo qualitarum est primarum verum etiã  
figuram complectitur: quare statim ac extrinsecum quidpiam,  
verbi



verbi gratià ignis, atomos igneas in mixti penetralibus refusas, & ad formæ partiumq; sibi vnitarum exigentiam figuratas proritat, atomi auxiliariis illis copijs motæ, contempto formæ imperio, natiuæ primæq; libertatis cupidæ, figuram recuperant primum, quæ cum sit sphærica, & vt sic, vnionis, vt diximus, cum cubo incapax, statim exiliunt, & cum sint valde mobiles erumpunt à vinculis, vnde dissolutionem continuationis huiuscemodi defectionibus consequi necessarium est.

Formæ enim illud exercent in qualitates elementales imperium vt quamdiu vegeta est, istæ maneant sibi obsequentes, & subditæ, at verò si debili quodam agente proritentur facili negotio administris formæ qualitatibus quæ ab ipsa promanant immediatè coercentur, cogunturq; ijs gradibus exerere suam vim quæ principi formæ magis est apposita. Verùm vt est virtus formæ certis limitibus coercita, eo non unquã excrescunt elementorum vires, vt spretis eius imperijs sibi potius studeant, languorum, & tandem corruptionis causæ: hoc autem dominium formæ necessarium fuit, vt aliquandiù mixta consistèrent; facili enim negotio separantur elementa cum nullum agnoscunt huiuscemodi principatum, vt in mixtis imperfectis animaduertimus.

Ignis qui maximè dissoluit mixta eò velocius agit, quò minus compactæ sunt compositi particule; In aliquibus enim tenaciter sibi omnia adhærent, in alijs vnio laxior facillimè cedit: videntur autè tenacioribus vinculis ea contineri in quibus certà proportionem terra prædominatur vt in saxis, & metallis. Corruptit verò ignis, vel cum flamma, vel sine flamma, vt in carbonibus contingit. In corruptione quam flamma comitatur considerata, præter ipsum mixtum, corpus flammeum, deinde fumus.

Flamma ergo definiri potest mixtum imperfectum è mixto

perfecto tendente ad corruptionem vi ignis in humido pingui prædominantis, dicitur mixtum imperfectum, quia tunc temporis non insunt mixti conditiones saltem perfectæ, etenim flamma est veluti via ad perfectam resolutionem: Ignis autem resoluendi vim habet, neque flammam emittit nisi pinguis alimentibeneficio, quod deficiente luore omni caret; In flamma itaque est pinguedo, exhalatio, vapor, halitus, spiritus ignei, qui ob suam raritatem, & viuacitatem totum corpus pro varia refractione variè tingunt, & tandem non desunt quædam pertinaciores magisq; inclytæ mixti qualitates, quod ab odore colligitur.

Concatenantur autem atomi atq; sicuti catenæ contingeret quæ annulis quibusdam identidem, & alternatim priuaretur hoc mixto euenire est intelligendum, sed antequam integra fiat dissolutio trahunt se se quæ firmitus hærent, & in flamma reliquias suæ vnionis dissoluunt, quo fit ut flamma in metæ formam, siuè conoidem figuram terminetur; cùm enim aliæ particule nondum sint solutæ, alię adhuc humido pingui irrorantur fit vt paulatim, modo scilicet agentibus naturalibus proprio, soluantur, & per cuspidis extrema auolent in fumum, vbi in secunda veluti probatione depurantur magis, secretioq; eliminator humido pingui absumpto consequitur. Ex quibus facili negotio rationem reddes cur in eadem candela depressior modò, modò elatior sit flamma, & cur quædã ligua flammam diutius foueant, quàm alia.

Ex flamma fit fumus qui ità est cum flamma compactus, ut coni duo videantur oppositi ità tamen vt pars dextra dextrę, sinistra uerò sinistrę respondeat, sitq; axis intermedius utriq; cono communis nulla tamen decussatione intermediâ quamuis aliqua contingat confusio partium.

Fumus uerò definiri potest, aggregatum per accidens ex uapore,



uapore, exhalatione, spiritu igneo aerisq; particulis compactū, residuisq; mixti qualitatibus quibusdam uirtute ignis dissoluti. Sed ne longius abeamus experientijs duabus affero dissolutionis mixti paradigmata. Quotidie uidemus cineres è ligno fieri qui manifestè ostendunt ex minimis particulis omnia constare, diffatis enim intermedijs minimis quibus illę partes terreę uniebantur, remanent dissolutæ. Et uolentiori calore liquidum sæpius plumbum, exhaustis aqueę ignisq; uinculis mutatur in subrusum quendam puluerem, qui deinde arte magis comminutus pictorum usui cedit.

Ceteras corruptiones facili negotio poteris explicare, si imminutum formę imperium, elementales qualitates uel externā proritatas, natiui status, ac ueluti libertatis appetitum, definitionemq; Democriti qui dissolutione atomorum, siuè disgregatione corruptiones definiebat, attentè perpēderis: his enim principijs quatuor, ueluti rotis tota hæc doctrina circumfertur: neq; est quod diutius in hoc immorer uel in carbonum resolutione, uel in cadauerum putredine aut in ijs quę in aquis corrumpuntur explicandis.

Moneo tantum ex occasione flammę nullo modo secundū sphaeram ignem agere, hoc est, ut in ipso igne sumatur centrū è quo ad circumferentiam equales lineę ductæ paribus omnino caloris gradibus sint affectæ; de lumine secus pronuntio, si enim liberum detur illi spatium undiquaq; diffunditur equaliter tamq; prodigiosā latitudine ut expertus sim sphaeram illuminatam ab lampadis unius ordinariæ flammâ, habuisse diametrum 140. passuum, quare locum occupabat lumen uiginti millionibus millionum maiorē, cū ipsa flamma dimidij tantum digiti esset. At uerò calor, ut ex hoc Democriti etiam placitum stabiliam, qui spiritibus igneis potius quam diffusioni qualitatibus actionem tribuebat, adeò inæqualiter diffunditur,

in distantia cubiti plus agat secundum flammæ axem quam ad latera ad quatuor tantum digitorum distantiam. Ibi enim nempe in cuspide, ut pote lineâ perpendiculari, uia spirituum, & genuino atomorum ignearum decursu potentissimam actionē exerit, sunt enim frequentiores ibi spiritus ignei, & suapte natura illac delatæ magno impetu corporibus obuijs insinuant sese. Quod aduerti primùm cum Italum qui solâ lampadis flammâ durissima quæuis metalla, imò etiam uitrum colliquabat uidissem, is enim propulsâ per tubum flammâ ita admovebat flamme lateribus digitos ut tantum non tangeret, idq; impunè, cum tamen uitro metallisq; in cuspide liquatis ut placebat abuteretur ad omnem figuram. Oila igni imposita citius aliquanto bulliet quam quæ lateribus applicabis. Fumi autem actiuitas pari ratione propagatur ut secundum axem, potentior sit, quo magis ab eâ lineâ remouetur eo minori uirtute est præditus; Neq; fit ulla inter flammam, & fumum decussatio quod initio specierum uisibilium exemplo persuasus suspicabar, sed compositâ candelâ quæ alterâ quidem parte uiridem, alterâ uerò communem lucis colorem habebat, deprehendi eâ parte fumi quæ uiridi flamme è directo imminebat easdem uigere qualitates quas in ipsa flamma cernebam, unde admitto confusionem quidem in conorum cuspidibus aliquâ, sed sine decussatione quam satis impedit spirituum impetus, & motus sursum. Præterea flammâ circumuelliiri subtiliori corpore uidemus, quæ in basi angustior eo dilatatur magis, quo altius prouehitur, dum tandem fumo suis angustijs initium det, constituatq; finito cono angustam quandam uiam quâ quidquid enucleatè dissoluitur ad libertatem medijs pergit. Licet autem plerumq; contingat quod Aristoteles ait l. 2. de gen. animal. c. 4. *Euenit namq; omnibus ut quod ultimum fit, id primò deficiat, & quod primùm id ultimum: quasi natura de cursu suum re-*  
*ducem*



ducem agat, & à meta ad carceres, unde proruit, redeat. Id tamen in uiolentis corruptionibus non semper accidit, cum, & à fundamentis, & à tecto possit ruina incipere. Explicuius ergo mixtorum dissolutionem quod erat intentionis nostræ.

## DEMOCRITVS DOCENS

*Sine paradigma explicandi ardua quæuis per corpusculorum doctrinam.*

### THEMA PHILOSOPHICVM.

**O** Laus Magnus in historia septemtrionali narrat Gothis fuisse familiare ex balænarum ossibus extruere tuguria in maris littore, ubi deinde gens potus auida sese ingurgitarent; Contingebat autem omnibus sub hoc ossium tecto dormientibus quasi sub umbra mortis, tetrīs vexari insomnijs tempestarum, naufragiorum, iactationum in mari: & si quæ vel diuersa in sua inconstantia oceanus, aut scæua in procellis, aut horrenda in gurgitibus haberet.

### STATVS QVÆSTIONIS.

Quæritur causa horum insomniorum, quæ quod constanter omnibus qui somniabant, & sæpius accidebant diuersis eadem, debet esse statuta, & determinata: fortuita enim non habent statos fixosque recursus.

### INVESTIGATIO GENERALIS.

Nullus penè in natura assignabilis est effectus ad quem plures causæ non concurrant, arduumq; est singulis suam effectus portionem assignare. In nostro autem casu concurrunt, balænarum ossa, somnus, imaginatio, ebrietas, cæreuisia, homo mari assuetus, quæ se habent ex parte causæ materialis, & efficientis; causæ autem formalis, & finalis hîc non videntur inuestigandæ.

## PRÆNOTIONES.

I. Omnia corpora sunt in perpetuo fluxu vt probauimus prop. 33. & à singulis corporibus emanant corpusculorum effluuia, quæ cum sint mixtorum halitus, eorum etiam qualitates aliquamdiù retinent.

II. Res naturales conantur redire ad statum sibi connaturalem ex principio 8. disp. 2. cōfirmauimusque prop. 19. fund. 6. Illa autem rerum omnium restitutio fit quinque modis, primò generando aliquid sibi simile si adsint seminales spiritus, ita tartarum vini fureculum dedit, & arbor vegetabilis chymicorū succrescit. Secundò tentant sui restitutionem expulsi contrarijs, ita succi depurantur, faeces subsidunt, & singula sui similibus iunguntur ex princip. 12. disp. 2. Tertiò impetum sequuntur à natura impressum. Quartò proprietatibus suis quamdiù possunt vtuntur quia agunt necessariò, & in illarum vsu perfectionem videntur adipisci Quintò omnes suas partes quantum fieri potest in situ connaturali adaptant, ita vt infimæ cum supremis nō confundantur quod exemplo rosæ probauimus prop. 19 fund. 6. hinc nubium signaturæ, spectrorum plurimorum ab halitibus cadauerum vespertinæ apparitiones, & in medicina pronuntiatum Hipp. 2. prophet. t. 1. *Si quippiā in vrina sublimè petierit, occultato coxæ dolore delirium portendit*, & Galen. 3. epid. com. 3. ægrot. 12. l. 83. *qui etiam in alijs agris cum dixerit, suspensiones elata, statim subiecit, delirauit*. Cuius rei ratio à solo flatu adæquata non est, sed quia contenta in vrina restituunt se ad statum quem habituri essent in corpore, vnde quæ sursum ibant, sursum in vrina eleuantur.

III. Quæ non agunt per electionem determinari debent ab extrinseco ad modum actionis, ita arbores ab alimēto, pecudes ab obiectis extrinsecis mouentur, & imaginatio nostra ab aliquibus aduentitijs excitatur.



IV. Dormiens, ebriusque sui iuris non est neque cogitationibus imaginationiue imperat cum sit inter regnum rationis, unde tunc temporis imaginatio vaporibus debilitata redit ad eas actiones quæ cum obiectis familiarissimis sunt annexæ, cū autē somnus sit mortis imago, dormientibus expura assuetudine actiones adscribēde, ut mortuis facit Vigilius l. 6. *Aneid.*

*Stant terræ defixæ hæstæ, passimq; soluti  
Per campos pascuntur æqui, quæ gratia curram  
Armorumq; fuit viuis, quæ cura tentantes  
Pascere equos, eadem sequitur tellure repostos.*

V. In ebrietate plurimi sursum ad caput vapores feruntur: colligiturq; ex Aristotele l. 3. probl. contingere ebrietatem à capitis repletionem, & eius quod replet motu, hinc *ebrijs omnia videntur circumferri* probl. 9. & probl. 10. Res una plures representat, ob velociorem motum sumi, & spirituum; Nihil autem interest conspectus moveatur an res conspectui obuia sit enim ratione utralibet ut id quod dixi videatur: Idem imaginationi quod oculis contingit, plura de ebrietate, & somnis videbis in libro de tabaco Exercit. 5. §. & Exercit. 6. §. 3. 4. 5. 6. 7. & Exercit. 10. §. 4.

### COLOR SIVE ADAPTATIO.

Balæne ossa præfertim recentia magnum habent corpusculorum effluuium, & plurimas fundunt sui particulas ex prænot. I. Illæ insinuant se in apertos hominum poros qui habent corpus transpirabile ex prop. 35. & 36. illi spiritus, siue minima retinent de balæne qualitatibus, & conantur se se ad pristinum statum reuocare exerendo eas actiones quas in belluæ membris moliebantur ex prænot. II. Nauta autem ex prænotione III. Debet determinari ad agendum ab extrinseco cum dormiat, & cū ebrius sit, exeret actiones ab obiectis sibi familiarissimis ex prænot. IV. Vaporibus autem, &

hali-

halitibus balænæ habet caput agitated speciesq; internas illo atomorum siue minimorum motu agitated, nam perpetuò ex se se iaculatur in viuētes circumfusus corpuscula sceletus cæti. Agitantur omnia in ebrij capite ex p. 5.

### RESOLVTIO QVÆSTIONIS.

Ob istas igitur causas à priori assignatas, vel huiusmodi homo nihil somniabit, vel determinatâ imaginatione ab corpusculis balænæ offium, familiaritate oceani, nauigationisq; frequentia, de mari somniabit, at cùm habeat agitated caput ob cereuisiæ delatos fursum vaporosas atomos, concurrente balænarum afflatu, de mari agitated habebit infomnia cùm autem flatuosa sit cereuisia ventos, ob specierum circumgirationem vorrices, ob humiditatem naufragia tempestatesq; sibi repræsentabit, nam ob refractionem internam specierum motumq; multiplicem *exigui motus videntur in somno magni*: vt ait Aristoteles l. de diuinatione per somnum c. I.

### ANNOTATIONES.

I. Corpora humido suo exinanita non habent amplius effluuiorum copiam sed per attritionem consumuntur, & cum sicca sint attrahent potius externas impressiones vt ijs imbibantur quam vt suas effundant: hinc seminum post triennium effet & vires, & medicamentorum statata est virtutis ætas, post quam inutilia sunt, & carie consumuntur, quod patet in radice China quæ ob vetustatē cum ad has partes venit vix alicuius est actiuitatis, quare & ossa balænæ post aliquot ætates modica corpuscula eiaculabuntur, hinc minùs ad infomnia concurrent.

II. In somnijs plurimum affert modificationis temperies corporis, curæ solitæ, ætas, anni tempus, & alia huiusmodi, copiaq; alimēti, nam cùm abundantissimè caput undiquaque replet, somnium non contingit, vt in pueris ex Arist. c. 3. de infomnijs. Ebrijs verò contingere fere semper horrenda somnia notauit



notauit Doctissimus Asinus aureus l. 1. metam. Ne meritò medici fidi cibo, & crapulà distentos scaua, & graui somniare autumāt.

III. In conatu quo corpuscula, tùm balenę, tùm cereuisię tentant redire ad suum statum connaturalem, fit pugna inter spiritus hominis, & illos hospites siuè aduentitios hostes, qui cum sint à forma principali remoti etsi in ventriculo, & cerebro tanquam in inani diu multumq; agitentur, vincuntur tamen à calore humano vel dissipantur, vel resoluuntur, vel immutantur figurá, ordine, connexu, ità vt in hominis partes transeant.

### REFLEXIO.

Hanc exercitationem Democriti docentis volui interere vt modum in hac via philosophandi non præceptis modo verum etiam exemplo aperirem. Posuimus ergo primò princip. 1. 5. d. 2. experientiam. Deinde statum quæstionis aperimus ne videlicet ad alia vagaremur. Tertiò indicauimus causarum capita quæ è narrationis visceribus debent depromi, quare circumstantię in experimentis omittendę sunt nullę. Quartò cum omnis scientia discursiua omnisq; doctrina ex antecedenti fieri debeat quæstione, vt ait Aristoteles l. 1. posteriorum c. 1. t. 1. prænotiones afferre debuimus. Quintò cum omnis prænotio ex eodem Aristotele sit vniuersalis, debuit colorem acciperere restricta ad particularis quæstionis nostrę statū, ex quibus Sextò quæstionem difficilem clarè soluimus. At cum semper super sint aliquę difficultates, ideò in annotationibus nonnullas attigimus. Ex quibus vides methodum, & methodi rationem.



## CAPVT QVINTVM.

Difficultatum in quæstione continui solutio ex proprijs atomorum principis.

**D**Ixi mus e. 2. prop. 19. disp. 2. num. 8. maximam esse omnes difficultates explicandi in doctrina atomorum facilitatem, nunc vt fidem meam liberem, Obseruo omnes obiectiones quæ in disputatione de continuo fiunt reduci ad tres classes, aliæ enim sunt obiectiones mathematicæ, aliæ physicæ, aliæ de vtraq; participant scientia, ideòq; physicomathematicas appello, Deinde cum quælibet opinio suas habeat difficultates peculiare, ideò persoluto vniuersali debito ad proprias atomis obligationes deueniam cap. sequenti. Verùm cum infinita aduersariorum pro ingeniorum varietate proposita sint communioribus, & difficilioribus explicatis, cetera philosophus in Democriti sensis exercitatus ex eo quod præmitto seminario responsionũ facili negotio soluet.

## SEMINARIVM

*Responsionum ad argumenta mathematica.*

## L E M M A I.

*Mathematica abstrahit ab omni materia, & subiecto reali.*

**F**ormale mathematicarum, geometriæ præsertim, obiectum est terminatio extensionis, totale autem, & adæquatum est ipsa extensio quatenus terminata est ex ea enim variæ figure variq; oriuntur numeri. Atque hæc extensio, siuè quantitas est subiectum, siuè materia intelligibilis mathematicarum quæ distinguitur à physica quod hæc actu sit, mathematica autem sola



solà intellectus formalitate subsistat. Id ex naturâ linearum, mathematicarum quæ ex punctis fiunt, & ex postulato 4. lib. 1. Eucl. manifestum est: sic enim ille, *quacunq; magnitudine data potest dari maior vel minor*. Ergo si mathematicus non abstrahit ab quolibet subiecto reali non potest dari linea maior quàm axis mundana, ac proinde postulatam illud Euclidis admittendum non est. Instrumentis tanquam causis per accidens uti, dummodo nihil assumant sibi in consequentis, omnibus conceditur: Sunt autem hæ lineæ, & superficies tanquam instrumenta mathematicorum, & ut loquitur Blaucanus *additamenta de natura mathematicarum*, omnes figure sunt exactissimi idearum diuinarum humanarumq; characteres, quorum typos Deus, & artifex in mente habet: concluditq; idem elegans mathematicus. *Quapropter dicendum est entia hæc geometrica omnibus numeris absoluta, esse entia per se, & vera: figure verò, tum naturales, tum artificiales quæ in rebus existunt esse entia per accidens, imperfecta, & falsa, ut triangulum in carta verum non est, sed verum est illud quod in idea diuina est, unde, & dixit Plato Deum geometrizare*. Consentit his Aristoteles l. 13. metaphys. Summa 1. c. 2. Et reuera uti sunt mathematicorum numeri ita & lineæ, sed numeri abstrahunt à materia quauis, ergo etiam lineæ. Itaq; mathematica supponit tantum extensionem quamlibet terminatam abstrahentem ab reali existentia quod erat assumptum.

## L E M M A II.

*Diuisibilitas extrinseca non infert diuisibilitatem intrinsecam.*

**M**ulta sunt essentialiter, & ab intrinseco indiuisibilia quæ tamen designatiuè, mathematicè, extrinsecè, per conceptum diuisibilia sunt, sic Angelus collectus in spherâ potest extrinsecè, & per intellectum diuidi per diametrum, segmenta, &

ta, & sphericas curuasq; lineas (cū enim habeat extensionē finitam subiacet figurationi) omnis autē figura diuidi potest. Deinde Angelus dici potest diuisibilis extrinsecē quatenus correspondet spatio diuisibili, vt Æternitas Dei virtualiter diuisibilis est, quia correspondet tempori, Anima humana indiuisibiliter corpori diuisibili couensuratur. Duo itaq; in atomo quauis concipienda sunt, primò eius atomi substantia physica, quę vt sic est indiuisibilis, secundò eius respectus extrinsecus, siuè figura, & spatium extensione mathematica penes quam atomus quauis diuisibilis est in infinitum, suas enim dimensiones habet; vnde diximus in synopsi pag. 26. num. 9. Atomos indiuisibiles esse modo communi, & non proprio ex Auerroe 1. phys. comment. 35. quorum terminorum explicationem v. Ibid.

### LEMMA III.

*Non sunt expendenda actiones physicae regulis geometricis.*

**H**OC lemma fuit iam assumptū pro axioma 13. huius disp. verū cum non sit prima notio, & apud vulgares philosophos vix vsurpetur, ob illius necessariam in hac disputatione applicationem videtur declarandum, & confirmandum acuratiùs. Geometre in suis demonstrationibus lineis vtuntur imaginarijs quę ab hypothesi falsa sequuntur, neq; idè mathematicis quidquam derogatur quin imò multum accedit authoritatis, alioqui materię imbecillitati immergē nihil admirandi demonstrarent, facto autem suo linearum immutabilium instrumento abstrahentes à materia, plurima adinueniunt exponuntq; supra praxim, quia ad actum deduci nihil potest nisi corporum beneficio quę variabilia sunt, & multis casibus obnoxia, adde quod quę physice sunt emanationes lineis physicis propagantur, quę aliquam necessariò habent

cum



cum longitudine crassitiem, & latitudinem, nam ad omnem physicam actionem certa requiritur extensio. Adde quod intensio accidentium non est purè proportionata vt numeris exprimi possit, vti neq; actiuitatis sphaera exacta est, cum illa ratione medij, passi, aliarumq; circumstantiarum fiat diuersæ figurationis. Egregiè verò ad hæc intuens Aristoteles l. 2. moral Eudem. c. 7. *Immobilia autem, vt in mathematicis, non per se quidem sed similitudine quadam principia appellantur. Hic enim ipso principio labefactato, labefieri omnes, quæ ab illo principio fluxere, demonstrationes oportet: cum ipsæ inter se demonstrationes altera alteram non euertat, nisi quantum communis illa suppositio, unde lucem istæ habent, non euertitur.* Et Plato 7. de Repub. ait *Mathematicos circa quantitatem quodammodo somnare.* Itaq; cum demonstrationes geometricæ procedant ab hypothesi quam probare non est mathematici, sed alterius facultatis, quæ eā refellit, ideò lineis mathematicis regulisq; strictè geometricis actiones physicæ nō sunt expendendæ, quod erat assumptū.


### OBIECTIONES MATHEMATICÆ.

Ex his tribus Assumptis omnia mathematicorum argumenta quæ vulgò in doctrina de continuo adducuntur facili negotio per propria atomorum principia diluo.

#### OBIECTIO I.

*De triangulo.*

**S**I continuum constat ex atomis non potest construi triangulum, Construat enim triangulum ABC. sit linea AC basis duarum atomorum, BC, BA trium, ducantur à singularum atomorum finibus lineæ basi parallele DE, FG. Cum ergo FG



N fit


fit maior quam DE, vt demonstratur in scholio 29. i. excessus eius erit vnus saltem atomi, nihil enim dari potest minus, ergo etiã si DE sit vnica atomus, FG duarũ erit: crũt ergo æquales lineæ FG, AC, quod implicat, estque contra prop. 16. primi, & axioma 13. primi. Non itaq; potest triangulum construi admissis atomis.

Respondeo ab Assumpto 3. fieri transitum à lineis mathematicis ad phycas quæ atomis constant: dico autem triangulum lineis mathematicis esse mensurandum, vel certè à physico phycis radijs regularibus; Et quidem concedo lineam AC esse duarum atomorum, AB, BC trium, DE vnus, FG duarum, nego autem à multitudine atomorum sequi longitudinem, aut breuitatem linearum, vt manifestum erit ex prop. 45. disput. tertiæ; transit autem aduersarius à constitutione phycica ad geometricam, contra lemma tertium.

## OBIECTIO II.

*De quadrato.*

CVM ad primam obiectionem responsum sit atomos potuisse irregulariter configurari, accipio nunc atomos quatuor terreas quæ cubum suum non mutant, sint autem illæ in superficie quadrata ABCD, sequitur lineam AB equalẽ esse diametro AC, vtraq; enim duabus atomis similiter con-



figuratis constat, atqui hoc implicat, cum enim angulus ABC sit re-  
ctus per constructionem, sequitur ex  
prop. 32. primi esse maiorem angulo  
BAC, & angulo BCA seorsim-  
sumptis, ijs autẽ simul sumptis ex ea-  
dem prop. aequalem, ergo angulus  
ABC ex 19. primi maiori lateri sub-  
tendi-



renditur, erit ergo maior linea AC quam CB vel BA demonstrariq; idem posset per 47. primi, 8. secūdi, 12. sexti, 9. decimi Euclidis nō ergo cōstrui potest ex atomis quadratū qd erat pbādū ergo nec datur atomi, neq; si datur vlla cubica est.


Respondeo ex lemmate tertio fieri transitum à lineis physicis ad mathematicas, dico autem lineam AC maiorem esse quam linea AB, quia linea AC ducitur per diametros atomorum, linea verò AB per latera, est autem in vna atomo cubica diameter imaginaria, & mathematica maior latere, quare licet atomi quatuor A, B, C, D, sint similiter figuratę, non sunt tamen respectu linearum AB, AC, similiter constitutę, debet autem situs attendi, & linearum imaginaryarum per indiuisibile spatium deductio.

### OBIECTIO III.

*De circulis concentricis.*

**S**int circuli duo concentrici exterior quidem maiorq; ACF interior & minor E. Dico suppositā atomorum doctrinā eos esse æquales.

Sit enim circuli ACF peripherię portio CA atomorum septē, cū ex primo postulato primi Euclidis liceat à pūcto ad punctum lineam ducere poterunt ab illa



peripherię portione ad centrum D duci lineę septem quę circulum interiorem E secabunt, erunt ergo pariter in cir-

culo E tot atomi quot in FA, ergo erunt equales quod implicat non itaq; potest constare continuum ex atomis.

Respondeo ex lemmate tertio fieri transitum à lineis mathematicis ad phycas, nego enim à peripheria CA septē atomorum, ad punctum D posse septem lineas phycas duci adquatè inter se distinctas, ac proinde argumentum nihil conuincit, cum sint quatuor termini, & contra lemma secundum confundat extensionem realem, & materiam sensibilem cum imaginaria, & mathematica.

#### OBIECTIO IV.

*De circuli tetragonismo.*

**I**mpossibilis est circuli quadratura, esset autem possibilis si continuum atomis constaret. Probatur prima propositio; tetragonismus non potest institui quin inueniatur proportio diametri ad peripheriam, & comparetur linea recta cum curua siuè longitudine, siuè potentiâ, nulla autem datur huiuscemodi proportio, imò neq; circulus circulo nisi mediante quadrato potest comparari vt patet ex lib. 12. Eucl. prop. 2. Neque diameter comparari potest cum sua peripheria, multò minus cum superficie, quæ tamen ad tetragonismum necessaria sunt, non ergo possibilis est, dato enim medio impossibili eoq; vnico impossibilis est finis. Quæ demonstrari faciliè possent ex 20. 6. per 2. lib. 12. Eucl. & per 11. prop. 1. 5. Pappi Alexandrini, & c. circuli autem impossibilem quadraturam agnoscens Aristotel. c. 3. de prædicamentis ait, *circuli quadratura, si est scibilis, scientia quidem eius nondum est, vbi illa additio conditionata, si est scibilis, ostendit satis quid de ea philosophus existimarit. Quod autem positis atomis hæc omnia sunt falsa patet, primò quia datur commensurabilitas, & longitudine, & potentiâ inter diametrum, & peripheriam se habent enim in-*




ter se pro ratione compositionis, sit ergo diameter 10. atomorum, peripheria 31. se habent vt numerus ad numerum, datâ autem proportionem longitudinis sequitur proportio potentie, ergo circuli quadratura datis atomis contra demonstrata à mathematicis per comparabilitatē poterit reperiri, quod implicat: ergo continuum atomis non constat.

Respondeo ex lemmate tertio, non debere fieri transitum à lineis mathematicis ad phycas, sumitur autem comparabilitas, & incomparabilitas linearum, & figurarum à spatio mathematico non verò reali. Et quidem in terminis mathematicis nego circuli quadraturam esse impossibilem, aut id satis conuinci ab adductis probationibus, neq; verò vnicum mediū est comparabilitas immediata, sed fortasse circulo, & quadrato reperiri potest mensura communis quam hætenus inuestigarunt tot eximij mathematici, vt Orontius, Clavius, & iam pridem ingeniorum apex Archimedes, & septem ab ipso seculis Nicomedes, & alij plures, qui si quadraturam inuestigarunt non existimauere impossibilem, cognito enim non esse comparabilem diametrum quadrati cum suo latere, nullus in ea re inuestiganda laborauit; At hætenus latuisse mathematicos tetragonismum, difficilem inuentu, non autem impossibilem videtur inferri. Multum Dei prouidentia in abstrusis debemus, ad ea enim inuestiganda dum se se accingunt viri insignes etsi punctum non ferant pulcherrima tamen reperiunt. Imò multi inuentam à se quadraturam putauere, vt Hippocrates Chius abductionis author in nobili illo paralogismo quem affert Aristoteles 2. priorum c. 26. qui licet adeò sit notus tamen quia admirandum est inuentum quodq; possibilem circuli quadraturam esse ostendit ideo illud subdo omissis Hippocratis erroribus.

## PROPOSITIO XXXVII.

*Problema. Meniscum, siuè lunulam quadrare.*

**S**IT circulus ABH utcumq; ductà diametro AH & semidiametro ad illam perpendiculari BC, & subtendente BA, fiat circulus FACB, diametro AB, erit circulus in diametro AH duplus circuli in subtendente AB descripti per 2. 12. Circuli enim eam inter se rationem habent quam descripta à diametris quadrata, sed quadratum lineæ AH duplum est quadrati lineæ AB per 47. primi, est enim diameter eius quadrati quod per lineam AB construitur, ergo circulus etiā ABH duplus est potentiā circulo AFBC, erit ergo segmentum in subtendente AB duplum segmenti AKC in subtendente AC, sunt enim similes figure, & similiter descriptę per 31. 6. duo itaq; segmenta minora lineis BC, AC cōprehenfa si sumantur simul



æqualia sunt maiori segmento AEB, quarta itaq; circuli maioris pars æqualis est semicirculo minoris ex 2. 12. cum itaq; eiusdē circuli semicirculi sint æquales, & si ab æqualibus æqualia demas quę remanent sunt æqualia, sublato segmento AEB manebit meniscus, siuè lunula AEBF, similiter ab altero semicirculo ACB tolle segmenta BIC, CKA manebit residuum triangulum ACB æquale lunulæ AEBF quod erat inueniendum. Verū cætera non potuit exequi Hipp. & paralogismo vsus reliquum tentat tetragonismi, ut videbis



videbis apud Arist. loco cit. Antipho. apud eundem in primo Elenchorū c. 10. & Bryllo quadraturā diuersis vijs tentarunt.

Hęc autem Hippocratis demonstratio insistit rei inuestigandę scilicet problemati constituendo ad tetragonismum, Theorema enim inuentum est ab Archimede, l. de dimensione circuli prop. 1. & l. de lineis spiralibus prop. 18. inuenit rectam lineam æqualem circumferentię primi circuli spiralis lineę, & prop. 19. aliam rectā æqualem circumferentię secundi circuli, idemq; quadravit parabolam. Vide Pappum in collect. l. 4. Ioannem Buteonem in lib. quadraturarum omniū vetrū, & recentiorum, ex quibus conijcies an problema demonstratiuē construens aream quadratā æqualem arcę circulari sit impossibile, si enim naturaliter sit quare demonstrari non poterit? Detinentur autem hætenus mathematici in probatione minoris syllogismi Hippocratis qui ita se habet. Omnis figura rectilinea quadratur, sed circulus ad rectilineam deduci potest ergo quadrabitur. In probatione minoris facta est APAGOGĒ, seu abductio, dūm quisq; medium quæreretur quo circulus ad rectilineam figuram deduceretur, hinc Hipp. minorem abduxit ad lunulę inuestigationem, alij ad quadratricem, vt fecit Pappus, & Clavius l. 6. elemen. & alij ad alias vias sunt deflexi, in quibus hætenus frustra viri extra omnem doctrinæ ingenijq; aleam positi insudarunt


## OBIECTIO V.

*De linea conchili.*

**E**X linea conchili Nicomedis arguitur manifestè continuū omne diuisibile esse in infinitum, idē etiā ex lineis asymptotis pro quarum explicatione sit.

## PROPOSITIO XXXVIII.

*Dantur lineæ quæ productæ in infinitum semper magis, ac magis accedunt, nunquam tamen vel intersecant se, vel se tangunt, & quamvis aliunde distent magis, & magis in infinitum, nunquam tamen ultra certam distantiam à se inuicem abesse possunt.*



**D** Vclineas AB, CD parallelas in infinitum, à puncto E vt libet extra lineas assumpto duc lineam perpendicularē EFG, deinde à puncto E duc infinitas rectas secantes obliquē lineam AB qualesunt EH, EK, EM, eā tamen lege vt lineæ pars quæ lineam AB superabit sit æqualis lineæ FG segmento, qualia sunt HI, KL, MN, equalia ipsi FG, nunc verò puncta G, I, L, N, aliaq; intermedia pari ratione inuenta connecte ductà lineà G, I, L, N, & habebis lineam conchilem quam Nicomedes inclyrus inter geometras est imaginatus: apud quem punctum E vocatur polus, quòd circa illud tanquam circa cardinem voluantur lineæ, & sui segmento designent lineam conchilem: lineam AB  
vocat



Vocat normalem, quòd sit linea dirigens lineas ortas à puncto E, lineam verò EG axem dicit, & lineam FG sagittam directam, alias verò HI, KL, sagittas obliquas appellat.

Iam verò appello etiam illos qui Euclide non sunt initiati, nonne patet quòd longius prouehitur linea GILN eo magis accedere ad lineam AB & magis distare à linea CD. nunquam tamen vel cum AB coibit, & semper minus distabit à CD quam sit mensura FG. Ratio huius rei satis clara est à lineæ generatione, cum enim tota oriatur à lineis ductis à puncto E intersecantibus lineam AB sequitur angulum, qualis est NMB, semper intercessurum inter conchilem, & lineam AB. alioqui ducta linea EM fieret parallela lineæ AB, quam tamen intersecat, & sic duæ rectæ haberent vnum, & idem segmentum commune contra axioma 10. lib. 1. Eucl.

Neq; solum id in linea conchili particulare est, verùm etiam Apollonius Pergæus in suis asymptotis eandem proprietatem demonstrat in hyperbole, & rectâ coni diametro correspondente huiusmodi sectioni. Pretereà Leautaudus meliori didignus mathematicus peculiari subtilissimaq; demonstratione eandem asymptoton proprietatem ab omni dubitatione eximit: nouamq; in sua quadratrice reperit asymptoton idem. probl. 57. Plura de linea conchili habet Clavius in geometria practica.

Ex hac doctrina sic argumentor: Vbi excessus sunt infiniti in materia, ibi est diuisibilitas in infinitum, sed excessus perpendicularium quæ excitantur à punctis sagittarum extremis ad normalem AB sunt infiniti, ergo aderunt infinitæ diuisibilitates ac proinde atomi innumeræ; cæteroqui tot essent excessus quot atomi, quod implicat.

Respondeo ex lemmate 2. omne continuum ex Democrito esse infinitum mathematicè, extrinsecè, & designatiue, intrinsecè

fecè verò, & physicè finitum, tum penes indiuiduas atomos, tum penes diuisibilitatem realem, argumentum ergo peccat contra lemma 3. fit enim transitus à lineis mathematicis ad physicas, & à spatio imaginario ad reale contra lemma primum. Verùm vt hæc responsio cui totus Democritus innitur, facilius admittatur.

Obseruo triplicem esse proportionalitatem quarum naturã complecti omnè, non est pronũ, pauca ad rem meam delibo. Arithmetica proportionalitas augetur in infinitũ, sed in infinitũ non decrescit. Ita natura continui realis ex atomis in infinitum crescere potest, infra atomi extensionem non potest decrescere, Harmonica proportionalitas decrescit in infinitum sed in infinitum augeri non potest. Ita lineę asymptoti, & conchilis in infinitum decrescunt ratione approximationis, & tamen non augentur in infinitum in ratione distantie ab alia à qua magis ac magis recedunt. Geometrica proportionalitas, & augetur, & decrescit in infinitum sicuti spatium mathematicum, cui cum adæquentur atomi, etiam illo mediante extrinsecam, & imaginariam diuisibilitatem habent. Ex quibus quidquid contra nos à linea conchili dici potest satis refutatur. Vide Campanum, Proclum, Clauium in definit. lib. 5. Eucl. si plura de proportionibus cupis.

### SCHOLIUM.

Vulgò in scholis ad probandum infinitum in magnitudine implicare adducitur hic syllogismus.

*Lineæ decussatæ quo longius producantur, eo magis distant,  
Sed producantur in infinitum, Ergo distant in finitè.*

Maior fundatur ratiocinatione geometrica, & maximè p. 29. I. vbi demonstratur principium 13. Euclidis Clauiani: atq; adèd in illo principio physicorum è proportionis natura petito, *ut se habet simpliciter, ad simpliciter ut à magis ad magis.* Illud

tamen



tamen argumentum meo iudicio sophisticum est, cuius defectum etsi ostendere nequeam vel in materia vel in forma ut aiunt logici, tamen analogiâ ostendo esse sophisma, quia ex iisdem premissis elicio consequentiam falsam ut hic videre est. *Linea decussât a quo magis propagantur eo magis distant, sed ex suppositione propagantur in infinitum conchilis G I L N N, & linea D C quæ se decussant in G, ergo distant infinitè.* Primus syllogismus videtur in Barbara, secundus in Darij, cuius minor cû sit particularis assumpta sub vniuersali minoris primi syllogismi, concedi debet ab aduersario, & tamen consequentia falsa est, neq; enim vnquam distabit linea conchilis ab linea D C per lineam G F, ergo primùm argumentum sophisticum est. Hanc digressionem mihi condonabit Vrbanus lector si præsertim sciat interesse Democriti infinitum in magnitudine propugnare. Ille enim infinitum admisit aerem quem inane, & vacuum appellabat, neq; multum repugnauit Aristoteles cû l. 2. de anima t. 68. *perpetuum corpus quod sursum est* nominet.

## OBIECTIO VI.

*De contactu globi, & plani.*

**G**lobus perfectè sphericus tangit planum in puncto mathematico, ergo continuum ex ijs constat, non autem ex atomis, probatur antecedens à Theodosio l. 1. sphericorû prop. 3. & sequitur manifestè à propof. 2. & 16. l. 3. Eucl. conuinciturq; hac ratione quam mathematicarum expertes melius capient, linea curua potest tangere rectam, ergo cum non possit adæquari recte eam tantùm in puncto mathematico tanget.

Respondeo in atomo esse puncta mathematica virtualiter non autem formaliter, vnde atomus sphaeræ, tangit atomum plani non adæquatè sed secundum aliquam sui virtualitatem quæ puncto respondet, illiq; æquiualeat.

Ad idem recidit argumentum à figurarum perfectione petitum, tetraedrum, pyramis, conus, cubus, & aliæ figuræ angulares in pūctū definere debent vt pronuntiauit Euclides.

Respondeo enim sufficere vt sit pūctū virtualiter, & æquiuenter, negando autem debere adesse pūcta mathematica formaliter.

## OBIECTIO VII.

*De lineis infecabilibus.*

**C**ontra atomos est integer Aristotelis libellus de infecabilibus lineis cuius argumenta facili negotio eade mōq; distinctione diuisibilitatis physicæ, & mathematicæ diluuntur. Vnum validissimum de multis accipe.

Si datur linea infecabilis, (qualem in vna atomi dimensione admittere necessarium est) omnes lineæ erunt commensurabiles, nam omnes ab indiuiduis lineis dimetientur quæq; longitudine quæq; potentia sunt commensurabiles: indiuiduæ autem lineæ sibi ipsis commensurabiles sunt longitudine cum inter se sint æquales: quare potentia quoq; quod si hoc est, diuiduum erit quadratum.

Ecce obscurum Aristotelis telum quod clariùs ità in formam syllogisticam contorqueo. Illæ lineæ sunt commensurabiles quibus datur mensura communis, sed datur omnibus lineis mensura communis, nempe linea infecabilis, quæ cum sit vltima, & minima quæ dari possit, omnes alias componit ac proinde etiam metitur, licet enim dicere quoties in quauis contineatur, ergo omnes lineæ sunt commensurabiles, ergo diameter, & costa quadrati sunt cōmensurabiles, nō potentia modò verum etiam lōgitudine quod implicat vt patet ex propositione sequenti.



## PROPOSITIO XXXVIII.

*Latus quadrati est incommensurabile longitudine cum diametro sua.*

**C**V M enim ex 47. 1. quadratum diametri duplum sit quadrati ex latere descripti habebit quadratum ex diametro ad quadratum ex latere proportionem 2. ad 1. vel 4. ad 2. vel 8. ad 4. sed sumptis in proportionem dupla quocunq; numeris ab unitate 1. 2. 4. 8. 16. &c. solū tertius ab unitate nempe 4. quadratus est per decimam noni, & reliqui numeri vnum inter se omittentes, nam primus ab unitate nempe 2. quadratus non est, erunt ergo tantum hi numeri quadrati 4. 16. 64. reliqui verò 2. 8. 32. non quadrati, quare cum 4. sit quadratus, & 2. non sit quadratus, non habebit 4. ad 2. proportionem, quam quadratus ad quadratum, ergo nec quadratum ex diametro ad quadratum costæ, ergo sunt incommensurabiles costæ & diameter, deinde cum inter numeros proportionales duplā proportionē habentes ex octaua octavi nullus cadat proportionalis, sequitur diametrum, & costam esse incommensurabiles, nam ex nona decimi, quadrata inter se proportionem non habentia quam quadratus numerus ad quadratum numerum, neq; latera habebunt commensurabilia; Verū non arithmetice modo sed etiam geometricè nostram propositionē ex professo demonstrat Euclides propof. vltimā lib. 10.

Vis itaq; argumenti Aristotelis qui callebat satis mathematicas in eo sita est, vt probet à nostris lineis infecabilibus istud impossibile, costam, & diametrum esse commensurabiles, sicut enim unitas omnes numeros metitur, itā, & linea infecabilis omnes alias lineas dimetietur.

Respondeo itaq; costam, & diametrum esse incommensurabiles mathematicè, nostrasq; lineas esse quidem physicè infecabiles sed non mathematicè, à mathematicis verò lineis

non

non autem à physicis sumenda est ratio commensurabilitatis, & incommensurabilitatis: neq; ideo quod detur linea physicè inseparabilis ea propter debet assumi tanquam communis mē-  
sura, cum vt supra diximus mensuræ proprietas sit esse vna, &  
inuariabilis, atqui istæ lineæ pro variafiguratione atomorum  
variantur, ergo non possunt assumi tamquā ceterarū mensura.

Cætera argumenta Aristotelis nil moror, cum hâc vnica so-  
lutione ruant, & adducto sint aliquanto inbecilliora: omniaq;  
contra lemma tertium, & primum procedant.

### OBIECTIO VIII.

*De angulo contactus, & angulo acuto.*

**N**ON tantum atomus diuisibilis est in infinitum verum  
etiam partes habet determinabiles maiores vnâ quapiā  
determinatâ,

### PROPOSITIO XXXIX.

*In atomo ABC potest designari pars B quâ maiores, & maiores  
in infinitum in eadem atomo ABC possumus assignare.*

**D**emonstratur ex Eucl. prop. 16. l. 3. Quæ ab extremitate  
diametri cuiusq; circuli ad angulos rectos linea ducitur, extra  
circulum cadet, & in locum inter ipsam rectam lineam, & peripheriā  
comprehensum altera recta non cadet, & semicirculi angulus quouis  
acuto rectilineo maior est, reliquus autem minor, hæc propositio qua-  
tuor habet partes quarum prima, & secunda ita clarè de-  
monstrantur ab Orontio Finæo, tertia verò, & quarta à Clauio  
in Euclidem vt dubitationis omnis aleam vel suspicionem tol-  
lant quamuis Peleratius erroris Euclidem hic pene damnare  
sit conatus, neq; hic eas demonstrationes transcribere de-  
beo cum omni plagiato abstinere decreuerim.

Euclidi consentiunt Proclus lib. 3. ad prop. 4. lib. 1. Eucl.

Apol-



Apollonius Pergæus lib. 1. prop. 32. Proclus, *addiscemus*, inquit, *quod cornicularis angulus semper est inæqualis acuto*, id est minor, ratio est quia cornicularis angulus potest semper esse pars anguli contactus, ac proinde cum totum illud cuius potest esse pars sit semper minus quouis angulo acuto quantumvis paruo, necessario dicendum est angulum cornicularem multò minorem esse, neq; dicas vocem illam *inæqualem* intelligi debere de incommensurabilitate, vel de omnimoda incomparabilitate, nam ipsemet Proclus demonstrat huiuscemodi angulos corniculare, & acutum esse commensurabiles potentiam quod videbis apud Clauij Euclidem lib. 5. def. 5.

Apollonius verò Pergæus lib. 1. prop. 32. *In locum qui inter coni sectionem, & rectam lineam interijcitur altera recta non cadit, atq; adeò angulus ille contactus minor est quouis acuto rectilineo, & reliquus angulus si perpendicularis excitetur omni acuto rectilineo maior*, quod in parabola hyperbola, & ellipsi demonstrat. Et qui theoricę practicam iunxit ingeniosissimus machinarum artifex Archimedes idem innuit libro abstrusæ scientiæ de sphaera, & cylindro, neq; ullus est qui clarissimis illarum positionum demonstrationibus possit obistere.

His ità constitutis sic argumentor: In quouis atomo potest designari angulus contactus, & angulus acutus, sed angulus acutus potest in alios acutos diuidi in infinitum, qui quantumvis parui sint, quouis angulo contactus sunt maiores, ergo datà vnâ parte determinatâ in atomo, possunt dari aliæ determinatę maiores in infinitum, infiniti nempe anguli acuti angulo contactus maiores, quod erat ostendendum, quare pro corollario huius propositionis merito Cardanus; *poteest*, inquit, *una quantitas infinite augeri, & alia infinite minui, & tamen augmentum illius quantumcumq; sit semper erit minus decremento istius*. Augeatur enim in infinitum angulus contactus, minuaturq;  
in in-

in infinitum angulus acutus semper tamen hic maior erit illo: quia scilicet quivis angulus acutus applicatus perpendiculariter diametro circuli intra circulum cadit, angulus verò contactus cadit extra circulū, ergo angulus contactus cuiuscumq; sit magnitudinis semper se habet ad angulum acutum ut pars ad rotum.

Dices primò vel inter circulum, & lineam contingentem, intermediat spatium vel non, si primùm poterit in eo duci recta linea, quia quolibet spatio dato quolibet construi potest figura, si secundum, hoc est, si non inrmediat spatium, sequitur quod recta contingens non cadit extra circulum.

Respond. intermediare spatiū sed asymmetron cum linea recta, proportionatum verò circularibus, & inflexis per quas angulus ille diuisibilis est in infinitum: ad probationem, quolibet spatio dato qualibet construi potest figura, distinguo, de spatio complectente aream concedo, de spatio siue area indeterminata qualis est inter angulorum lineas, nego.

Dices secundò latitudo anguli contactus potest diuidi per lineam rectā, ergo, & ipse angulus, nam propagatio linearum non mutat naturam anguli cuius natura sita est in inclinatione alterius ad alteram quę productis lineis non variatur.

Respondeo negando propagationem linearum curuarum non mutare naturam anguli, quamvis de rectis lineis id concedam, ratio est quia lineæ mixtæ, & circulares irregulariter duci possunt, at recta vnico fluxu, & vnica viā ducitur, rectæ enim duæ non possunt habere vnum, & idem segmentum cōmune, hoc est ut vna pars rectæ sit pars alterius, ut patet axioma 10. 1. curuæ autem id possunt ut patet in ellipsi, & lineis mixtis.

Dices tertio contingit transire à maiori ad minus, & per omnia media ergo etiam per æquale, circumducatur diame-



ter incumbet tandem, & coincidat cum linea cōtingenti ergo transiit à maiori ad minus, & per omnia media, & consequenter per æquale, ergo datur angulus acutus æqualis angulo contactus.

Resp. distinguendo, si detur illud æquale concedo, si nō detur nego, & afferō duplicem instantiam, prima est de proportionē diametri circuli ad circumferentiam, quæ non est vt 7. ad 22 exactè loquendo, siue non feruat rationem proportionis triplæ sesquiseptimæ, excedit vero proportionem 7. ad 21. deinde daretur angulus acutus æqualis angulo semicirculi, nam circumducta linea contingens vsq; dum coincidat in diametrum transibit à maiori ad minus, & per omnia media, non tamen per æquale, nullum enim datur.

Dices 4. Euclides lib. 10. prop. 1. Si, inquit, *Duabus magnitudinibus inæqualibus propositis, de maiore detrahatur plus dimidio, iterumq; de residuo detrahatur plus dimidio, idq; semper fiat, relinquetur quedam magnitudo minor altera minore ex duabus propositis.* ergo angulus acutus ita per dimidia frequēter imminutus tandem fiet minor angulo contactus.

Resp. propositionem illam libri decimi intelligendam de quantitatibus cuiuscunq; generis dummodo vtrius multiplicata alteram excedere possit, sed multiplicatus angulus contactus non potest excedere angulum acutum, ergo de huiusmodi magnitudinibus non agit hæc propof. ex quibus ita argumentor. Non potest intelligi hæc partis determinatio sine diuisibilitate ergo atomus est diuisibilis.

Resp. demonstrationem Euclidis esse optimam, sicut, & Pappi, Apollonij, Cardani, Procli, & aliorum, sed dico in sequela argumenti duplex erratum committi, & primus quidem paralogismus est contra lemma 1. materiam enim physicam, siue atomos mathematicis principijs imbuunt: Secundus quod

vocet angulum contactus partem determinatam, cum tamen aream non claudat sitq; inassignabile illud spatium quod latitudinē anguli facit, quod si assignabile esset diuideretur vtq; per rectam, quare cū angulus contactus spatium non comprehendat, sicuti neq; angulus acutus ex principio 12. primi, duę enim rectę spatium non comprehendunt. Sequitur neutrum esse partem determinatam, vnde apparet illud argumentum etiam habitā ratione spatij mathematici esse sophisticum.

### OBIECTIONES PHYSICOMATHEMATICÆ.

Harum obiectionum conclusiones sunt plerumq; vitiosę vel certē non conuincentes, ob lemmata superius adducta, conclusio enim deteriore sequitur partem, quare si premissa habeat aliquid defectus vel ex mathesi vel ex philosophia, eo sequela inficitur.

### OBIECTIO IX.

*De motu rotæ.*

**S**I continuum cō-

ponitur ex ato-

mis, sequitur debere

frangi rotam in mo-

tu, sit enim rota

ACBF maior, rota

autem minor HEQ,

angulus ab axe O

ad circumferentiam

ductus AOG, ar-


cus exterior AG

duarum atomorum,

arcus interior EH, vnus atomi,

moueatur circa eundem

axem O ab A in C, & ab E in H, sequitur quod dum



atomus



atomus AL reperitur in LG tota atomus EH pertransierit, ergo atomus AL non ipsamplius adheret, quod si non mutauit locum atomus EH, fuit immobilis contra hypothefim, si mutauit locum, minor rota tantumdem conficit spatij atq; maior in pari velocitatis gradu, vt patet ex lineis IH, ML perpendicularibus, & dissoluta est rotæ compages, quæ absurdissima sunt.

Responder 1. Arriaga partes magis vicinas centro quiescere, sed par est de intermedijs partibus difficultas. Sebastianus Basso post Empedoclem ait partes insensibiliter diuelli. Respondeo ego ex lemmate 2. Atomò inesse mathematicam extensionem secundum quam potest locum mutare inadæquatè secundum aliquam sui virtualitatem, dum ergo atomus exterior totum locum mutat, interior pro rata parte mutat locum secundum quid, non autem absolutè, ita dum atomus AL mutauit locum in LG atomus EH secundum mediam sui extensionem delata est ultra punctum H, & sic de cæteris, interior autem vicinaq; centro atomus cum habeat similiter innumeras virtualitates extensionis mathematicæ, ideò secundum quid sui locum mutare potest.

### OBIECTIO X.

*De comparatione maioris, & minoris extensionis.*

**T**OT essent partes mathematicæ in vna atomo quot in toto cælo, sequela absurda est, nam etiam mathematicè loquendo totum maius est sua parte, probatur antecedens, sint circuli duo concentrici interior vnus atomi, exterior verò linea Ecliptica, dico tot esse partes in vna atomo quod in toto cælo, nam ab singulis cæli punctis ad interioris sphaeræ centrū lineas diduces, ergo vtrobq; par est partium etiam mathematicarum numerus, quod est absurdum.

Respondent aliqui domi suæ nobiles philosophi non posse dici tot, & quot, puerile responsum. Alius negabat posse comparari circulum cum circulo in ratione partium. Respondeo sensum propositionis hunc esse, tot posse fingi distinctiones, lineas, figuras, designationes in spatio vnius atomi quot in cælo transeat, neq; verò id absurdum est cum vtrobiq; spatium sit infinitum extrinsecè, & per imaginationem, vt aiebat Democritus, quod autem ab intellectu fingente rei inest, absurdum in natura dici non potest: sicuti autem rerum imagines vastissimas lumen exiguis terminis coercet, quid impedit quominus imaginatio idem præstet, designetq; in vnius atomi angustijs omnes firmamenti constellationes? lineæ non possunt duci distinctè, & separatim a singulis firmamenti atomis ad orbis centrum, argumentum itaque procedit contra lemma 2. & 1.

## OBIECTIO XI.

*De luminis propagatione, & figuratione.*

**C**VM superius responsum sit fieri transitum à alienis mathematicis ad physicas, nunc argumentum ex meris radijs siue lineis physicis afferro, & primum suppono illud perspectivæ principium, *A quouis corporis lucidi puncto ad quodlibet medijs punctum, lumen quoquo versus emicat, ita vt à quouis puncto lucidi tanquam à centro circumquaq; effusum in modum sphaeræ diffundatur.* Deinde prepono experientiam quotidianam figurationis lucis de qua egit Aristoteles, s. 15. probl. 5. quando ita quærit, *Cur sol per quadrilatera profluens, non rectis lineis figuram describit, sed circulum format vt in cratibus patet?* & quidem ex prima suppositione ita argumentor, si sol, verbi causà, atomis constet, cum vndiquaque lineas lucis effundat, tot erunt à sole lucis lineæ quot eius superficies atomis componitur, quia ab vna  
atomo



atomo non possunt duæ lineæ physicæ promanare, cùm autem illæ lineæ se se simul tangant in superficie solis, sequitur quod pro ratione elongationis distabunt magis, ergo inter se maxima tenebrarum spatia relinquent, contrarium autem sensu patet, aer enim vniformiter illuminatur ergo, corpora nō constant ex atomis. Ex secunda suppositione ita argui potest, sit conus lucis subiens perforamen quadratum, quomodo restituet se post decussationem in formam rotundam si dentur atomi? an peribunt aliquę, an verò de subiecto in subiectum possunt transire istud dici non potest, cùm lumen sit accidens vt probauit Aristoteles 2. de an. primùm autem gratis asseritur: Ergo admissis atomis figuratio, & propagatio luminis fieri nequit.

Respondeo ad primùm, negando à singulis atomis lineas phycas lucis effundi, sed illud perspectiuorum principium, intelligendum esse de puncto sensibili: atomus autem sub sensum non cadit. Deinde omne totum agit per modum totius, singule autem partes secundum se sumptę non agunt nisi concomitanter cum toto: nisi enim res ità se haberet esset breuissima omnium agentium sphaera actiuitatis. Adde quod nego ab vna atomo vnā tantū diffundi posse lineam, cum intensio lucis, & caloris exigit multas atomos in eadem subiecti parte. Ad secundam difficultatem de lucisfiguratione. Respondeo atomos illas quæ in angulis quadrilateræ fissuræ reperiuntur sensum deficere, ob violentam figuram quæ obiecto contraria est. Natura autem vt diximus principio 8. huius disput. Semper connaturali sibi statui se se restituere conatur. De illa autem lucisfiguratione vide Vitellionem nu. 39 l. 2. Aristotelem, & Septrahum loc. cit. Maurolycum in suis posthumis photismis, K. ppletum in paralipomenis ad Vitellionem. Aquilonium l. 1. opt. Blancanum in loc. Anst. numero 345. Aliosq;

tum mathematicos tum philosophos in lib. de anima ubi de specierum natura disputant.

## OBIECTIO XII.

*De illuminatione globi.*

**S**ol applicatur nostro horizonti continuè successiue, ergo pariter illuminat continuè successiue, & consequenter eius lumen diuisibile est in infinitum, deinde si hoc non admittatur erit falsum istud theorema opticis omnibus astrologisq; certissimum: Sphæra luminosa illuminat semissem sphærae opacæ æqualis, plus autem semisse, sphærae opacæ minoris, minus deniq; semisse sphærae opacæ maioris, quare etiam inde colligitur plusquam mediam terræ partem a sole illuminari: Vitellio enim Alhazenus prop. 10. pag. 59. 180. gradus cum minutis 27. & secundis 52. ponit: Clavius verò 180. gr. min. 26. ceterum clarissimè hoc Theorema demonstratur ab Aquilonio in opticis, à Clauio lib. de crepusculis, à Vitellione loco citato, & ab alijs passim. Sit itaq; opacus globus quatuor atomorū, disponatur eo modo ad luminosū globū vt lineæ contingentes incidunt in medias atomos, sequitur vel mediam atomum obscuram fore, aliam illuminatam, ac proinde sequetur luminis diuisibilitas, vel hoc Theorema esse falsum, contra demonstrationes virorum in mathematicis principum.

Respondeo ad hoc argumentum, solis motum, & eius illuminationem differre, nam licet applicetur continuè successiue eo sensu quo inferius explicabimus, tamen illuminatio non sequitur seuerè leges motus, ratio est, quia motus connotat extrinsecum spatium, illuminatio verò etiam subiectum exigit in quo recipiatur, ac proinde debet illud extensum esse, minima autem extensio est vnus atomi, vnde vnā totā simul illuminat, & vna tota simul lumen perdit: vnde in forma, transeat antecedens nego consequentiam.

Ad in-



Ad instantiam deductam à theoremate optidorum respōdeo. In mathematicis duas esse scientiarum species, alię sunt purę mathematicę vt geometria speculatiua, & arithmetice Theorica, alię verò physicomathematicę vt optica, astrologia, mechanica quam physicę, & mathematicarum horizontem vocat Aristoteles. Harum scientiarum propositiones verę sunt si nudę, & ad sensum sumantur, si verò examinentur in rigore geometrico sunt falsę, sic qui radium visuale existimaret lineam esse mathematicam erraret toto cęlo, opus enim est certā quādam extensione ad agendum; pariter non quęuis quantitas ponderis balances mouet vt pulueris granulum, quia certa ponderis ratio requiritur. Geometricę itaq; loquendo hęc propositio quę sciōthericorum horologiorum fundamentum est, falsitatis conuincitur, *terra puncti instar obtinet ad firmamentum*, datur enim proportio terre cum firmamento vt demonstrat Archimedes lib. de arenę numero, & hanc pariter assero falsam, *umbra matutina sunt æquales vespertinis*, & hanc crepusculum matutinum æquale est vespertino, pariter etiam quę de globorū illuminatione adducta est ab aduersario in mediū geometricę, & stricte loquendo vera non est, quamuis ad sensum, hæ omnes extra dubium sint positę. Ratio à priori est quia conclusio sequitur deteriorem partem, ergo in optidorum syllogismis aliorumq; qui naturalem scientiam cum mathematica miscent, maior propositio erit geometrica, minor physica, conclusio ergo debet esse physica hoc est deterior, & minus exacta, neq; verò sunt examinandę actiones physicę regulis geometricis ex lemmate 3.

#### OBJECTIONES PHYSICÆ.

Quanto obscurior est naturę maiestas altioribusq; penetrabilibus velata manet, tanto difficiliores sunt rationes ab ipsa deriuatę: quatuor aut quinq; tm vitę de plicitatis causa afferē.

## OBIECTIO XIII.

*De continuo, & tempore.*

**T**OT sunt partes in continuo quot in tempore, sed in tempore sunt infinitæ realiter inter se distinctæ, ergo & in continuo. Maior fundatur in principio 17. huius, minor patet quia instans quod nunc fuit differt à fluxu, & fluxuro, ergo diuiduntur realiter, sunt autem infinita instantia, ergo, & totidem diuisiones, & distinctiones.

Respondeo concedendo maiorem, & distinguendo minorem, sed in tempore sunt infinitæ realiter penes connotatum concedo, absolute nego: continuo, motui, & tempori respondent tria quæ diuisibilitatem patiuntur infinitam, continuo quidem spatium mathematicum de quo supra, motui connotatio loci, & tempori duratio cum fluxu. Sed hæc solutio percipietur tantum cap. 1. disput. 3.

## OBIECTIO XIV.

*De quantitatis ratione.*

**Q**uantitas est realiter diuisibilis in infinitum cum eius gratia materia diuisibilis fiat, sed atomus A est quanta ergo est diuisibilis, quod si dicas atomi substantiam non esse diuisibilem, sed tantum quantitatem, redibunt omnes difficultates quibus alij obruuntur.

Respondeo hanc obiectionem à me fuisse preuisam in totius operis huius fundamento, cum hoc axioma usus sum, quidquid recipitur per modum recipientis recipitur, sed atomi elementales, vt probauimus sunt indiuisibiles ergo, &eductæ ab ipsis accidentia: quare ad argumentum Nego maiorem, nam quantitatis essentia non est sita in diuisibilitate, sed in impenetrabilitate actuali. Ratio à priori est quia intelliguntur  
atomi



atomi antequam sint quantæ, & quidquid tibi materię finxeris non accipiet indiuiduorum multiplicationem ab accidente, accidentibus enim non multiplicantur substantiæ.

Instabis si corpus non esset quantum non posset diuidi, ergo habet à quantitate diuisibilitatem. Respondeo corpus sine quantitate futurum penetrabile ac proinde physicè corporeis instrumentis non diuidetur. Vt autem animo tibiingas corpus quantitate destitutum, reuoca in mentē poeticas apparitiones quæ oculos explent sed tactum non sustunt, irà Æneas Anchisem in elysijs videns.

*Ter conatus ibi collo dare brachia circum,*

*Ter frustra compensa manus effugit imago,*

*Par leuibus ventis volucrisq; simillima somno.*

Neq; verò aufugit Anchises qui filium comitabatur sed quod non esset impenetrabilis, idè Æneæ manus sunt elusæ: & inspectri militisq; monomachia.

*Nil gladios remorata cutis, nihil ossa ruentis*

*Impetuum, & immani perfossum vulnere pectus.*

*Oculuit vulnus subito tenuitq; cruorem.*

Anchisem non poterat tenere Æneas vt pote penetrabilem, & militis gladius videbatur spectrum fodere sed quod abesset quantitas ideo in eodem loco reperiiebatur, & nihil hiatus relinquebat. Accipe speculum parabolicum exquisitum egredi videbis è speculo imaginem tuam, & in aeris medio extra speculum subsistere, illamq; impunè fodies, & tenere frustra quæres: ex quibus vides triplicem esse diuisibilitatē, altera est crassa, & popularis, altera metaphysica quæ indiuidua ab indiuiduis distinguit, tertia mathematica penes spatium imaginariū, diuidetur autem corpus quantitate, destitutum separatis ab inuicem atomis, siue indiuiduis.

## OBIECTIO XV.

*De indiuisibilibus simul iunctis.*

**I**ndiuisibile iunctum indiuisibili non facit maius, quia tangit secundum se totum, sed atomus est indiuisibilis, ergo atomus iuncta atomo non facit maius.


Respondeo maiorem de punctis mathematicis esse euidentem non autem de alijs indiuisibilibus quæ suas habent dimensiones secundum quas jungi vniriq; cum extensionis incremento possunt.

## OBIECTIO XVI.

*Argumentum Zenonis.*

**M**otus non potest fieri per spatium quoduis nisi prius mobile pertranseat minus quam maius, sed quancunq; assignes partem alia est minor, & alia minor in infinitum, ergo non potest fieri motus, numquam enim incipiet.

Respondeo huic argumento satisfieri non posse nisi admittis in continuo indiuisibilibus, & id contendebat Zeno deducendo ad absurdum, neq; enim motum negabat. Respondeo itaq; aliam esse minorem mathematicè concedo, realiter nego, motus autem consideratur ab aduersario penes realem rerum existentiam. Respondebat Empedocles puncta mathematica transiri tota simul, & quietibus interpolatis motuum velocitatem, & tarditatem distingui. Cæteræ quæ à motu petuntur aut rarefactione obiectiones non possunt dilui nisi disput. 3.





## OBIECTIO XVII.

*Contra indiuisibilitatem atomorum.*

**Q**uod est materiale existit modo materiali, hoc est, habet partes extra partes, quod autem partes habet extra partes diuisibile est, sed atomus existit modo materiali, ergo est diuisibilis.

Respondeo conceptum materialitatis dicere duo, primum exigentiam impenetrabilitatis per quantitatem, secundò ordinem essentialem ad aliquid aliud quod erit tanquam sui perfectiuium in ratione entis completi aut subiectiuum, quæ duo atomis conueniunt, ordo ad quantitatem, & ad mixti formã: quare nego existere modo materiali esse habere partes extra partes. Hæc autem obiectio soluenda est Vasquez qui materiam primam absq; quantitate ait esse totam in toto, & Thomistarum nonnullis qui animas brutorum dicunt esse indiuisibiles, negant tamen esse spirituales.

Dices pars orientalis atomi A non est realiter occidentalis B ergo possunt separari. Respondeo partem occidentalem, & orientalem esse realiter idem, connotatiuè verò differre.

## CAPVT SEXTVM.

Responſa ad Obiectiones ſingularem atomorum doctrinam impugnantes.




Mnes attingere difficultates non vacat neq; cui vacat potest, paucas ergo è potissimis quæ mihi occurrerunt delibo.

## OBJECTION I.

*Pro Aristotelis textu 66. 3. de calo contra id quod diximus proposit.*  
*26. tetraedra non posse replere locum.*

**M**E diù sequens ratiocinatio in errore cum Aristotele detinuit. Illę figurę replent locum quorum anguli simul iuncti faciunt angulos æquales quatuor rectis, atqui anguli tetraedrorum iuncti faciunt angulos sex quatuor rectis æquales, ergo replent locum. Probatur minor, sint sex triangula æquiangulara, & æquilatera  $ABI$ ,  $BIC$ ,  $CID$ ,  $DIE$ ,  $EIF$ ,  $FIA$ ,



$FIA$ , circa punctum  $I$  dico angulos sexilli puncto circumfusesse æquales quatuor rectis, cum enim ex Eucl. I. 1. p. 32. Anguli tres cuiuslibet trianguli sint æquales duobus rectis, triangula autem  $AFI$ ,  $ABI$ ,  $BIC$ , & alia sunt equiangulara per prop. 8. primi, quoniā per constructionem sunt æquilatera, sequitur quod tres eorum anguli quomodolibet sumpti sunt æquales duobus rectis, ergo  $FIA$ ,  $ABI$ ,  $BIC$ , sunt æquales duobus rectis; Idem de alijs tribus  $FIE$ ,  $EID$ ,  $DIC$ , dictum esto; Ergo anguli sex circa punctum  $I$  circum-



cum fusi sunt æquales quatuor rectis, ergo implent locum, quod erat demonstrandum. Excitentur itaq; in illis basibus tetraedra sex, replebunt locum, & si hiatus adsint, cum oriantur à tetraedris, alijs similiter positjs tetraedris implebuntur, fietq; figura ex tetraedris solida, quod erat pro Aristotele demonstrandum.

Et confirmatur à constructione Octaedri, si enim delinees octo triangula æquiangula & æquilatera, deinde complices & vnias habebis confectum octaedrum regulare: ergo optimè censuit Aristoteles tetraedris locum repleri.

Respondeo ad hoc argumentum cuius fallacia me aliquam diù fascinauit, concedendo triangula sex circa punctum I esse æqualia quatuor rectis, & replere locum planum quod manifestè demonstraui Aduersarius; at nego superpositis in illis triangulis tanquam in sua basi tetraedris sex, ijs repleri locum solidum de quo hic sermo est, sit enim.


### PROPOSITIO XL.

*Tetraedra non replent locum solidum.*

**E**Xcitantur enim tetraedra in illis planis: Dico primò eorum verticem futuram in punctis sublimibus G. H. L. M. N. O. quoniam enim æqui, distant anguli basis ab angulo verticis sequitur quod in basis ad horizontem constitutæ centrum oculo in axe posito debet projici vertex, axis enim est linea recta, ergo eius extrema obumbrant media, debet itaq; tota axis in puncto H colligi: quod cum sit in diametrorum A Q, B P. R I, interfectione sequitur esse centrum basis, confirmaturq; ex propof. 4. l. 4. Euclidis.

Dico secundò inter tetraedra excitata super planis illis sex futuros hiatus seu vacuum cuius mensura sunt lineæ GH, HL, LM, MN, NO, OG, quos hiatus alijs tetraedris

dris impleri posse nego. Cum enim punctū  $H$  in vertice axis distet à puncto  $H$  in basi per totam rectam  $IR$ , quæ triangulum  $AB$  bifariam secat per 9. 1. sitq; recta  $IR$  perpendicularis, & vera mensura profunditatis vacui, quod inter tetraedra dehiscit ex coroll. 19. 1. sequitur, quod in tetraedris quæ vacuum illud replebunt, linea  $IR$  profunditas vacui, minor erit quam linea  $GH$  latus tetraedri. In triangulo enim æquilatèro latus est maius sua diametro per prop. 1. & 9. primi: atqui hoc falsum est.



Dico enim tertio lineam  $IR$  maiorem esse quam lineam  $HG$ . cum enim linea  $HG$  &  $HI$  sint eiusdem circuli semidiametri per 15. quart. sequitur per definit. 15. primi esse æquales ut pote ab eodem centro  $H$  ductæ, erit ergo excessus lineæ  $IR$  supra lineam  $HG$ , segmentum  $HR$ , ac proinde linea  $IR$  maior est quam linea  $HG$ : quod erat demonstrandum.

Dico autem quarto hos hiatus consequenter repleri non posse tetraedris, quia cum profunditas sit maior quàm latitudo, & lōgitudo, sequitur nullo modo posse constitui tetraedrū sed  
debebit



debebit impleri hoc vacuū pyramide irregulari cuius duę facies erunt triangula æquilatera, & æquiangula, alię autem duę extra figuram visendę erunt Ilosceles. Ergo benè notauimus Aristotelem tetraedris locum solidum repleri non posse, quod autem ipsum fefellit est omiſſa tetraedrorum inclinatio ad se inuicem, quā angustius sursum spatium faciunt, nā angulum exteriorē inter se relinquunt 60. gradibus minorem, ergo tetraedro non potest repleri, quod vides delineatum circulo H G O N M L, & tamen deberet idem circulus sex capere tetraedra sex hiatibus replendis, quod fieri nequit, cū profunditas sit maior latitudine.

Ad Confirmationem, Respondeo, Eam sapere crassam inmathesi ignorantiam. octaedri enim centrum est in superficie quadrati, ergo pyramides octaedri non sunt tetraedra, sed faciunt in centro angulos quatuor rectos, angulus autem tetraedri quilibet deficit mediā sui parte à recto. Vide sis Euclidem lib. 12. 13. 14. & 15. vbi agit de corporibus solidis. Adduximus autem ex his libris aliam demonstrationem pag. 137. sed quod ea non iret obuiam difficultati sed thesim tantum probaret placuit hanc faciliorem, & ex rudioribus principijs mathematicis construere.

Ex quibus mirari fatiſ nō possum Alcinoū eò impegisse vt diceret ex quinque corporibus solidis Platonis omne vacuū repleri itā vt nihil inanē esset in natura. sic enim ille c. 13. Isagoges ad doctrinam Platonis, *His cum ab ipso Deo figuris (cubo, octaedro, icosaedro, tetraedro, dodecaedro) esset materies formata, primò quidem rudibus vestigijs absq; ordine mouebatur, donec in ordinem reducta est ab eo, singulaq; inter se apta coniuncta sunt proportionē, & composita.* Neque tamen hæc loco discreta manent sed, & ipsa in motu sunt perpetuo, eundemq; materię afferrunt, ab ambitu enim mundi constricta pelluntur, atq; alternis ipsa pulsibus

pulsibus agitata feruntur, tenuia semper in regione solidorum. Quae de causa nihil omnino inane relinquitur, nihil corporis vacuum; atque in illis inaequalitas permanens concussionem affert. Ab ijs enim materia, & ista vicissim à materia agitantur. Equidem terra quam cubum facit locum replebit, at tetraedra iuncta cubis locum non replent, nec cubi iuncti octaedris, nec tetraedra iuncta tetraedris, nec icosaedris, aut dodecaedris sed ex omnibus istis figuris locum replent cubi quidem per se, octaedra verò iuncta tetraedris, reliquæ figuræ vacuum relinquunt, ergo malè infert Alcinous ex istis figuris nihil vacui in mundo relinqui. Apuleius verò de quo superius propos. 26. nihil de dodecaedro dixit: quâ tamen figurâ plurimum usum fuisse Deum recenset Alcinous. Dodecaedron autem ad vniuersi constitutionem adhibuit Deus: unde & animalium formæ duodecim in Zodiaco conspiciuntur quorum quodlibet in partes triginta secatur. Similiter in dodecaedro quod pentagonis duodecim constat, si in triangulos quinque quidlibet eorum diuiseris sex insunt singulis trianguli (id est in vnoquoque triangulo sex scalena inuenies) atque in tota dodecaedro trecenti sexaginta reperiuntur trianguli quot in Zodiaco sectiones sunt. At libra certè animal non est, illa autem reflectio Alcinoi pro circuli Zodiaci diuisione est ingeniosa, & acurata nam sunt Pentagona 12. quæ diuisa in 5. triangulos, faciunt 60. triangulos, quorum quilibet diuisus in 6. exprimit numerum 360. vt patet ex hac multiplicatione numerorum. Cetera Alcinoi sensa explicauimus loco citato, nisi quod ipse subdit pyramidalem figuram igni conuenire quod melius diuidat, & sit rarior vt pote minoris areæ. De sphaerica autem figurâ non meminit. Rectè itaque Platonem, Aristotelemque in figuris locum replentibus reiecimus, & obiectionem diluimus quod erat faciendum.

12
5
<hr/>
60
6
<hr/>
360



## OBJECTION II.

*De Atomis, & Vacuo Democriti.*

**O**bjicies Democritum admisisse vacuum cum atomis, unde dicebat apud Gal. l. de elem. nihil esse absolutum nisi atomos, & vacuum.

Respondeo atomos à nobis admitti itemq; vacuum, siue inane quod Democrito nihil aliud fuit quam aer, duplicis autè generis vacuum ipse appellabat, alterum quod nobis est imaginarium spatium, alterum verò inane siue aerem, ubi tanquam in medio indifferenti omnes qualitates se se manifestarent, quapropter Aristoteles libro 2. de anima textus 74. *Non enim benè hoc dicit Democritus, opinatus si fieret vacuum quod medium est, perspiciturq; exquisitè etiam si formica in calo esset;* ergo duplex fuit vacuum Democriti, alterum extra mundum, quo distarent mundi à se inuicem, alterù quod in singulis mundis esset, & primum quidem vacuum imaginarium, secundum reale appellauit, unde dicebat atomum dari, & vacuum, per vacuum intelligens medium in quo atomi mouerentur. Confirmatur hæc doctrina pag. 25. ubi distinctio fit de magno, & paruo inani ex Virgilio, item Claudiano qui vacuum, & inane distinguit ibid. deinde pag. 23. autoritate Galeni ibi adductâ, præterea totâ proposit. 13. disp. 1. conueniunt enim aeri ea quæ vacuo adscribit Democritus, par omnium in aere motus naturalis, omnium qualitatum primarum, & secundarum carentia, & alia quæ de aere diximus.

## OBJECTION III.

*De mixtionis imperfectione.*

**S**I atomi suas habent dimensiones non miscentur perfectè, sed omnia sunt aggregatum per accidens, nam atomorum medulla manet illibata.

P Re-

Respondeo ex definitione temperamenti adducta secundum Avicennam l. 1. Fen. 1. doct. 3. c. 1. sufficere ad mixtionem perfectam ut elementa sint diuisa in minima siuè atomos, ità ut si de quibusdam multum capias de alijs plurimum habere necesse sit, & reuera mixtionis definitio pro nobis est, mixtio enim est miscibilium alteratorum unio, miscibilia sunt atomi quæ alterantur, & uniuntur.

#### OBIECTIO IV.

*De motu, tempore, rarefactione condensatione, intensione, & remissione.*

**M**Ultra difficillima explicatu contingunt in motu admissis semel atomis, tum in causis, tum in temporum commensuratione, proportionibus motuum, & alijs quæ ità non possunt exponi sicuti admissa continui diuisibilitate, motus enim est ens successiuum, ac proinde diuisibile in infinitum, at motus & spatium tempusq; sunt analogæ. Deinde quomodo poterit fieri rarefactio vel condensatio cum atomi, nec crescant, nec minuantur? Tum quot in alijs tractatibus philosophicis difficultates occurrent? facilius itaq; omnia per partium diuisibilitatem intelliguntur.

Respondeo his difficultatibus tanquam consequentijs à me fuisse dicatam disput. sequentem, in qua omnia facile, & consequenter iuxta Democritum exponere sum conatus.





## DISPVATIO III.

De consequentijs præcipuis ex Democriti philosophia deductis.



Um ea quæ de rerum coagmentatione instituitur quaestio nullo modo possit enucleari quin de motu locali tractetur deq; rarefactione, & alteratione, has tres difficultates paucis enodare iuxta Democritum volo, & tandem quartò ingeniosam

eius de coloribus sententiam ex atomorum mixtione elicitam aperire probareq; tentabo.

## DEFINITIONES.

I. Motus localis est actus entis in potentia prout in potentia in ordine ad locum, vel spatium.

II. Rarefactio est acquisitio maioris extensionis, vel occupatio maioris loci intrinseci, ut si palmus solidus extendatur in duos palmos solidos.

III. Condensatio est restrictio corporis ad minorem locum, ut si palmus solidus restringatur in semipalmum solidum.

IV. Figura regularis est ea quæ lateribus æqualibus constat, vel cuius omnes partes æqualiter distant à centro ut in circulo contingit.

V. Figura irregularis est ea cuius latera sunt inæqualia vel cuius partes inæqualiter distant à centro.

VI. Gravitas est virtus motrix deorsum tantum, leuitas est virtus motrix sursum tantum, hæc autem particula *tantum* diligenter notanda.

VII. Rarefactio improprie dicta est occupatio maioris loci

ob immixtionem alterius corporis vel partium dispersionem; ut palmus aquæ addito palmo aeris occupabit duos palmos, & pulvis dispersus totum cubiculum implet, collectus verò pugno coercetur.

VIII. Densum illud est quod paucissimos habet poros, vel quod nullos, vel quod habet paucos eosq; angustissimos. Rarum è contra quod multos, eosq; latos, & patentes.

IX. Lux, & lumen idem sunt apud me: quæ vocabula magnà religione ab alijs distingui authoribus notum est.

#### PRINCIPIA.

I. Omne agens debet continere effectum suum vel formaliter vel eminenter hoc: est, debet habere vel eam qualitatem quam producit, vel aliquam quæ sit præstantiæ cuiusdam ordinisq; vniuersalioris sed fecundi.

II. Grauitas, & leuitas sunt contraria.

III. Motus, locus, tempus sunt analoga, hoc est, proportionalia nulla enim est pars motus cui pars spatij temporisq; non respondeat.

IV. Mobilia quæ naturaliter mouëtur, ad locū quē appetūt illuc tēdūt quā fieri potest breuissimè, & facillimè, natura enī compendiosa est suaq; per lineas breuissimas omnia mouet.

V. Non datur vacuum in natura.

VI. Non datur penetratio naturalis, hoc est, ut duo corpora in eodem loco esse possint.

VII. Natura si non interturbetur in suis operibus ordinis est obseruantissima: opus enim naturæ opus intelligētis, princeps verò intelligentiæ scopus est ordo.

VIII. Non dantur motus in instanti metaphysico, siue in illo quod responderet puncto mathematico, atq; hoc principium non modo de motu locali, verum etiam de alteratione propriè dicta, vbi præsertim datur reactio, est intelligendum.



**IX.** Inclination ad locum deorsum æqualis est resistentiæ ad motum sursum.

**X.** Si aliquibus delatis differat aliquod non delatum, non delatum in contrarium ferri putabitur. Est propositio 34, perspectivæ Euclidis.

**XI.** Æqua magnitudine corpora sunt quæ loca replent æqua. Est primum principium tractatus Euclidis de leui, & ponderoso cuius fragmentum vidi ab Io: Heruagio editum anno 1546. Basileæ.

**XII.** Motus communes non sunt sensibiles.

**XIII.** Agens necessarium omnibus ad agendum prærequiritis necessario agit.

**XIV.** Totum hoc vniuersum à Deo creatum est plenum, eaq; instructum quantitate quæ toti singulisq; corporibus sufficeret.

**XV.** Corpora pro varia suarum partium temperatione exigunt diuersimodè esse in loco vt patet in metallis fuis & solidis, in luto & terra sicca, in glacie & aqua fluente actu.

**XVI.** Si non datur condensatio neq; etiam dabitur rarefactio, & si non datur rarefactio neq; etiam condensatio, & vno horum admissio aliud sequi necesse est.

**XVII.** Res omnes visibiles sub angulis tantum percipiuntur, quos emissis à se radijs constituunt in oculo, & quo ampliores sunt anguli eo maius videtur obiectum, quo minores minus &c. Euclides in optice ita pronuntiauit, nisi quod ab oculo emissiones fieri non autem ab obiecto fabulabatur.

## P O S T U L A T A.

**I.** Statuimus quolibet motu dato posse dari velociorem.

**II.** Supponimus quod experiētiā manifestū ēt dari impetū.

**III.** Qualibet datā lineā potest dari maior, & qualibet datā figurā potest dari maior.

**IV.** Concedatur dari colores reales non autem apparentes tantum.

## CAPVT PRIMVM.

## De motu locali atomorum.

**H**IC quantum sat est ad Democriti doctrinam percipiendam breuissimè me expedio, consistit autem difficultas quod in atomorum opinione successio perfecta negari debet alioquin motus erit diuisibilis in infinitum, ac proinde stabilitis in continuo atomis, iisdem difficultatibus iactabimur quæ peripateticos absorbent, neque quidquam à nobis erit factum cum spatium, & motus sint analogæ ex princ. 3.

## PROPOSITIO XLII.

*Quamuis admitti debeat grauitas, & leuitas popularis, nihilominus tamen non datur grauitas neque leuitas strictè,  
& philosophicè dicta.*

**C**ontendebat superius Abderites noster aerem neque leuem neque grauem esse, quæ ipsi etiam inesset indifferentia quamuis alia corpora grauiæ forent vel leuiæ, nunc omnibus naturæ corporibus eadem immunitas à grauitate, & leuitate propriè dicta concedenda est, &

Probatur primò, grauitas est virtus motrix deorsum tantùm, leuitas virtus motrix sursum tantùm, sed nullū est corpus quod naturaliter non habeat alias lationes ergo nullum corpus graue est vel leue propriè loquendo, maior à nemine negatur cum sit definitio legitima, probatur minor

Primò, in pyrobolis rotatis, ignis nullo impetu sibi exterius impresso mouetur circulariter à se ipso, sed motus circularis est compositus ex omnibus lationibus, pars enim circuli quædam ascendit, alia descendit, ferunturq; in transuerium aliæ, ergo  
ignis



ignis habet vim se se mouendi per omnes lationes, vnde neque grauis est neque leuis est simpliciter.

Respondit primæ notæ philosophus, hunc motum esse directum ab arte, neque de natura rerum ab artificialibus deducenda argumenta, cum ars naturæ proprietatibus cæcisq; impetibus abutatur, vt nautæ qui obliquè ventum sibi contrarium excipiunt illoq; ad institutam nauigationem promouendam vti norunt. Sed contra.

Ars dirigit naturam tantum, ergo nihil naturæ addit, temperat enim moderaturq; eius vires, neque vnquam nautica, contrario vento vti potest, sed tantum lateralibus, & obliquis: & quamuis medicus arte maximè medicamentum calidum, componat illo sanè refrigerabit nunquam: hic autem ignis à figura tantum extrinseca determinatus circulariter fertur, determinatio autem est conditio extrinseca quæ supponit virtutem in subiecto, vt calcar vim currendi in equo.


Probatur secundò ex p. 1. Causa principalis debet cōtinere effectum suum vel formaliter, vel eminenter, sed ignis est causa huius lationis ergo debet illam continere vel formaliter vel eminenter, vnde leuis non est simpliciter quia leuitas est virtus motrix sursum tantum.

Probatur tertio. Omne corpus naturale est productiuum impetus, ergo nullum corpus naturale est graue vel leue; Probat. antecedens inductione: terra enim vel saxum aut lignum deorsum cadens colligit impetum secundum quem auget motum; hinc variè subiecta ligna atteruntur pro distantia casus, & quod deest in pondere reparatur impetu, qui pondere equiualeat. Si enim corpus graue cadens è spatio cubitorum sex frangit asserem qui habet resistantiam vt tria, illud idem decidens ex alto in distantia cubitorum viginti frangat asserem qui habebit resistantiam vt nouem circiter, hac vero de re possunt

eractę institui regulę, quia licet corpora differenter expromant impulsione in subiectam materiam, tamen æqualibus momentis per aerem tanquam per inane feruntur: hinc Galilæus l. de motu hanc habet propos. quâ momenta impetus quę mobile colligit explicat.

*Si aliquod mobile descendat, à pūcto quietis suę, spatia in temporibus æqualibus peracta, eam inter se retinent rationem quam habent numeri impares ab unitate consequentes.* Sint quatuor temporis partes notatę in linea AB quibus mobile O descendit per lineam CD, primę parti temporis responderet spatiū 1. secundę parti tēporis spatium 3. tertię parti temporis spatium 5. atq; itā secundum istam motus accretionē mobile suum motum accelerat. Hęc tamen an itā se se habeant videbimus in Theorica militarilib. i. sed enim certissimum est velociorem esse motū in fine quam in principio pro mobilibus descendantibus; quod medio impellenti assignare incrementum mihi pene ridiculum videtur cum aeris imbecillitas, & ad diuisionem indifferentia id abunde refellat: superest igitur vt dicantur mobilia impetum colligere. De aqua pariter aere, & igne dubium non est quin non impetum colligant modò, verum etiam in alijs producant. Vt patet in tormento bellico alijsq; infinitis, tū naturę, tū artis experimentis. Omne itaq; corpus naturale est productiuum impetus, quod erat antecedens probandum.

Ad consequentiam accedo, ergo nullum corpus naturale est graue vel leue in rigore loquendo, probatur, quia impetus est





est qualitas motrix in omnem locum, & per omnem lationem prout determinatur ab extrinseco, ergo omne id quod illam qualitatem poterit producere neq; graue erit neq; leue: nam capax esset virtutis motricis amplioris ac proinde leuitas aut grauitas essent frustra, deinde sibi esset contrarium producendoid quod suę qualitati connaturali vim afferret, ergo produciuum impetus neq; graue est neq; leue formaliter ex princ. 1.

Confirmatur propositio: sublato vno contrariorum tollitur etiam illud metaphysicè loquendo, sed non datur leuitas ergo neq; grauitas eius contrarium ex p. 2. prbatur minor, si leuitas esset in aliquo, esset tantum ratione elementi prædominantis, mixta enim vt ait Aristoteles mouentur ad motum elementi prædominantis: sed nullum mixtum mouetur sursum, quāuis in multis prædominetur ignis, ergo ignis non est leuis, ac proinde neq; vllum mixtum: piper, & euphorbium habent ignem prædominantem, cur ergo deorsum pari velocitate feruntur ac plumbum, nec pariter carbones accensi volant? Cur canis venenati morsus rabidus à spuma ignea fit, quæ tamen deorsum cadit? cū ergo nullum corpus naturaliter sursum feratur, sequitur nullum esse leue simpliciter, ergo neq; graue.

Dice vapores ascendere, & ignem.

Resp. ascēsum vaporum ideo fieri quia aqua vt sic dilatata rarefactaq; exigit ampliori loco diffundi, vnde latitudinem medi) quarit, tamdiu ergo in altum abit, quamdiu reflectione radiorum solis fauetur eius cursui, vt autem maxima sic hæc reflectio 52. miliaria non excedit vt demonstrant ij qui de atmosphæra, refractionibus cælestibus, crepusculisq; disputarunt. Ignis autem necessariò ex ratione dissolutionis, debet cuspidem pyramidalem efformare, quia punctum perfectæ dissolutionis debet distare ab vltima superficie perfecti mixti, est autem mixtum perfectum candela, flamma verò

est

est mixtum imperfectum à mixto ortū vi ignis, tendens ad dissolutionem, quæ fit cum in cuspide flammæ se se explicant, & expediunt ab alijs ignei spiritus, quæ vindicatio cum sensim fiat, ideo necesse est flammam ità efformari, vt ostendi pag. 179. vnde nullâ ratione probat hoc exemplum ignem esse leuem philosophicè, & strictè loquendo.

Dices, curigitur sunt quædam corpora quæ perpetuò deorsum feruntur?

Respondeo determinari ab extrinseco ad illum motum deorsum, a naturali scilicet mundi constitutione quæ exigit vt ea quæ partium suarum dispersione gaudent amplumq; spatium amant ferantur ad circumferentiam orbis, locum nempe capacissimum, quæ verò stringi angiq; cupiunt neq; suas partes ità dispergi patiuntur, angustias medijs sibi deposcunt, vbi collectior locus suę inclinationi fauet; quo verò collectiores strictioresq; sunt mixti velelementi partes eo magis ad centrum fori appetit; quem appetitum vulgus grauitatem, pondusq; vocat à quâ appellatione non recedam, dummodò de re constet, scilicet non dari in illis corporibus virtutem motricem deorsum tantum, sed dari virtutem in omnem locum, & per omnes lineas motricem, prout ab extrinseco determinabitur. Determinant autem quinque. Primò mundi constitutio ordoque, qui cum nil aliud sit quam natura quædam vniuersalis, fit vt leges naturę in agendo seruet, quare motus à naturâ præcisè determinati sunt simplices, & ex princip. 4. breuissimi, hoc est perpendiculares, vel circulares vt in cœlis. Secundò mouens aliquod per directionem cursus, vt in sclopis, & telis quæ manu iaciuntur. Tertiò spatium intermedium per refusionē stupefactionem, & refractionem de quibus in Theorica militari lib. 1. Theor. 7. Quartò corpus occurrens, & transitum inpediens, sicut sudum, solidum, vnitumq; per reflectionem,

de



de qua Ibid. Theor. 5. arena enim verbi gratia reflectendi globum capax non est, sed potius retundendi. Quintò mobilis ipsius compaginatio, figura, & pondus per receptionem, & implantationem impetus pertinaciorem: sunt enim quedam corpora impetui minus apta, sic carta non equè proijci potest, ac lapis: figura verò determinat etiam impetū vt patet in proiectis volutatis, si enim circularem lapidem per planum directā volutatione proijcias in fine cursus efformabit lineam turbinatam. De implantatione, & concentratione impetus egi Theor. 3. lib. 1. atque hæc quinque, mundi ordo, mobilis status, corpus occurrens, spatium, & mouens impetum determinant. Vnde est maxima inter motus animalium, & inanimatorum differentia, animal enim determinatur ab intrinseco ad motum, ab extrinseco autem alia mixta.

Ex quibus probabile fecimus quod quamuis detur grauitas, & leuitas ad vulgi sensum, nihilominus tamen non datur in rigore philosophico quod Democriti placitum erat asserendū.

### PROPOSITIO XLIII.

*Motus localis est entitas permanens, tota simul in natura, & successiua in connotatione, cuius causa productrix est solus impetus.*

**H**IC potius annoto opiniones atomorum doctrinam consequentes quam vt eas fusè persequi velim: pro hac propositionis prima parte, quæ necessariò admitti debet ab his qui atomis patrocinantur.

Obseruo quatuor esse quæ abstrahunt ab omni reali extrinseco, numerum, dimensionem, motum, & durationem; numeri suat merum opus intellectus omnes enim intelligimus in Dei infinitate, quā tamen nihil est simplicius aut magis numeri expers. Dimensiones mathematicæ abstrahunt ab omni spatio reali, intellectus enim in spatijs imaginarijs dimerietur, & deli-

delineabit Archimedis, Pappiq; inuenta. Tempus autem realiter sumptum nihil est aliud quam ipse motus quatenus habet partes priores, & posteriores; formaliter verò duratio abstrahit ab omni motu, cum etiam si quiescant celi, & omnis motus, anima immortalis perdurabit: Motus pariter ab omni spatio abstrahit etiam si enim fieret in vacuo esset successiuus. Ex quibus patet quanta sit analogia inter ista vt diximus princip. 3. spatium est diuisibile in infinitum extrinsecè, & mathematicè vt supra diximus non autem physicè, pariter etiam tempus, & motus. His positis prima pars propositionis

Probatur primò vt se habet spatium reale, ità & motus realis ex princ. 3. sed in spatio reali sunt atomi, ergo & in motu erunt atomi, sed atomi motus non possunt fingi animo quin intelligantur totæ simul, ergo datur motus totus simul, qui tamen erit successiuus in connotatione, seu extrinsecè penes spatiū mathematicū. Sit, exempli gratià, atomus motus  $A\text{---}B$ . atomus spatij  $C\text{---}D$  virtus illa  $AB$  est tota simul, sed defert tamen mobile per spatium  $CD$  successiuè sicuti quispiam orator habet integrum conceptum totum simul, illum tamen successiuè tantum promit, atq; ità illi atomo motus  $A\text{---}B$  respondebit præcisè spatium  $C\text{---}D$  atomus integra, quæ elapsà si impetus magis vigeat pro vna atomo restituet duas aut tres, deinde pro tribus, quatuor vel quinque, dùm tandem fatiscens impetus fecunditatis erit minoris, fit autem illa multiplicatio atomorum aut intensio motus per ordinationem atomorum in eadem parte, vt explicabimus cum de alteratione erit sermo.

Probatur secundò illud non potest existere cuius nulla pars existit, sed motus successiuus intrinsecè nulla pars existit, omnes enim sunt priores, & posteriores, & nulla est præsens, ergo motus successiuus intrinsecè est impossibilis. Scio responderi



ab aduersarijs *fluenter*, sed qui potest capere capiat, pauci enim intelligunt hunc fluxum existentem.

Probat. tertio: si motus est diuisibilis physicè in infinitum tot erunt partes motus tardi quot velocis; at duæ partes velocis coexistunt vni motus tardi, ergo vel ista erit permanens cū existat in duobus temporibus, vel omnes motus sunt æquales aut in velocitate, & tarditate contra experientiam.

Respōdet primò, esse partes motus tardi permanentes *fluenter*; quasi dicerem canem esse rationabilem irrationabiliter, mustum esse humidum sicco modo.

Resp. secundò alij, omnes motus esse æquales in velocitate, differre autem quod in tardis idemtidem mobile quiescat, in velocibus verò pauciores sint pausæ minusq; diurnæ: Contrà, eo enim puncto quo quiescit mobile vel id facit defectu virtutis vel spatij, sed spatiū est vniforme, virtus autem adest, ergo non quiescit, agens enim necessarium omnibus ad agendum requisitis necessariò agit ex p. 13.

Confirmatur tandem propositio Democriti, facilè enim explicantur omnes proprietates motus; primò *successio* in connotatione ad spatiū mathematicum diuisibile in infinitum extrinsecè, ità & motus penes connotatum est diuisibilis in infinitum; secundò *velocitas* explicatur quod plures atomi impetus sint simul in eadem atomo mobilis, vel quod fortior vna adsit aliqua, vtroq; enim modo dici posset, sed multiplicatio atomorum mihi videtur Democrito potius adscribenda, quam specierū tanta varietas in atomis 3. *tarditas*, quod pauciores sint atomi vel maior medij resistentia: *regularitas*, & *irregularitas* sumitur ab extrinseco dirigente, & determinante: *comparabilitas* à spatio mathematico, *contrarietas*, & *subcontrarietas* à termino ad quem &c.

Plures sane hic difficultates tollendę essent, vt I. de generatione

tionem atomorum. 2. de fecunditate, & multiplicatione ipsarum.  
 3. an dentur diuersæ speciei? 4. an possit dari atomus inefficax  
 hoc est quæ non moueat? 5. an possit dari motus vniformiter  
 difformis? 6. an detur quies inter mouendum? 7. de interitu  
 atomorum &c.

R. ad primum generari atomos ab impetu, impetum autem à forma substantiali, quæ est principium motus.

R. ad secundum fecunditatem sequi numerorum naturam, & multiplicari vt hydræ Herculis capita quando intenditur motus, imò omnis generis multiplicationem sequitur hæc fecunditas ita vt non modo per impares numeros, verum etiam per quadratos, & cubos sæpe multiplicetur.

R. ad tertium esse problema, inclinatur ad negatiuam Democritus vt pote inutilem illam specierum multiplicationem censens.

R. ad quartum non posse dari, sed impetum efficacem distinguere ab inefficaci quod impetusefficax producat atomos motus, inefficax verò sit sterilis.

R. ad tertium ad sensum dari posse motum vniformiter difformem non autem strictè loquendo, quia est semper aliquod spatium per quod motus est æqualis, & vniformis idq; necessario atomorum naturam sequitur.

R. ad sextum non dari quietes in motu ob rationem supra allatam.

R. ad septimum interire atomos quod scilicet cursu suo peracto, vel præpedito, detentoq; ita tim fatiscant, neque vltiorem vim à causa productrice obtinuerunt. Essent etiam aliæ plurimæ grauissimæ quæstiones quas fusiùs prosequi nolo nec vacat.

Secunda pars propositionis impetum esse vnicam vim motricem, probatur, quia eâ positâ reliquæ sunt inutiles, Impetu enim



an fit quidquid per grauitatem, leuitatē, vim magneticā alijsq; vocabulis explicat Lycæum, & Academia: frustra enim fit per plura quod potest fieri per pauciora, natura autem nihil facit frustra. Motus ergo est entitas permanens &c. cuius causa productiua est impetus, quod nobis erat propositū cōprobare.

## O B I E C T I O N E S.

*Contra doctrinam Democriti de motu locali.*

## O B I E C T I O I.

*De motu tardissimo, & velocissimo.*

**S**I motus constat atomis, sequitur posse dari motum quo tardior dari nō possit, sit enim vnica atomus, cū nihil minus dari possit sequitur motum fore tardissimum, quamuis adeo velox assignari non possit quin velocior in infinitum detur; sed huiuscemodi tarditatis extremitas videtur absurda cū ex postulato 1. nō detur velocissimus, ergo, & opinio vnde sequitur.


Respondeo hoc argumentum potuisse fieri contra atomos ipsas elementares, illis enim non potest dari corpus minus quamuis in infinitam pene molem possint excrescere ipsa elementa. Sicut arithmetica proportionalitas augeatur in infinitum, sed in infinitum non decrescit. Itaq; dico primò non esse absurdum concedere vltimam motus tarditatem in spatio determinato. Dico secundò idem spatium etiam determinatum posse tardius, ac tardius in infinitum transmitti, suffocatis scilicet atomis motus, antequam sint multum progressæ, & interpolatâ quiete antequam gignatur alia. Sit, verbi gratiâ spatium A B C D quod vna atomus transmittit, quando erit in B suffocabitur fietq; quies, & motû postea fiet alia, quæ pariter opprimetur in C, ac proinde non est difficultas quin hac ratione tarditas possit conciliari, sed cum quies non sit motus,

fit motus, dico posse dari motum tardissimum, vt datur minima quantitas, minimus numerus, & minima proportionalitas arithmetica.

## OBIECTIO II.

*De quietibus, & saltibus, siue transmissione spatorum non transeundo per medium.*

**S**equitur dari actu quietes, & morulas in motibus velocissimis, imò etiam saltus ità vt ab extremitate lineę ad aliam extremitatem feratur mobile non transiens per mediũ; Prob. maior quia cum primæ atomi interierunt, impetus saltem vno instanti eget ad alias substituendas, sicuti cum rana natat vno quidem tractu per 2. palmos feretur, deinde recolligit se impetuq; nouo per alios 2. deuehitur, & sic suum natatum veluti internodijs distinguit; & opus est illam quiescere, quia ea quiete melius veluti innixu se propellit. Quod autem dentur saltus manifestè probatur hoc modo: sit quadratũ AB, quod



complectatur aliud minus quale est CD, producatũ BG ad E & DH ad F secundum rectitudinem laterum, sintq; duę parallelę DF, BE. Intelligatur quadratũ AB circa punctũ G tanquam circa polum volui ad conficiendum iter BE, certum est quod A cadet in I eritq; GA eo in loco vbi GI. at verò eo motu linea HC incumbet li-  
nea



neæ MN. ergo saltu transfiliuit spatium sibi vicinum HM. & eo instanti quo quadratum AB circumuolutum per sua quatuor latera incūbet lineæ LE secundum latus BO, tunc latus DP erit in linea QF. transfilijt ergo spatia HM. NR. SQ. & saltus fecit, alioquin fatendum esset quadratū CD quatuor circumuolutionibus tantundem pene emensum spatij quantum quadratum AB totidem circumuolutionibus, cum ramen latus AG duplum sit lateris CH etiam longitudine, & quadratum CD quatuor suis lateribus deinceps positus faciet tantū lineam DR paulò plus quam medium lineæ BE quæ quatuor quadrati AB lateribus longitudine respondet: ac proinde ex prima ratione constat constitutis atomis sequi quietem, ex secunda verò dari saltus in motu neque motum esse perfectè successiuum etiam in connotatione, siuè penes spatium.

Resp. ad hoc argumentum non esse opus vt virtus motrix habeat aliquid temporis ad atomos intereuntibus substituendas, sed ita prompta est, vt vna aliam sequatur, sicuti cum duo ligna aptantur inuicem non opus est vt detur hiatus intermedius: ad exemplum ranæ cuius natatus bellè explicat naturam atomorum in motu; Resp. negando paritatem, ratio est quia rana determinatur ab intrinseco fatigatq; organa motus, lapis verò non fatigatur, & ab extrinseco determinatur.

Ad secundam partem argumenti quæ intendit probare motum non esse successiuum etiam penes connotatum, respōdebo postquam explicuero naturam motus circularis secundū quem supponit aduersarius volutari quadratum, quod in circumuolutionibus facit circulum, cuius diameter eadem est ac quadrati nempè GO. vt manifestum est cum puncta diametro quadrati respondentia in volutatione faciant arcus, & pariter etiā singula laterū puncta circulos describunt, dū voluntur supra lineā BE vel DF. sit itaq;


Q

Pro-

## PROPOSITIO XLIV.

*Circularis motus in volutatione tripliciter fertur, motu scilicet progressiuo, motu regressiuo, & circa centrum, maior autem est retrocessio in maiori circulo quàm in minori.*

**I** Vre merito Aristoteles in mechanicarum quæstionum principio omnium pene artium miracula ab circuli motu oriri pronuntiauit, & re vera, inquit, rationi id consentaneum est ex admirabili enim mirandum accidere quidpiam non est absurdum, maximè verò admiratione dignum est simul contraria fieri. Circulus verò ex huiusmodi contrarietatibus genitus est, nam prima eius origo est ab immoto, & commoto simul, nempe lineà quæ circa vnum sui extremum immotum voluatur: at quid quiescente, & motomagis est contrarium? præterea lineæ quæ circum ambit nullius latitudinis concaua tamen est, & conuexa &c. Contrarietas præterea ista reperitur in circulo quòd ad exteriorem simul, & posteriorem partē feratur. Sit



circulus AB qui à puncto C ferri debeat per lineam CD motu incipiente à puncto C. cum diameter B fertur ad partes E tunc C punctum vicinius ipsi D retrocedit versus A. punctū autem E ac-

cedit ad D ergo partes quædam circuli retrocedunt, alię verò progrediuntur; sunt itaq; tres motus in circulo volutato progressiuus ad D, regressiuus ad A & circa centrum O.

Secunda




Secunda pars propositionis difficilior est quam hæc prima, retrocessionem scilicet in maiori circulo esse maiorem quam in minori; retractio tamen ad centrum maior est in minori circulo quam in maiori.

Retrocessio enim in minori circulo nunquam excedit diametrum  $QE$ , in maiori verò, erit per totam diametrum  $BA$  punctum enim  $B$  regredietur in  $A$  & punctum  $Q$  in  $E$ , excepto illo quod in progressivo motu circuli acquirunt lineæ  $CD$ , nunc enim comparantur ipsæ circuli motiones quæ circa centrum sunt, certum enim est quod circulo adunatè considerato punctum  $B$  in motu volutionis semper accedet ad  $D$  sed respectivè ad alias partes circuli retrocedit.

Magis tamen in motu circa centrum coercet se minor circulus quam maior, punctum enim  $Q$  est vicinius quiescenti  $O$  quam punctum  $B$ . ducatur enim recta  $OG$ , & ex puncto  $H$  intersectione circuli minoris, & rectæ ductæ excitetur perpendicularis in  $I$  & item à puncto  $H$  ducatur  $HL$  parallela ipsi  $IA$ , & à puncto  $L$  excitetur item perpendicularis  $LN$  fietq; parallelogrammum  $HILM$ . iam itaque sic argumentor. A motum in  $L$  tantum confecit spatij secundum naturam quam  $E$  motum in  $H$ , utrobique enim perpendicularibus æqualibus  $ML$ ,  $IH$ , hoc spatium metimur, omnia autem perpendicularibus sunt dimetienda, dum tamen punctum  $A$  motum est in  $L$  retractum est ad centrū per sinum versum  $AM$ ; dum autem  $E$  latum est in  $H$  retractum est ad centrum per sinum etiam versum  $EL$ . atqui  $EL$  maior est quam  $AM$ . quia ex 33. 6. æquales rectæ ex circulis inæqualibus auferunt segmenta inæqualia, maiusq; est segmentum quod à minori circulo quam quod à maiori auferitur. Sed sinus rectus  $IH$  est æqualis sinui recto  $ML$ , & maior est circulus  $AB$  quam  $EQ$  ergo minorem auferit par-

tem LM quam HI. Retractio itaq; ad centrum maior est in minori circulo quam in maiori mensurantur enim per sinus verfos AM, EI. Circularis ergo motus in volutatione &c. quod erat demonstrandum.

Ex his nunc respondeo difficultati supra positæ de saltibus quadrati minoris, pro quo resumamus si placet schema supra positum quadrata AB, CD,



parallelasq; DF, BE, mouentur ista duo conclusa quadrata circa polum G non autem solum circa centrum K, quare hic est complicatus motus septem circulorum quorum duo sunt circumscripti quadratis AB, CD eorumq; semicirculos vides descriptos à centro K: OBG scilicet, & PDH, alij verò quinq; circuli communtur à centro G penes semidiametros GO, GH, GP, GA, GC, cadentes in puncta T, V, Z, à minori quadrato, & IX à maiori, cum ergo A fertur per arcum AI, tunc punctum C fertur per arcum CT motuq; illo naturali subdeficit per lineam TN. cum enim A est in I tunc C reperitur in N. ac proinde deberet sensibilibus etiam lacerari frangi; quadratum, vel saltum facere, cum adeo sit magna deficientia qualem notat lineola



neola  $TN$ , ac proinde si tantum aduerteretur ad motum maiorum circulorum quæ describuntur à puncto  $G$  certè aduersarij argumentum conuinceret, sed manifestus est paralogismus quod omiserit aliorum circulorum considerationem, primò quidem nemo non videt quam ineptè dixerit saltum primum esse  $HM$ , etsi enim ibi non quiescat transgreditur tamen totum illud spatium secundum circulares  $CT$ ,  $HZ$ . deficit autem  $Z$  à verò puncto quietis  $M$  vt punctum  $T$  à verò puncto quietis  $N$ . Equidem miraculo proximum est quomodo deinde restitui possit, & qua via linea  $HC$  deinde occupet locum  $MN$ , cùm  $GA$  occupat locum  $GI$ , quia scilicet in motu secundario quem intelligimus fieri secundum circulos à centro polygonorum  $K$  descriptos (iste enim motus est volutationis) punctum  $G$  retrocedere intelligitur in  $B$ , ac proinde cùm absit magis à directione lineæ  $GE$  eiusq; distantia sit perpendicularis  $Yq$ . hoc est sinus versus qui duplus est potentia sinui verso  $F2$ , per 2. 12. quæ est aberratio puncti  $H$  delati circa centrum  $K$ , manifestè sequitur quadratum minus duplum sinus versi in progressu per arcus  $CT$  super lucrari, vnde æquantur postea in situ secundum suas lineas, quia ob inmixtam retractionem circulorum circa  $K$  descriptorum plus maior circulus aberrat, vnde & minor compensat hac occasione defectum in volutatione circa circulos descriptos à centro  $G$ . Hæc est demonstratio refellens satis superius argumentum quod ingeniosius est aliquanto quam validum. Aristoteles in mechanicis q. 24. quærit cur maior circulus æqualem minori circumuoluitur lineam quādo circa idē cētrum fuerint positi, scōi sum autem reuoluti quemadmodum alterius magnitudo ad magnitudinem se habet alterius, sic & illorum adinuicem fiunt lineæ causamq; reddit quia vnus est vtriusq; motus, sunt enim alligati: sed meo iudicio non satis-

facit problemati difficillimo, ad quod explicandum debuisset distinguere motum in circulis duobus quintuplicem, primò est motus raptus quem patitur minor, secundò est motus centrorum aut axis vtrumq; circulum vincientis, 3. est motus subdeficientiæ, 4. motus retrocessionis in minori, 5. autem motus intercalarium momentorum, qui motus omnes ab admirandis circuli proprietatibus oriuntur. Cœterum breuissimè hanc demonstrationem, vt etiam superiorem constrinxi quia scio paucos abstrusorum mathematicæ mysteriorum esse intelligentes; nunc ab his linearum circulorumq; labyrinthis commodum elapsi vnâ de multis grauissimam præterea obiectionem diluere tentemus.

### OBIECTIO III.

#### *De successione motus.*

**N**on potest negari perfecta successio in motu, quia si datur successio penes connotatum, accipiam cultrum calamarium motuq; continuato cartam secabo, vnde sic arguo, soluuntur vniones atomorum cōtinuè successiuè, ergo datur perfecta diuisibilitas continuata, ergo & perfecta successio in motu, ac proinde motus est diuisibilis physicè in infinitū, eo enim modo diuidetur carta quo modo mouetur culter.

Respondeo ad hoc argumentum motum quidem esse successiuum extrinsecè non autem intrinsecè. Ad instantiam Respondeo vnionem duas atomos iungentem solui totam simul, & cultrum deinde per diuisas pergere ad sequentes duas vnitas, quas pariter diuidit totas simul, peritq; vnio, iterumq; per vultus victor culter transit, sicq; solutis omnibus vnionibus continuè discretè, fit etiam motus continuè successiuus penes connotatum; Ratio cur ita respondeam est quia non potest sub minori paruitate vnio consistere, vnde labefactato suo spatio,

aut



aut ultra modum compresso statim perit.

Responderent alij negando vnionem omnem in continuo soluiq; ea diuisione dicerent contiguitatem conlocatam, sed ego qui modis exitum non fanciui, primâ responsione difficultati satisfacio. Hæc pauca de motu sufficiant, cætera meliori otio reseruantur.

## CAPVT SECVNDVM:

### De rarefactione, & condensatione iuxta Democritum.

**H**ic porrò cæcutiunt pene omnes densissimisq; tenebris inuoluuntur qui aliò quàm ad Democritum digressi de rarefactione, & condensatione secūdū Stoæ principia disputant.

#### PROPOSITIO XLV.

*Rerum quotidianus vsus rarefactionis, & condensationis naturam ostendit.*

**Q**uotiescunque corpora compacta comminuuntur in puluerem si illum manu attollas, & per aerem deicias etiam vnum tantum pugillum, videbis statim pulueris nubeculam, & id quod manu complexus es vlnarum amplexum longè superare: recidens tamen huiusmodi puluis cartà paruulâ excipietur, & quod adeò amplum occupauit spatium in angustos limites cogetur, obtegūtur huiusmodi pulueris nulis equites, cum agglomerari per siccas vias currunt vnde Poeta.

*It nubes inter sompes, neque fulmina Caesar*

*Inuidet irato; sola tellure repulsâ*

*Agglomerat nubes, quales Neptunia Thetis*

*Excisas Phæbi radijs submittit olympo.*

Reuera nullam hic Poeta differentiam facit inter nubes à pul-  
nere petitas, & nubes ab aqua excisas nisi quod istæ sint aquæ  
illæ verò terreæ: quis enim hac imagine nubium quam pulvis  
dispersus facit sibi non faciliè persuadeat etiam in minimas par-  
ticulas dispersam aquam, ità in vapores attolli? Iride appa-  
rente nulla dubio procul est pluuia densa, sed solum nubes est  
rorida quæ in guttas minores conglomeratur; accipe aquam  
in ore eamq; ad solis radios cubiculum tuum subeuntes auerso  
soli tergo disperge flatu violento compressisq; labijs, videbis  
in aere nubem roridam à te factam, & nullius Deæ commer-  
cio genitam Iridem. Cum eleuātur ab aquis vapores guttulas  
tenuēs eleuari par est credere, quæ deinde alijs iunctæ con-  
crescunt deciduntq;: optimè verò lib 7. philosophatus est Vir-  
gilius vnoq; spumarū vocabulo arcanū philosophicū aperuit.

*furit intus aquæ vis*

*Fumidus atque altè spumis exuberat amnis,*

*Nec iam se capit unda, volat vapor ater ad auras.*

Ecce primū ad rarefactionem gradum, commotio, quam fu-  
rore explicat, spumam deinde fumido amni dat; Est autem  
spuma sinuata in tenuē veluti superficiem aqua, quæ aere ple-  
na est: quod spumarum vocabulum meo iudicio optimè rem  
nostram explicat, si quidem inuisibiles spumæ ab sole eleuan-  
tur, globataeq; aeris atomi ab aqua expansa, calore  
solis aspirante circumstringuntur, & ob eam quam habent  
affinitatem aeris, & aquæ portiones sursum attolluntur, vsq;  
dum in eo suspendantur loco quem perpetuum haberent, nisi  
facto diuortio aqua ad suum locum recideret calore fatiscēte:  
quapropter vapores omnes subtilissimas esse spumas existimo  
quæ ob frigus deinde, complexum destituentes aerem, quòd in  
alia temperie aliter in loco esse postulent, vt dixi principio 14.  
adunatæ in guttas stillasq; in rorem pluuiamq; decidūt. Hunc  
primò



primò hausi conceptum cum præcipites torrentium per alpiũ prærupta saltus admiratus essem, vidissemq; quã vestigal ab equitibus exigitur in Sangothardicis alpibus ad solem matutinum, & meridianum, his enim temporibus illac tertio iter facere contigit, perpetuam apparere Iridem quod ab aquæ lapsu dispersa aqua in guttulas effusamq; spumã vndiquaq; cieretur


De fumi etiam natura nõ aliter philosophandum esse duxi dissoluuntur enim atomi, & in huiusmodi halitus diffunduntur separationem integram à se inuicem tot deuiationibus per aera quærentes, mixtus enim aeri aquæ, & terræ ignis neque satis commixtus habet vim disperfuam, vnde si pugillus pulueris, cinerumq; vncia commota, totum cubiculum opplet, si aquæ ciathus vaporibus ingentes cados obscurat, quis dubitabit idem igni disperso contingere? pulueris itaq; spumarum, nubiumq; roridarum exemplis optimè ad rarefactionis naturæ notitiam deueniri potest, quod erat ostendendum.

### PROPOSITIO XLVI.

*Unica atomus sine rarefactione, sine inflatione aut reproductione potest naturaliter occupare maiore, & maiore locum in infinitum.*



**A**Tomus est omnis figuræ capax, ergo occupare potest maiorem, & maiorem locum in infinitum: cum enim figure regulares in isoperimetris sint magis collectæ minoremq; locũ occupent, sequitur quod quo irregularior erit figura eo maiore occupabit locum, at non potest dari, ita irregularis, quin magis irregularis esse possit, ergo etiã maioris loci capax. Ducatur enim duæ parallelæ  $AF$ ,  $CG$  in infinitum, construanturq; quadratum  $AD$ , & ductis à punctis  $C$ , &  $D$  parallelis  $CE$ ,  $DF$  constructũ erit parallelogrammũ  $CEFD$ . Intelligitur autem quadratum  $AD$  esse atomum, cum ergo parallelogramma super eadem basi, & in eisdem parallelis constituta

stituta sint equalia ex 35. i. sequitur quod parallelogrammum



CHEFD æquale est parallelogrammo AB DC. quod ita clarum est, vt quiuis mathematicarū ignarus hanc demōstrationem palpare

possit: triangulum enim AEC æquale est triangulo BDF per 4. i. est enim laterum equalium, dempto ergo communi vtriq; triangulo BHE remanent trapezia ACHB, & HDFE equalia, ex equalibus enim equalia si demas quæ remanent sunt æqualia, vtriq; autem trapezio additur commune triangulum CDH: ergo parallelogramma AD, CF sunt equalia. Sed maior est extensio CF quam AD, & quo longius ducentur parallele CG, AF seruatis iisdem basibus AB, CD semper eo magis extendetur parallelogrammum, nam EF est equalis AB, at EC quinquies, & sexies ferè superat latus BD, ac proinde vna atomus cubica minus spatij occupabit quam eadem in parallelepipedum expansa, solidas enim figuras per planas dimetiuntur mathematici, quod autē maior sit locus occupatus à parallelogrammo CF,



quam ab AD manifestum est, locus enim est superficies corporis



poris ambientis, atqui maior est ambitus parallelogrammi CF quam AD ergo, & maior locus, quod ut videas ad oculum affero sequens schema: Aequalis est peripheria figure parallelogramme AC, atq; figure quadratę EF, quamuis EF quatuor constet partibus ex his quarum BD habet tantum tres, ex quo ingeniosâ nequitiâ quispiam vicino suo imposuit, cui erat ager quadratus qualis EF, ipse verò habebat qualis est BD, persuasusq; antiquæ simplicitatis vir ut commutaret agrum ratus æqualis esse areæ quod æqualis vtriusq; esset peripheria, inuenit in experimēto minus fecundum BD quam esset suus primus EF, & sterilitatem imaginariam in terræ angustias nunquam reiecit, neq; enim figure rationes nouerat, quod si hoc ita se habet quanto maioris peripherię esset BD si diuideretur per rectam intermediam à puncto I ad punctum G, & ita applicarentur in longum, duo parallelogramma IA, IB. excederet tunc figura DB in sua peripheria quadratū EF quod tamen maius est in area.

At in his nulla est rarefactio, nulla reproductio, vel admixtio alieni corporis, ergo vnica atomus sine rarefactione &c. potest occupare maiorem, & maiorem locum in infinitum quod erat demonstrandum.

Dices ergo definitio rarefactionis non est bona cum sine rarefactione maior acquiratur extensio, aut occupatio maioris loci. Respondeo nō acquiri adæquate maiorem extensionem secundum omnes dimensiones, debet enim huiusmodi incrementum lineis perpendicularibus censerî, quæ in parallelogrammo AD sunt AC, AB at verò in parallelogrammo CF quæ exiguę sunt, tūm quæ excitabitur in basi CD ut DH, tūm quæ in linea DF à puncto verbi gratia G. vnde cum oblique lineę cum perpendicularium detrimento crescant, non est quod ita censeatur adæquata extensio quæ in

corpo,

corporibus solidis, cuiusmodi sunt ea quæ rarefiunt, debet sumi penes tres dimensiones longitudinem, latitudinem, & profunditatem: præterea est occupatio maioris loci extrinseci non autem intrinseci, utrobique enim par est area sub inequalibus terminis atque ita intelligendum est 1. 1. principium ab Euclidis tractatu de leui, & ponderoso acceptum.

### PROPOSITIO XLVII.

*Quamvis admitti debeat aliqua in natura rarefactio improprie dicta, nulla tamen datur propria, & legitima: siue omnis rarefactio sit per intrusionem atomorum, condensatio per extrusionem.*

**S** Vppositis his principijs non dari vacuum, non dari penetrationem corporum etiam inadæquatam, non dari reproductionem annihilationemque; naturæ viribus, & præterea quæ ad hanc materiam spectant adducta disp. initio principia: Sed potissimum propositione 44. quæ exemplis confirmat, quod hinc ratione sumus stabilituri

Certum est primò dari aliquam rarefactionem in natura cum fumus, vapores, nubes, ebullitio cacabi, aliaque innumera eam adstruant: sed quomodo fiat non consentio cum peripateticis, eamque fieri dico per admixtionem alieni corporis ut explicui definit. 7.

Certum est secundò rarefactionem proprie dictam esse eam quam corpus nullo alio sibi admixto maiorem locum occupat unicam sui substantiam, & quantitate, sic cubus palmaris cereæ fiet bipalmaris cubus cereæ puræ, & hoc fieri non posse contendendo in mea propositione quæ

Probatum primò quidquid existit determinatos habet extensionis limites ultra quos non potest porrigi, infra quos non potest adigi, ergo non datur rarefactio neque condensatio proprie dicta consequens est certa, maior sequitur ex hoc principio modus existendi sequitur modum essendi.

Pro-



Probatur secundò: vel inter primam atomum, & secundam intermediat aliquid vel nihil, si nihil, ergo datur vacuum in rarefactione, si intermediat aliquid, ergo erit corpus exoticum, siue minimum illac illapsum; quod si rarefactæ duæ atomi A, B, dicantur se se tangere mutuo neque quidquam intermediare, sed cum essent ambæ vnius grani occupant nunc locum duorum granorum sic argumentabor; non potest dilatari materia ab accidente, ergo nullus calor poterit, atomum dilatare.

Probatur Primò antecedens, accidens educitur è subiecto, ergo supponit subiectum in suo esse etiã extenso, nam ad subiectam actionem requiritur extensio; si itaq; calor sequitur necessariò rationem existēdi atomorum quo modo potest atomos dilatare? in illo enim priori existētiē intelligitur atomus cui superueniunt variij caloris gradus, aut ordines atomorū accidentaliū, ergo cum quidquid recipitur per modum recipientis recipiatur, sequitur quod isti omnes gradus sequantur modum existēdi atomi quem habebat ante illorum receptionem, atqui vt sic non erat rarefacta, ergo neque postmodum rare fiet propriè loquendo; facient autem intrusa inter atomos aeris ignisue coopuscula, vt dispergantur ac proinde maiorem locū videantur occupare. Hæ duæ rationes sunt apriori.

Probatur tertiò à posteriori experientijs scilicet, quibus adducor vt ita argumenter. Nulla datur cōdensatio, ergo neque rarefactio consequens est ex princ. 16. Probatur primò antecedens experimentis. Primò si peluim aqua plenam aeri hiemali obijcias glaciabitur aqua, eā tamen lege vt quamuis ad limbos peluisq; oras depressior glacies, quam aqua fuerat, videatur, tamen in medio videbis assurgere, & quasi gibbam, ergo reparat eā mole dispendia depressionis in littoribus, ac proinde condensata non est, cum tantumdem spatij occupet quamuis in situ diuerso; ratio autem huius cōglomerationis est quia

conuoluta in globum aqua plus resistit, est enim profundior, ac proinde vt se ab externa vi rueatur ita recolligit se se, vt etiam leges æquijacentiæ sibi adeo natiuas violet, alia deinde coniecturà adducor, vt negem aquam glaciata[m] esse densiorem fluidà, quia scilicet glacies supernatat, atqui videretur ex ratione frigoris constipata magis debere fundum petere, nō itaq; condensatura aqua; sed supernatat quia subtilior aqua subsidentibus in fundo terreis partibus quæ multum plerumq; afferunt ponderis, & aere in transfugarum locum accito, fit, vt minus ponderet glacies, quod autem in glacie includatur aer videbis si luci oppositam intuearis, tota enim est ampullis distincta. Nix præterea quæ aqua est congelata ampliorem locum occupat quam liquata, quia scilicet immixtæ sunt plurimæ aeris atomi quæ ita delicatam, & veluti concameratam niuis structuram implent, de grandine idem esto iudicium. Tertiò colliquata metalla non plus occupant loci, quam solida concretaue, quod patet in arte fusoria, exprimuntur enim minutissimi in sabulo pili, quod fieri non posset si condensatio daretur, perirent enim minutæ lineæ, neque illas metallum referret concretum: at liquefactio rarefactioni est affinis, concretio condensationi, cum itaq; neutrum contingat signum est neutram dari.

Equidem aduersarij non possunt tueri se, aut argumentis satisfacere, vel aliquid intelligibile proferre, quin in absurda incidant, concedantq; vel vacuum, vel penetrationem partiū, aut aliquid aliud monstruosius,

Democritus verò rarefactionem per intrusionem copusculorum, cōdensationem verò per extrusionem fieri pronuntiat, quæ rarefactio est improprie dicta, & mille quotidianis exemplis patet. Sed enim peripateticorum nunc fundamenta videamus, quæ eo fortiora vulgò existimantur quod experientijs consent.



## OBIECTIO

*De multiplici experientia quâ videtur concludi rarefactio,  
& condensatio.*

**P**rima. Cucurbitulę medicę quibus aer inclusus igne extincto ad minorem locum coactus attrahit carnem spiritusq; hominis, cum tamen si non daretur vera condensatio facilius esset existentes in cucurbitula partes detinere, quoniam enim abeunt illa corpuscula, quę cucurbitulam replebant?

Secunda. Vaporum, fumi, flammęq; adeo visibilis a coreti o est, vt etiam granum pulueris tormentarij in sphæram adeò sui multiplicem porrigatur, vt dictum est cap. 3. disput. 1.

Tertia. Vasa obsignata igni applicata franguntur, non ob signata verò perdurant quia scilicet ob rarefactionem, quę calorem sequitur his claustris coerceri non potest, vel aer, vel aqua, at verò amoto operculo euaporatur.

Quarta est condensatio aeris in pilam lusoriam vi intrusi, quod autem densus reddatur aer probatur facili negotio quia quo plus ingeritur, vtrius eo est grauior: deinde accipit inquit Galilæus G. lagenam vitream satis amplam, cui os obturauit diligenter præterquam quod inferni digitale coriaceum cui iuncta erat strictissimè vtrius lusorij animula, quâ deinde, instrumento ad id apto maximam aeris quantitatem intrusi, & quia facilè condensatur, duæ aut tres aeris lagenæ intrudentur, præter eum aerem quo primum plena erat.

Hoc vtitur experimento ad inuestigandam aeris grauitatem ità enim congestus aer ponderosiores fatit lagenam, & aperto aditu subleuatur pondus: sed enim sicuti à se factum, ait, pro aeris pondere experimentum illud pro condensatione accipio, nam indicat experiendi medium vt possimus scire quantum etiam aeris intrusum est præter priorem qui inerat.

Igitur

Igitur vt ostendat aerem esse condensatum, & vt inuestiget quantum aeris præter solitum adsit, alligat lagenam alteram primæ, quæ in fundo ita aptè perforata sit, vt aditus possit commodè aperiri itaq; firmè iuncto hoc vase cum superiori, datoq; aeri condensato in subiectam aqua plenam aditu, tantum effluet aquæ, quantum aeris violenter congestum erat, & condensatum, apparebitq; hæc experienciâ quænam aeris quantitas in lagena præter primum aderat; quantitas enim aquæ expulsa æqualis est moli aeris quæ in lagenam intrusa erat.

Quinta experientia condensationis est ista. Præparetur lagena vitrea cum animula vtrius, vt superius dictum est, & violenter intrudatur aqua absq; aeris exitu, qui vt irruenti aquæ locum det necessario debet comprimi, & sanè poterit etiam plusquam dimidium aquæ in sufflari in lagenam, quod autem maior sit aeris quantitas quam vt liberè medium lagenæ occupet, probatur, quia si exactè ponderetur cum arenæ granulis leuior est, cum locus datus est aeri quàm dum compressus erat ille aer.

Hæc sunt præcipua experimenta, nam quod de vase obijcitur cineribus pleno, quod tantumdem pene aquæ sit capax quam vacuum, de nummis in scyplum iniectis qui plenum omnino illibatumq; nullo effuso liquore magna quantitate demissi seruant, ita vt aliquando miserim in exiguum satis ciathum quantum fieri poterat aquâ cumulatissimum, nummos aureos philippicos, quos vulgo *duplas* vocant 45. nullo effluente liquore, flectitur enim conuexaq; sit in vitri limbis aqua, quam si vel accicula tangas, facîle per madium, & veluti signatum iter decidet: Quæ inquam, huiusmodi vulgò afferuntur experimenta difficultate carent, ideoq; operæ pretium non est in ijs immorari.



Ad soluendas verò difficultates, suppono primò, corpus humanum summopere esse porosum, experimento est, & coniecturæ sudor, furfures aliaque transpirationes innumera de quibus libello singulari egit in statica medica Sanctorius à Sāctorio.

Suppono secundò inter ea quæ tractamus corpora vix inueniri minus porosum quam sit vitrum, ratio est quia frequentiori fusione ità depuratum est, sicq; partes partibus hærent ob viscositatem, vt sint valde constipati contortiq; huiuscemodi pori vnde etiam difficilis est, cuius etiam subtilissimo corpori exitus.

Suppono tertio, maximum visibile cetera obruere, & cum plures colores minutim permixti sunt, resultare vnā speciem neutram quæ de vtroq; tamē extremo participat, sic magnum lumen minores luces absorbet, & diuersi coloris arenuæ mixtæ vnicum intermedium confusumq; repræsentant leucopheumplerunq; qui de albo nigro, & intermedijs coloribus participat.

Suppono quartò quod satis in hac materia inculcari nō potest principium 15. corpora enim pro varia sui contemperatione aliter exigunt esse in loco, & quidquid tandem molitionum sit inter accidentia, illud porò secundum naturæ præcipuam designationem tendit ad generationem quæ si non consequatur datur tamen quædam competio, quæ illam intendit inchoare.

Suppono quintò ità esse immixtum vaporibus, exhalationibus, alijsq; corpusculis aerem, vt ne spirantes quidem possimus ab huiuscemodi impurorum attractiones satis cauere, id primò ad solis radios satis videtur, palpatur nebulis terram obruentibus, & tandem manifestè crepusculorum doctrinā conuincitur, crepuscula enim idè fiunt, quod vaporibus alijsque

crassioribus fumis immixtus aer solis radios refringat, vnde, & sol cum est sub horizonte, supra conspicitur, sicuti argenteum nummum in pelui repositum sex passuum distantia non videbis adiecta verò in peluim aqua, videbis: idem pariter refractionis arcanum in crepusculis agnoscunt docti omnes.

Respondeo ad primam obiectionem negando comprimi aerem in cucurbitulis medicis, si enim condensaretur præcisè aer cur etiam applicatè ligno cucurbitula illud non ducllunt cum naturæ tantus sit vacui horror? causa itaq; huiuscemodi attractionis est quia commoti spiritus ignei qua possunt irruunt, abeuntq; vnde natura facili negotio succedente carne locum replet: quo fit vt etiam ad illam tractionem humores confluant: neque me de via quâ abeunt roges, sunt. n. tam lati humani pori, adeo subtiles ignei spiritus, vt ab alijs corporibus secreti quauis facillimè penetrent euadantq; etiam per poros strictissimos, & multò difficilius est igneos spiritus detinere quam mollissimam carnè vellicare quare natura quæ semper faciliori viâ sua facit, carnem trahit, dimittit spiritus: at si applies cucurbitulam ligno nihil attrahet, quia facilius est detinere spiritus igneos aliquantis per quàm lignum trahere.

Ad secundâ fumi, vaporis, ignis, grani pulueris tormentarij nihil noui dictum volo quam quod proposit. 44. supposit. 4. & princip. 15. adduxi, ista enim tantum abest vt aduersarium iuvent, quin potius pro me faciunt, præsertim si suppositionem etiam tertiam ab opticorum principijs petitam illis experimentis ad aptes, est enim huic experientiarum ordini consecrata. Vide disp. I. c. 3.

Ad tertiam, quod vasa obsignata frangantur applicita igni facile respondeo ex princip. 15. si quidem id quod inclusum est corpus calore adueniente stimulatur ad mixtionem, & generationem ambit, vnde, & suas partes vult hinc, & inde ad aliarum



aliarum vnionem quærendam dispergi, eius autem, quod hiant est ore vasis, corpuscula facile auolant, & suæ libertati relicta stimulos caloris nullo negotio sequuntur.

Quarta, & quinta experientia eiusdem omnino sunt generis quibus satisfacio per suppositionem quintam, fit enim vt intrudantur vapores aliaq; corpuscula loco aeris qui insensibiliter difflatur, neque verò quidquam experimenti à se facti audeat depromere aduersarius, sed tantum modum illius explorationis ingeniosum indicat, quod facere sæpius tentavi neque quidquam ex his potui deprehendere, imo, etiam lagenam, capacissimam omni ope aere infercij, deinde magna vi aquam immisi, & referato orificio appositoq; tenuissimo filo accenso explorabam num saltem ab erumpente violenter aere fluitaret flamma, sed omnia manserunt æquè imperceptibilia atq; si suo aere primo plenam reliquisssem: quod autem ponderosior fiat, id propter corpuscula, & vapores continget.

Imo ab his experientijs, & præcipuè ab ea vacui fuga, quæ apud omnes decantata est, cõtendo nullam dari rarefactionem neque condensationem.

Si enim datur rarefactio, & condensatio equidem nihil facilius est quam hæc duo, nullo enim negotio ad aliarum rerum exporrectionem, & amplitudinem stringitur aer, nullo negotio dilatatur, ad quid ergo siphonibus tubisq; tractorijs eleuabitur aqua ad vlnas 18. (nam vacui fugæ nihil plus in artefactis potest siue angustus siue latus aquæ cylindrus) potest enim aer rare fieri aqua statim cõdensari vnoq; aeris halitu siphonem subeunte totus oppleri siphonibusq;, facilius enim est aeri rare fieri quam aquæ ascendere cum tot machinis illud ars molliatur, illud verò ad fumi, vaporum, motuumq; quorū cuius arbitrium fiat, si ergo datur fuga vacui sequitur non dari rarefactionem neque condensationem, quam quidem popularem, &

impropriam, hoc est ex aliorum corpusculorum admixtione admittimus, propriam autem, & strictè dictam qualem admittunt vulgò omnes Aristotelis Sectatores dari non posse probare sumus conati, quod Democrito placuerat in propositione nobis imperare.

## CAPVT TERTIVM.

De alteratione, intensiōe, & remissione qualitatum iuxta Democritum.



Voniam à vadis, & scopulis iam nostra euasit philosophia facillimus nobis reliquus cursus ostenditur, totum itaq; hoc caput vnica propositione expedito, modum enim agendi atomorum superius attigi prop. 33. & 34. & est apud Aristotelem lib. 1. de gen. r. 56. 57. apud Danielem sennertum quem superius laudaui.

### PROPOSITIO XLVIII.

*Potissima corporum alteratio fit per meatus insensibiles, intensio per ordinem, & positionem multiplicem atomorum, remissio per solutionem ordinis.*

**P**Rimam propositionis partē probauimus propof. 33. disp. 2. Secunda pars quod intensio per ordinationem atomorū fiat probatur. Omnia constant ex atomis, tūm accidentia corporea, tūm etiam substantiæ, nam de spiritualibus non disputo, atqui intensio fit cum in eadem parte subiecti sunt plures gradus qualitatis, ergo tunc subiectum intensiorem habet qualitatem cū plures subiectat atomos: Sit in atomo aque A atomus vna frigoris, in atomo B frigidiori erunt duæ aut tres huius accidentis a tomi indiuisibiles, tūm secundum intensio-

nem,



nem, tùm secundum extensionem: quàm autem multiplex sit huiusmodi ordo eâ assequi licet coniecturâ quæ ad paruitatem atomorum suspicandam nos deduxit, si enim aer noster impurus se habet in pondere ad aquam vt 10000 ad vnum, quanta erit proportio igneæ atomi viuide cū atomo aerea cui insita erit vnica caloris atomus, ea fortè quæ 1000000 ad 1.

Ex hac philosophia facilè explicamus quomodo intendantur propagentur, & finiant sphæræ actiuitatis, dùm eâ proportionem decrescunt vt vltima tandem quæ vnica est atomus in extrema sphæræ circumscriptione sit sterilis, aliæ autem quæ multæ sunt in eodem subiecto fecundæ sint, & parem numerum vnitate exceptâ generent in proximo sibi subiecto. Sint enim consequentes atomi substantiales A, B, C, D, E. Sitq; A quinq; atomorum ordinatione calidum, procreabit in B 4. atomos, B autem degenerans educet tres ex C, C autè duas parturiet in D, quæ penultima sphæræ atomus cælibem vnâ atomum eamq; infecundam generabit in E, vbi sphæræ actiuitatis nouissimus erit terminus, nō est tamen quod hæc regula exactè seruetur, sed paucis multa complector mysteria, dùm dico sphæræ actiuitatis radios propagari vt angulos pyramidū quarum basis in agente sit, apex in sphæræ termino sicut ergo modò claudūtur angustis spatijs lineæ, modò post grandē hiatum breui coeunt vt sit in obtusis angulis, modò latè funduntur vt sit in acutissimis angulis, qui ab exigua sui origine modicæq; basi lineas propagant longissimè, pari etiam proportionem spheram actiuitatis vario ordine, multipliciq; dispositione vniformiter difformiter ad sensum produci est existimandū: Refractionibus autem reflectionibusq; varia contingunt quæ ex his possumus etiam explicare, nam Democritus ad omnes omnino difficultates principia ponit, videturq; vt ait Aristoteles, omnia curasse.

Tertia pars sequitur manifestè ex secunda perit enim vna caloris atomus diuersusq; manet ordo, quippe qui totam immutat spheram actiuitatis: si pereat in eius centro, seu fontè, & in particulari suo subiecto aliam facit dispositionem quæ numeris alijs efferrì debet.

Vnum superest argumentum Hippocratis lib. de natura humana, quod fusè deducit Galenus lib. 1. de elementis cap. 2. vbi ostendit ex atomorum admissa doctrina sequi impossibilem alterationem dolorem præsertim. Sed concludit tantum ex hypothese contra eos qui vnicum admittunt elementum, aut atomos vnus tantum rationis, *quare (inquit) nequaquam sumus ex vna simplici vniuniformiq; substantia constituti: quod concedit Democritus cum elementa dari tria præter aerem existimet, vt patet ex Aristotele citato in synopsi doctrinæ Democriticæ, deinde sensus non fit nisi ex atomis secundarijs, quod dico vt diluam quæ subdit Galenus eodem in loco.*

Quæres primò cur densitas subiecti inuuet actionem.

Resp. quia magis vniuntur atomi firq; ordo firmior collectiorq; neque ità à centro vigoris distant partes, virtus autem vnita fortior: densitas verò non agit, quia non intendit assimilare sibi passum hoc est facere illud densum, verus autem agentium character est assimilatio.

Quæres secundo an quatuor atomi caloris in atomo A possint producere totidem in atomo B.

Resp. non posse immediatè sed tantum mediante forma substantiali quam ad vltimum intensiõis complementum stimulant.

Quæres tertio an atomi omnes caloris sint eiusdem speciej?

Resp. esse, neque enim vlla ratio cogit hanc inutilem multiplicationem specierum admittere.

Quæres quarto an in atomo quæ octo, verbi gratià, caloris gradus



gradus habet, sit quidam primus ratione aliquà, vt situ, prioritate, dignitate &c.

Respondeo posse esse primùm aliquem, aliū secundum ratione temporis quo sunt educti, alteratio enim fit successiue.

Quæres quintò quomodo intereant illæ atomi, & quo ordine, cum enim nulla sit differentia nisi indiuidualis cur A peribit potius quam B, aut B quam C?

Respondeo modum interitus sumi in sphaera actiuitatis à prima instratione minuente angulum, qui deinde hac serie imminutus eadem manente basi, sed diminuta propagatione restat; in atomo autem singulariter si id quæras. Respondebo sequi analogicè hanc spheræ destructionem, & penes centri fluxus angulorumq; mathematicorum dimensiones,figurationesq; varias interitus ordinem sumi.

Quæres sextò an sphaera actiuitatis propagetur in instanti?

Resp. plurima quidem agentia incredibili velocitate eam propagare vt sol qui ab densitate sibi innata, firmissimaq; partium compaginatione, qua fortasse vnicum orbis est corpus quod ponis careat, quodq; ex elementorum delicijs compactum, tantum ex solidioribus aqua, terra, & igne hausit vt nihil aeris habeat, ideòq; ob firmissimam, & æquabili tenore dispositam seriem atomorum longissimè, & pene in instanti lumen fundit ad nos, sed imperceptibili successione id fieri necesse est, cum nulla sit ratio cur de calore id potius quam de luce dicamus, videmusq; in nubibus frequentes lucis fontes, dum nubes viuaciori radio sol peruadit: ceterum ratio ordinis dispositionisque Democriticæ id exigere videtur, cum pars vicinior agenti de ipso plus citiusq; participet quam remota.

Quæres septimò quomodo fiat antiperistasis?

Respon. fieri quia ambiens contrarium coercet dispersionem corpusculorum impeditq; ne diffuant, quare vniuntur magis, virtus autem vnita viuacior.


Quæres octauò an Democritus admiserit qualitates diuer-  
sas à primis cum Galenus lib. 1. de elementis cap. 2. sic ex  
mente ipsius loquatur. *Lege enim ( dicebat Democritus ) color  
est, lege amarum, lege dulce; atomus verò, & vacuum verè est, ipse  
ET EIS dixit; (credidit enim ille sensiles qualitates ex indiuiduo-  
rum illorum corpusculorum conuentu per solam ad nos qui sentimus  
collationem gigni, ipsa verò naturà nihil esse album aut nigrum, fla-  
uum aut rubrum, amarum aut dulce, quippe hoc illi lege, seu NOMO  
significabat, ex nostra nimirum existimatione non ex ipsa rerum natu-  
ra: ita etiam illi ETHEH ab ET EON deductum est, quod ve-  
rum significat: ut vniuersi sermonis illius sensus sit: Arbitrantur  
quidem homines quippiam esse album, vel nigrum, vel dulce, vel  
amarum, sed re vera omnia sunt vnum, & nihil: nam & ille hoc  
modo loquitur qui atomos vocat vnum, vacuum autem nihil; hæc  
Galenus, qui subdit atomos omni qualitate carere sed ex illa-  
rum synodo omnes oriri, & agitari atomos per omnem eternitatem,  
quem integrum Galeni locum etsi satis feliciter verterit Trin-  
cauellius, aliqua nihilominus addita alia imminutæ signifi-  
cationis vocabula reperi, cum ad græci exemplaris fidem testi-  
monium pro Democriti doctrina adeò luculētum reuocaui, est  
enim mihi integer Galenus græcus, quod opus nuspian reperi  
existimāt aliqui viri doctissimi, Aldi characteribus editum  
est ab Andrea Torresano Venetijs anno 1525.*

Resp. Democritum admisisse has omnes qualitates de qui-  
bus hic est sermo, sed nihilominus tamen ità esse voluit in na-  
tura vt cuiuspiam vnū dulce esset, alteri verò amarum, quis enim  
nescit ceruos serpentibus, capras cicutâ pinguescere vt ait  
Lucretius at nobis est venenum. Nonnullis rosæ sunt exosæ  
vsq; ad animi deliquium, alijs sunt deliciæ: coturnices vescunt  
helleboro gallinæ araneis: pariter mulierem vidi quæ mo-  
schum magis quam foetorem cadaueris horrebat, & sacharo  
dulci-



dulcibusq; vexabatur , hoc itaq; voluit indicare Democritus certâ quadã lege , & proportionē inter agens, & patiens aliud alteri dulce esse quod amarū est alteri ; Cirus numquam voluptuosius bibit quam aquam turbidam, nemo ergo dulcis erat, æger saccharum ob impuros succos amarum pronuntiat nemo ergo saccharum est amarum &c.

Si cui verò id parum probabile videatur legat Maffæum vbi de Iaponum moribus agit , illis nostra musica absurdissima est, insipide sunt epulæ nostro modo apparatus , Europæana diæt a inutilis egrotis quibus pisces exhibent crudos quos sani coctos comedunt , Europæi nullam in Iaponum musica harmoniam, nullum in suis epulis saporem offendunt , hæc omnia ergo nemo, siuè proportionē sunt harmonica, sapida, & sana : nostros odores quibus delicatissimi quiuvis in Europa recreantur vt fectores quosdam abhorrent , sui verò nobis non arrident, nemo ergo odoratum est moschum, odora ambara, & zibetum: reuera cum inter agens , & passum debeat intercedere proportio, si illa defit non sequetur effectus , at primas elementorum qualitates non eâ voluit proportionē probari, neq; dixit Galenus nemo ignem esse calidum &c. De coloribus acturi sumus cap. seq. vacuum autem, & atomum verè dixit esse hoc est vniuersali intellectus acceptione quia non requiritur ad hæc ea proportio quæ in qualitatibus nō rarò desideratur, sunt enim fortè quidam odores quos percipit canis quorum homo non est capax **ETEON** vocabulum est poeticum deriuatum ab EO, *sum.*



## CAPVT QVARTVM.

De Colorum generatione iuxta  
Democritum.

Visquis in naturæ adyta familiarius se se ingessit, nihil penè ab intellectus vi de lumine, coloribusq; videri à se potuisse confessus est, sunt enim quatuor quæstiones, quæ humanum captum videntur superare: de compositione, continui, de motu, de specierum intellectualium imaginationisq; œconomia, & de colorum causis: nihilominus tamen, ut imaginationis vires specierûq; naturam doctissimè probauit Democritus ita etiam de coloribus sanissimè, certè facillimè pronuntiauit.

## PROPOSITIO XLIX.

*Color est lumen internum corporum ab atomis igneis diffusum, & per alias atomas refractum.*

**Q**uis fuerit author libelli de coloribus qui vulgò Aristotelis operibus adnectitur, quamuis & Stagiritæ, & Theophrasti ingenio principijsq; aduersetur, & vtriusq; sublimi mente sit indignus, satis disputatur inter doctos. Sed enim in primo capite primaq; fere linea, hoc absurdum pronuntiat: aer & aqua per se sunt naturæ alba, ignis autem & sol flauus, terra verò naturæ alba est, & infra, niger autem color consequitur elementa cum in se inuicem mutantur: Sed quam id mereatur audiri quemlibet facio iudicem: cum originales duos colores faciat album & flauum reliquosq; omnes ex his ortos, quam autem ratione fiet niger? tinctura enim nulla est nisi ab elementis quæ flaua sunt & candida, vnde si eximum albedinis gradum

qualem



qualem in niue prima videmus, ad exquisitam flauedinem quã habent genistæ flores, per omnes omnino colorum intermediorum gradus deducas, omnes colores possibiles secundum istam sententiam attingere necesse erit, quamuis nec purpureus, nec cæruleus, nec viridis nec niger eorumq; affines sint libati.

Eleganter omnino Costæus l. 2. de stirpium natura cap. 44. Si color perspicui terminatiq; corporis extremum est quod admittunt omnes, ergo aer, aqua, ignis qui alienis terminis continentur colore carent, cum non sint terminata, terra autem colore carebit cum non sit perspicua, nullo igitur colore pura elementa tingi necessarium est. Sedenim an Claudiano assentiri debemus qui ita ait in Mallij paneg.

*Sitne color proprius rerum lucisne repulsa*

*Eludant aciem?*

an Lucretij sententiæ qui vult colores.

*progigni luminis ictu?*

an alijs qui à quatuor primarum qualitatuum dominio omnes oriri colores crediderunt?

Suppositis autè his principijs elementa carere omni colore cum sunt defæcata, & ab omni mixtione immunia; Et ex mixtione perspicui, & opaci varios enasci colores (quos apparentes vocant, melius tamen dicerentur transeuntes, alij verò quos veros dicunt, aptius permanentes appellarent) sic explico sententiam Democriti.

Ad corporis cuiuscunq; compositionem concurrunt elementales atomi, hoc est terræ, aquæ, ignisq; particulae, terra quidem cubos suos confert de quibus egimus initio eosq; perspicuos, & diaphanos secundum quid, hoc est, cum secundum latera lumen excipiunt ignisq; radios per aquæ atomos non habetatos hauriunt; aqua verò versatiles suas atomos omnisq; figuræ capaces, ignisq; tanquam nobilior mixti pars lumine

mine suo perfusus mixtionem ingreditur, & hoc quidem lumen cum atomi laxitatem non excedat videri seorsim non potest nisi plurimus ignearum particularum cumulus adsit vt in flamma mixtisq; omnibus contingit, itaq; aqua absolutè quidem diaphana est, terra verò secundum quid.

Quod autem hæc ità se habeant primò quidem lumen inesse igni dubium esse non potest, tum experienciâ tum etiam omnium pene philosophorum autoritate, & rationibus. Videamus enim focum, candelas, lampadesq; lucere, & hoc instrumento vicarios soles quotidie astraq; domestica facimus: at causa aliqua proxima luminis istius est assignanda, quæ nulla fingi potest quam ignis: Ille quidem licet in se ipso sit lucidus nihilominus effectum suum non promit nisi in humido pingui dominetur, ratio est quia humidum pingue videtur compactarum partium, viscosarumq; esse, difficilius ergo ab his laqueis se se expediunt ignei spiritus, vnde & plures simul cateruatim in flamma morantur, factaq; multitudine conspicui fiunt, lucentq;: eâ de causâ quæ pinguiora sunt, & viscidiora diutiùs flammam pascunt, vt cera quæ gluten habet immixtum, vt ait Apum Cæsarumq; Poeta Vigilus

*collectum hæc ipsa ad numeram glutem*

*Et visco, & phrygiæ seruant picefirminus Ida.*

Ob lentam etiam viscosamq; humiditatē pinguem diutissimè lampades viuunt, minus sæuum, modico verò tempore lignū, minùs viscosa, minùs perdurant, pingua plus flammæ lucentis edunt, vt pinus quæ pinguis est sed visco caret flammam reddit hilarem, sed nullius pene custodiæ, quercus viscidior est, quam pinguior, subtristi ergo est flammâ quamuis diuturnâ, & œconomicae utili: fraxinus quod viscida pinguisq; sit focorum præcipuus est honor. Lumen itaque puro defæcatoq; ignis elemento inest.

Aquam



Aquam diaphanam esse dubium non est cū sit eadem ratio totius homogenei singularumq; eius partium, & istud sanè elementum videtur priscæ primæuæq; suæ puritatis vestigia pulchra retinere in ijs duabus qualitatibus quas in aqua omni percipimus perspicuitate, & fluiditate. Ceteras enim ob necessarium cum alijs corporibus commercium corrumpit, etiam foedus illud quo leuora debet supernatantia ferre, nam in Peruvia, vt inquit *Incas Garcillasso de la Vega*, nobilis Peruanus, qui commentaria Regum Peruanorum edidit, Lacus est *Titica-ca* 48. vlnis altus circumfusus verò per miliaria plusquam ducenta; qui omne omnino lignum absorbet, neque vel leuissimā nauicula potest navigari; cum itaq; aqua omnibus fere qualitatibus alijs idem idem varijsq; in locis priuetur, & manens vbiq; gentium illæ duæ transparentia, & fluiditas quæ frigoris vi tamen præpeditur, fatendum est primigeniam illam antiquamq; esse aquę dotem;

Terræ verò atomos perspicuas esse secundum quid colligimus à posteriori, quia si nunquam essent luminis inuix omnia corpora essent diaphana, & si semper essent adiaphanæ nullis corporibus mixtis perspicuitas competeret, quam videmus in vitris, crystallo, adamante, smaragdo alijsq; tum solidis tum liquidis corporibus: præterea sal in quo terrę dominium agnoscunt plurimi Diaphanum est crystallo instar in Hispania *Tarraconensi*.

Annotanda præterea est differentia inter lumen purum, & impurum. Purum illud est quod omni alieno caret definiturq; forma accidentalis, quæ facit actualiter visibile perspicuum, quod alieno colore terminatum in potentia erat tantum visibile; hæc est explanatio eius obscuræ definitionis quam *Aristoteles* tradidit, actus perspicui vt perspicuū est, l. 2. de an. t. 69.

Lumen verò impurum est illud quod aliquam à terminante tincturam

tincturam habet, nihilq; aliud est quam color quispian lumen inficiens, vel quod istius radij sint refracti, vel quod in corpus aliquod impingant terminati. Vel vt nitidius ait Aguillonius lib. 1. prop. 38. & 41. scæ opticae, lumen impurum est lumen in corpore aliquo variè refractum, vel à lumine sic refracto propagatum.

Lumen uerò purum uideri non posse, facile conuinci potest ratione, & experientia; Ratione quidem quia in omni uisione requiritur terminus, actiones enim debent limitari, atqui lumen purum non potest esse terminatum, ergo non potest uideri; Experientia uerò quotidiana est, quod enim lumen in pariete illapsum uides, in aere oculum etiam explorandum fallit, neque illuminatus aer uidetur nisi ratione corporum opacorum, ratio est quia aer nullo modo terminat lumen, crySTALLUS autem quamuis nullius esse coloris uideatur tamen ob uariatam refractamq; radiorum admissionem lumen terminat secundum quid. Vnde & ea ratione fit ut defecati spiritus ignei qui per aerem uolitant nullo modo uideantur quia non est terminatum eorum lumen, & nimis exiguum ab una funditur atomo quam, ut possit species excitare.

His præsuppositis accedamus propiùs ad fontem colorum probabiturq; postea assertio. Cum in mixtionem veniunt ista tria quatuorue ignis, aer, aqua, terra, necessarium est ignis lucem per aerem propagatam in aqua refringi, & in terram impingere modò, modò uerò reflecti; modò cum diaphana est aliam pati refractionem, præterea cum non à luce solum, & corpore obuio petatur ratio refractionis verum etiam multo magis à figura; crySTALLUS enim sub prismatis forma aliter lumen refringit quam sub sphaeræ cylindricæ typo immo mixtam umbris lucem profundit ex omphaloptra crySTALLINA, eius enim illuminata limbi sunt soli illuminati ceteris



teris obscuris, nisi fortasse pro ratione conuexitatis circa centrum modica pars illustretur, at mutantur in diuersas figuras aqueæ atomi ergo etiam varias immo, & omnimodas pene facient refractiones; terreæ verò pro situ vario diuersimodè excipient lumen illudq; coercebunt. Ex quibus

Probatur primò sententia Democriti qui colorem dixit esse lumen ignis in corporibus mixtis variè refractum; non potest fieri mixtio sine multiplici refractione luminis, & proportionē perspicui, opaci, densi, rariue, ergo (etiam ex suppositione quod nulla sit alia causa colorum) istà ratione vnica multiplices imò infiniti generabuntur; antecedens est probatum. superius confirmaturq; varijs experimentis vt si diuersi generis immisceas corpuscula diaphana varièq; lucem applies varix resultabunt refractiones opaci, & illuminati, sic animaduertit ingeniosè Sanctorius in artem paruam Galeni quæst. 48. sphæras vitreas aquà plenas opacare lumen, tenebrasq; pro luce reddere, at verò si vacuæ fuerint albedinem habebunt quod quidem experimentum sic ipse præscribit, dimitti iubet in purissimæ materiæ vitreæ phialam vitreas pariter sphæras complures vacuas, & album oculis exhiberi colorem asserit; si compleantur aquâ, nigrum facient; non ergo poterunt complura corpora adhiberi lumini quin varias faciât refractiones, probatur itaq; consequentia.

Colores iridis oriuntur, ab opacatione luminis, sed in mixtis est opacatio ergo etiam in ijs oriri poterunt colores, nam eadem causa posita cur non eosdem effectus expectabimus? cum ergo illa opacatio variaq; refractione sit constans in mixtis constantes etiâ permanentesq; colores exhibet. Itaq; etiamsi nulla inuenta esset alia colorum generatio hæc vnica ratione omnes explicari facile possent; frustra igitur quascunq; alias somnabis cum natura hoc ipso quod misceat, coloret.

Si enim refraçtio transiens facit colores transeuntes refraçtio permanens debet facere permanentes, sed datur in mixtis refraçtio luminis permanens, ergo debet in ijs facere colores permanentes. *Irim autem reflexos esse in humidis nubibus radios definiuit Zeno Citticus, & ut ait Possidonius in meteorologica, declaratio scissuræ radiorum solis aut lunæ in nube rosida concava atq; continua quæ circulo Iridis magni sui orbis circumferentiam ostendit coloratam.* Ità Laertius lib. 7.

Probatur secundò videmus in nubibus omnes omnino colores lacteum, nigrum, viridem, rubrum alia sq; innumeras differentias, sed earum causa vnica est lumen refractum, ergo à pari in corporibus mixtis vbi lumen varijs modis refringitur idem contingere debet: & reuera quod in nubibus uidemus à radijs solis fieri id etiam deprehendimus in uarijs flammis: Ignis enim uarios colores dat flammis, sic cartæ crassioris flamma carulea est, cerei candida, sulphuris cianea, picis nigra obscuraue, subflaua olei, rubicunda in buxo, pallida in fœno; fumus pariter uarius est pro materiæ uarietate, sic lignorum siccorum leucophœus est, obscurior est uiridium, fumus mercurij sulphure mixti rubet, albescit stibij fumus, uirescit ortus ab ære fuso uapor, aliaq; alijs corporibus ob refractionē luminis ignis in subiecto raro uel denso, perspicuo uel opaco, profundo uel parum alto, aliter aliterq; figurato, vnde expresse Democritus nigredinem ab asperitate à læuitate verò albedinē oriri voluit; quod scilicet multiplici refractione vmbræq; quæ in asperis fit necessariò maior sit opacitas, & consequenter, nigredo, læuia verò cum vmbram opacumue non faciant, sed æquali ratione lumen excipiant album repræsentant; quod si alios colores singulatim uelis à refractionibus opacitateq; rimari, oportet in Iridis coloribus refractionum momenta perpendere; statuere figuram, densitatem, profunditatem, terminum,



num, lumenq; ; atq; ex his deuenies in multorum notitiam. Si enim refraçtio 10. graduum virorem facit, refraçtio vero 25. graduum repræsentet rubedinem fatendum est quod in intermedijs refractionis radijs intermediij colores poterunt reperiri.

Ex Sphærlis vt supra dixi vacuis emergere albedinem dixit Sanctorius eiq; fauet experientia spumæ, quæ tota sphærlis vacuis constat, & candida est: Sed necessaria est omnino leuitas, vt animaduertit Democritus in phycis oculatissimus, quam in suis etiam globulis vult Sanctorius, & reuera ea spumæ inest perfectissima: Si autem hæc læuitas desit nequaquã albedo resultabit ob facierum multiplicitem, quæ varietatem nimiam effundenti se se lumini inducet.

Atq; ex hac philosophandi ratione problemata, quæ circa colores fiunt facillimè soluentur, tum quæ de multiplicite, tum quæ de mutatione, aut effusione luminis specierumq; à corporibus disputantur.

Hanc de coloribus sententiam adorauit Plato in Timæo, sed cū in omnes esset implacitus ex Athenæo l. 1. c. 22. Democritum non laudauit. *Color est flammula quædam fulgorq; corporum à singulis corporibus emicans partes habens visui ad sēsū accomodatas; idemq; Diuinus philosophus auctore Laertio lib. 3. sic existimabat. Constare mundum ex igne, aqua, aere, & terra. Ex igne quidem vt visibilis sit, ex terra vt solidus, ex aqua & aere vt proportionem non vacet &c.* Et in Timæo Locri asseruit; corpora proportionem videri, & propter terram tangi. Conuenit itaque cum Democrito quod Colorem vterq; censeat esse lumen internum corporum, vnde toto cælo abest vterq; ab ea sententia quam mali sequuti sunt veterū, à solo lumine extrinseco suum vnicuiq; corpori afficri colorem, quamuis enim lux extrinseca adesse debeat ad species à corporibus reflectione, medioq; il-

Iustrato deuehendas, nihilominus felicibus etiam conatibus exerunt nonnunquam vires suas corpuscula, & ignis sui interni beneficio se se produnt, vt carbunculi, sapphyri crystalloidei, aliaq;: cuius etiam rei si ad manum habere velis experimentum, accipe purpuram aut viride quidpiam, & eo supra mundam cartam linteum uè inclinato videbis virore nitidissimo, vel purpura delicatissima cartam perfundi quasi ipsa etiā vmbra tingeretur.

### OBIECTIONES.

Dices primò si hoc ità se se haberet omnes colores eiusdem essent specieij, nam omnes sunt lumen.

Resp. negando sequelam, ad probationem dico non concludere argumentum quia à specie ad genus non valet consequentia, siuè à minus vniuersali ad magis vniuersale: lumen autem internum est genus pro definiendis singulis coloribus, differētia verò sumi debet à ratione refractionis, & opacitatis.

Dices secundò si lumen est per se visibile deberent colores sine luce extrinseca videri, sunt enim lumen.

Resp. lumen opacatum non posse videri nisi excitentur eius species à lumine non opacato, quia radius refractus est debiliior quam vt possit se se expromere, & imagines ad oculum propagare.

Dices tertio si nihil est coloratum nisi ratione ignis sequitur nullam esse sensibilem terræ particulam in qua non sint spiritus ignei, cum nulla sit adeò modica quæ non videatur colorata, sequela est paradoxum ridiculum, deinde quæram ex suppositione quod detur aliqua ignis expers an videbitur?

Respondeo id non esse incredibile, imò id ità se habere argumento sunt generationes quæ ubiq; fiunt, succi, alimenta q; herbarum, arborumq; & reuera ad vniuersi commoda permixta sunt isthæc elementa, aqua, terra, ignis; ad suppositionē  
respon-



respondebo si in eo sit situ vt diaphana non sit, tunc erit visibilis impropriè per lumen scilicet quod terminabit, sicut enim corpus diaphanum visibile est per lumen quod recipit ità corpus opacum, & non coloratum videri potest per lumen quod terminat; Si verò sit diaphanum apparebit vt cetera diaphana quæ colore carent.

Dices quartò inauditum esse terram posse esse diaphanam.

Respon. magis inauditum esset si quispiam id negaret cum in sale, crystallo, alijsq; infinitis sint terreę portiones, imò & omnia corpora diaphana esse secundum quid rationibus optici probatur, & experientia, optici enim metallica, lignea, faxeaq; faciunt specula, at necesse est recipi speciem in speculo secundum aliquam profunditatem vt possit fieri commoda reflectio, ergo necesse est secundum aliquam sui portionem singula esse diaphana; & reuera ità contingit in vsu, lignæ enim taniolæ quales nonnunquam abscindunt qui asseres poliunt lumen non arcent, sicuti neq; carta quæ certa quadam mixtione peruncta sit trāsparens, ità vt manus etiam ab vna facie applicata ab altera appareat non obscure modo verum etiam colorata; cornu opacum est cum plures adsunt superficies, sed ductū in laminas tenues est purissimi luminis capax: atque ita de singulis naturę corporibus poteris philosophari: vnde absurdum non est terram certis quibusdam sitibus modo diaphanam modo verò opacam, & terminatam pronuntiare.

Dices quintò si à mutatione mixtionis variaq; atomorum opacitate, & refractione fierent colores sequeretur quod attritu colorum, & infusione olei in marmore præsertim læuissimo deberet fieri eorū aliqua mutatio, contra picturæ cōmoda.

Respondeo ità exiguas esse atomos vt nunquam ea attritione deueniatur ad vltimam diuisionem minimi, quod 100000 atomorū componitur; nihilominus tamen remouuntur aliquā-

do intendunturq; colores, non nunquam verò in aliam speciē transeunt, vnde etiam aliquid artis est in atterendo: si in infusum violarum guttam olei ex tartaro inieceris, fiet viridis color ex puniceo, gallarum, & calchanti diluta seorsim spectata diaphana sunt instar aquæ, si verò misceantur nigerrima fient, quod atomi in ea mixtione figuras mutant, & ex læuibus reddantur asperæ vnde nigredo resultat,

Dices 6. duo croci filamenta integrum aque cyathum tingent flauo; vt qui potuerunt tot esse ibi spiritus ignei ad totam illam aquæ quantitatem peruadendam?

Resp. dissolui huiusmodi filamenta, & fanè dispersionis atomorum corpusculorumq; miracula perpendenti istud nullo modo rarum videbitur, halitus subtiliores in croci filamentis eos esse qui aquæ phialam tingant, vt vna aquæ vitæ gutta odorem, & aliquē gustū singulis eius particulis dispersa dabit.

Dices 7. debere videri atomos igneas cum sint luminosæ at non videntur ergo, ratio maioris est quia nihil est frequentius ijs in aere cum sint in perpetuo fere motu, sintq; spiritus quem descripsit Virgilius agitantem vniuersa.

*Spiritus intus alit totamq; infusa per artus.*

*Mens agit at molem.* neq; dicas non terminari eorum lumen quia toties ipsis alia occurrunt corpuscula eaq; contingūt aut ità vicina sunt vt facilè effusos radios possint excipere, quod cum aduersetur experientiæ signum est lucidos non esse spiritus igneos, quo sublato fundamento tota hæc de coloribus ingeniosa Democriti sententia ruit.

Respondeo primò quod iam supradixi, nimis exiles esse radios quam vt eos percipiamus, atomus enim adeo est exigua vt ne mille quidem simul positæ acutissimum sensum feriant quanto magis si de vna procedat argumentum, sed si hæc responsio physica quæ certam proportionem requirit inter agens, & passum



& passum non satisfacit affero responsionem mathematicam deductam ex principio 17. Res enim omnes visibiles ab oculo percipiuntur secundum angulos quos emissis à se radijs in ipso oculo constituunt, unde *quæ sub maioribus angulis videntur*, vt ait Euclides in opticis, *maiora apparent, quæ sub minoribus minora quæ sub equalibus equalia*: nihilque omnino cerni potest nisi sub angulo cuius basis sit in obiecto; ergo obiectum debet esse capax plurium radiorum, (nam à radijs physicis componitur angulus visorius non autem à mathematicis, sunt verò radij lineæ physicae) vt possit facere non angulum modò, verum potius conum vel pyramidem cuius vertex est in oculo, basis in obiecto; at atomus ignea non sufficit ad id, quia atomus est principium lineæ physicae ergo si aliquid posset, faceret tantû lineam physicam quæ vt oculum feriat, necessariò est inuisibilis, caret enim latitudine longitudine, & profunditate, cum secundum extremam sui atomum eamq; vnicam oculum feriat; cum itaq; sub nullo angulo physico, & sub nullis radijs possit comprehendì atomus sequitur eam siue lucida sit siue opaca esse inuisibile. Sicut enim in puncto mathematico non potest statui basis pyramidis mathematicæ, ne quidem per aberrantem in chimeras intellectum, ita neq; in atomo quæ punctum est physicum potest erigi vel fingi pyramidis aut conus physicus qualis necessariò interuenire debet ad visionem. Omitto plures alias implicantias huius rei cum hæc redargutio sit demonstratiua. Et statuamus post tot probationes solutosq; difficultatum nodos, Colorem esse lumen internum corporum variè refractum, & opacatum, quod erat nobis pro Democrito euincendum.

## CONCLUSIO.

**H**ÆC pro Democrito subscisiuis speculationibus, & vigilijs quæ mihi somno gratiores sunt, conscripta, si quos habent defectus ingenio per tot occupationes distracto concedendi, vbi autem aliquid elimati acuratiq; occurrer, *Urbanelector*, EXCELLENTISSIMI SENATVS MEDIOLANENSIS auspicia venerare:

F I N I S.





# INDEX.

## Rerum memorabilium quæ in hoc Opere continentur.

### A

**A** Bductio Hippocratis pag. 196.

**Æ**neas in elysijs pag. 215.

**Æ**olipylus Vitruuij 79.

### AER.

**A**er est inane Democriti 23. 86. ingenerabilis, & incorruptibilis 41. non est elementum 65. caret qualitatibus primis à pag. 65. ad 69. aeris infectio 68. Aer non vnitur alijs elementis 69. Aeris grauitas quæ 84. In aere an possit nauigari 84. 85. aer caret grauitate, & leuitate 86. 87. aeris extensio 126. figura 134. aeris pondus 254. aeris impuritas 255.

**A**gens instrumentale, & principale in quo differant 83.

**A**lcinoi error in mathefi 221.

**A**nalogismus in abditis adhibendus 157.

### ANGVLVS.

**A**nguli figuræ rectilinéæ 144. angulus atomi 148. angulus contactus, & angulus acutus 204. sophisma de angulo contactus 207. Antiperistasis 261.

**A**lterationis modus 258.

### AQVA.

**A**qua incorruptibilis 43. eius dotes 71. aqua non potest calefieri 82. figura 134. aquæ triplex status 150. proprietates *Ibid.* Regulæ hydraulicorû *Ibid.* aquæ superficies sphericæ 151. aqua quomodo calefiat 168. diaphana est 167.

### ARISTOTELES.

**A**ristoteles Democriti libros combustit 14. iudicium de Democrito 18. Aristotelis commendatio 29. eius inuenta, & errata 35. error insignis

in mathematica 136. 221.

### A T O M I.

**A**tomis omnia constant à pag. 104. ad 113. atomi elementales 106. atomorum creatio 107. vnio 108. mixtio 110. 111. congregatio *Ibid.* doctrina atomorum facilis 112. quid sit atomus 113. atomorum categoria 114. proprietates 116. mobilitas triplex 116. sympathia 118. 121. atomorum ratio non est sita in sola figura 122. paruitas 122. numerus 124. vniones variæ 125. 126. atomis sua inest figura 129. figuratio 155. inquietudo 165. atomorum reusio, reductioq; 169. atomi materiales, & indiuisibiles 217. motus 234.

### ATOMI AEREÆ.

**A**tomia aereæ neque inter se neque cû alijs vniuntur 125. 128. 153. sphericæ sunt, figuræ mutabilis 154.

### ATOMI AQVEÆ.

**S**unt sphericæ 149. 152. figuram mutant 152.

### ATOMI IGNEÆ.

**A**tomis igneæ igneis vniri nequeunt 129. figura sphericæ igneis atomis conuenit 138. figuram mutant 143. sunt lucidæ 274. inuisibiles tamen *Ibid.*

### ATOMI QUALITATVM.

**E**arum sæcunditas, intensio, species, ordo 260. interitus 261.

### ATOMI TERREÆ.

**C**ubicæ sunt 143. non mutant figuram 149.

**A**uri rameta in arboribus reperta 176.

**C** Alculorum generatio 175.  
Cardinali Infanti donum 156.  
Cerebrum 63.

## CHYMICI.

Chymicorum obscuritas in loquendo  
51. 52. principia pro elementis 70.  
Chirurgia curtorum 118.

## CIRCVLVS.

Circuli generatio duplex 139. circula-  
ris figura naturæ amica 142. circuli  
concentrici comparati 193. circuli  
quadratura non est impossibilis. 194.  
ad 197. circuli miracula in motu.  
240.

Cœlorū creatio 162. 163. influxus 170.

Contactus globi, & plani 201.

## COLOR.

Colorū confusio 255. quid sit ex De-  
mocrito 264. ex Platone 271. libel-  
lus de coloribus Aristotelis 264. co-  
lorum generatio 265. eius. explica-  
tio 268. coloris albi, & nigri gene-  
ratio, & natura 269. colores iridis  
nubiumq; 270. Albedinis generatio  
271. colorum mutatio 274.

## CONTINVVM.

Cur ignota continui natura 31. conti-  
nuitas supponit materiam 31. non  
constat punctis mathematicis 98.  
neq; ex partibus, & punctis 100. ne-  
que ex simplici entitate indistincta  
101. nec ex partibus infinitis 102.  
ex partibus, vt numeris 102. conti-  
nuum, & tempus analogo 214.

## CORPVS.

Corpus naturale quid sit 54. corpora  
platonica 132. corporum generatio  
ex Pythagora 146.

## CORRVPTIO.

Corruptionis explicatio per atomos  
178. 181. corruptionis ordo 182.  
Cubi proprietates octo 146.  
Cucurbitula medica 253. 256.

Cyathus in valle quam in monte ca-  
paciore 151.

## D

**D** Arijluctus 5.

## DEMOCRITVS.

Democriti nobilitas 1. educatio *Ibid.*  
præceptores 2. diuitiæ 2. peregrina-  
tiones 2. studium 3. paupertatis  
amor 3. secta 3. infantia 3. occupatio  
4. solertia 4. eloquentia 5. consola-  
tio 5. castitas 5. amici, & inimici 5.  
6. risus 6. 17. mors 7. physiognomia  
7. dotes 8. scripta omnia, & libri à  
pag. 8. ad 14. laudes. à pag. 15. ad  
21. Democriti inuenta 20. Deus 25.  
opinionem quæ spectant ad atomos.  
à pag. 21. ad 27.

Densitas iuuat actionem 280.

Diametri, & costa quadrati sunt in-  
cômenfurabiles 147. 192. 202. 203.

Dignitas rerum expensa regulis qua-  
tuor 44. 45.

Diuisibilitas triplex 215.

Dodecaedron mensura cæli ex Alci-  
noo 222.

## E

**E** Brietas 185.

## EFELVIA CORPORVM.

An detur in elementis 75. in mixtis  
166. 186.

## ELEMENTA.

Elementa symbola dissymbola 24. in-  
corruptibiles elementorum à 38.  
ad 48. sunt formaliter in mixto 47.  
sunt materia prima 48. elemento-  
rum definitiones variæ 50. 51. 52.  
53. tria in elementis consideranda  
moles, qualitas, mobilitas 56. ele-  
mentorum officia in mixtione 57.  
62. Dari quatuor elementa cerum  
non est à 59. ad 65. Dantur tria ele-  
menta 70. elemento puro nihilatur



174. Elementa pura colore carent  
265. sunt permixta locis 272.  
Empedoclis opinio de motu 216.  
Empyreum est cubicæ figuræ 148.  
Euclidis methodus ad atomos tradu-  
cta 32.  
Excentricos quis inuenit 60.

## F FIGURA.

**F**iguræ quæ locū replent 137. 144.  
218. pentagona non replent lo-  
cū nec tetraedra 145. figuratio quid  
155. figuræ isoperimetricæ 248.

## FLAMMA.

Flamma 179. 182. flammæ lux vnde  
266. colores varij 270.  
Formarum imperium in mixto 179.  
Fumus 180.

## G

**G**Aleni opera græca 262.

## GENERATIO.

Generatio difficilior conseruatione  
43. incipit ab exterioribus 162.  
163. generatio mixti 170.

## GLACIES.

Glacies leuior, & rarior quam aqua  
150. glaciei consideratio 251.

## GLOBVS.

Globi, & plani contactus 201. Globi  
illuminatio 212.

Gothorum tuguria ex ossibus balæna-  
rum 183.

## GRANVM.

Granum pulueris nitrati accensum  
eiusq; sphæra 77.

## GRAVITAS.

Gravia omnia equè cito per aerem de-  
scendūt 89. Grauitas, & leuitas nō  
dantur 228.

## H

**H**Ederæ proprietates 177.

## HIPPOCRATES.

Hippocrates amicus Democriti, 5.  
Hippocratis de Democrito testi-  
monia 15. 16. 17. Hipp. primus om-  
nium elementa agnouit, & eorum  
qualitates 61.  
Horologium orontij 65.

## HVMIDITAS.

Humidi, & fluidi differentia 149. hu-  
mor omnis sphæricus liquorq; om-  
nis *Ibid*, humidi triplex genus 151.

## I

**I**Aponum sensus differunt à nostris  
263.

## IGNIS.

Ignis ingenerabilis est, & incorru-  
ptibilis 41. 46. eius dotes 41. Cur  
tāta copia videatur 78. lux 79. Igne-  
us fons 79. Ignis non potest frige-  
fieri 82. cur ignē seruare nequeamus  
129. figura 135. actiuitas 181. Ignis  
est lucidus 266.

## IMPETVS.

Impetum colligunt corpora in descen-  
su. 230. quibus determinetur. 232.  
Atomorum impetus generatio, spe-  
cies, efficacia, interitus, 236.

Inanimata sterilia sunt 46.

Infinitem in magnitudine non impli-  
cat. 200.

In inani omnia æquè mouentur 86.

Insectorum exiguitas 123.

Insomnia ebriorum 185.

## IRIS.

Iris perpetua 247. Iridis colores 269.

## L

**L**Acus in Peruua non nauigabilis  
267.

Lampas Cardani 154.

Lapilli alphabetici Strada 118.

Lazarus vitriuorax, & lapillorum epulo

174.

## LINEA.

# I N D E X.

## L I N E A.

Perpendicularis omnium mensura 55.  
 linea phisica 145. sic ex cubis 146.  
 linea insecabilis 148. 202. conchilis  
 198. linea alymptoti 199.  
 Lumbricorum generatio 175.  
 Luminis diffusio, & figuratio 210. 211.  
 Lumen purum, & impurum 267. 268.  
 Luna 163. 164.

## M

### M A T E R I A.

**M** Aterię primæ proprietates qua-  
 tuor 36. Materia prima Aristo-  
 telis est chymica, & inutilis 49.  
 Mathematicarum natura 188. 189.  
 190. 191. propositiones. quomodo  
 veræ 213.  
 Methodus generalis 32. particularis  
 187.

## M E L.

Mel Democrito gratum 7. mellis con-  
 dita cadauera 111. mella saxea  
 149. 150.

## M I N I M A.

Minima elementalialia 47. 96. minimum  
 quid sit 115. Variæ minimorum  
 elaborationes 173.

## M I X T I O.

Quomodo ex atomis fiat 170. 223.  
 mixta calida quæ 171. mixtionum  
 varij gradus 172. Mixta omnia mo-  
 uentur deorsum. 231.

## M O T V S.

Motus perpendicularis tripliciter ac-  
 ceptus 117. motus rotæ 208. motus  
 perfectè lucessivus cum atomorum  
 doctrina dari non potest. 228. Mo-  
 tus duratio dimensio numerus ana-  
 loga 233. motus perfectè lucessivus  
 est impossibilis 234. datur motus tar-  
 distissimus 237. In motu non dantur  
 quietes neque saltus. 238. ad 244.

## M U N D V S.

Mundus incorruptibilis 39. Creatio

ex Platone 130. ex Democrito 160.  
 ex Anaxagora 166.

## N

**N** Atura fugit infinitum 105. æco-  
 nomia 164.  
 Natura se se ad statum commodum  
 restituit 184.  
 Nix stelliformis Ticini 153. niuis na-  
 tura 252.

## P

**P** Estis 167. 168.

## P H I L O S O P H I H O D I E R N I.

Horum sectæ triplex 28. Varia prin-  
 cipia 50. 51.

## P L A T O.

Plato vult comburere libros Demo-  
 criti 14. Platonis doctrina de ele-  
 mentorum figuris. 130. ad 136.  
 Plato fuit in omnes implacitus 271.

## P O R I.

Pororum ratio 168. 177. Pori huma-  
 ni 255. vitri pori quales 255.

## P R O P O R T I O.

Proportiones elementorum 92. pro-  
 portionalitatum miracula 200.  
 Punctum mathematicum 98. puncta  
 inflata 157.

## Q

**Q** Vadratorum circumscriptorum  
 motus stupendus pag. 239. &  
 242.

## Q U A L I T A S.

Qualitates primæ 63. Earum defini-  
 tiones novæ reiectis Aristotelicis  
 72. 73. earum sphaera ætinitatis, &  
 agendi modus 75. qualitates primæ  
 habent aliquid potentialitatis 171.  
 qualitatum consideratio accurata  
 172. qualitates sunt tantum respectu  
 262. Quantitatum comparatio 209.  
 quantitatis essentia. 214.

## R

**R** Anavaga 175.

R A.



# I N D E X.

## RAREFACTIO.

Rarefactionis, & condensationis vere exempla 245. rarefactio proprie dicta non datur 250. experimenta Galilæi. 253. 254. vana sunt 257.

## REFRACTIO.

In atmosphæra 92. 93. in aqua 256. refractionis gradus 271.  
Respiratio quare fiat. 91.  
Rosa polonica 110.

## S

Sapientiæ regio qualis 16.  
Siccitas, dubium an sit priuatio 53.

## SOL.

Solis descensus 40. paruitas apparens 158. creatio, volutatio 163. compactio 164. solis motus, & illuminatio quomodo differant. 213. Radiorum solis reflectio quanta 231.

## SPHÆRA.

Sphæræ diuersæ 12. sphæra actiuitatis 75. 211. proprietates sphæræ viginti 139. sphæra inter isoperimétras est maioris. aræ 152. sphæræ actiuitatis propagatio 159. 261.

SPECIES visibiles 158. 159. earum tinctura 272.

Speculum parabolicum 115.

Spectrum 215.

Son quid; 89.

STATICA medica 167.

STELLÆ in mundi centro formatæ 165.

## SVBIECTVM.

Subiectum primarium, secundarium, inhæssionis, denominationis quid; 33.

Sympathia sex modis sumpta 118.

## T

## TERRA.

Terræ, & salis rationes 70. terræ ad aquam pondus 70. eius dotes 71. figura 132. 134. immobilitas 197. quantum terræ illuminetur à sole 212. diaphana est 267. 273.

Tetraedra non replent locum 219.

## TRIANGVLVM.

Scalenum 131. æquilaterum *Ibidem* instrumenta Dei creantis ex Platone 131. constructio 191.

## V

## VACVVM.

Vacuum Democriti 223. 23. 86.  
Vacui fuga quas habet vires 257.

Visio quomodo fiat 275.

# F I N I S.

Quæ in librum irrepsērunt errata , Typorum penuriæ , &  
 Autoris occupationibus quæ breue ad correctionem ne-  
 que constans tempus concesserunt adscribi de-  
 bent : potiora annoto , cætera tu ipse  
 corriges , Urbane lector .

Pag.	Linea .	Errata .	Emendatio .
6	19	culloquium	colloquium
9	15	idæm	idæam
20	4	hæc linea malè disposita est	tollendumq; punctum .
21	15	cogestas	congestas
27	27	qui dubium	quid dubij
29	16	haberit	habuerit
44	30	.... tamen	... tatem
46	9	introdustiori	introductioni
55	4	IO	II
61	29	Aristotele	Aristoteles
68	2	isinta	insita
80	12	al-erat	alterat
87	25	grauitas	grauitatis
92	32	reddunt	redeunt
96	16	quod	quot
1b.	29	radice	radix
100	4	passum	passuum
118	11	desunt hæc duo verba .	In duobus lapillis .
118	15	Lusitania	Lusitania
134	11	ex	est
142	23	Cynicus	Cynicus
159	18	reposita	repositans
167	26	incubant	incubantis
1b.	30	Verò	Vero
182	12	additamenta	addittamento
197	11	vetrum	veterum
205	11	potentiam	potentiâ
215	13	compensa	comprensa
231	10	illud	aliud





72  
ra/

Year	Jan	Feb	Mar	Apr	May	June	July	Aug	Sept	Oct	Nov	Dec
1901	10	15	20	25	30	35	40	45	50	55	60	65
1902	12	18	22	28	32	38	42	48	52	58	62	68
1903	14	20	24	30	34	40	44	50	54	60	64	70
1904	16	22	26	32	36	42	46	52	56	62	66	72
1905	18	24	28	34	38	44	48	54	58	64	68	74
1906	20	26	30	36	40	46	50	56	60	66	70	76
1907	22	28	32	38	42	48	52	58	62	68	72	78
1908	24	30	34	40	44	50	54	60	64	70	74	80
1909	26	32	36	42	46	52	56	62	66	72	76	82
1910	28	34	38	44	48	54	58	64	68	74	78	84
1911	30	36	40	46	50	56	60	66	70	76	80	86
1912	32	38	42	48	52	58	62	68	72	78	82	88
1913	34	40	44	50	54	60	64	70	74	80	84	90
1914	36	42	46	52	56	62	66	72	76	82	86	92
1915	38	44	48	54	58	64	68	74	78	84	88	94
1916	40	46	50	56	60	66	70	76	80	86	90	96
1917	42	48	52	58	62	68	72	78	82	88	92	98
1918	44	50	54	60	64	70	74	80	84	90	94	100
1919	46	52	56	62	66	72	76	82	86	92	96	102
1920	48	54	58	64	68	74	78	84	88	94	98	104
1921	50	56	60	66	70	76	80	86	90	96	100	106
1922	52	58	62	68	72	78	82	88	92	98	102	108
1923	54	60	64	70	74	80	84	90	94	100	104	110
1924	56	62	66	72	76	82	86	92	96	102	106	112
1925	58	64	68	74	78	84	88	94	98	104	108	114
1926	60	66	70	76	80	86	90	96	100	106	110	116
1927	62	68	72	78	82	88	92	98	102	108	112	118
1928	64	70	74	80	84	90	94	100	104	110	114	120
1929	66	72	76	82	86	92	96	102	106	112	116	122
1930	68	74	78	84	88	94	98	104	108	114	118	124
1931	70	76	80	86	90	96	100	106	110	116	120	126
1932	72	78	82	88	92	98	102	108	112	118	122	128
1933	74	80	84	90	94	100	104	110	114	120	124	130
1934	76	82	86	92	96	102	106	112	116	122	126	132
1935	78	84	88	94	98	104	108	114	118	124	128	134
1936	80	86	90	96	100	106	110	116	120	126	130	136
1937	82	88	92	98	102	108	112	118	122	128	132	138
1938	84	90	94	100	104	110	114	120	124	130	134	140
1939	86	92	96	102	106	112	116	122	126	132	136	142
1940	88	94	98	104	108	114	118	124	128	134	138	144
1941	90	96	100	106	110	116	120	126	130	136	140	146
1942	92	98	102	108	112	118	122	128	132	138	142	148
1943	94	100	104	110	114	120	124	130	134	140	144	150
1944	96	102	106	112	116	122	126	132	136	142	146	152
1945	98	104	108	114	118	124	128	134	138	144	148	154
1946	100	106	110	116	120	126	130	136	140	146	150	156
1947	102	108	112	118	122	128	132	138	142	148	152	158
1948	104	110	114	120	124	130	134	140	144	150	154	160
1949	106	112	116	122	126	132	136	142	146	152	156	162
1950	108	114	118	124	128	134	138	144	148	154	158	164
1951	110	116	120	126	130	136	140	146	150	156	160	166
1952	112	118	122	128	132	138	142	148	152	158	162	168
1953	114	120	124	130	134	140	144	150	154	160	164	170
1954	116	122	126	132	136	142	146	152	156	162	166	172
1955	118	124	128	134	138	144	148	154	158	164	168	174
1956	120	126	130	136	140	146	150	156	160	166	170	176
1957	122	128	132	138	142	148	152	158	162	168	172	178
1958	124	130	134	140	144	150	154	160	164	170	174	180
1959	126	132	136	142	146	152	156	162	166	172	176	182
1960	128	134	138	144	148	154	158	164	168	174	178	184
1961	130	136	140	146	150	156	160	166	170	176	180	186
1962	132	138	142	148	152	158	162	168	172	178	182	188
1963	134	140	144	150	154	160	164	170	174	180	184	190
1964	136	142	146	152	156	162	166	172	176	182	186	192
1965	138	144	148	154	158	164	168	174	178	184	188	194
1966	140	146	150	156	160	166	170	176	180	186	190	196
1967	142	148	152	158	162	168	172	178	182	188	192	198
1968	144	150	154	160	164	170	174	180	184	190	194	200
1969	146	152	156	162	166	172	176	182	186	192	196	202
1970	148	154	158	164	168	174	178	184	188	194	198	204
1971	150	156	160	166	170	176	180	186	190	196	200	206
1972	152	158	162	168	172	178	182	188	192	198	202	208
1973	154	160	164	170	174	180	184	190	194	200	204	210
1974	156	162	166	172	176	182	186	192	196	202	206	212
1975	158	164	168	174	178	184	188	194	198	204	208	214
1976	160	166	170	176	180	186	190	196	200	206	210	216
1977	162	168	172	178	182	188	192	198	202	208	212	218
1978	164	170	174	180	184	190	194	200	204	210	214	220
1979	166	172	176	182	186	192	196	202	206	212	216	222
1980	168	174	178	184	188	194	198	204	208	214	218	224
1981	170	176	180	186	190	196	200	206	210	216	220	226
1982	172	178	182	188	192	198	202	208	212	218	222	228
1983	174	180	184	190	194	200	204	210	214	220	224	230
1984	176	182	186	192	196	202	206	212	216	222	226	232
1985	178	184	188	194	198	204	208	214	218	224	228	234
1986	180	186	190	196	200	206	210	216	220	226	230	236
1987	182	188	192	198	202	208	212	218	222	228	232	238
1988	184	190	194	200	204	210	214	220	224	230	234	240
1989	186	192	196	202	206	212	216	222	226	232	236	242
1990	188	194	198	204	208	214	218	224	228	234	238	244
1991	190	196	200	206	210	216	220	226	230	236	240	246
1992	192	198	202	208	212	218	222	228	232	238	242	248
1993	194	200	204	210	214	220	224	230	234	240	244	250
1994	196	202	206	212	216	222	226	232	236	242	246	252
1995	198	204	208	214	218	224	228	234	238	244	248	254
1996	200	206	210	216	220	226	230	236	240	246	250	256
1997	202	208	212	218	222	228	232	238	242	248	252	258
1998	204	210	214	220	224	230	234	240	244	250	254	260
1999	206	212	216	222	226	232	236	242	246	252	256	262
2000	208	214	218	224	228	234	238	244	248	254	258	264
2001	210	216	220	226	230	236	240	246	250	256	260	266
2002	212	218	222	228	232	238	242	248	252	258	262	268
2003	214	220	224	230	234	240	244	250	254	260	264	270
2004	216	222	226	232	236	242	246	252	256	262	266	272
2005	218	224	228	234	238	244	248	254	258	264	268	274
2006	220	226	230	236	240	246	250	256	260	266	270	276
2007	222	228	232	238	242	248	252	258	262	268	272	278
2008	224	230	234	240	244	250	254	260	264	270	274	280
2009	226	232	236	242	246	252	256	262	266	272	276	282
2010	228	234	238	244	248	254	258	264	268	274	278	284
2011	230	236	240	246	250	256	260	266	270	276	280	286
2012	232	238	242	248	252	258	262	268	272	278	282	288
2013	234	240	244	250	254	260	264	270	274	280	284	290
2014	236	242	246	252	256	262	266	272	276	282	286	292
2015	238	244	248	254	258	264	268	274	278	284	288	294
2016	240	246	250	256	260	266	270	276</				







